

MAGICA  
DE SPECTRIS

ET  
APPARITIONIBUS SPIRITU  
*De Vaticiniis, Divinationibus  
&c.*



LUGD. BATAVORVM,  
*Apud Franciscum Hackium. A. 1765.*



444356 B

317

y.

en



*Reverendissimo, ac Illustrissimo  
& Generosissimo*

P R I N C I P I

AC DOMINO,

D. HENRICO JULIO,

Episcopo Halberstadensi, Du-  
ci Brunovicensi & Lunæbur-  
gensi, &c.

*Domino suo Clementissimo S.*



*Æpè & multum in  
Reipub. deliberationi-  
bus cogitari à viris sa-  
pientissimis solet, Prin-  
ceps Reverendissime & Illustrissi-  
me, Domine Clementissime, ecqua-  
nam hujus tuenda ratio sit, ita ut  
& turbulentis temporibus immi-  
nentia incommoda avertantur, &*

\*

2

*florente*

## E P I S T O L A

*florente rerum statu, pax civium tranquillitasque diutissimè conservetur: & quò quisque prudentior est, ac societatis humanæ amantior, eò magis ab aliis curis domesticis animum abducit suum, & ad hasce de rep. consultationes convertit, quod ego non modo viri boni arbitror esse & civilis, verum etiam hominis Christiani, quoniam magnus ille rerum omnium auctor & gubernator Deus, ad futuram illam beatitatem, quam paravit nobis, non ducit quenquam, nisi per hanc mortalitatem: nemoque adeò ad ævum illud sempiternum pervenire potest, nisi prius vitâ hac temporariâ defungatur. Positi enim in hac vita mortali sumus, ut hic fundamenta jaciamus inter nos beatæ illius societatis, quæ jam hic efflorescat*

## DEDICATORIA.

*scat ad eternam patriæ cœlestis felicitatem, & hac ratione animi nostri officiis hisce terrenis adsuescant ad sempiternæ vitæ munera felicius obeunda. Nam hæc terrena & fragilis societas, consortio constans civili & consuetudine commerciorum, quasi quoddam simulachrum est perfectæ illius & sempiternæ reipub. quam in futuro ævo immortalis Deus constituet. Quamobrem non potest ulla melior & laudabilior ab homine politico cura suscipi, quàm si de salute civium suorum cogitet; & apud Cicero- nem Scipio sempiterna vitæ cœlestis præmia pollicetur his, qui industriam, studium, laborem ac diligentiam suam omnem adjuvande augendæque reip. causâ in hac vitâ impenderint. Hoc verò dolendum*

\* 3

est,

## EPISTOLA

est, multos viros bonos & Reip.  
amantes consiliis suis eam quam  
querunt salutem Patria non semper  
adsequi: nam si quid in rebus hu-  
manis difficile est, utique difficilli-  
mum est constituere Respub. easque  
ita informare, informatas regere,  
ne felicitate nimia obtorpescant,  
ociore diffuant, aut ex contraria  
parte periculis exhauriantur, labo-  
ribus frangantur, bellis devastentur,  
sed pace diuturna, & (ut paucis  
multa comprehendam) perpetuâ  
tranquillitate perfruantur. Talem  
igitur virum, qui certa in hanc rem  
consilia suppeditaverit, haud scio  
an ulla meminerit ætas, aut ullum  
imperium inde usque à primo mun-  
di exordio viderit. Nam omnes  
monarchiæ omnia Regna & poten-  
tissima & opulentissima certis tem-  
porum

## DEDICATORIA.

porum spaciis floruerunt, posteaque paulatim quasi senio confecta debilitari cœperunt viribus, & tandem planè interierunt, nec ullius ope consiliòve à ruina conservari aut ab interitu vindicari potuerunt. Quamobrem etsi omnis de repub. supervacanea videri posset cogitatio, eò quod stabilitatem aliquam non habeant consilia humana, statumque Reip. successu perpetuo florentem præstare nequeant; non tamen ob id omnem ejus curam deponendam esse viri prudentes arbitrantur, ne fracti animo atque abjecti locum à Deo immortalì adsignatum deferere velle videamur. Ergò si æternam in hac vitâ instituire remp. non liceat, cogitemus saltem qua ratione pacatam habeamus, quâ in deliberatione, ut in princi-



## EPISTOLA

pio dixi, omni tempore sapientissimorum hominum cura cogitatioque versata est. Plato is, qui Rempub. exactam commentariis suis informavit, fundamenta ejus ferè posuit in studio Philosophiæ, crediditque tum demum beatas fore respub. si hi qui eas regerent literis doctrinisque essent dediti. Quamquam verò optimis disciplinis artibusque ingenuis carere, ob usus varietatem nulla resp. posuit, plura tamen & fortasse etiam majora desideraret alius, qui non ad ocia literarum, sed ad bellicas laudes gloriam imperii sui traducendam putaret. Quòd si verò maximarum civitatum & regnorum florentissimorum ortus obitusque ex historiarum monumentis repetere volumus, atque cum his etiam conferre memoriam

## DEDICATORIA.

*moriam temporum nostrorum, nihil tam insigne & ad diuturnitatem reip. stabile esse reperiemus quàm Religionem aut saltem opinionem religionis, quæ omni tempore maximè dignitatem Reip. augere potuit, atque tueri auctoritatem magistratus defendere, fidemque subditorum retinere & confirmare. Nam si diligenter instillatus sit animis civium religionis metus, ita ut in omni negotio maximè rationem habendam esse arbitrentur cultus Deorum, nihilque à gubernatoribus aut sanciantur aut precipiatur, quod non aliquam præ se ferat auctoritatem numinis divini: tum omnia summa cum devotione accipiuntur, summo studio efficiuntur; religioni obtemperant omnes, nemo refragatur, bonos ad obsequen-*  
\* 5 *dum*

## EPISTOLA

*dum allicit pietas, improbos metus  
cogit, quin imò etiam barbaræ ac  
planè indomitæ nationes hac solâ  
viâ ad imperii suscipienda juga  
flectuntur: nam etsi aliàs innata  
illa animi vitæque feritas omnem  
doctrinam & mansuetudinem re-  
spuat, tamen ab opinione cultuque  
Deorum alieni non sunt, quos etiam  
eò majore studio colunt ac veneran-  
tur, quò sunt in cæteris rebus omni-  
bus efferatior. Quamobrem ne-  
mo facilè invenitur, qui, etsi ho-  
minum judicia pœnasque non per-  
time scat, Deo tamen immortalis sese  
non libenter submittat, Itaque sa-  
pientissimi quique Reges ac Prin-  
cipes semper dignitatem suam rel-  
ligione Dei immortalis stabilive-  
runt. Moses ut Judæos ex Ægypto  
educeret, vitamque eorum dissolu-  
tam*

## DEDICATORIA.

*tam adhuc & vagam, legibus certis adstringeret, auctoritate Jehovæ usus est, unde postea consuetudo emanavit apud gentem sacram, ut quoties opus esset, de rebus necessariis Jehova consuleretur, atque omnia jussa magistratum ejus nomine promulgarentur, quem morem deinde aliæ gentes superstitiosa quadam emulatione imitatae sunt. Lycurgus enim, cum Lacedæmoniis leges tulisset, Apollinis sese de iis oraculum exquisiturum civibus persuasit, eosque juramento adstrinxit, ne ab iisdem discederent, donec reverteretur, quâ jurisjurandi religione hoc obtinuit, ut per quingentos amplius annos legibus ejus respub. Lacedæmoniorum floruerit. Numa Pompilius alter Romanorum Rex, ut populi Rom. animos Romuli di-*

\* 6

sci-

## EPISTOLA

*sciplinâ ferocientes ad mansuetudinem institutis suis traduceret, cum Ageria Dea congressus nocturnos simulabat. Quintus Sertorius milites habuit promptissimos, eò, quòd sese à Deo per cervam de successu rerum suarum certiore fieri prædicaret. Et sanè hac una re maxime dilatata est potentia populi Rom. quòd in omnibus auguriorum aliorumque rituum sacrorum diligenter rationem habuerint, quibus usque adeò incubuerunt, ut ne minimum quidem susciperent, quod non cum quadam opinione religionis conjunctum esset, quæ res effecit, ut ubi persuasum haberent seu augurum admonitu, seu ducum confidentia, successus fore secundos, tum confirmati animo, ac quasi certi jam de exitu optato audacter instituta*



## DEDICATORIA.

tuta persequerentur, etsi nonnunquam mors haud dubia ob oculos versaretur, quæ sanè seu fortitudo, seu magnanimitas, seu pertinacia, seu quo alio dicenda videtur nomine, nunquam adeò valenter animos eorum potuisset occupare, nisi prius superstitiosum quendam & pertinacem religionis ardorem imbibissent.

Et verò Dæmones quoque hanc consecrantur rationem sui inter homines imperii tuendi, quod ipsis quidem eò muniendum est valentius, quò magis hominum generi exosi sunt, magnaue inprimis ac subtili arte opus est, ut in officio retineant, quos semel sibi nefarià superstitione devinxerunt. Itaque ut auctoritatem suam apud homines defendant, neminique in orbe ce-



## EPISTOLA

*dere videantur potestate atque imperio, semper fraudibus atque impietati suæ speciem sacrosanctæ religionis prætexunt. Hinc oracula, hinc prædictiones atque auguria: Hinc somnia, visiones, revelationes: hinc apparitiones geniorum, spectrorum, lemurum, manium: hinc illusiones, præstigiæ, deceptiones, & si quæ finitimæ ac propinquæ sunt his ac talibus Dæmonum fraudibus atque imposturis: quæ omnia eò fiunt, ut homines imprudentes atque ignari improbissimæ calliditatis, rerum incredibilium, quas se efficere Diabolus simulat, admirationis adducti, ei sese addicant, eumque quasi numen aliquod cœleste venerentur.*

*Hac admirabili imposturâ cum  
omnia literarum monumenta re-  
ferta*

## DEDICATORIA.

*ferta sint, tum non ita pridem in Bibliotheca quadam reperi commentarium, in quem ferè omnia quæ passim ejus rei apud scriptores reperiantur exempla congesta sunt, librisque duobus comprehensa, auctore incognito; quæ cum ad patefaciendas Sathanae fraudes magnoperè profutura videantur, magnum me subsidium allaturum putabam, Jurisperitis cæterisque quibus de magorum ac lamiarum maleficiis cognoscendum judicandumque est, si libros eos sumptibus meis in publicum offerrem. Confirmavit eam in me voluntatem postea etiam sacrarum rerum cogitatio; arbitrabar enim hasce historias valdè quoque commodas fore iis, quorum in vero Dei cultu explicando sacra versatur occupatio, quibus hic quasi quædam*

## E P I S T O L A

*dam sylva proponitur deligendorum exemplorum, quibus auditores ab ejusmodi horrendis ac diabolicis flagitiis absterreant, & ad pietatem cohortentur. Cuilibet ceriè etiam in domestica vita magno ad informandam familiam adjumento est, nosse exitus & horribiles casus eorum qui hasce demonum spectro- rumque fraudes sectati sunt.*

*Sed enim dum patronum quæro operi huic typis publicis prodeunti, neminem præter Inclytam Celsitudinem tuam reperio, Princeps Reverendissime atque Illustrissime, cui id magis adscribendum videatur. Nam primum Inclyta Celsitudo tua cum omnes alias artes ingenuas ac liberales, tum in primis Typographiam magnoperè fovet, eosque, qui huic dediti sunt, omni clemen-  
tia*

## DEDICATORIA.

*tia ac liberalitate complectitur. Deinde verò etiam Inclyta Celsitudinis tuæ civis ego sum ac subditus, quamobrem meritò quicquid à me præstari possit, id omne Inclyta Celsitudini tuæ Principi & Patri Patriæ meæ debetur : & verò aliàs quoque eximia Clementiæ suæ monumenta Inclyta Celsitudo tua in me exstare voluit, eaque non ita pridem nova testificatione confirmavit, quæ sola magna ratio est, quamobrem memorem me aliquando gratumque Inclyta Celsitudini tuæ debeam ostendere. His accedit, quòd cum superioribus temporibus in populum Christianum haud leviter profuderit Sathanas virus illud abominandæ impietatis suæ, tum præter ceteros Inclyta Celsit. tua severitatem Judiciorum ad scelera-*  
*tam*

## E P I S T O L A

*tam sagarum manum converterit, ut omnes eos, qui sese ministerio Diaboli ad disciplinas ejus impias perdiscendas exercendasque nefario scelere obligavissent, pœnis meritis prosequeretur, atque è provinciis suis imposturas illas Daemonum funditus extirparet. Cum ergo libris hisce, artes & præstigiæ Daemonum non obscure patefiant, ei certè inprimis exhibendi sunt, qui omni operâ studioque in id incumbit, quo illæ & detegantur & debitâ animadversione coerceantur.*

*Quamobrem opus hoc Theologis percommodum, Jurisconsultis necessarium, atque adeò universæ reip. Christianæ, ut arbitror, utilissimum, Inclytæ Celsitudini tuæ humillimâ animi submissione offero, ut meæ sit testimonium gratitudinis*  
*atque*

## DEDICATORIA.

*atque observantia, oroque supplex  
 Inclyta Celsit. tua aqua id & beni-  
 gna fronte accipiat: quamque semel  
 erga me concepit voluntatem præ-  
 claram, eam posthac pro innata sua  
 & digna Heroe clementiâ tueatur:*  
*ut sub Inclyto Celsitudinis tuæ no-  
 mine opus hoc eo tutius oculos ho-  
 minum subeat, mihiq; animum  
 augeat & confirmet ad alia hujus  
 generis scripta præclara producen-  
 da, quale inter cætera sunt, HI-  
 STORIÆ TRAGICÆ pari fide  
 ac diligentia ex optimis scriptoribus  
 ab eodem, ut auguror, autore con-  
 gestæ duobusque libris distinctæ.  
 Equidem quod in me est & utilem  
 reipub. Christianæ civem me præ-  
 stabo, & in primis Inclytæ Cels. tuæ,  
 summi Patriæ meæ Magistratus,  
 Principis sapientissimi, Domini mei*  
cle-



EPIST. DEDICATORIA.

*clementissimi omni studiocultu &  
veneratione observantem. Summus  
orbis terrarum moderator, immor-  
talis Deus, Reverendissima & Illu-  
strissima Celsit. tuæ vitam diutur-  
nam, valetudinem prosperam &  
florentissimam gubernationem lar-  
giatur. Lipsiæ Nonis Octob. An-  
no M. D. XCVI.*

Reverendissimæ & Illustrissimæ  
Celsit. tuæ

*Subjectissimus & obsequentissi-  
mus civis*

HENNINGUS GROSIVS,  
Bibliopol.

CATA-

CATALOGUS AUCTORUM,  
E quibus Historiæ atque Exempla  
ista congesta sunt.

A.

**A**

Don Viennen-  
fis.

Ælianus.

Æmilius.

Æneas Sylvius.

Agatinus.

Alexander ab Ale-  
xandro.

Antonius Beneven-  
tus.

Antonius de Tur-  
quemada.

Apolonius.

Apulejus.

Artunus.

Athenæus.

Aventinus.

Augustinus.

B.

**B**

Artholomæus Bo-  
noniensis.

Benno Cardinalis.

Blondus.

Bonfinius.

C.

**C**

Arolus Magnus.

Caspar Goldwurm.

Caspar Peucerus.

Cassiodorus Remius.

Catalogus Treveren-  
fis.

Cedrenus.

Chronicon Cassinen-  
se.

Chronicon Helve-  
tiæ.

Chronicon Saxonix.

Cicero.

Coelius.

Collenutius.

Cromerus.

Cuspinianus.

D.

**D**

ictys.

Diodorus Sicu-  
lus.

Diogenes Laertius.

Dion Cassius.

Dion Nicæus.

Dositheus.

E.

**E**

Gnatus.

Erasmus Rotte-  
rodamus.

Eua-

# CATALOGUS AUTORUM.

Euagrius.  
Eunapius.  
Eusebius.  
Eustachius.

F.

**F**Ranciscus Petrar-  
cha.  
Francius.  
Fulgofus.

G.

**G**ellius.  
Georgius Agri-  
cola.  
Georgius Sabinus.  
Gilbertus Cognatus.  
Gregoras.  
Gregorius Turonen-  
fis.  
Guilielmus Mamul-  
brucienfis.

H.

**H**Adriani Chroni-  
con.  
Haithonus Armenus.  
Hector Boethus.  
Henricus Colonien-  
fis.  
Henricus Erfordien-  
fis.

Hermanus Gygas.  
Herodotus.  
Hieronimus.  
Hieronimus Carda-  
nus.  
Homerus.

I.

**I**acobus Meyer.  
**I**acobus Ruffus.  
Jafon Pratenfis.  
Joachimus Camera-  
rius.  
Joannes Agricola.  
Joannes Baptista Por-  
ta, Neapolitanus.  
Joannes Bodinus.  
Joannes Fincelius.  
Joannes Langius.  
Joannes Magus,  
Joannes Meyer.  
Joannes Saxo, Gram-  
mat.  
Joannes Trithemius.  
Joannes Vierus.  
Jobus Fincelius.  
Jodocus Darmuda-  
nus.  
Jofephus.

L.

**L**Aurentius Valla.  
Leonides.

Lilius

# CATALOGUS AUTORUM.

Lilius Gregorius Gy-  
raldus.

Livius.

Ludovicus Guicciar-  
dinus.

Lycosthenes.

M.

**M**acrobius.  
Malleus Malefi-  
carum

Mamelburienfis.

Manlius.

M. Fritschius.

M. Paulus, Venetus.

Martinus Lutherus.

Marulus.

Metaphrastes.

Munsteri Cosmogra-  
phia.

Mutius.

N.

**N**atalis Comes.  
Nauclerus.

Nicephorus.

Nicetas.

Nicolaus.

O.

**O**laus Magnus.  
Ovidius.

P.

**P**aschasius.

Paulus Æmilius.

Paulus Diaconus.

Paulus Grillandus.

Paulus Jovius.

Pausanias.

Petrus Ciezus.

Petrus Mamorius.

Philippus Melan-  
thon.

Philostratus.

Platina.

Plinius.

Plutarchus.

Pollux.

Polydorus Virgilius.

Pontanus.

R.

**R**abanus.

Ramulphus.

Regino.

Robertus Gaguinus.

Rutilius.

S.

**S**abellicus.

Schaffnaburgen-  
fis.

Ser-

# CATALOGUS AUTORUM.

Servius.  
Severus Sulpitius.  
Sigebertus.  
Sleidanus.  
Socrates.  
Sozomenus.  
Statius.  
Stobæus.  
Strabo.  
Suetonius.  
Suidas.

T.

**T**heodoretus.  
Theodoric. Gref-  
mundus.  
Theopompus.  
Thomas Patriarcha  
Barbasiensis.  
Turpinus, Remensis.

V.

**V**aler. Maximus.  
Vincentius.  
Ulricus Molitor.  
Volaterranus.  
Vopiscus.  
Urbanus.  
Urspergensis.

W.

**W**ernerus.

X.

**X**iphilinus.

Z.

**Z**onaras.

MIRA-



MIRABILIUM  
HISTORIARUM  
DE SPECTRIS,  
ET  
VARIIS PRÆSTIGIIS  
DÆMONUM.

LIBER PRIMUS.

I. **M** Arcus Brutus & Cassius Cæ-  
saris interfectores, Sardeis  
convenerunt. Cum trans-  
missuri ex Asia essent, te-  
trum ostentum dicitur Bruto  
factum. Fuit natura ille vigilans, & somnum  
in exigui temporis portionem laboribus &  
continentia contrahebat. Interdiu quiesce-  
bat nunquam: noctu tantisper, dum omni-  
bus sopitis, nihil esset omnino quod age-  
ret, aut qui cum colloqueretur. Tunc autem  
bello conflato tractans ea, quæ ad summam  
rerum pertinebant, curaque in eventum in-  
tentus, cum primum vesperi à cœna indul-  
sisset



fisset paulisper somno, reliquum noctis negotiis urgentibus tribuebat. Quod si absolvisset id muneris, librum usque ad tertiam vigiliam volvebat, quo tempore Centuriones & Tribuni consueverant eum adire. Cum igitur trajeturus ex Asia esset exercitus, noctis conticinio luna non admodum lucebat, totus autem exercitus tenebatur silentio. Brutus verò volvens aliquid animo, & reputans secum, visus est aliquem ingredientem sentire. Respiciens ad januam, Spectrum cernit dirum & prodigiosum, immanis & horrendi corporis, silentio sibi assistentis. Sustinens rogare, Quisnam, inquit, aut hominum, aut Deorum es? aut qua de causa ad nos venisti? Subjecit ei Spectrum: Tuus sum, Brute, malus genius, in Philippis me videbis. Cui nihil perculsus Brutus: Videbo, inquit. Eo ex oculis elapso, pueros suos vocavit, qui neque se audivisse vocem asseruerunt, neque conspexisse visionem ullam. Ac tunc quidem iterum Brutus lucubrauit. Ubi diluxit, ad Cassium profectus, narravit ei speciem illam. Philippis occiso Cassio, cum victor ad secundum praelium descendere pararet, in quo victus est, nocte Spectrum illud referunt, iterum Bruto observatum, eandemque repræsentans visionem nihil locutum, sed dilapsum fuisse. *Plutarchus in Bruto.*

Apud

2. Apud Actium M. Antonii fractis opibus, Callius Parmensis, qui partes ejus secutus fuerat, Athenas confugit. Ubi concubia nocte, cum solitudinibus & curis mente sopita in lectulo jaceret, existimavit ad se venire hominem ingentis magnitudinis, coloris nigri, squalida barba, & capillo demisso: interrogatumque, Quis nam esset? Respondisse: *καυδαιύγρα*. Perterritus deinde tam tetro visu & nomine horrendo, servos inclamavit, sciscitatusque est, si quem talis habitus, aut intrantem cubiculum aut exeuntem vidissent? Quibus affirmantibus, neminem illuc accessisse, iterum quieti & somno se dedit: atque eadem animo ejus observata est species. Itaque fugato somno, lumen introferri jussit, puerosque à se discedere vetuit. Inter hanc noctem, & supplicium capitis, quo eum Cæsar affecit, parvulum admodum tempus intercessit. *Valerius Max. lib. I. cap. 7. & Sueton. in Aug. & Plutarch. in vita Antonii.*

3. Dion Syracusanus, liberatis Syracusis, paulò ante, quàm à Calippo interficeretur, sedebat fortè diei sero domi in porticu cogitabundus. Ibi strepitu repente factò, respiciens clara adhuc luce ad alteram porticus partem, conspexit grandem mulierem, cultu & facie nihil à tragica abhorrentem furia, quæ verrebatur scopis

domum. Ille vehementer perculsus & trepidans accivit amicos, visumque iis narravit, atque oravit, apud se, ut permanerent & pernoctarent, quòd plane extorpesceret, timens, ne si solum reliquissent, iterum sibi obversaretur monstrum. Cæterum id non est reversum: sed filius ejus ferè adultus, per dolorem aliquem animi & iram, ex parva & puerili ortam occasione, de fastigio domus præcipitavit se in caput, & interiit. *Plutarchus in Dione.*

4. Alexander III. Scotorum Rex, Joannem Henrici tertii Anglorum Regis sororem in matrimonium habuit. Qua sine filiis mortua, Margaritam ejus Regis filiam rursus in matrimonium duxit, ex qua Alexandrum, Davidem, & Margaritam suscepit. Quibus omnibus morte sublatis, ipse Rex non abjecta penitus successionis spe, Iolantam filiam Comitissæ Draconensis, tertio sibi despondit. Dum noctu festum celebraretur, videt mortui Spectrum in fine choreæ saltare. Eodem anno Rex ab equo excussus & occisus est: hinc clades & seditiones ortæ, quæ florentissimum alioqui Regnum everterunt. Contigit hoc anno salutis M. CC. L. *Cardanus de Rerum varietate, lib. 16. cap. 93.*

5. Est familia nobilis, ac inter primas Parmæ, Tortellorum nuncupata, possidens arcem,

arcem, in qua aula est. In ea sub camino solet videri anus jam centum annis, quoties è familia aliquis obiturus est. Referebat mihi aliquando illustris matrona Paula Barbiana, quæ ex ea familia erat, dum unà cœnaremus Belzoiosii, quandam puellam ægrotasse, visam anum, existimasse omnes illam perituram: at contra accidit, servata enim est: sed alius incolumis repentè è familia mortuus est. Referunt hanc anum, cujus nunc umbra videtur, olim fuisse prædivitem, & ob pecunias interfectam à nepotibus suis, & in frustra divisam, projectamque in latrinam. *Cardanus ibidem.*

6. Antonius Urceus Codrus Grammaticus Brixienfis, nocte quam ultimam in terris egit, videbatur sibi videre quendam ingenti magnitudine, capite raso, barba ad terram usque promissa, ardentibus oculis, faces in utraque manu gestantem, ac toto corpore tremebundum, eumque his allocutus est verbis: Quisnam tu es, qui solus furiâli habitu, ea noctis parte, qua mortales somno altissimo premuntur, deambules? effare quid quæras? aut quò ire pergas? Hæc cum dixisset, è strato prosluit, quasi illum in se ruentem vitaturus. *Bartholomeus Bononiensis in ejus vita.*

7. Jacobus Donatus, Patricius Venetus ac dives, cum nocte quadam cum uxore

dormiens cereum accensum haberet, atque in curuli lecto dormirent duæ nutrices cum infante, qui nondum annum expleverat, vidit ostium cubiculi sensim aperiri, inde hominem, nescio quem, caput intromittere: viderant autem & nutrices, sed nemo faciem illius agnovit. Territus adolescens, ut par erat, surrexit, arripuit ensen, clypeumque, nutrices singulæ cereos magnos: id in aulam quæ contermino erat cubiculo, ubi clausa omnia. Revertitur magna cum admiratione. Infantulus, qui incolumis erat, altera die mortuus est. *Cardanus de Rerum varietate, lib. 16. cap. 93.*

8. Cum Adrumeti, quæ civitas est Africæ, Cursius Ruffus, penes Quæstorem, in ejus familia, nulla insignis dignitate ageret, per meridiem in porticu deambulans, fœmineam umbram augustiore forma, longè supra humanam, vidit, à qua hæc verba accepit: Tu Ruffus es, qui in hanc provinciam Proconsul venies. Eo prodigio ad bonam spem erectus, haud multò post à Tiberio Cæsare Africæ Proconsulatum obtinuit. Id quod visionis eventum implevit. *Fulgosus lib. 1. cap. 6.*

9. Eduinus Allæ Deiorum Regis F. (quæ pars est Northumbriæ in Anglia) ab Ethelfredo Northumbrorum Rege in exilium missus, ad Redovaldum Orientalium Anglo-

Anglorum Regem confugit. Paulò pòst cum ab Ethelfredo per legatos ad mortem peteretur, cœpit de salute multum laborare. Nocte intempesta quidam vultus habitusque incogniti, cum eo congressus, petiit ecquid muneris daret, si rem nunciaret, quæ ejus animum omni penitus mœrore liberaret? Ad ea Eduinus respondit, quicquid esset quod jure desideraret, in ipsiusque manu foret, se ultrò daturum. Tum ille prædixit fore, ut primùm ex insidiis inimici evaderet, deinde regnum avitum recuperaret, illudque victis hostibus, longè lateque amplificaret: mox super verticem capitis manu imposita, inquit: Quoties quispiam, simul atque rerum potitus fueris, Eduine, ad te adiverit, capitiue tuo manum iridem admoverit, sis tunc demum fidei servandæ memor. His dictis, repentè evanuit. Oblectatus mirandum in modum adolescens eo oraculo, rem tacitus secum diu animo revolvens: nulli patefacere est ausus. Cæterum interfecto Ethelfredo in regnum reductus à Redovaldo, ab Ethelberga uxore, sorore Edbaldi Cantiorum Regis, ad Christianam religionem amplexandam admonitus, cum de industria negotium extraheret, nulliusque monitis flecteretur, Paulinus vir sanctus, qui diu rogando nihil profecerat, interim supernè, uti credere par est, de ora-



culo doctus, ad eum, qui Eboraci morabatur, accessit, capitiq[ue] sanctissimam manum admovens, petiit, ut recordaretur quid illud portenderet. Eduinus miro Oraculi successu territus, sine ulla mora ad pedes Antistitis jacuit, & cum suis sacro fonte lotus est, anno 627. *Polydor. lib. 4. hist. Angl.*

10. Machabæus Amitinus, Regis Scotiæ Duncani, & Banquho Stuart Forres, vir strenuus, per silvas proficiscentes ad Regem, obviam tres habuere mulieres insolita facie. Quarum una inquit: Salve Machabæe thane glammis, hoc nomen erat Dignitatis, quam nuper acceperat. Altera verò inquit: Salve Caldariæ thane. Tertia verò: Salve Machabæe olim Rex future. Tum Banquho: Et vos, inquit, quæcunque estis parum propitiæ videmini, quæ huic præter optimos Magistratus, etiam Regnum defertis, nec mihi quicquam. Ad ea, quæ prima fuerat, respondit; Imò tibi longè majora, quàm huic nunciamus: Nam hic quidem regnabit, verum infausto exitu, neminem post se ex suis posteris Regem relicturus: At tu longa nepotum serie, quæ Regnum obtinebit (licet tu Rex futurus non sis) relictæ, decedes. His dictis, è conspectu se proripuerunt. Vana primò visa sunt hæc, sed ubi Machabæus Caldarius primum (id nomen dignitatis apud Scotos) inde Rex factus est præter

præter spem, occiso Rege Duncano, cui erant filii duo, memor ostenti, conatus est Banquhonem, & unicum ejus filium Fleanchem, ad cœnam invitatos, occidere. Occiso patre, tenebrarum suffragio filius evasit. Tandem à Malcolm, tertio Duncani filio, Machabæus occisus est, & post multas stirpes, Regnum in familiam & pronepotes Banquhonis Stuart, apud cujus stirpis puellam adhuc manet, translatum est. *Cardan. lib. 16. cap. 93. ex Hectore Boëtho.*

II. Hotherus Rex Sueonum & Danorum, inter venandum à comitibus divulsus, in antro quodam Nympharum chorum vidit. Quæ illi prospera omnia pollicitæ sunt, & hortatæ, ne Balderum Danorum Regem, magum insignem, arcano superum semine procreatum armis lacesseret. His dictis repente evanuerunt, & Hotherum, qui in spem se esse putabat, in patulo campo solum reliquerunt. Post aliquot annos, cum infelicitè contra Balderum pugnasset, & in eadem, uti videbatur, Nymphas incidisset, gestarum infelicitè rerum fortunam, tristisque casus deflare cœpit, secus sibi cessisse questus, quàm ab ipsis promissum accepisset. Et Nymphæ eum, quanquam rarò victor extiterit, æquam tamen hostibus cladem ingessisse dicebant: cæterum affuturam victoriam, si edulium augendis inimici

viribus excogitatum præripere posset. Sic dimissus vires reparat. Dum ergo hostium castra observat, vidit egredi tres Nymphas, arcanæ dapis gerulas. Quas cursim insequens, tandem tecta, quibus assueverant, subit, citharæque (cujus peritissimus erat) dulcissimo ministerio, accurati nitoris cingulum, potentemque victoriæ Zonam ab eis obtinuit: atque itinere, quo venerat, repetito, hostem obvium fudit, ut postridie Proserpinæ, quæ sibi per quietem astare aspecta est, transmitteretur. *Olaus Magnus lib. 3. cap. 10.*

12. C. Julius Cæsar, bello civili ad Rubiconis ripam progressus, paululum substitisse fertur, secum reputans, quantam cladem ejus fluminis transitus humano generi importaret, feruntque cunctanti tale ostentum illi oblatum. Quidam eximia magnitudine in proximo sedens apparuit, fistula ex calamis compacta canens, ad quem audiendum cum præter pastores ex militibus quoque plurimi accurrissent, atque inter eos æneatores quidam: rapta ab uno tuba, in fluvium profiluit, ingentique spiritu classicum exorsus, ad ulteriorem pertendit ripam. Tum Cæsar: Eatur, inquit, quò Deorum ostenta vocant, & inimicorum iniquitas. Jacta est alea. *Sabellicus libro 7. Enead. 6.*

13. Pelopidas præfectus sacræ cohortis Thebanorum, vidit Scedasi filias (quarum sepulchra in Leuctrico campo erant, ubi ille tunc castra habebat) circum sepulchra lamentantes, & Lacedæmoniis diras impre-cantes: Ipsum autem Scedasum patrem (quem multò antè, cum tam atrocis facinò-ris vindictam non impetrasset, execrationi-bus in Lacedæmonios peractis, sese ad filia-rum tuniulum jugulârat) sibi præcipere, ut si victoriam de Lacedæmoniis expeteret, ruffam virginem filiabus suis immolaret. Sed cum hoc barbarum ei sacrum esse videretur, humana victima Deos placare, & ani-mi dubius esset, equa nullum adhuc coitum experta, ut à grege aufugerat, eò loci, ubi consultabatur, constitit. Quam dum Theo-critus vates fulvo colore rutilantem, cervi-ceque erecta lascivientem & hinnientem vi-disset, Pelopidam alta voce compellavit, ad-esse ei victimam, neque aliam virginem ex-pectandam. Proinde equam ad sepulchra virginum redimitam coronis adducunt, & immolant. Mox inito prælio, memorabilem illam cladem Leuctricam Lacedæmoniis, Bœotarcho Epaminonda, & Pelopida præ-fecto intulerunt. *Plutarchus in Pelopida.*

14. Cum noctu Gennadius Patriarcha Constantinopolitanus, sub Leone Magno Imperatore ad altare astaret, & preces ad

Deum pro mundo funderet, spectrum quoddam Dæmoniacum visum est, quod crucis signo ab eo repulsum, humana voce ita illi respondit: Illo quidem vivo se cessurum atque quieturum, postea verò modis omnibus Ecclesiam perturbaturum. *Nicephorus lib. 15. cap. 23. Suidas. Cedrenus.*

15. Haud multò antè quàm Henricus VII. Imperator moreretur, non sine Vicecomitum gentis clade, *ut Musatus Patavinus, & Franciscus Petrarcha scribunt*, Mediolani in area ædium Matthæi Vicecomitis, qui Magni cognomentum meruit, post solis occasum visus est eques armatus, longè humana specie major: ubi à multis conspectus per horæ spacium, postea evanuit, magno eorum qui rem viderant horrore. Tri-duo quoque post, tertia hora, eodem in loco duo equites pari specie diu inter se dimicantes conspecti evanuerunt. *Sabellicus libro 1. cap. 4.*

16. Mercatores duo non ignobiles, per Taurinos saltus in Galliam profecturi, amplio-rem humana specie virum obvium habuerunt, accersitique repentè, ab illo mandatum in hæc verba suscepère: Ludovicum Sfortiam fratrem meum alloquimini, hæcque illi literas nomine meo date. Obstupentibus illis, ac percunctantibus, Quisnam esset? sese Galeacium Sfortiam esse respondit,

dit, & mox ab oculis eorum evanuit. Illi properè Mediolanum redière, inde Viglevanum, ubi Maurus agebat. Literas Duci offerunt, ab aulicis irridentur. At cum pertinaciter in nuncio persisterent, in carceres coniecti, & tormentis examinati, nihil fraudis subesse constantia sua declarârunt. Magno interea metu & consternatione de aperiendis literis consultabatur. Dubitantibus cæteris, unus Galeacius Vicecomes id ausus est. Charta erat in Pontificii brevi (ut vocant) modum complicata, oblonga, claviculo tenuissimis filis æneis obserata. Cujus verba hæc erant: O, ô, ô Ludovice, cave tibi, quoniam Veneti Gallique tuam in perniciem coituri sunt, tuamque à stirpe rem everfuri. Verum si mihi tria aureorum millia dederis, dabo operam, ut conciliatis spiritibus, sinistra fata avertantur, idque consecuturum spero, si mihi non adversatus annueris. Vale. Subscriptio erat: Galeacii fratris tui spiritus. Hîc attonitis aliis rei novitate, aliis commentum irridentibus, plerisque pecuniam deponendam esse sub custodia affirmantibus: ne tamen seipsum ludibrio exponeret, à superstitione hac largitione princeps abstinuit, & mercatores domum remisit. Cæterum non multò post, à Ludovico XII. Gallorum Rege principatu dejectus, & captivus abductus est. Ar-



*tunus Section 1. historia Mediolanens. oculatus testis.*

17. Ludovici Alodisii pater, qui Imolæ rerum potitus est, haud diu posteaquam decesserat, homini à secretis, quem filius Ludovicus Ferrariam mittebat, in itinere, equo insidens cum accipitre (ut in aucupio mos ei erat tenere) apparuit, huicque quamquam magna capto formidine dixit, ut filium moneret, ut postero die in eum ipsum veniret locum, quoniam magni momenti rem ei prædictum erat. Ea re audita Ludovicus tum quia non credebat, tum quia insidias verebatur, alium pro se misit. Ei illa ipsa umbra, quæ ante apparuerat, obviam facta, vehementer indoluit, quod filius non venisset: longè enim plura ei dicturum se fuisse affirmabat. Sed tunc illud tantum referri iussit, quòd transacto scil. 22. anno, ac præterea uno mense, die quoque specificè addito, Urbis imperium, quod obtinebat, esset amissurus. Ut tempus, quod umbra prædixerat, advenit, adhibita magna cura, ea ipsa nocte, quam patris manes suspectam fecerant, Ducis Philippi Mediolanensis (cui is fœdere iunctus, propterea ab eo non timebat) milites glacie magna constrictis fossis ad muros penetrârunt, adhibitisque scalis, urbem cum ipso principe ceperunt. *Sabell. lib. 1. cap. 4. Exempl.*

18. Antequam Byzantium ab immanissimis Turcis terra marique oppugnaretur, compertum est apud Comum citerioris Galliæ urbem, vergente ad occasum die, ingentem canum multitudinem per aëra ferri, postque diversorum pecorum armenta, species peditum primò levis armaturæ, deinde hastatos scutatosque subsequi, equitesque in turmas divisos ingenti instructa acie prosequutos, horis ferme tribus imaginem adventantis exercitus præbuisse. Demum corpore procero immanem & formidabilem hominem, supra quàm dici possit, veluti exercitus ductorem, terribili equo insidentem, processisse, aliaque ludibria oculorum per inane apparuisse, ingentium malorum prænuncia, donec nocte appetente, visio omnis illa dilapsa est. Quæ ostenta futurum excidium, cædem & calamitatem, quæ postea urgentibus fati secuta sunt, præsignasse nemo dubitavit. *Alexander lib. 3. cap. 15.*

19. Anno secundo Mauritiï, juxta Sigeberti Chronicon, Antiochia divinitus everfa est. Vidit quidam ex civibus, vir pius & liberalis, largusque in erogandis eleëmofynis, seniore albo indutum vestimento, cum duobus sociis stantem in medio urbis, sudarium, quod manibus gerebat, excutientem super mediam civitatis partem, quæ subito

subitò cum ædificiis & hominibus everfa est. Vix autem retineri poterat à duobus fociis, quo minus sudarium super reliquam quoque urbis partem, quæ incolumis stabat, excuteret. Cum virum hunc blandis verbis efflet consolatus, ultra non est visus.

20. Anno Domini 1536. negotiator quidam Siculus, Catana Messanam vigesima prima Martii proficiscens, ejus diei vespere apud Taurominium divertit. Inde mane diei sequentis iter suum pergens, non longe ab oppido obvios habuit circiter decem, ut illi tum videbatur, fabros cæmentarios cum suis ferramentis. Qui rogati quò tenderent, ajebant, se Ætnam (vulgus montem Gibellum vocat) petere. Nec ita multò pòst in parem ejusdem generis numerum incidit, qui & ipsi interrogati, responderunt quod priores, Se à mancipe suo in Ætnam ædificii cujusdam gratia missos. Rogati quem mancipem dicerent? ajunt illum modico intervallo sequi: pauloque pòst offendit in itinere virum statura supra vulgarem modum procera, coma simul & barba perquam proluxa, & quovis corvo nigriore. Vulcanus videri poterat, si claudus fuisset. Is nulla salutatione præmissa, rogat negotiatorem, an per eam viam suas operas vidisset? Respondit, vidisse quosdam, qui se in Ætnam ædificatum ire dicerent, verùm nescire cujusnam

jussam essent operæ: quod si ipse architectus esset, cupere se cognoscere, quid ædificii animo destinasset, aut qua ratione id aggressurus esset, toto monte alta adhuc nive cooperto, ut vix ab expedito viatore permeari possit. Tum ignotus ille architectus ait sibi & artem & vires superesse ad hoc, atque etiam longè majus, si liberet, perpetrandum, crediturum cum brevi suis oculis, qui nunc verbis ipsius parum fidei haberet: & cum dicto in auras evanuit. Quo facto hominem tantus derepente terror invaluit, ut minimum abfuerit, quin ibi in vestigio expirârit, ægreque retrò ad oppidum attonitus ac totus tremens reversus, rituque recepto apud sacerdotem confessus, denarratoque viso, eadem die sub vesperam ex hac vita migravit. Noctis quæ secuta est initio, vigesimo tertio Martii, ignis cum terræ motu, & ingenti strepitu è vertice montis Ætnæ, quæ Orientem spectat, ingens vis erupit, magnoque impetu versus ortum Solis ferebatur, ita ut clerus ac populus Catanensis pavore consternatus, in ædem Divæ Agathæ, ad opem divinam suppliciter implorandam concurreret, unde mox supplicationis pompa cum magno fletu, cumque psalmodiis & precationibus ac jugi inclamatione misericordiæ, campanis interim lugubre tinnientibus, ducta est usque ad ædem virginis

gini annuntiatae sacram. Mirum dictu, priusquam absolveretur supplicatio, coepit incendium decrefcere, brevique post tempore videbatur omnino extingui. *Gilbert. Cognat. libro octavo Narrationum.*

21. Damascius Syrus Simplicius ex Sicilia, & alii docti viri convenerant, ut in Persiam ad videndum Cosroem regem, cujus virtutem praedicari audierant, una abirent. Cum domum reverterentur, in reditu invenerunt cadaver inhumatum in agro. Inhumanitatem Persarum detestati, illud sepelierunt. Noctu unus quidam ex eo comitatu, obversari sibi speciem vidit hominis senis, & venerandi, dicentis: Noli inhumatum corpus humare, permitte canibus lacerandum. Terra universorum mater, matris corruptorem hominem non suscipit. Ille expergefactus, aliis somnium exposuit. Itaque mane regressi in illum agrum, viderunt corpus nudum in campi superficie jacere. *Agathius lib. 2.* Hoc videtur exprimere illud, quod est in Graecorum Epigrammatis.

Μὴ Θάψης τ' ἀθᾶπτον, ἕα κυσὶ κύρμα  
 λυέσθαι,

Γῇ πάντων μητρὶ μητρόφθορον ἔδωκετ' ἀνδρα.

22. Eduardus III. Anglorum Rex, cum exactores tributi populo impositi aliquando ingentem acervum pecuniae ex eo tributo collatae,

collatæ, delectandi ipsius animi gratia, coram adduxissent, ille subitò Dæmonem circa ipsum acervum ludentem videre visus est: & ob id, huiusmodi pecuniam, ut rem funestam abhorrens, illicò auferri ob oculis, restituique populo iussisse fertur. *Polydor. lib. 8.*

23. Capta Tyana urbe Asiæ, quæ rebellaverat, Aurelianus Imperator, dum solus in tentorio irarum plenus de evertenda cogitaret, coram oblatum sibi non sine magno horrore Apollonium Tyaneum Philosophum vidit, qui diu antè mortuus erat, submonentem: Aureliane, si cupis vincere, nil est quod de civium meorum nece cogites: Aureliane, si imperare vis, à cruore innocentium abstine. Aureliane, clementer te geras, si vicisse cupis. *Calius lib. 17. cap. 13. ex Fl. Vopisco.*

24. Magnis tentationibus exagitatus est D. Martinus Turonensis Episcopus a Satana. Quodam tempore Diabolus purpura & diademate ornatus apparuit ei sub persona Christi. Cumque Martinus viso hoc spectaculo obstupesceret, ait ad eum Diabolus: Agnosce Martine, quem colis, Christus ego sum, descensurus ad terras, prius me tibi volui manifestare. Hic cum Martinus nihil responderet, rursus ait: Martine, cur dubitas credere, cum me videas? Christus ego sum.

Tunc



Tunc ille verbo Dei instructus per Spiritum sanctum ait: Meus Christus crucifixus fuit, & vulneratus, te vero tali in habitu non recipio, neque in te credo. Ad hanc vocem ille evanuit. *Marulus ex Severo Sulpitio.*

25. Legitur in vita S. Germani Antislodensis Episcopi, quòd cum nocte quadam in diversorio mensa iterum à cœna itereretur, admirans inquisierit, cui cœna pararetur? eique responsum, Bonis illis viris ac fœminis, quæ nocte vagantur. -Itaque Sanctus vigilare statuit. Et ecce, multitudinem ad mensam virorum ac mulierum venientem: quibus ille mandans, ne abirent, tota familia excitata quælivit, Num quem ex iis cognoscerent? His omnes vicinos ac vicinas esse dicentibus, singulorum ædibus perscrutatis, omnes in suis lectulis decumbentes invenit. Itaque statim omnes adjuravit, qui se Dæmones esse confessi sunt.

26. Menippus Demetrii Cynici discipulus, adolescens formosissimus, cum Corintho Cenchræas profisceretur, obviam habuit quandam imaginem puellæ peregrinæ, speciosæ & divitis, quæ ajebat se esse amore illius accensam. Invitavit ergo eum, ut domi suæ diverteret. Ille amore captus, sæpe illic se illi commiscuit, ac de ineundo matrimonio cogitabat. Habebat domum  
regio

regio ornatu apparatam. Apollonius Tyaneus, cum in ea domo singula consideravisset, exclamavit illam esse ex numero Lamiarum, quas aliqui Larvas, alii Lemures appellant. *Philostratus in vita Apollonii.*

27. Jamblichus magus insignis, cum Apollinem, exciente quodam Ægyptio, statim comparuisset, attonitis viso præsentibus omnibus, Desinite, inquit, sodales mei mirari, est enim gladiatoris, qui singulari certamine interiit, spectrum. *Eunapius in Ædesio.*

28. Cum Constantinus Gallum in Oriente Cæsarem fecisset, Julianus in spem potiundi Imperii venit. Discurrebat autem per Græciam, & quærebat Vates & Ariolos, eosque consulebat de rerum eventu. Cum autem in quendam incidisset, qui polliceretur sibi prædicturum futura, & in simulachrorum adyta introductus esset, invocabat ille Magus Dæmones. Apparebant autem subito illi, & quidem forma, ut solent, atra & horrida. Julianus metu perculsus, illico frontem signat cruce. Ad eam rem Dæmones subito disparent, Dominici trophæi, & suæ stragis memores. Sed præstigiator objurgat Julianum ob metum, & cum Julianus vim crucis admiraretur, ex animo ejus eam opinionem illo sophismate evellebat, quod Dæmones non ob crucem evanuiscent, sed

sed odio facti ejus. *Theodoretus lib. 3. cap. 3.*  
*Sozomenus lib. 5. cap. 2.*

29. Mediolanensis quidam plebeius homo, cum hora noctis tertia à labore rediret domum, vidit lemuirem insequentem: quam cum effugere conaretur, ocyus citato pede abibat, sed à spectro captus, atque in terram projectus, exclamare nitebatur, sed non poterat. Tandem cum diu in terra cum larva volutatus esset, inventus à prætereuntibus quibusdam, semivivus domum relatus est, & octo diebus periit. *Cardanus de subtilitate.*

30. Polis Lacedæmonius, Platonem Philosophum jussu Dionysii Tyranni è Sicilia sublatum, Æginæ vendidit. Verum quia capitale erat Atheniensem Æginam adire, à Charmandro mortis reus accusatus fuit. Sed necessitatis ratione habita, Anniceri Cyrenaico viginti minis venditus est, & ab eo manumissus. Polis postea à Chabria superatus, in Helice submersus fuit, Dæmonio illi indicante, hæc ei Philosophi gratia male tractati evenire. *Laërtius lib. 3.*

31. *Sozomenus narrat libro sexto capite vicesimo octavo*, Apellem quendam Monachum circa Achorim, in monasteriis Ægypti multa edidisse miracula, & aliquando cum noctu operas fabriles fecisset, Spectrum Dæmonis forma pulchræ & exornatæ mulieris

lieris ei apparuisse & ad libidinem incitasse. Sed illum candens ferrum ex camino arreptum, in faciem Dæmoni inpegisse, atque ita spectrum illud fugisse, & stridore & lamentatione suum dolorem testatum.

32. Datus Episcopus Mediolanensis, cum propter fidei confessionem ejectus, Constantinopolim tenderet, Corinthum appulit, & ibi ædes à Diabolo occupatas intravit, cum nullas alias famulatio suo aptiores invenisset. Intempesta nocte cum Dæmones fremerent, leonum more rugirent, balarent, &c. Datus expergiscitur, & inquit: Impurissime Dæmon, tu dixisti, ponam sedem meam ad Aquilonem, & ero similis altissimo. Ecce propter superbiam porcis & asinis similis factus es, quandoquidem Deo obedire noluisti. Hac voce confusi Dæmones, domum eam deseruerunt. *Gregor. Turonensis lib. 3. Dialog cap. 4.*

33. Phlegon Trallianus Adriani Imperatoris libertus, libro de Mirabilibus & Longævis, historiam, quam oculata fide in quadam urbe cognoverit, recenset. Philinnium Damostrati hospitis & Charitûs filia, Machatem hospitem amare cœpit. Indignè id ferentibus parentibus, præ mœrore occidit, & publicè funerata est. Sexto post obitum mense, cum eò revertisset Machates, ingressa ad illum Philinnium, hospiti se com-

commiscuit, annulum ferreum & poculum inauratum dono ab eo accepit, inde abiit: ipsi vicissim annulum aureum & fasciam pectoralem dedit. Nutrix Spectro observato, parentibus id indicat. Accurrunt illi, & altero die filiam cum hospite deprehendunt, cum ejulatu amplectuntur. Tum illa hæc eis dixit: O mater, & pater, quam injuste invidistis mihi, ut cum hospite essem per triduum in domo paterna, absque ullo maleficio. Proinde vos denuò lugebitis, propter vestram curiositatem, ego autem rursum ab eo ad locum mihi designatum, non enim absque divina voluntate huc veni. Hæc locuta, fuit ilicò mortua, corpusque ejus conspicuum per lectum est exportatum. Populo in theatrum confluenti res gesta fuit narrata, sepulchrum vacuum inventum, annulus tantum ferreus & poculum inauratum ibi reperta. Cadaver ex Hylli auguris consilio, extra fines sepultum. Machates præ mœrore mortem sibi conscivit.

34. Hieronymus in Vitis Patrum narrat, Monachum quendam à Dæmone in mulieris venustissimæ forma, ad obscœnos invitatum fuisse amplexus, qui sua inclinans membra, effectus est sicut equus & mulus, quibus non est intellectus. Atque ubi jam carnalem conaretur inire amplexum, illa teterrimæ vocis ululatum emittens, umbra, ut erat

ut erat tenuis, & phantasma inter manus amplectentis elabatur, ipsumque miserum cum fœdissima irrisione deserit. *Vierus libro 2. cap. 46. de prestigiis Damonum.*

35. *Scribit Vincentius lib. 3. historiarum,* in Sicilia sub Rege Rogerio juvenem quendam strenuum, & natandi peritum, circa noctis crepusculum lucente luna in mari lavâsse, & mulierem post se natantem crinibus apprehendisse, tanquam ex sociis aliquem qui eum mergere vellet. Quam alloquens ne verbum quidem extorquere potuit, quare opertam pallio domum duxit, & tandem in uxorem solenniter accepit. Increpatus aliquando à socio, quod phantasma amplexus fuisset, expavescens, gladio extracto conjugii minitabatur, se filium, quem ex ea susceperat, interfectorum, nisi ipsa loqueretur, suamque fateretur originem. Quæ, Væ, inquit, misero tibi, utilem perdis uxorem, dum me effari cogis. Tecum mansissem, ac in rem tuam esset, si injunctum mihi silentium permisisses. Nunc autem me posthac non videbis, & è vestigio evanuit. Puer autem adolevit, & marinum cœpit frequentare balneum. Tandem die quodam coram multis puerum in eisdem fluctibus occurrentem rapuit phantastica illa mulier.

36. In Marrea regione puella nobilissima & formosissima, complurium averfata

B

connu-



connubium, in infandam cum Cacodæmone incidit consuetudinem. Quæ cum uterum ferret, parentum rigore coacta edere stupratorem: Adolescentem mira pulcritudine frequentius secum nocte, interdiu nonnunquam convenisse, unde venisset, quove inde abiisset, nescire se respondit. Parentes, etsi filia parum crederent, accuratius rem advertentes, consilio quis esset, qui puellæ expugnasset pudicitiam, explorandi, cognito tertio post die, indice ancilla, stupratorem adesse, referatis foribus, accensoque tædarum ingenti numero, cubiculum ingressi, horrendum monstrum, figura supra humanam fidem terribili, in filia amplexibus sunt conspicati. Concurrere ocyus complures ad fœdum acciti spectaculum. Inter eos Sacerdos probata vitæ, nec sacrae disciplinae ignarus, cæteris autem trepidè abeuntibus, aut pavore illis terræ, cum Johannis Evangelii initium recitare orsus, ad eum locum, Verbum caro factum est, perduxisset, malus Dæmon horrendo sublato clamore, cubiculi tectum secum asportans, omni supellectile incensa abit. Fœmina periculo servata, post triduum enixa est monstrum undique fœdum aspectu, quale nusquam antea, (ut ferunt) inter homines visum: quod obstetrices, ne in familia dedecus servaretur, extructa ingenti pyra, citissimè exusserunt.

*Hæctor*

*Hector Boëthus libro octavo historia Scotorum.*

37. *Aliam historiam recitat idem Boëthus eodem loco.* Anno Christianæ Salutis 1486. navigantibus è Phorteæ æstuario, negociationis causa in Flandriam, tanta ventorum oborta est vis, ut velis, malo, armamentisque ruptis, & navi fœdè inter tumentes undas jactata, certissimam mortem cuncti expectarent. Navicularius tantam tamque insolitam aëris inclementiam eo tempore demiratus (suberat enim Solstitium æstivum) cum id non sideri, sed malorum Dæmonum insidiis magni tribueret clamoribus, reddita est vox ex ima navi mulieris se miserè incusantis, quod incubo humana sub effigie, qui cum per multos antea ctos annos habuisset consuetudinem, jam tum fuisset commixta, & ab eo subacta: mari ergò celerius se tradendam, ut ipsa pereunte, quæ tanti mali imminentis causam præstitisset, cæteri Dei benignitate permanerent incolumes. Accedens ad lachrymantem fœminam sacerdos, ejus atque cæterorum saluti consulendi causa, crimen jam palam fatentem, horrentem scelus vehementer, alto pectore, suspiriis indicibus, pœnitentemque facti, piè est hortatus, ne sibi deesset, cui certò cognosceret numinis favorem adesse, &c. Media Sacerdotis adhortatione, cum multis

suspiriis afflicta mulier admissum facinus deploraret, cunctis visa est atra nubes è navis sentina profiliisse, ingentique sono, flamma, fumo, atque fœtore sese deiecisse in mare. Sedatum est inde cœlum, pacatumque mare, & negociatores, cum navi, cunctis suis rebus salvīs, in optatum portum abiēre.

38. *Franciscus Mirandula* se agnovisse scribit Sacerdotem Benedictum Bernam, ætatis annorum septuaginta quinque, qui annis plus quàm quadraginta cum Dæmone familiari, sub forma fœminæ associato concumbebat, in forum deducebat, alloquebatur, adeò ut astantes, qui nihil videbant, eum pro fatuo haberent. Vocabat autem illam Hermelinam, quasi mulier esset. Alium quoque Pinnetum (ait) nomine novi, qui ad octoginta & amplius annos pervenerat, cum Dæmone alio, qui muliebri forma videbatur, vocabatque eam Florinæ nomine, plus quadraginta annis venereas voluptates exercuisse. *Vtramque historiam Cardanus recitat lib. 15. cap. 80. de varietate rerum, &c.*

39. Magdalenam civis cujusdam famulam, scribit *Iacobus Ruffus lib. 5. cap. 6. de conceptione hominum*, nostra memoria Constantiæ fuisse compressam à Dæmonio, eique tandem per pœnitentiam valedixisse,

ex institutione ministrorum Ecclesiæ : ac postea tantos in utero sensisse cruciatus , ut in singulas ferè horas infantem se crederet, enixuram : inde clavos ferreos , ligna, vitra confracta, crines, stuppam, lapides, ossa, ferrum, & hujusmodi innumera ex matrice excrevisse.

40. Mercatoris cujusdam uxor , circiter sex vel septem milliaria à Wittembergæ, Silesiam versus, absente negociationis causâ marito, peculiarem solebat admittere concubinum. Contigit itaque marito peregrè agente, amasium noctu redire : & post curatam cuticulam, Venereamque peractam velitationem, ut videbatur, hora matutina specie Picæ assumpta, jumento concubinum insidere promptuario, ac concubinæ his verbis valedicere: Hic tuus fuit amasius: dictoque citius evanuisse, nec rediisse unquam. *Vierus libro 2. cap. 44.*

41. Benedictus VIII. patria Thusculanus, magicis artibus Theophylacti nepotis, qui Sylvestri II. Papæ olim discipulus fuerat, ad Papatum pervenit. Præfuit Ecclesiæ annis XI. Post obitum Episcopo cuidam, quo familiariter in vita usus fuerat, nigro æquo insidens apparuit, multis lachrymis de tormentis inferorum conquerens, ac fratrem Johannem XI. monere jubens, ut aurum sub terra à se olim defossam, in pau-

peres erogaret , quo se liberatum iri sperabat. *Benno Cardinalis.*

42. Theophylactus Benedicti & Johannis Pontificum ex fratre Alberico nepos, ad Pontificiam dignitatem, magia, qua insignis habebatur, evectus, Benedictum IX. se appellavit. Per intervalla sedit annis decem. Tandem in sylvis à quodam Dæmonum, quorum familiari sæpius uti consueverat colloquio, suffocatus est. *Benno. Referunt historici*, inter quos sunt *Martinus Polonus, Platina, & Petrus Damianus*, Benedictum prope molendinum à quodam Eremita horrenda imagine visum, erat enim corpore urso, cauda atque capite asino similis. Et cum interrogaretur ab eo, unde in eam incidisset metamorphosin? Respondisse fertur: Hac specie oberro, quia in Pontificatu sine ratione, sine lege, sine Deo vixi, & omnibus probris Romanam sedem inquinavi.

43. D. Martinus Episcopus Turonensis, cum non procul à suo monasterio martyriscujusdam incerti ossa colerentur, ne temerè autoritate sua superstitionem aliquam confirmaret, quodam die acceptis secum aliquot fratribus, ad locum illum pergit, Deique numine invocato, orat ut rei veritatem sibi patefaceret. Adstitit ergo ad lævam sordida umbra, quæ nomen suum edit, & de crimine confitetur, latronem se fuisse, & ob

ob scelera necatum, vulgi errore celebratum pro martyre. Ocyus igitur Martinus aram tolli jubet, hocque modo populum superstitione liberavit. *Severus Sulpitius in ejus vita.*

44. Simonides Ceus cum in Theſſalia apud Scopam cœnaret, concinissetque id carmen, quod in eum scripserat, in quo multa ornandi causa, Poëtarum more, in Castorem & Pollucem scripta erant, Scopas dixit, se dimidium ejus quod pactus esset, pro carmine illo daturum, reliquum peteret à Tyn- daridis, quos æquè laudasset. Haud multò post nunciatur Simonidi, ut prodiret, duos juvenes stare ad januam, qui eum magno- pere vocarent. Surrexit, forasque progres- sus, vidit neminem. Hoc interim spacio, conclave illud, ubi epulabatur Scopas, concidit, & Scopam cum suis oppressit. *Cicero in lib. de Oratore.*

45. Anno Domini 654. Imperii Con- stantis undecimo, cinere pluit, unde magnus metus Constantinopolim invasit, ignis de cœlo decidit, & pestis gravissima tribus æ- stivis mensibus grassata est. Cunctis visibi- liter apparebant bonus & malus Angelus noctu civitatem circuire, & quoties jussu boni Angeli malus Angelus venabulo, quod manu ferre videbatur, ostium cujusque do- mus percussisset, tot ex eadem domo se-



quenti die interibant. *Sigebertus in Chronicis. & Paulus Diaconus libro 19. Rerum Romanarum.*

46. Anno sexto Constantini Copronymi, Palæstina circa Jordanem & totam Syriam, in Januario, hora quarta concussionem patitur, qua multæ Ecclesiæ & Monasteria evertuntur. Et Pestis in Sicilia & Calabria orta, pervagatur Monobasiam & Helladem, & insulas vicinas, ac tandem Constantinopolin aggreditur. Multi mente deturbati, videbantur sibi se videre peregrinos quosdam homines, truculento vultu prope se euntes & colloquentes, ac in domos ingredi, hominesque aut vulnerare, aut ejicere, ac plerumque respondit eventus. Nam lues ista plenas domos evacuabat, tantaque erat multitudo morientium, ut omnibus monumentis in urbe & suburbio completis, cisternæ, lacus, vineæ, & horti sepulchra fierent. *Anno Domini 748. juxta Sigebertum.*

47. Inusitatum mortis genus, & penè prodigiosum Theodorici Ostrogothorum Regis fuit. Nam post aliquod tempus quàm Symmachum atque Boëthium occiderat, cum ei in cœna magni piscis caput appositum esset, visus est sibi in eo Symmachi caput videre, inferius labrum in minitantis speciem mordentis, quemadmodum ipse  
medico

medico Elpidio, postea dixit. Qua imagine ita territus est, ut tunc cubare incipiens, nunquam dicere desiverit, se ea imagine terri, quoad animam egit. *Fulgosius lib. 9. cap. 12.*

48. Aristeum Proconnesium, poetam, Castrobii F. ajunt ingressum in Proconneso fullonis officinam, decessisse, fullonemque occlusa officina, abiisse denunciatum rem propinquis defuncti. Dissipato jam per urbem rumore, Aristeum esse vita functum: supervenit quidam Cyzicenus, ex urbe Artacia, qui dicebat sese fuisse congressum cum Aristeo apud Cyzicum, atque collocutum. Cum id iste contendendo asseveraret, propinqui mortui ad fulloniam præstò fuerunt, habentes quæ ad efferendos homines expediunt. Aperta domo, Aristeus nec vivus apparuit, nec mortuus: septimoque deinde anno, cum in Proconneso apparuisset, eos versus fecit, qui nunc à Græcis Arimaspei vocantur: quibus conditis, rursus evanuit. Metapontini in Italia, trecentis & quadraginta annis post, ajunt Aristeum, cum apud ipsos apparuisset, jussisse aram Apollinis extrui, quæ cognomen haberet Aristei Proconnesii, &c. *Herodotus libro quarto.*

49. Leonardus quidam Basileæ circa annum Christi 1520. sactoris F. ingenio

simplex, voce balbus, Lienimannus vulgò dicebatur. Is nescio qua arte cryptam illam, quæ Augustæ Rauracorum patet, ingressus, & ultrà quàm ulli alii nunquam potuerint, progressus, miranda quædam spectra referebat. Cereo consecrato accenso, in cryptam descendens, primò per ferream portam sibi transeundum ajebat, inde ex una concameratione in aliam, atque etiam in hortos pulcherrimè virentes. In medio aulam magnificè ornatam spectari, & virginem pulcherrimam pubetenus, aureo diadematè caput cinctam, capillis solutis, infernè in horridum serpentem desinentem, à qua manu ad scrinium ferreum duceretur. Scrinio duos molossos nigros incubare, & terribili latratu accedentes arcere. At virginem mirabundæ similem eos compescere. Tum clavium fasce, quem collo alligatum gestaret, soluto, arcam recludere, & omnis generis numismata aurea, argentea, ærea depromere: Quorum non pauca liberalitate virginis ex ipsa crypta se retulisse ostendebat. Addebat, virginem dicere solitam, diris imprecationibus sese, cum Regio orta esset stemmate, jam olim devotam, in tale monstrum mutatum fuisse, neque aliam salutis recuperandæ rationem superesse, quàm si ab illibati pudoris adolescente ter deoscularetur. Tunc enim formam pristinam sibi

sibi restitutum iri, & dotis nomine thesaurum omnem, qui in eo loco lateret, liberatori cessurum. Affirmabat quin etiam, bis sese virginem deosculatum, bis tam horribiles gestus in ea præ nimio gaudio speratæ liberationis observasse, ut sibi, ne vivus ab ea discerperetur, metuendum foret. Accidit interea, ut à quibusdam nepotibus in ganeum deductus, scorto sese misceret. Quo crimine cum sese polluisset, nunquam postea aditum ad cryptam reperire potuit, nedum ingredi. *De qua re misellus saepe etiam cum lachrymis conquestus fuit.* Phantasma hoc Diabolicum fuisse, quis non videt? at certè tamen vetustissima numismata Romana, quæ ex caverna illa retulit, & multis civium nostrorum vendidit, indicium faciunt, latere fortassis in ea crypta thesaurum, quem avarus quidam Dæmon custodiat, non secus atque in aurofodinis cacodæmones strangulatores interdum metallicæ operæ magno suo cum malo experiuntur. *Et ne quis hac fabulosa putet, testes adhuc vivi supersunt, qui ex ore Lienimanni hac habuere.* Post illum civis quidam Basiliensis in summa annonæ penuria, ut familiam commodius aleret, spe numismatum eruendorum, in eandem cryptam descendit. Verum aliquousque progressus, cum præter ossa quædam humana nihil aliud

invenisset, maximo horrore correptus, concitatissimo gradu è specu rediit, spe sua frustratus, *teste Iohanne Stumpffio in Chron. Helvetiae.*

50. *Ex Helinando Vincentius hac refert libro 3. cap. 27.* In Colonienſi Diœceſi fa-  
moſum & immane palatium Rheni flumi-  
nis ſupereminet, Juvamen nuncupatum, ubi  
pluribus olim congregatis principibus, in-  
opinatò advenit navicula, quam collo alligatam cygnus argentea trahebat catena. In-  
de miles novus & incognitus omnibus exi-  
iit, cygnusque navem reduxit. Poſtea uxorem duxit miles, liberosque procreavit.  
Tandem in eodem Palatio reſidens, & cy-  
gnum inſpiciens adventantem cum eadem  
navicula & catena, ſtatim in navem ſe rece-  
pit, nec viſus eſt amplius: progenies autem  
ejus in hunc uſque diem perſiſtit. Ex eo in  
arce Clivenſi (ubi & altiffima turris vetuſta  
conſpicitur, Cygnea nuncupata, in cujus  
faſtigio cygni ſimulachrum volvitur) anti-  
quiſſimis tapetis intexto, originis Ducum  
Clivenſium vetuſtatem deducunt. *Vierus  
lib. 2. cap. 46. de præſigiis Damon.*

51. Cum Perſæ, vexato excuſſionibus  
Megarico agro, ſe Thebas ad Mardonium  
ducem ſuum reciperent, obortis repente  
Dianæ numine tenebris, per errorem via-  
rum ad mantanam eos regionis partem de-  
flexiſſe

flexisse ajunt. Ibi ex Dæmonum præstigiis objecta hostilis agminis specie sagittas misisse, ad quarum ictus cum proxima saxa tanquam gemitus imaginem redderent, homines esse qui ex vulneribus gemerent opinantes, non antè jaculari desisse, quàm sagittas omnes profudissent. Cum verò illuxisset, Megarenses armatos contra inermes imperu factò, magnam ejus agminis partem trucidasse, atque eo rei eventu Dianæ Sospi-tæ signum dedicasse. *Pausanias in Atticis.*

52. In pugna Marathonia contra Persas Atheniensibus vir quidam specie atque habitu agrestis, opem tulit. Qui cum ex Barbaris quamplurimos aratro interemisset, repente evanuit. Neque verò quærentibus quisnam ille fuisset Atheniensibus, aliud respondit Oraculum, quàm ut Echelæum Heroa colerent. E candido verò lapide eo in loco trophæum erexerunt. *Pausanias in Atticis.* Eadem pugna Thesei spectrum Medos invadere multi viderunt. Ex eo postea tanquam Heroem colere Athenienses cœperunt. *Plutarchus in ejus vita.*

53. Cum Persæ ductu Xerxis ad sacellum Minervæ, quod est ante templum Delphicum, accederent, interea è cœlo fulmina in eos deciderunt, & à Parnasso duo abscissi vertices, magno cum fragore sunt devoluti, permultosq; eorum interceperunt. Atque ex



ipso Sacello Minervæ vociferatio, jubilatioque extiterunt. Barbari fugæ se mandârunt. Delphi descendentes magnam eorum stragem edidère. Qui superfuère, restâ ad Bœotios effugerunt, referentes vidisse se duos armatos humana natura augustiores sese insequentes. Hæc spectra Delphi dixerunt indigenas Heroas fuisse, Phylacon & Autonoum, quorum fana visuntur. Phylaci quidem, secundum ipsam viam super ædem Minervæ: Autonoi verò propè Castaliam sub Hyampeo vertice. Saxa quæ à Parnasso deciderunt, adhuc ad Herodoti usque memoriam integra extitère in fano Minervæ protemplaris locata, ad quod per Barbaros devoluta pervenère. *Herodotus lib. 8.*

54. Dum contra Xerxem Græci ad Salaminem pugnant, fama est ingens lumen ab Eleusine refulsisse, campumque Thriasium strepitu & vocibus, sicut ex cœtu hominum mysticum Jacchum deducentium, ad mare usque personasse. Ab agmine vocem edentium assurgens paulatim à terra visa iis nubes deflectere à continente, & in naves incumbere. Alii species videre visi sunt virorum armatorum, manus ab Ægina pro Græcorum classe protendentium. Eos putabant esse Æacidas, quos votis ante pugnam imploraverant. *Plutarchus in Themistocle.*

55. Cum

55. Cum in Eleorum fines hostiliter Arcades invasissent, contraque eos aciem Elei direxissent, mulierem ajunt infanti puero mammam præbentem ad Eleorum Duces venisse, seque cum puerum eum peperisse diceret, addidisse, monitam per somnium, ut eum pugnae socium Eleis adjungeret. Ibi eos, qui summa rei præerant, quod mulieris verbis fidem habendam censuissent, puerum nudum ante signa collocandum curasse. Impressione ab Arcadibus facta, puerum in eorum conspectu in anguem mutatum. Eo prodigio hostes exterritos, in fugam se protinus dedisse. Parta verò insigni victoria, à servata civitate nomen Sosipolidi inditum, quoque loco in cavernam visus fuerat se anguis abdidisse, confecto prælio fanum erectum, & Sosipolidi patrio genio dicatum. Honores Lucinae decreti, quod ab ea in lucem puerum illum sibi editum interpretati sunt. *Pausanias libro 6.*

56. Cum Locrenses adversus Crotoniatis dimicarent, in Locrensi acie perspecti sunt in candidissimis equis duo juvenes, alios in prælio antecedere, parta victoria nusquam postea visi: quæ victoria eodem momento, quo parta fuit, Athenis, Lacedæmone atque Corinthi, etsi à Locris atque Crotone ea loca plurimum distant, denunciata fuit. Trecenta Sybaritarum millia  
à pau-

à paucis cæsa, Sybaris everfa. *Fulgosus lib. I. cap. 6.*

57. Invadentibus aliquando classe ex Eubœa Tanagræum agrum Eretrienfibus, Mercurium ephebos in pugnam eduxiffe ajunt, & ipsum etiam, quippe qui Ephebus effer, ftrigili armatum, præ cæteris, Eubœenfes in fugam vertiffe. Hanc ob caufam Mercurio Promacho templum erexêre. *Pausanias in Bæoticis.*

58. In eo bello, quod Romani contra Tarquinius Romam redire conantem gef-  
fêre, fama tenet viſos in illa pugna Caſto-  
rem & Pollucem, atque mox à prælio ma-  
nantibus ſudore equis conſpectos in foro  
nuncios victoriæ, quo loco propter fontem  
ædes eorum extat. Unde diem victoriæ Idus  
Jul. Tyndaridis conſecravêre. *Plutarchus in  
Coriolano.* Bello fimiliter Latino, Caſtor &  
Pollux apud lacum Juturnæ viſi ſunt equo-  
rum ſudorem abluere, cum ædes eorum, quæ  
fonti junc-ta erat, ſua ſponte patuiſſet. *Val-  
erius Maximus lib. I. cap. 6.* Cum apud la-  
cum Regillum A. Poſthumius Dictator, &  
Thuſculanorum Dux Manilius Octavius  
magnis viribus inter ſe concurrerent, ac  
neutra acies aliquamdiu pedem referret,  
Caſtor & Pollux Romanarum partium pro-  
pugnatores viſi, hoſtiles copias penitus fu-  
derunt. *Idem lib. I. cap. 8.*

59. Cum

59. Cum Brutii atque Lucani odio incitatissimo, maximisque viribus Thurniæ urbis peterent exitium, ac præcipue studio ejus incolumitatem C. Fabricius Lucinus Cos. protegeret, resque ancipiti eventu, collatis unum in locum utriusque partis copiis, gereretur, non audentibus Romanis prælium ingredi, eximiæ magnitudinis juvenis primum eos hortari ad capeßendam fortitudinem cœpit: deinde ubi tardiores animadvertit, arreptis scalis, per mediam hostium aciem ad contraria castra evasit, & admotis vallum conscendit. Inde voce ingenti clamitans, factum victoriæ gradum: & Rom. ad aliena castra capienda, & Lucanos Brutiosque ad sua defendenda, illuc traxit, ubi conferti dubio certamine tenebantur. Sed idem impulsu armorum suorum prostratos hostes, jugulandos, capiendosque Romanis tradidit. Viginti enim millia cæsa, quinque millia cum Statio Statilio Duce utriusque gentis, & tribus atque viginti militaribus signis capta sunt. Postero die cum Cos. inter honorandos, quorum strenua opera fuerat usus, vallarem coronam ei servari dixisset, à quo castra erant oppressa, nec inveniretur qui id præmium peteret, cognitum pariter atque creditum est, Martem patrem tunc populo Romano suo affuisse. Inter cætera hujusce rei manifesta

festa indicia , galea quoque duabus distincta pinnis , qua cœleste caput tectum fuerat , argumentum præbuit. Itaque Fabricii edicto , supplicatio Marti est habita , & à laureatis militibus , magna cum animorum lætitia , obliti auxilii testimonium ei est redditum. *Valerius lib. 1. cap. 8.*

60. Empusa, seu Onocale, spectrum diabolicum , ab Hecate immissum , & calamitosus apparens , quod in varias se figuras transformat, inde dictum, quòd uno pede incedat , alterum verò habeat æneum aut asininum. Putabatur autem etiam in meridie apparere , cum defunctis inferiæ ferrentur. *Aristophanes in Ranis:* At medius fidius belluam video magnam. Cujusmodi? Terribilem , multiformem. Jam enim bos fit, jam mulus, aliàs formosissima fœmina. Ubi est? accedam ad eam. At fœmina esse desit, jam canis est. Empusa igitur est. Igne certe quidem tota collucet facies, & pedem habet æneum. *Suidas.*

61. In ea quæ est circa Syrtes Lybia, quandoque & maximè quieto à ventis tempore, apparent in aëre diversorum animantium formæ, quarum quædam quiescunt, quædam moventur: & hæ aliquando fugiunt , aliquando insequuntur: sed omnes magnitudine eximia , stuporem , timoremque insciis præbent. Quæ homines insequuntur, com-  
prehen-

prehensum frigido circumdant contactu.  
*Diodorus lib. 3. cap. 4.*

62. De Actæone vulgatum inter Orcho-  
 menios fuit, vexari agrum ab ea larva, quæ  
 saxo ejus (quod est inter Plataæ & Mega-  
 ras) insideret. Ea de re consulto Oracu-  
 lo Delphico, jussi sunt, si quas reperissent  
 Actæonis reliquias, eas ut terra tegerent.  
 Præterea ut larvæ simulacrum ex ære fa-  
 ctum ad saxum alligarent: *Pausanias in*  
*Bœoticis.*

63. In Parnasso monte Bœotiæ Apollini  
 consecrato, Bacchanalia alternis annis agun-  
 tur, & frequens etiam Satyrorum cœtus  
 cernitur, & plerumque voces propriæ exau-  
 diuntur, itemque cymbalorum crepitus ad  
 aures hominum sæpe pervenit. *Macrobius*  
*lib. 1. Saturnal. cap. 18.*

64. Ajunt Gello virginem quampiam  
 fuisse, quæ puella adhuc vita decesserit. Hu-  
 jus spectrum oberrare Lesbiiis, creditum est,  
 ac pueros impetere, unde puerorum mor-  
 tem, qui præmaturo fato perirent, huic Gel-  
 lo imputabant. Hinc proverbium puero-  
 rum amans Gello. *Erasmus in Adagiis.*

65. *Strabo lib. 6. Geographia refert*, Te-  
 messam ab Lao primam urbem esse Bru-  
 tiæ, ipsius ætate dictam Tempſam, quam ab  
 Ausoniis conditam, Thoantis comites Æro-  
 li deinde tenuerint, atque his expulsis Brutii,  
 demum



demum Hannibal & Romani funditus everterint. Juxta hanc facellum fuisse oleastris circumseptum, Politæ cuidam ex Ulyssis comitibus sacrum. Hunc, quòd esset à Barbaris violatus, graves iras in eos exercuisse: adeò ut in proverbium abierit, dicerentque cavendum, ne Temessæus genius immineret. Deinde Locrensis Epizephireis urbe potitis, Euthymum quendam, ut inquit Ælianus, ex Italia illuc venisse pugilem inclytum, & insigni robore, qui & lapidem ingenti magnitudine gestaverit, qui Locris ostendi soleat. Hunc cum Polite congressum, ac victorem è certamine discessisse, atque ita finitimos hujus opera liberatos à tributo, quod ille consueverat extorquere: Quin & compulisse illum, ut quod per vim abstulerat, redderet etiam cum fœnore. Atque hinc proverbium natum putat, iis qui sordidos & injustos quæstus faciunt, adfore Temessæum genium, quo significabant, aliquando dependenda cum fœnore, quæ præter jus, & fraude seu vi rapuissent. *Pausanias in Eliacis paulò diversius rem narrat:* Nempe, Comitum quendam Ulyssis, ob virginem constupratam occisum fuisse, atque ob id larvas ejus, nisi quotannis oblata virgine placarentur, grassari solitas, ac perniciem afferre omni sexui atque ætati. Atque hunc quidem ejus loci genium vulgo fuisse

fuisse creditum, quem Euthymus pugil Temmessam reversus compescuerit, virgine, quam devoverant, liberata, atque in matrimonium accepta. *Erasmus in Chiliadibus.*

66. Est insula Ægæ, unde deflexum est Ægæi maris nomen, Neptuno sacra, in qua non ferè quenkum posse consopori, *prodidit Nicocrates*, ex Phantasmatum Dei occurfaculis, subinde quietem interpellantibus. *Calius lib. 30. cap. 9. A. L.*

67. Priusquam cadaver C. Cæsaris Caligulae sepeliretur, hortorum Lamianorum custodes, umbris inquietati sunt. In ea quoque domo, in qua occubuit, nullam noctem sine aliquo terrore transactam affirmarunt, donec ipsa domus incendio consumpta sit. *Suetonius.*

68. Nero matrem Agrippinam dicta factaque sua exquirentem acerbius, & corrigentem, interfecit. Neque tamen sceleris conscientiam, quanquam & militum, & Senatus, populique gratulationibus confirmaretur, aut statim, aut unquam postea ferre potuit: sæpè confessus, exagitari se materna specie, verberibus furiarum, ac tædis ardentibus. Quin & facto per Magos sacro, evocare manes, & exorare tentavit. Peregrinatione quidem Græciæ Eleusiniis sacris, quorum initiatione impii & scelerati  
voce

voce Præconis submoverentur , interesse non ausus est. *Suetonius.*

69. Otho Imperator Galba cæso à suppliciis & terroribus Imperium auspicatus. Nox enim, quæ primum Imperii diem secuta est, adeò turbida & infesta illi contigit, ut per quietem subito pavefactus, gemitus ediderit ingentes, repertusque sit ab iis, qui eò occurrerant, humi ante lectum jacentis: ob idque Galbæ manes, à quo dēturbari sese, expellique viderat, propitiare conatus est. Postridiè quoque in augurando tempestate orta graviter prolapsus, identidem obmurmurasse: *πὶ γὰρ μοι ἡ μακροῖς αἰολοῖς.* *Suetonius.*

70. *Zonaras ex Thraceſio refert*, Isaacio Comneno Imp. circa Neapolim venanti visum esse aprum horrendo aspectu, quem dum laxatis equo habenis persequeretur, in mare demersum evanuisse, & à plerisque non aprum, sed spectrum quoddam diabolicum esse judicatum: atque interim fulgore quodam, instar fulguris, perstrictum Imperatorem, equo præ terrore excussus, & spumam ore rejicientem, humi attonitum jacuisse, atque inde navi piscatoria in Regiam revectum, in Studiense monasterium se contulisse. *Zonaras.*

71. *Refert Augustinus*, quòd vir quidam tribunitius Hesperius, in Fusalensi territorio

ritorio Africæ fundum habuerit, qui fuit infestatus à malignis spiritibus, ita ut animalia & servos graviter affligerint. Domestica igitur hac calamitate coactus, accessit Dominus fundi ad Ecclesiæ ministros, rogavitque ut aliquis ibi preces facere dignaretur. Abiit igitur eò, oravitque ardentem & serio, imò etiam ibi cœnam Domini distribuit, & protinus illa Cacodæmonum vexatio cessavit. *Libro de civitate Dei vigesimo secundo, capite octavo.*

72. *Severus Sulpitius in vita Martini libri I. item in vita Clementis, scribit Monachum quendam anachoretam habuisse patrem non procul degentem, qui filium invisurus, securim comportabat, qua in reditu ligna domum conferenda caderet:quare Dæmon in Angeli specie huic apparuit Monacho, Diabolum in patris forma cum securi adventare, ut eum jugulet, nuncians affirmanisque se ea causa prævenire, admonitum Eremitam, ut is Satanæ conatus præverteret, prius illum occidens, quàm ab eo interficeretur. Itaque ratus patrem accedentem salutantemque esse diabolum, confestim illum interemit, & vicissim monachum Dæmon è vestigio strangulat.*

73. Sub Ludovico III. Imper. Dæmonium Moguntinam civitatem per triennium miserè afflixit. Est in Germania Galliaque Celtica,

Celtica , haud procul à Bingo oppido , ubi Navas flumen Rheno miscetur , pagus Camonti vulgò , quasi caput montium dictus. Ibi anno 858. desertor ac perfuga Spiritus multa miracula edidit, circulatorias praestigias lusit, incolasque infestavit. Primò umbra feralis à nemine quidem conspecta, lapides in homines jactare, pulsare fores coepit. Mox sub humana specie pestilens ac nequissimus ille genius delitescens, responsa reddidit, furta prodidit, criminatus quoscunque nota infamiae asperlit, discordias, similitates excitavit. Paulatim horrea, casas omnes succendit atque exussit, sed uni molestior accidit, perpetuò ejus lateri, quocunque diverteret, haerens, atque domum comburens. Et ut viciniam universam in necem innocentis concitaret, ob scelera illius hunc locum infamem ac devotum esse, pravus mendaciorum faber jactabat. Coactus est homo sub dio manere, ab omnibus enim quasi lemuribus nocturnis sacer tecto arcebatur. Atque ut ille confinibus satisfaceret, candens ferrum manibus portavit, ac cum non violaretur, in fontem se comprobavit: nihilominus tamen in agris frumenta ejus in acervos compositos, idem lar contaminatus ac perditus combussit. Et cum odiosus indies magis atque magis esse pergeret coacti pagani, rem ad pontificem Moguntinum defe-

deferunt. Sacerdotes, missi, agros, villas, sacris comprecationibus ac solennibus, lustrali aqua, saleque lustrico expiant atque collustrant. Prava ac conturbata mens primò quidem renitebatur, ac lapidibus quosdam vulneravit, verum divinis carminibus incantatus, efficacibusque supplicamentis adjuratus, tandem conticuit, nec usquam gentium apparuit. Ubi discesserunt Mystæ, Spiritus alter atque pestilens rursus adest, Interim dum illi, inquit, calvastris Sacrificuli, nescio quid immurmurarent, sub lineo amiculo Sacerdotis (nominatim hunc notabat) qui meo suasu filiam hospitis sui superiore nocte compressit, delitui. Atque hisce relatis, ingenti edito ejulatu, umbra feralis ex illis migravit sedibus, loca ritè lustrata reliquit, tenuesque evanuit in auras. *Sigebertus Chron. Hirsaug. Antoninus, Aventinus lib. 4.*

74. Apud Aquilonares populos solent nocturni Viatores, gregumque & armentorum excubiis intenti, portentis diversi generis circumfundi mirifico concentu. Hunc nocturnum monstrorum ludum vocant incolæ choream Eluarum: de quibus eam habent opinionem, quod animæ eorum hominum, qui se corporeis voluptatibus dedunt, corporibus illapsi circum terram volutentur. E quorum numero credunt eos esse, qui

C

se ad-



se adhuc nostro seculo in effigie humana accommodare solent ministeriis hominum nocturnis horis laborando, equosque & iumenta curando. Vestigia certè harum larvarum manè interdum in herbida rosida deprehenduntur, interdum verò ceu igne exesa conspiciuntur. *Olaus Magnus libro 3. cap. 11. Septentrional. gentium.*

75. Arx est in extremis terris Finlandiæ suppolaris Regno Sueciæ subiecta, Nova arx dicta, eò quòd miris ingeniis extructa, arte naturaque munita sit, nam in rotundo monte collocata est, unicum habens introitum & exitum versus Occidentalem partem: idque per ratem grandibus catenis ferreis alligatam, quæ forti labore singulis diebus trochlearum beneficio, ob aquarum impetum, per noctem à custodibus ad unam partem fluminis attrahitur. Hoc castrum præterlabitur vastissimus fluvius, inscrutabilis profunditatis, ex albo lacu descendens, à fundo nigri coloris efficitur, præsertim in circuitu hujus arcis, ubi omnes pisces nigros habet, & generat, non tamen ingrato sapore. Tandem vero nigrum lacum efficit, transiens per Viburgum. Ad hunc fluvium spectra subinde apparent, & imminente morte præfecti arcis vel militis alicujus, citharædus per noctem in mediis undis ludens conspicitur & auditur. *Olaus lib. 20. cap. 19. & 20.*

76. In Islandia insula sub Polo Arctico, Promontorium est, quod instar Ætnæ perpetuis ignibus æstuat: Ibiq[ue] locus esse creditur pœnæ expiationisq[ue] sordidarum animarum. Illic nempe submersorum, sive alio violento casu enectorum spectra sese offerunt congressibus notorum hominum tam manifesta, ut tanquam viventes accipiantur ab ignaris mortis illorum data dextra. Nec deprehenditur error, priusquam disparuerint umbræ. Incolæ plurimum præsagiunt fata Principum, quidve remotius in orbe peragitur, revelationibus apparentium spectrorum. *Idem lib. 2. cap. 3.*

77. Naclum arcem Pomeranorum munitissimam Vladislaus I. Polonorum Rex obsidebat. Ibi nocte lucente luna, crebrò visebantur ab excubitoribus quasi armatorum hostium acies, ex apertis campis ad stativa Polonorum adequitantes, & incurstantes. Cum id sæpius accideret, indignati Poloni, inquietari sese, nec usquam in apertum certamen prodire hostes. Noctē quadam, cum itidem hostes adesse nunciarentur, fremebundi agminatim è castris sese proripuerunt, diffugientesq[ue] casto labore longius persecuti sunt. Obsessi tumultu Polonorum exaudito, & excursionē ex castris animadversa, erumpunt subitò, & ignem in opera atq[ue] tuguria militum stramine arundine.

dineque contexta injiciunt, quo celeriter pluribus in locis sese diffundente, paucis qui in castris manserant defendentibus, facile opera cum magna castrorum parte conflagrârunt. Nocturnas umbras illas fuisse autumant, quæ hostilis exercitus speciem ostentantes, Polonos ita divino permisso excitârunt: Hoc incommodo accepto, Poloni quòd hyems, quæ citius & asperius regiones illas affligit, jam instabat, tuguriaque amiserant, sine quibus vim & injuriam hyberni cœli perferre non potuissent, simul quod terrores illos nocturnos in religionem verterant, re infecta ab oppugnatione Nacli discessêre. *Cromerus lib. 3. histor. Polon.*

78. In Cracoviensi tractu ad lacum quendam peramplum, infestatione Dæmonum piscationibus & usibus hominum exemptum, & hyberna glacie concretum, vicinos cum Sacerdotibus vexilla, cruces, & reliquas sacras, quibus vis Dæmonum propulsaretur, ferentibus, piscandi gratia convenisse tradunt Anno Christi 1278. Immisso autem reti, primo quidem tractu, contendentibus piscatoribus, tres pisciculos, altero nihil nisi rete convolutum, tertio denique monstrum horrendum caprino capite, & in speciem ignis ardentibus oculis extractum esse. Territis autem ac diffugientibus cunctis, Spectrum illud sub glacie in

glaciem sese immerfisse: ac toto lacu discursans, terribilem strepitum ac sonitum edidisse, afflatosque ab eo nonnullos homines, fœda ulcera retulisse. *Cromerus libro 9.*

79. *Iason Pratenfis cap. 26. de cerebri morbis historiam narrat*, de Sacrifico, qui patiebatur incubum quavis nocte etiam vigilans, cum mulierculam sibi notam ad se commeare imaginaretur, quæ vel reluctanti incumbens, gravissimè eum affligeret.

80. *Alexander ab Alexandro lib. 2. Genialium dierum cap. 9. scribit*, quendam suum familiarem, non ambigux fidei hominem, amici funus curasse: & cum inde Romam reverteretur, nocte adveniente in hospitium viæ proximum divertisse, & ibi se animo & corpore fatigatum quieti dedisse. Cumque solus degeret, & adhuc vigilaret, ait repentè amici nuper defuncti imaginem summo pallore & macie, ac eo fermè habitu oris, quali illum cum ægrotaret dimiserat, ad se accessisse. Quem cum fuisset intuitus, & præ timore, nec animo nec mente satis constaret, Quisnam esset? interrogavit. Ille autem cum nihil respondisset, exutis, ut videbatur, vestibus, in eodem, cui ipse incumbabat, lectulo se collocavit, ac prope accessit, quali cum amplexurus. Alter

verò cum ferè jam metu exanimis videretur, ad lectuli spondam secessit, illumque propius accedentem abegit. Qui se repulsum pati videns, alterum torvo & minus familiari vultu aspectat, resumptisque mox vestibus è lectulo surrexit, & cinctus calceatusque inde abiens, nunquam postea apparuit. Quo timore familiaris ille percutsus, gravi corripitur morbo, ut propemodum interierit. *Addebat his*, dum in lectulo cum illo luctaretur, se nudum illius pedem usque adeò gelidum contrectasse, ut nulla glacies huic frigori potuerit comparari.

81. Gordianus meus amicus, *inquit idem Alexander*, spectatae fidei homo, mihi retulit, cum Aretium cum familiari suo proficisceretur, & ab itinere, ut sit, longè aberrassent per difficilia & devia loca, ut nihil viderent culti, sed saltem nemora, saltus nivei & inaccessi objicerentur oculis, & ipsa terreret solitudo: vergenteque ad occasum Sole, labore fessi consedissent, tandem hominis vocem procul audiri visum est, quam secuti, in proximo fastigio trium hominum conspiciunt imagines immanes & formidabiles ultra humanum modum, nigris & demissis tunicis, in veste lugubri funestaque, barba capilloque summisso, horribili facie, qui cum voce gestuque ad se ipsos advocarent, ac jam propè illexissent, ingente

gente interim corporis mole, longè humana majores apparuerunt: atque alius specie non abfimili nudus, mirificos edidit saltus, gestusque indecoros. Quo spectaculo consternati, fugam hi cœpère, viamque arduam & præcipitem emensi, vix rustici demum vile hospitium, ubi diverterent invenère.

82. *Idem Alexander ejusdem argumenti historias describit libro 4. cap. 19. in hæc verba*: Nuper amicus meus summus, ingenio & fide singulari, rem dictu admirabilem sibi evenisse narravit, ejus veritatem multorum comprobans testimonio: se videlicet, cum apud sibi familiarem & conjunctissimum Neapoli diverteret, & nocte intempesta hominis in via clamantis, opemque implorantis vocem audivisset, accenso lumine accurrissè, quid rei esset inquisitum, ibique Dæmonem & dirum quoddam numen tetra & horribili specie conspexisse, quod juvenem vociferantem & reluctantem in via infestis manibus invadere nitebatur. Ad hunc prope accedentem miser ille accurrat, vestemque & manum quàm potuit tenacissimè apprehendit, multumque & diu frustra reluctatus, invocato numinis divini auxilio, vix tandem à Dæmone se vindicat. Quum vero juvenem animo turbatum in domum recepisset, ut ab ipso dimitteretur,



aut pallium relinqueretur, nequaquam potuit effici, tantus enim illum invaserat horror, ut mente evicta sui non esset compos, quum illi perpetuò ob oculos versari videretur illa species. Ubi tandem ad se rediisset, rem omnem quo pacto habuerat, exposuit. Fuerat autem sceleratae vitae, contemptor Dei, & parentibus immorigerus, quos tunc objurgarat, contumeliasque & intoleranda probra in eos congesserat, ut ab illis consecratus diris execrationibus abierit.

83. Thomas Monachus, homo minime malus, cujus fidem probitatemque in rebus non paucis expertus sum, *inquit idem*, seriò mihi retulit, quum in Monasterio & sacris adibus, sitis in Lucanis montibus, cum pluribus altercatus fuisset, & post multa convitia rixasque animo perturbato solus secessisset per nemora, se speciem hominis vultu tetro, aspectu deformi sævoque, nigra barba, promissis tunicis, obviam habuisse: Qui rogatus, quid solus per devia oberraret loca? Respondit: Se equum, quo vehi solet, amisisse, & sua opinione in proximos excurrisse campos: cumque per sinus invios equum unà quæsitum pergerent, ad rivulum, in cujus alveo gurgites latebant formidabiles, devenerunt. Quare Monachum calceos exuentem in faciliorem transitum, magnopere urgebat alter, ut in ipsius conscenderet hume-

humeros, transferendus ab eo, qui major erat corpore. Ille acquiescens, collumque amplexus alterius vada inquirentis, pedes ipsius non humana, sed tetra & deformi specie contuetur. Qua re animadversa, terrore percussus, divinam implorat opem: atque è vestigio Dæmonem & simulachrum illud dirum, audita invocatione divina, murmure querulo, & turbine usque ad eò valido profugisse asseverat, ut imminentem quercum ingenti colliserit impetu, & infractis ramis radicitus everterit: Se autem consternatum, & velut exanimem diu jacuisse, & nisi prævidisset, Diabolum in vortices & voragines fluvii præaltas ipsum præcipitaturum fuisse, atque interempturum, persuasum habet.

84. *Sed præ omnibus quæ audiverim aut viderim, res est admiratione digna, quam recenti memoria evenisse Roma comperimus.* Cum apud Gabios quidam infimæ sortis & obscuris natalibus adolescens, furiosus, corruptorum morum, & facinerosæ vitæ, parentem objurgasset, convitiisque proscidisset, iis agitatus furiis Dæmonem invocat, cui se devoverat, Romamque meditatur, ut gravius aliquod flagitium in patrem moliretur. In itinere Dæmonem facie hominis truculenta, sordida barba & capillo, vestique obsoleta & squalida obviam habuit: qui comi-

tatus, tristitiæ & anxietatis causam ex juvene percunctatur. Hic, sibi quid altercationis fuisse cum patre, & scelus aliquod in animo constituisse respondit. Cui Dæmon, sibi eandem obvenisse sortem ait, pergendumque ut suas simul ulciscantur injurias. Cumque nocte appetente ad urbem pervenissent, in proximo diverterunt hospitio, unaque incubuerunt. Juvenis vero somno oppressi jugulo manus injicit pestilens ille comes, quod jam infregisset; nisi alter expurgatus Deo supplicasset. Unde furiam illam teterrimam tanta vi, stridore & impetu cubiculum dicitur exeundo collisisse, ut tigna & tectum diruerit, tegulasque penitus perfregerit. Hoc spectaculo perterritum & ferè mortuum adolescentem, vitiositatis & anteaactæ vitæ pœnituit: qui alio afflatus spiritu, perosus scelera, boni exempli vitam procul à populari tumultu egit. *Hæc ille.*

85. Alexander ab Alexandro Jureconsultus Neapolitanus, cum Romæ ægra valetudine oppressus, jaceret in lectulo, speciem mulieris eleganti forma sibi plane vigilantibus obversatam vidit: quam cum inspiceret, diu cogitabundus & tacitus, reputans nunquid falsa imagine captus, aliter atque res esset aspiceret. Cum suos sensus vigere, & figuram illam nusquam à se dilabi videret, quænam illa esset, interrogavit. At illa tum  
subri-

subridens, & ea quæ acceperat verba respondens, quasi eum planè derideret, cum diu ipsum fuisset intuita, discessit, *libro 2. cap. 9.*

86. Dæmones qui in domibus oberrare visuntur, vel mites sunt, vel terrici & truculenti. Mites videntur Lares dici posse, qui in domibus concubia potissimum nocte versantur, & aliquid se facere vario strepitu indicant, cum revera nihil faciant. *Scribit Vierus*, in ædibus suorum parentum, se puero, Lares frequenter auditos, qui pridie quàm accederant mercatores lupulum empturi (è qua re pater ipsius quæstum facere consueverat) saccorum per scalas devolutorum strepitum imitare consueverant, omine semper fausto & veraci. His similes, quos Germani Gutelos vocant, à bonitate, qui etiam aliquid operum faciunt, curam præsertim jumentorum habentes, hominibus alioqui rarò apparentes. Non diversi ab istis, quos Trullas nuncupant, qui sexu tam mulieris quàm viri ementito, cum apud alias nationes, tum maximè apud Suionas in famulatu fuisse ferunt. Jam vero truculentos Larvarum appellatione dignari possumus, qui familiam quocunque modo vel turbant, vel terrent.

87. In fodinis quoque metallicis utrumque genus reperitur, *teste Georgio Agricola*,

*libro de animantibus subterraneis.* Et truculenti quidem vel solo aspectu terribiles, plerumque metallicis infesti atque inimici sunt. Talis fuit Annæbergius Dæmon, qui operarios duodecim amplius flatu interfecit in specu, qui Corona rosacea appellatur, eo nomine relictus, quantumvis argento dives esset. Flatum verò emittebat ex rictu, cum equi specie, habentis procerum collum, & truces oculos appareret. Eiusmodi etiam fuit Schneebergius Dæmon, nigro cucullo vestitus, qui in fodina Georgiana operarium è solo sublatum, in superiore loco maximæ illius concavitaris quondam feracis argenti collocavit, non sine corporis attritu. Quæstuosam admodum fodinam deferere apud Turcas cogebatur Judæus à Dæmone metallico, hominibus frequenter in forma capræ aurea cornua gerentis apparente. At sedatos illos Germanorum alii, ut etiam Græci, Cobalos vocant, quod hominum sunt imitatores: nam quasi lætitia gestientes rident, & multa videntur facere, interim nihil planè efficientes. Alii virunculos montanos nominant, quia plerumque apparent nani, tres dodrantes longi. Videntur autem esse Seneciones, & vestiti more metallicorum, id est vitteto indusio, & corio circa lumbos dependente. Innoxii sunt hi metallicis: etsi interdum glareis operarios lace-  
sunt,

sunt, rarissimè tamen eos lædunt, nisi prius cachinno aut maledicto fuerint laceßiti. Potissimum opus facere videntur in his specubus, è quibus metalla jam effodiuntur, vel ea effodi posse spes est. Quocirca à laboribus non deterrentur metallici, sed omen inde capientes, alacriori sunt animo, & vehementius laborant, eosque exoptant.

88. Theodosius Imperator, cum exhauisto frequentibus bellis fisco, tributum novum urbibus imposuisset, solus Antiochenus populus novum vectigal non tulit, sed seditione mota, Placillæ quoque Imperatricis statuam (quamvis jam mortuæ) fune pedibus adaptato per urbem contumeliosè traxit. Quod flagitium tam graviter Imperator tulit, ut nisi D. Flaviani Episcopi precibus, & D. Ambrosii autoritate (qui nihil eum in fontes statuere, priusquam trigessimus dies exactus esset, jurejurando adegerat) motus, eadem quoque ibi magnam, sicut Thessalonicæ, perpetrasset. *Nicephorus lib. 12. cap. 42.* Ferunt ea nocte, quæ diem seditionis præcessit, scæminam sublimem in aëre conspectam, magnitudine ingenti, aspectu horrendo, quæ per urbis plateas in aëre currens, flagello aërem diverberavit, similem sonitum edens, qualem edere consueverunt, qui in caveis ad furorem bestias excitant. *Idem lib. 9. cap. 42.*



89. In Pelignis oppidi cujusdam dominus superbè avaræque civibus imperitabat, ac trucibus dictis factisque in subditos servilem in modum animadvertere solebat, eosque, licet imperata facerent, neque segnitè mandata exequerentur, ob leves plerumque causas, poenis & damno mulctabat. Forte autem cum homo quispiam alioqui bonus, sed tenui re familiari, inops atque despectus, ipsius domini venaticum canem, cujus miro studio tenebatur, ita verberare affecisset, ut ob id periisse putaretur. Cum id dominus rescivisset, vehementer offensus, eum truci & minaci vultu graviter increpitum, in pessimum conjecit carcerem: ibique vinctus gravi custodia teneretur, post aliquot dies hi, quibus diligens ipsius mandata erat, clauso jam carcere, & tam foribus quàm omni aditu perseperto, ne elabi posset, cum ad illum accederent, ut solebant, in eodem intus carcere nusquam invenère: qui diu conquisitus, quum non appareret, nullumque effugii vestigium extaret, rem ad dominum detulère. Quod cum credi vix posset, ipseque mirum in modum obstupesceret, post tres fermè dies iisdem foribus pessulo firmatis, idem ipse, qui modo carceri addictus fuerat, imprudentibus omnibus, & nomine confcio, rursus in eodem intus carcere intrusus apparuit, & attonito stupentique similis, ut  
ad do-

ad dominum quantocyus admitteretur, postulavit, habere quod illi propere nunciaret, magnum, nec differendum. Cumque ad eum protinus admissus esset, se ab inferis remissum enarravit, si quidem cum diutius carceris squalorem ferre nequiret, seu desperatione victus, seu iudicium reformidans, inops consilii, malum Dæmonem, ut sibi præsto esset, seque ex tam tetro carcere relaxaret, advocasse dixit. Nec multò post, Dæmonem fædo aspectu, & terribili facie in eodem intus carcere aspexisse, & secum pactum fuisse, ab eodemque & ferreis claustris, non sine gravi pressura extrusum, in loca deinde inferna, & profundas vastitates, ac fundum telluris intimæ actum esse præcipitem, singulaque lustrasse, impiorumque supplicia, & sedes consceleratas, æternasque tenebras & ærumnas vidisse, ac loca fæda & formidolosa, regesque & summos duces in abrupto hiatu & profundo voraginis densa mersos caligine afflictiari, & furiarum ardentibus facibus agitari: Pontificesque vidisse infulis & trabeis, purpura & auro distinctis, ac gemmis ornatos, aliasque miserabiles facies omnis generis hominum, ætatum & ordinum, in cultu vario afflictos, & jacentes inter præaltas voragines, alios immenso limo haustos æternis suppliciis & nocte cruciari, ipsorumque damnata scelera  
sempi-

sempiterno dolore puniri: inter quos plures, quos noverat in vita, adnotavit, & præcipue intimum familiarem, quem dum in vita ageret, æqualem sodalemque habuerat, allocutum dixit, adeò probè agnitus, & miti satis sermone requisitus fuit, quid rerum ageretur, & quid reliqui spei sibi foret. Ipseque cum patriam gravi servitio & crudeli dominatu usque premi respondissent, illum mandasse, ut Domino enunciarer, caveret, ne quid tale ageret in posterum, neve gravi tributo & iniquo vectigali subditos opprimeret, namque illi vacuam sedem, quàm prope cernebat, præstitutam esse prædixit. Et ut haud dubius promissi foret, fidemque ut dicto haberet, meminisse, inquit, illum debere secreti consilii & mutæ pactionis, quam dum una militarent, & in castris agerent, clam inivissent, quorum nemo particeps aut conscius unquam fuit. Quod consilium cum memoriter ille enunciasset, & non solum dicta conventaque, sed & singula verba sponsionesque, quibus uterque astrictus erat, recensuisset, ipse Dominum ordine hæc audientem, animo serio & attentiore factum, mirum in modum obstupuisse, ingensque animo formido incussa fuit, consideranti quonam modo, quæ soli sibi credita, & nulli unquam enunciata fuere, homo ille hebes & tardus ingenio, quasi numine affla-

tus,

tus explorata haberet, eaque vultu interrito enuntiaret. *Adjiciunt miraculo*, eundem interrogasse illum, cum quo tunc sermo erat apud inferos, qui nitido cultu vestituque apparato videbatur, nunquid aliquo cruciatu affligerentur, qui insigni veste & auro conspicui forent? illumque respondisse perenni incendio, interque maximos cruciatus, & sempiterno dolore usque premi & affligi, idque totum quod auro & purpura fulgeret, ignem atque incendium esse. Et quum ipse id experiri volens, propius manum purpuræ admovisset, admonitum ab eo fuisse, ne tangeret, & tamen efficere nequisse, ut non ex caloris afflatu, palma sibi manus, quam tunc ostendebat, incendio, ipsi purpuræ admota, deflagraret. Erat enim pustulis liventibus, & tetris ulceribus veluti tabe & igne sacro, maloque, quod latius serpere videbatur, ferè consumpta. Referunt præterea qui illum adivère, eum postquam ab inferis emerfit, quasi mente consternata, hebetique aurium, oculorumque sensu affectus foret, semper cogitabundum, rarum prodidisse sermonem, vixque sæpius interrogatum, colloquenti respondisse. Vultu verò tam tetro, & aspectu tam deformi, revertisse, & qui dudum à conjuge & liberis probè agnitus foret, is posteaquam remeavit ab inferis, tam diro vultu, totiusq; facie corporis dissimilis esse-

effectus est, ut vix eundem illum esse crederent, sæpiusque obortis lacrymis, ob faciei diritatem, & speciem hominis foedissimè mutatam, notos affinesque ipsum allocutos fuisse, ægreque ut ante obitum, qui mox consecutus est, res suas dispensaret, ac liberis & posteritati consuleret, vitæ spacium habuisse. *Alexand. libro 6. cap. 21. Genial. Dier.*

90. Hetrusco quodam arante in agro Tarquienti, cum profundius adactus foret vomer, erupisse quendam Tagem narrant, puerili effigie, sapientia senili, & aratorem alloqui cœpisse, illum verò perterritum exclamasse. Ad cuius vocem finitimorum primò concursus factum esse, inde gradatim progressa rei fama, intra dies paucos in eum agrum universam Hetruriam confluxisse. Puerum illum audientibus cunctis, multa dixisse, dicta ejus observata & scriptis edita, ex quibus accedente longa rerum experientia, omnis aruspicina processerit, ita tamen, ut si ad alias serperet nationes, apud Thuscōs præcipuum ejus magisterium vigeret. *Franciscus Petrarcha.*

91. Drusus Consul factus, nomine Augusti Cæsaris Germaniæ bellum inferens, eaque magna ex parte subacta, cum ulterius progredi statuisset, mulier ei natura humana major obvia, dicere visa est, Quonam properas Druse insatiabilis? Non in fatis est,

est, ut ista omnia videas, verum abito, jam enim & vitæ & operum tibi finis instat. Inde rediens in morbum incidit, ex quo decessit.

*Zonaras.*

92. Dunstanus Anglus Glasconiensis Abbas, cum ex scurrilibus Dæmonis cujusdam ante se saltantis gesticulationibus Edmundi Anglorum Regis obitum cognovisset, ad aulam regiam incitato cursu contendit, & in medio itinere de obitu Regis certior factus est. *Vincentius lib. 24. cap. 71.*

93. Adrianus Patricius à Basilio Imperatore contra Carthaginienses missus, in Peloponneso naves in statione habuit. Quadam nocte Pastores audivêre Dæmonum ibi degentium vocem inter se colloquentium, & pridè captas excisasque Syracusas narrantium. Is sermo ab aliis ad alios pervagatus, tandem etiam ad Adrianum pertigit. isque ad se vocatis pastoribus & examinatis, deprehendit, rumorem ad se perlatum ipsorum verbis confirmari, ut suis etiam auribus fidem rei probaret, perductus ad eum locum à pastoribus, Dæmonesque eorum opera percontatus, captas jam esse Syracusas audivit. *Cedrenus.*

94. Polycritus quidam Ætolus à populo Ætolarcha creatus per triennium, virtutis ergò uxorem duxit Locridem, cum  
qua



qua tres dormivit noctes, quarta extremum vitæ diem morte confecit. Mulier domi vidua mansit. Et cum partus tempus appetiisset, infantem peperit binis pudendis, masculino ac fœminino, mirificè omnino monstruosum. Perterriti hoc casu propinqui, fœtum in forum protulerunt, advocataque concione, & coactis sacrificulis atq; monstrorum inspectoribus, de eo deliberârunt. Horum alii pronuntiârunt, dissidium aliquod Ætolorum & Locrensiumpotendi, fœtum enim divisum esse, matris Locridis, ac patris Ætoli. Alii censuerunt matrem cum fœtu extra fines Ætolix deportari ac cremari debere. Dum hæc consultantur, subito Polycritus pridem mortuus, in concione existit prope infantem, atra amictus veste, is perterritos cives eo spectro, affatus est, & sibi infantem suum precibus primò, mox etiam minis intermixtis, restitui petiit. Negantibus aliis, aliis consultationem differentibus, ira exardens Polycritus, arripuit infantem, & plerosque ferocius abigens, discerpsit eum, ac voravit. Clamorem multitudo sustulit, lapidibusque eum coniectis arcere aggressa est. Verum ille nullis saxorum obnoxius ictibus, totum infantis corpus, dempto capite, absumpsit, subitoque evanuit. Quòd factum cum Ætoli ægre ferrent, & in anxietatem haud mediocrem venirent, Delphosque

phosque mittere vellent, caput infantis in solo jacens loqui cœpit, & longa oratione ingentem cladem civibus impendere prædixit. Audito Ætoli oraculo, uxores, infantes, & senio provectos exposuerunt, quò quisque potuit: ipsi manserunt domi, & quid futurum esset, expectaverunt. Contigit autem, ut anno proximo inter Ætolos & Acarnanes bellum existeret, & utrinque magna fieret clades. *Phlegon Trallianus de Mirabilibus & longævis, ex Hierone.*

95. Bello Siculo, quod inter Octavium Cæsarem, & Sex. Pompeium Magni F. gestum est, Gabienus Cæsaris classium fortissimus, à Pompeianis militibus captus, incisa cervice & vix cohærente jacuit in litore diem totum, cumque tenebræ fieri densiores inciperent, gemitu precibusque congregato vulgarium cœtu, petiit uti ad se juberent Pompeium quamprimum venire, se ab inferis remissum habere quod nunciaret. Misit ex familiaribus Pompeius quamplures, quibus Gabienus dixit, Inferis Diis placere Pompeji causas, & partes pias, argumentum fore veritatis, quòd peractis mandatis protinus expiaturus esset: idque ita evenit. *Plinius lib. 7. cap. 52.* Verum Satanæ ludibrium eventus ipse detexit. Cæsar cum Superis victor Pompeium ad inferos suos misit.

96. Victoriâ de Tarquinjis, qui sociis Latinis arma moverant, duo viri eximia & eminenti specie visi sunt, qui brevi post recentes à castris nunciârunt. Hos Tyndaridas fratres conjecerunt fuisse. L. Domitius, qui primus eos appellavit pro fonte in foro reficientes equos, qui multo sudore manabant (Suetonius rure redeunti obvias factos jussisse ait victoriâ nunciare) mirabatur victoriæ nuncium. Mox ferunt eos aridentes attrectasse manibus illius barbam, quam confestim in ruffam ex nigro versam, fidem nuncio, ac viro Ænobarbæ dedisse cognomen. *Plutarchus in Æmylio.*

97. Rathbodo Duci Frisonum Diabolus apparuit in Angelum transfiguratus, caput opertum diademate aureo cum gemmis, & veste auro intexta, inquires: Viro- rum fortissime, quis ita te seduxit, ut à cultura Deorum velis recedere? noli hoc facere, sed mane in his quæ didicisti, & venies ad domos aureas, quas tibi æternaliter in proximo sum daturus. Cras ergo accipe Vulfrannum doctorem Christianorum, & ab eo quære, quænam sit illa mansio æternæ claritatis, quam tibi pollicetur. Quam dum demonstrare nequiverit, utriusque partis mittantur legati, & ego ero Dux itineris, & demonstrabo illis domum auream, mansio- nemque

nemque pulcherrimam, quam tibi promitto. Evigilans Rathbodus, narravit cuncta suo Vulfranno. Qui dixit: Præstigias has esse Diaboli. Respondit Dux, se futurum Christianum, si illam pulchram mansionem sibi ostenderet. Mittitur statim quidam Friso ex parte Ducis, & quidam Diaconus ex parte S. Vulfranni: Qui cum paululum ab oppido processissent, obvium habuerunt quendam itineris comitem, qui dixit eis: Properate cito, nam monstrabo vobis pulcherrimam mansionem Rathbodo Duci præparatam. Illi pergentes viam latissimam, & loca ignota, viderunt quandam viam diversorum generibus marmorum polito opere decoratam, videruntque à longe domum quasi auream, & pervenerunt ad plateam ante domum auro & gemmis stratam. Intrantes in domum, miræ pulchritudinis & splendoris, viderunt in ea thronum miræ magnitudinis. Tum ductor itineris ait illis: Hæc est mansio præparata Rathbodo Duci. Ad hæc Diaconus obstupescens, ait: Si à Deo facta sunt ista, perpetuò maneant: si à Diabolo, citò dispareant. Et cum signaret se signo sanctæ crucis, Ductor ille transit in Diabolum, domus verò aurea in lutum. Remansitque Diaconus & Friso, in loco palustri, & senticoso: triduoque immensi itineris conficientes iter, reversi sunt ad oppidum, Ducemque mor-

mortuum invenerunt , narraveruntque quæ viderant, S. Vulfranno, *Anno 718. Vincentius libro 23. cap. 146. ex Ovone Presbytero. Sigebertus & Erphordiensis cap. 66.*

98. Valentinus quidam Mediolanensis Ecclesiæ Episcopus , Arianorum defensor, homo valde levis, cum in Ecclesia beati Martyris Syri sepultus esset , noctu ibi exauditi sunt horrendi clamores. Duo custodes exciti , accurrunt , & duos cacodæmones vident Valentinum pedibus ligatum & vociferantem ex templo trahere. Mane cadaver Valentini extra templum in alio loco conditum viderunt. *Gregorius Turonensis lib. 4. Dialog. cap. 53. Vixit sub Iustino Imperatore.*

99. Circa annum Domini 1096. prope Wormatiam , multis diebus & noctibus maxima armatorum multitudo huc illuc discursitans apparuit : & in vicinum montem, unde prodire consueverant, subinde recurrit. Nocte quadam Monachus Limpurgensis , assumptis sociis quibusdam montem accedit , muniensque se signaculo crucis, adjurat exeuntes, per virtutem sanctæ & indivisæ Trinitatis , ut sua proderent nomina. Cui unus de turma : Nos sumus phantasmata , nec militum viventium turba , sed animæ hominum , principi terrenorum quondam in hoc mundo militantium, atque  
ante

ante paucos annos in hoc loco interfecto-  
rum: arma, habitus & equi, quæ nobis vivis  
erant instrumenta peccati, nunc in mortuis  
sunt indicia tormenti: omne quod jam cer-  
nitis circa nos, totum ignitum est nobis,  
quanquam vos ignem nostrum minimè vi-  
deatis. Quærit porro Monachus, utrum  
juvari ab hominibus possint. *Tum Spiritus  
illi*: Jejunis, orationibus, & imprimis ob-  
latione corporis & sanguinis Christi juvari  
possumus: & hoc à vobis fieri rogamus.  
His dictis, tota caterva, quasi una voce ex-  
clamat: *Orate pro nobis, Orate pro nobis,  
Orate pro nobis.* Et statim omnes in ignem  
resoluti videbantur, & mons ipse ardens i-  
gnem cum maximo fragore emisit. *Chro-  
nicon Hirsaugiense.*

100. Ciceronis nutrici spectrum ajunt  
se obtulisse, ac prædixisse, ingens eam bo-  
num omnibus Romanis nutrire. Hæc cum  
somnia esse, & vana alioquin viderentur,  
ipse brevi ostendit certum fuisse oraculum.  
Eidem consulenti Apollinem Delphicum,  
qua potissimum ratione summam gloriam  
assequeretur? sortes datæ fuerunt, ut suum  
ipsius ingenium, non vulgi existimationem,  
ducem sequeretur vitæ. *Plutarchus in Ci-  
cerone.*

101. Pertinax paucis diebus antequam  
periret, fertur dixisse, se cum in vivarium  
D inspi-



inspiceret , in aqua umbram conspexisse, quæ stricto gladio mortem minabatur. *Sabellic. lib. 1. cap. 4.* Et P. Annio Tacito Imp. mortis præfagia fuere , sponte patefactum parentis sepulchrum: *Item*, quod jam mortuæ matris umbra ei apparuit : neque sine horrore , diversa in specie loquere , fratris manes. *Fulgosus lib. 1. cap. 4.*

102. Constantius Imperator à bello Persico ad opprimendum in Gallia Julianum conversus, cum anceps hæreret , fortuna jam subsistente, & adventante fato vitæ, sæpe nocturnis terrebatur umbris. Et cum esset moturus exercitum , nocte quadam nondum penitus mersus in somnum, imaginem patris viderat obtulisse pulchrum infantem , eumque susceptum & locatum in gremio suo , excussam sibi projecisse sphæram , quam ipse dextra manu gestabat. Quod plane permutationem temporum indicabat, licet interpretantes pro captu ingenii sui blanda responderent. Posthæc confessus est familiaribus charioribus, se esse desertum à Genio suæ tutelæ ac salutis auctore , qui familiarius olim secum multa commentatus , tum squalidus & horrendus sibi videretur , tanquam eum deserturus. Hæc illi apparuere , cum ex Antiochia versus Tarsum veniret. *Cuspinianus.*

103. Apameæ templum Jovis fuit , &  
maxi-

maximum, & ornamentis variis & præcipuis pulcherrimum, quod cum Præfectus Orientis cum duobus Tribunis urbem ingressus, demoliri vellet, lapidumque & materiæ structuram solidam & firmam admodum esse cerneret, fieri non posse putavit, ut tanta compago soluta deruatur. Divus autem Marcellus Episcopus, Præfectum sic laborem eum reformidantem cernens, illum quidem ad alias urbes transire, jussit: Ipse autem Deum precatus est, ut rei tam difficili & desperatæ exitum aliquem daret. Brevi post adiit quidam Episcopum, mercedemque stipulatus, sese igni fundamenta columnarum concessurum, templumque demoliturum pollicitus est. Verum injecto igni Dæmon quidam ater apparuit, naturalemque ejus vim inhibuit. Quod ubi rescivit Marcellus, templum ingressus, ardentibus ad Deum fufis precibus, Dæmonem fugavit, nec mora flammam concipiente materia, fulcrisque columnarum evanescentibus, magno cum fragore tota structura ruinam traxit. *Niceph. lib. 12. cap. 27.*

104. Pilappii extremam Scandinaviæ Peninsulæ partem ad mare glaciale inhabitant. Apud eos ingens est numerus, & ingens potentia spectrorum, quæ versantur, convivantur, & colloquuntur cum ipsis, neque arceri aut abigi ulla ratione queunt.

Cumque præcipuè terreantur & exagitentur à manibus cognatorum post mortem, ne id fiat, prohibent cadaveribus defossis & sepultis sub foco. Hac medicina sola contra Dæmonum sese vexationes & terricula-menta muniunt ac tutos præstant. Id enim si faciant, nullæ in posterum illorum umbræ comparent amplius: Si negligant, obversantium perpetuò cognatorum umbris turbantur & infestantur. Hoc tempore minus est ibi incantationum, quàm fuit antea, quòd Sueciæ Rex, ne iis amplius utantur, severissimè prohibuit, & quantum potest, curat eos de Religione nostra rectè erudiri, &c. *Caspar Pencerus, de Omgewenheit.*

105. *Ferunt* in Bavaria virum nobili familia natum, extincta uxore tantum animo dolorem cepisse, ut omni exclusa consolatione, vitam ageret solitariam. Tandem ubi nullum finem lugendi faceret, uxorem ejus noctu ei comparuisse excitatam à mortuis, ac dixisse, se quidem semel confecisse curriculum vitæ à natura datum, sed ipsius importunitate revocatam nunc in vitam, atque à Deo jussam uti ejus consuetudine diutius, hac tamen conditione & lege, ut matrimonium morte solutum, denuo per Sacerdotem solenni ritu inauguraretur, atque deinceps ipse abstineret blasphemis

con-

convitiandi verbis, quibus uti consueverat: se enim horum causa ei ademptam fuisse, atque iterum excessuram è vita, cum primum ejusmodi aliquod verbum edidisset. His actis illam curasse rem domesticam, ut antea, & aliquot etiam peperisse liberos; semper tamen fuisse tristem & pallidam. Post multos verò annos maritum vesperi potum, & ancillæ iratum edidisse verba, quæ non debebat: Interea illam disparuisse è cubiculo, unde allatura erat marito poma, ac reliquisse muliebre vestitum sine corpore stantem ad cistam ubi poma servabantur. *Hæc audiivi ex multis viris fide dignis*, qui affirmabant Ducem Baviaræ eadem retulisse Duci Saxoniar pro veris. *Hæc Sabinus in decimum Metamorphoseos Ovidianæ.*

106. Anno 1045. Bruno Episcopus Herbipolensis, cum Henrico tertio ejus nominis secunda Danubii aqua, sed in diversa navi Boiariam Orientalem petit. Est oppidum Austriæ, Greinon vocant, supra id præruptæ rupes surgunt, saxæ moles cubant ac prominent, per quas Danubius vasto impetu, ingenti fremitu, qui procul auditur, spumandus fertur. Teutones hunc locum infamem, perniciosumque navigantibus Strudelon nuncupant. Cæsarem tum illac navigantem Bruno Wurtzburgensis Episcopus

(ut diximus) cognatus ejus alia nave comitabatur, dumque saxo cuidam eminentiori allabatur, atra Æthiopis imago, satis apertè, ferale (ut exitus probavit) signum: ibidem consistit, Brunonem appellat: *Heus heus* Episcopo, malus sum, inquit, genius, & quovis gentium proficiscare, meus es, nihil quidem impræsentiarum agere adversus te habeo, brevi tamen iterum me videbis. Cunctis abominantibus, pestilens Spiritus ab Episcopo signo immortali appetitus, adjuratusque carminibus sacris, sub oculis omnium evanuit. Atque hoc saxum adhuc monstrari solet, cui imposita turris lapidea absque tignis & tecto, cognomen ita sortita, adhuc retinet. Unde ad decem millia passuum progressi, in vico Bosenburg divertunt. Ibidem Cæsarem Richlita vidua (cujus maritus Adalbero ab Ebersperg, primæ Boiariæ castelli, nunc templum est, Dynasta, superiore quadragesima decesserat) magnificè hospitio & convivio excipit, oratque ut Bosenburg & prædia, quæ hisce locis maritus precario possederit, Welphoni tertio, nepoti suo ex fratre, tradat. Cæsar cœnaculum conscendit, dum coram Brunone Episcopo, & Alemanno præside Eberspergensi atque Richlita, extendens dexteram postulatis annuit, repente contignatio collabitur, ex qua  
ruina

ruina Bruno interiit. *Aventinus lib. 5. Annal. Boiorum.*

107. *Ferunt* in montanis Bohemiæ non raro apparere Monachum, quem nominant Rubezal, & persæpe in thermis conspicuum, iter per montanas sylvas facturis sese adjungere, eosque bono animo esse jubere, se enim ignaros itineris recto tramite per sylvam deducturum, quos simul ac in nemore in avia deduxerit, ut quò se vertant, prorsus nesciant, eum protinus in arborem subilire, tantumque cachinnum tollere, ut vastum inde nemus resonet. Monachus iste vel Rubezal est Satanas ipse, qui assumpta Monachi specie istas nugas agit.

108. In mari aliquando monstrum captum fuit, per omnia scæminæ simile, mirificæ venustatis & pulchritudinis: Quod cum in navi detineretur, tandem ex remigibus unus uxorem sibi illud duxit, adeoque prolem unicam ex ea sustulit. Exacto triennio, cum ad eundem locum, ubi monstrum illud captum fuerat, reversi essent, scæmina ista è navi in mare protinus desiluit, arrepto secum quem habebat infante. Infans in aquis periit, sed monstrum ex oculis omnium evanuit. *Perfacile est, inquit Lutherus, Sathana, vel viri, vel mulieris formam assumere. Ex colloquiis Lutheri.*



109. Quidam nobili clarus profapia, Martinum Lutherum, aliosque viros eruditione celebres, Witenberga in aedes suas ruri positas invitârat, cumque animi gratia venaturus lepores egressus esset, oblatus est ei lepus magnitudine insignis, & vulpes, festino cursu per campos properantes. Nobilis valido infidens equo, cum clamore eos infectatur, protinusque equus collapsus, sub ipso extinctus est: lepus in aërem sublatus evanuit. *Spectrum hoc verè fuit Satanicum.*

110. Anno 1546. Islebiæ in cœna referebat Martinus Lutherus, In Thuringia circa montem, quem vocant *Herselberg*, juvenes quosdam nobiles noctu leporum venationi & capturæ intentos, lepores circiter octo plagis involutos cepisse, quos cum domum reversi suspendissent, mane eos offendisse capita caballorum, qualia in foetentibus earnificinis reperiuntur. *Ex colloquio Lutheri.*

111. Rotenburgi ad Tuberum honesti viri aedes frequentare solebat quidam, & vestium splendore, & divitiarum jactatione, nobilitate illustrem sese virum professus, duos sibi junctos habebat comites, vestitu non minus precioso indutos. Adducebat tibicinem unâ fidicine, convivia choreasque instituebat, sub prætextu illius patris-

trifamilias ducendi honestam filiam. Se nobili stirpe natum esse affirmabat, divitias immensas, arces, prædia, oppidula in longinquis terris sibi esse plurima, nec quicquam eorum, quæ in hoc mundo optari aut desiderari possint, deesse, præter uxorem decoris ornatam moribus. Displicuit Patrifamilias hospitis ejusque sociorum importunitas. Quæ res eum movit, ut hospitibus istis adventantibus illius loci verbi divini ministrum quoque ad cœnam vocaret, & pia cum eo ex verbo Dei inter cœnandum misceret colloquia. Vehementer hospitem ejusque socios ista colloquia offenderunt. Quare aliam dicendi materiam quærentes, multas, inquit, facetias esse, quæ potius convivis exhilarandis inserviant, quàm divini verbi interpretationem: se rogare, ne eis ulterius sacra Scriptura tædium & molestias creare velint. Ex quibus facile cognovit Paterfamilias, diabolicum convivarum istorum ingenium, & jam satis adversus Diaboli insidias confirmatus: Apagite, inquit, vos scelerati nebulones, nihil vobis commercii est mecum & cum meis. Baptizati nos sumus, & pretioso Christi sanguine redempti, is quoque nos adversus Diabolicas vestras insidias tutabitur. His dictis, magno protinus cum strepitu impostor ille tartareus cum suis sociis evanuit, relicto post se

factore teterrimo, triumque suspenforum hominum cadaveribus. *Manlius in Colle-Flaneis.*

112. Vir quidam divitiis abundans, tredecim miliaribus à Görlitz, cœna opipare instructa convivas invitârat, qui cum advenire recusarent, ira ille excandescens: proh, inquit, si venire isti recusant, adveniant ergo quotquot sunt Diaboli. *Vota hac non sunt irrita.* Nam ingens protinus eorum numerus, quos cum execratione vocârat, ad ipsum adventat. Quos ille primo aspectu non agnoscens, humaniter accepturus accedit. Verum cum illi loco manuum ungues protenderent, supra modum territus, quos domi suæ jam haberet convivas facile intellexit. Trepidus itaque cum uxore sua ex arce profugit, relicto in cunis infantulo & morione, qui in hypocausto cunis assidebat. Sed cum infantulo morio iste è turba Dæmoniorum incolumis evasit. *Iobus Fincelius de Miraculis.*

113. Docti quidam viri in concilio Basiliensi animi gratia in sylvulam egressi fuerant, ut amicè de controversiis illius temporis conferrent. Inter eundem aviculam in modum lusciniæ dulcissimè canentem audiunt: admirantur vocis dulcedinem, cuius sit avis cantus dubitant. Ingressi sylvam, arbori insidentem aviculam conspiciuntur,  
cam-

eamque citra remissionem quàm suavissimè canentem, attentis omnes & animis & aurbus auscultant. Tandem is, qui cæteris cordatior videri volebat, alloquitur his verbis aviculam: Adjuro te in nomine Christi, ut indices nobis, quis sis? Respondit avicula: Se esse unam ex damnatis animabus, & destinatum esse ad eum locum, usque ad diem novissimum, & tunc supplicium æternum subeundum esse. His dictis avolavit ex arbore, clamitans: O quam diuturna & immensa est æternitas. *Iudico fuisse Diabolum, inquit Philippus Melancthon, in illo loco habitantem.* Omnes verò qui huic adjurationi interfuerunt, vehementer ægrotare cœperunt, & paulò post sunt mortui. *In colleclaneis Manlii.*

114. Vir quidam præpotens, & ætate grandis, Diaboli adjurationibus erat deditus, suumque hac in re studium tueri voluit dicto illo: Semen mulieris conteret caput serpentis, quasi homini data sit potestas in Diabolum, ut quandocunque ipsi lubeat, eum accersere & ejicere possit. *Non inde animo meo, inquit Lutherus, ea accedit fiducia, ut Diabolorum uti commercio ausim.* Et subjecit tandem, quid Domino Nicolao Ambstdorffio Episcopo Cizensi, qui ut ipsemet retulit, & verè confessus est, aliquando in urbe Magdeburgensi, cum ibi

adhuc pastorem ageret, in diversorio noctu dormiens, à duobus Nobilibus, jam pridem mortuis, quos duo præcedebant adolescentes, faculas manibus gestantes, excitatus est, & seposito omni metu, cum nihil ipsi periculi ingruat, jussus surgere. Dicto ille est audiens. Ibi viri isti nobiles literas, quas scriberet, ipsi dictârunt, & ut principi cuidam eas offerret, jusserunt. His peractis evanuerunt. Literas ille, cui offerre jussus erat, obtulit.

115. Anno 1545. Rotwilæ per urbem Satanas vagatus est, sæpe leporis, sæpe etiam anseris, interdum quoque mustelæ assumpta forma, claraque & diserta voce minatus est, se urbem incensurum esse. Quæ res non parum terroris hominibus incussit. *Finselius lib. 1.*

116. Anno 1534. In vigilia Nativitatis Christi, in civitate quadam Saxonix, Diabolus humana specie assumpta, ejus loci parochum Laurentium Donerum, cum eos, qui postridiè sacram cœnam accessuri, peccata sua confiterentur, audiret, confidenter accessit, petens suam quoque audiri confessionem. Admissus horrendas adversus Christum filium Dei blasphemias evomuit. Verum cum virtute verbi Dei à Parocho victus esset, intolerabili post se relicto fœtore abiit. *Idem.*

117. Fri-

117. Friburgæ, quæ est celebris urbs in Misnia, vir quidam & pietate & ætate venerandus, cum gravi morbo decumberet, ultimusque dies jam instaret, Satanas pontificali veste amictus, eum solum forte relictum accessit, senemque in ipso agone vehementer exagitans, ab eo postulavit, ut singula delicta, quæ in vita sua commisisset, ordine enarraret, eaque ille chartam & atramentum in promptu habens excepturus erat. Verùm cum Senex ex verbo Dei postulata Satanæ vehementer impugnaret, nec tamen ille à sua importunitate desisteret, tandem ait Senex. Quandoquidem ergo omnino hoc urges, ut sigillarim delicta mea tibi enarrem: scribe itaque, hujusmodi primum facto exordio: Semen mulieris conteret caput Serpentis. Quibus auditis, Satanas chartam atramentumque in terram projecit, relictoque post se ingenti fectore evanuit. Senex paulo post in Christo placidè obdormivit. *Doctor Wellerus, & Manlius in collectaneis.*

118. Fuit Heidelbergæ Doctor Theologiæ, fautor Euangelicæ doctrinæ, cujus famulus ex inferiore Germania oriundus, cum visitatis patriis laribus Heidelbergam reverteretur, nec procul ab urbe esset, obvium habuit equitem prægrandi equo insidentem, à quo vi in equum raptus est,



ubi cum equitem apprehensurus esset, ut à ruina sibi caveret, eques è vestigio evanuit: ipse verò ab equo in sublimem aërem raptatus, hinc proxime urbem juxta pontem gravi impetu dejectus est, ubi per aliquot horas omni sensu privatus, quasi exanimis jacuit: tandem ubi relictis viribus, se prope urbem esse intellexit, surrexit, hospitiumque suum ingressus, per semestris spatium antequam pristinae sanitati restitueretur, decubuit.

119. In inferiore Germania monstrum oberrasse fertur, hominis quidem magnitudine, sed specie canis, id eos, qui morituri essent, quasi odoratu afflavit, estque à multis, qui non afflati ab eo sunt, nec eo anno mortui, visum. Funeris indicem nominabant. Qui mortem sibi ingruentem metuebant, ii per Idololatrias Missas opem & salutem quærere festinabant. Eo modo ad Idololatriam hominem adduxit Satanas.

120. Non procul à Torga quidam nobili prognatus genere, animi gratia per campos obambulans, obvium habuit quendam equitis habitu amictum (erat autem Diabolus) eum salutantem, famulum sibi adsciscit, qualis esset, tum temporis ignorans, equorumque curam ei committit. Porro nobilis iste, homo erat impius, ex rapinis

pinis potissimum vivens, ad quam rem servum sibi idoneum adeptus fuerat. Aliquando cum discessurus esset, equum sibi præ reliquis charum ipsi commendabat. Servus equum in præaltam turrim subducit. Herum domum revertentem equus è turri agnoscit, clarumque edit hinnitum, capite è turris fenestra porrecto. Herus admirabundus, equum eò quis subduxerit, interrogat: Respondet frugi ille servus, se heri sui mandata sedulò executum esse. Cogebantur deinde magno cum labore equum funibus constrictum è turri rursus demittere. Accidit præterea, ut nobilem insectarentur ii, quos spoliaverat, ibi servus herum allocutus: Fugam, inquit, here capeffe: moxque è sacco cum clangore depromit ferreos ungularum calces, quibus insectantium equos spoliaverat, eorumque cursum inhibuerat. Tandem in vincula coniectus, huius servi sui auxilium implorat. Respondet servus, duris eum compedibus constrictum teneri, nec liberari à se posse. Instat herus, donec servo persuadet, ut suam operam hac in re sibi locaret. Ait itaque servus: Eripiam te vinculis, sed ea conditione, ut manibus quietus sis, nec aliquibus signaculis te tueri velis. Hinc arreptum cum catenis & compedibus sublimem per aërem avehit. Territus ille, ô æterne Deus, exclamat, quo avehor? protinusque

nusque in palustrem locum Satanas eum dejicit. Domum inde properans uxori ejus indicat, ut maritum suum in palude hærentem, compedibusque constrictum liberet.

121. Monachi quidam cum suo Præfecto vel Patre iter facientes, apud hospitem quendam diverterunt, in cujus adibus unum è conclavibus Dæmonio erat infestum. Hospes de sanctorum Patrum adventu sibi gratulatus, eos humaniter excipit, sperans eos facile Dæmonium illud suis adjurationibus ejicere posse. Lectum itaque in isto conclavi ipsis sternit. Noctu somno jam obrutos Patres Dæmonium istud crinibus rasam calvitiam terminantibus subinde lacessit. Tandem Spiritum adjurat Guardianus, jubetque ut in Monasterium eorum abscedat. Paret Dæmonium, mutataque Colonia Monachos domum revertentes antevertit, cœnobium ingredienti salutat & excipit, suamque ipsis operam defert. Monachi eum recipiunt, angulum in culina ipsi occupandum monstrant, cucullam cum appenso tintinnabulo, ut agnosci posset, ipsi tradunt, ejusque opera frequenter afferendo cerevisiam, aliaque quibus indigerent, utebantur. Volatus ejus & verba audiebantur. Quoties afferret cerevisiam, mensura se fraudari minimè patiebatur, En, inquit, bonam

bonam offero monetam, vos vicissim justam date mensuram. Tandem coqui famulum, qui variis eum molestiis onerabat, latibulum ejus, jam fervida, jam immunda aqua conspurcando, transverso corpore è trabe suspendit, sed vitæ ejus nihil damni intulit. Monachi itaque veriti, ne tandem res tragicum sortiretur exitum, huic suo famulo officium resignarunt. *Ex colloquiis Lutheri.*

122. Crescentius Pontificis Legatus in Tridentino concilio, anno 1552. Martii die 25. scribendis literis ad Pontificem valde fuerat occupatus, & laborem ad noctem usque continuavit. Ibi surgens, ut sese reficeret, ecce visus est illi canis quidam ater, inusitata magnitudine, flammantibus oculis, auribus ad terram propè demissis, ingredi, & ad ipsam rectà contendere, deinde sub mensam dilabi. Percussus & obstupescactus, ubi demum se collegit, famulos inclamat, qui erant in anteriori cubiculo, jubet afferri lumen, & investigari canem. Cum autem nusquam appareret, ne in vicino quidem conclavi, gravem concepit cogitationem, & in morbum incidens decessit. Moribundus etiam, subinde suis acclamasse fertur, ut canem, qui lectum conscenderet, arcerent. *Sleidanus lib. 23.*

123. Hal-

123. Halberstadii quidam divitiis affluens, splendide quotidie visitabat, genioque & voluptatibus indulgens, Christianæ pietatis, æternæque salutis negligens ad eò factus est, ut dicere non dubitaret, si talem in terris vitam perpetem sibi liceret agere, se Deo cælum suum nunquam invidere velle. Brevi post præter suam expectationem mortuus est. Post mortem talia in ædibus ejus magnifice extructis quotidie circa vesperam apparuere spectra, ut ab omnibus defererentur: nemine eas incolere auso; Apparuit vir ille dives cum suis convivis in cœnaculo, quod delitiis & convivii destinaret, astabant famuli, faces manibus tenentes, aureaque pocula & crateras mentis imponentes, opipareque instructis ferculis mensas onerantes: fidicines præterea, tibicinesque astabant, nec quicquam deerat splendoris ejus, quo dum in vivis erat, vir iste opulentus usus fuerat. Deo permittente, ex Satanæ operatione spectra hæc oculis hominum obversata fuere, ut ab Epicureorum impietate reliqui detererentur. *Fincelius lib. 2.*

124. Anno 1559. in Marchia res miranda accidit, quam complures magni nominis viri, & fide dignissimi verè ita accidisse confirmarunt. Tempore messis, quo secari solet avena, subito aliquot viri in campis

pis apparuere, primò quindecim, postremò duodecim, omnes inusitata magnitudine, & abominabili forma horrendi, primi, postremique capitibus caruere. Hi omnes falces gerentes messorias, certatim avenam messuere, ut stridor ferri clarè exauditus fuerit, interim tamen nihil avenæ resectum fuit. Protinus hujus portenti fama aulam adit, multique tam ex aulicis, quàm civibus egressi, portentosæ hujus rei spectatores fuere. Multi etiam proprius accedentes, ex iis quælivere, quinam, & cujates essent, quidve sibi vellent? Ad quæ nihil illi responderunt, sed strenuè labori cœpto incubuerunt. Quidam etiam attrectare, & comprehendere eos ausi sunt, sed rapido cursu è manibus illorum evasere, nec minus in ipso cursu falces suas per avenam strinxere. Unde palam fuit omnibus Dæmones eos fuisse: Illustrissimus quoque Marchiæ princeps, convocatis Theologorum præcipuis, quidnam de isto portento judicarent, ex iis quæsit: Eorum autem plærorumque omnium fuit sententia, quod ingruens pestilentiaæ pœna hoc signo esset præmonstrata. *Fincelius lib.3.*

125. Anno 1530. Julii 18. insequentibusque duabus noctibus, prope Spiram, ex elusione Satanæ, tale Spectrum visum est: Julii 18. tres Piscatores, cum Salmones capturi frustra



frustrà in Rheno laboràssent, abluentes tandem retia sua, ad somnum se composuerunt. Cum se quieti dedissent, accedens Monachus, unum ex piscatoribus istis excitavit, sese in ulteriorem Rheni ripam vehi petens. Monacho piscator obsequitur, protinusque sex alii accessère, vultu habituque Monachis similes, qui & ipsi navim ingressi, Rhenum simul trajecère: Quibus egressis, rapidissimo cursu navis per Rhenum retroacta est, statimque alii Monachi eandem navim ingressi, eodem quo priores modo Rhenum trajecère. Piscator tandem in locum, ubi ad somnum capiendum se reclinàrat, reversus, brevi post in morbum incidit. Altera nocte eodem modò è somno excitatur alter Piscator, ut Monachos Rhenum transvehat. Qui ubi ad navem progressus est, Monachus navim non omnium qui transvehendi sint capacem esse ait, aliam ampliolem querendam esse. Cum ergo secundo Rheno descenderent, duodecim Monachi accessère, partim candido, partim atro amictu induti, naribusque uncis deformes, navimque ingressi transvecti sunt, quibus egressis, alii statim ingressi, Rhenum trajecère. Quorsum autem Monachi delati sint, quorsum item navis, aut quomodo ad locum quietis ipse reversus sit, vector prorsus ignoravit. Et hic paulò post morbo oppres-

oppressus est. Idem & tertio nocte tertia accidit. Cui excitato, Monachumque sequenti inunctum, ut navi in transvehendis Monachis nova uteretur: Quæ unde comparanda esset, cum nesciret, visus est sibi per loca salebrosa, asperosque scopulos ingredi, donec recens compactam carinam reperiret, in quam protinus complures Monachi, quidam parvæ, quidam magnæ staturæ, atris, candidis, cœruleisque cucullis induti, conscenderunt, nullo edito verbo rectâ per Rhenum transmeantes, cumque ad locum inæqualem arboribusque consitum delati essent, Monachi nave egredi recusârunt, ulterius navim provchi jubentes. Hinc Monachis egressis, navis per se adverso flumine prope urbem Spiram, ad ripam dictam *Kleebach*, delata est. Piscator sui ipsius nescius, in casam suam reversus, navis quoque in suum restituta locum. Monachi, cum primum ex iis quæsitum esset, quorsum tenderent? Responderunt, Augustam versus ad Concilium. *Rem ita gestam quidam in Epistola describit, Suredbum Cancrinum se nominans, qui etiam quàm accuratissimè Spectrum hoc explicat.*

De eodem SPECTRO EX ELEGIA  
GEORGII SABINI.

126. **U**Rbs antiqua jacet celebri contermina Rheno,

*Vangionum longè non ea distat humo.*

*Nescio qui Nemetes hanc incoluisse feruntur,  
Sunt ibi Francorum busta quaterna Ducum.*

*Cæsareis sedes fuit illa cohortibus olim,  
Nomen ob id Grajum, Spira vocata, tenet.  
Hic humili modicis à stirpe parentibus ortus  
Exiguae quidam navita puppis erat.*

*Qui calamo pisces, linoque madente solebat  
Fallere, jam radios Sole tegente suos.  
Is dum forte leves hamos, ac retia tractat  
Non procul à ripa lubrica Rhene tua.*

*Ecce per obscura tenebrosa crepuscula noctis  
Obtulit ignoti se nova forma viri.  
Atro tectus erat Monachum simulante cucullo*

*Vtque solent, raso vertice tonsus erat.  
Nauta propinquantem consueto more salutans,*

*Ecquid agis sera tempore noctis? ait.  
Ille sub hac assum longinquis missus ab oris  
Nuncius, ipse tuo me rogo lintre vehas.  
Ut citò transmissio contingam flumine ripam:  
Dixerat, assumptum navita lintre tulit.*

*Iam-*

Iamque ferè medios cursus nox atra tenebat,  
 Flexaq; lenta pigri plaustra Bootis erant.  
 Cum procul in viridi venientes margine  
 ripa,

Quinque cuculligeros rursus adesse videt.  
 Exoptatque illis piscator, ut ante, salutem,  
 Quoque velint media pergere nocte?rogat.  
 E quibus unus ait, Nos magna pericula co-  
 gunt,

Obscura tutas carpere nocte vias.  
 Omnibus inuisi sumus, intentatque nefan-  
 dam

Sacrificis nobis turba profana necem.  
 At te si quis amor tangit, si cura piorum,  
 Transvehe navigio corpora nostra tuo:  
 Ut tumidas lati superemus fluminis undas,  
 Néve moraturis impediamur aquis.  
 Sic optata tuis fortuna laboribus assit,  
 In tua sic multus retia piscis cat.  
 Annuit, & remo propellens navita cymbam,  
 Mox jubet adducta scandere pupperatem.  
 Sed mihi quis, dixit, solvet mercede laborem?  
 Alter ad hec, Nullas scis quod habemus  
 opes:

Raraque percipimus discordi munera vulgo,  
 Non tamen ingratos nos habiturus eris.  
 Si nos in solido rursus fortuna locabit,  
 Premia pro tali digna labore feres.  
 Solverat extremo piscator margine navem,  
 Iamque ferè medias illa secabat aquas:  
 Side-

*Sidereas removent subeuntia nubila stellas,  
Præcipiti fertur puppis & icta Noto.*

*Incipiunt nigris horrescere fluctibus unda,  
Sævaque tempestas imbribus orta furit.*

*Ipse repentino fassus pallore timorem*

*Nauta, Quid hæc, inquit, vult nova cau-  
sa mali ?*

*Nulla tamen pluvia ventura signa nota-  
bam,*

*Sol ubi flagrantès aquore mersit equos.*

*Nulla lacus usquam circumvolitabat hiru-  
do,*

*Vlla nec est oculis ardea visa meis.*

*Tum neque Luna nigro surgebat pallida  
vultu,*

*Clarus & occiduo lumine Phæbus erat.*

*Talia jactanti, disturbant verba procellæ,*

*Impediuntque gravis ora loquentis aquæ.*

*Penè procellosi, subversa que turbinis ictu*

*Navis, & insanis fluctibus hausta fuit.*

*Ardua sublata tendens ad sidera palmas,*

*A superis orans navita poscit opem.*

*Quid facis ? è Monachis ait unus, & impro-  
be, dixit,*

*Desine voce tua sollicitare Deum.*

*Moxque gravi tollens immanem pondere  
contum,*

*Nauta parum felix quo prius usus erat.*

*Illius hoc humeros pulsata que terga fatigat,*

*Casus ad extremam dum fuit usq; necem.*

*Proditus*

Proditus est tandem perversi Damonis astus,  
 Detectusque fuit, fraude patente, dolus.  
 Vana recesserunt in inanes corpore ventos,  
 Mansit & ingratus nave relictus odor.  
 Mox quoque purgato fugerunt nubila cælo,  
 Et rediit pulsus aura serena Notis.  
 Territus hoc monstro, gelidum sine sanguine  
 corpus

Tollit, & ad ripam navita puppe redit.  
 Isthic in viridi procumbit languidus herba,  
 Donec ab Eois Sol fuit ortus aquis.  
 Mane sub Oceanum pulsus Hyperione stellis  
 Ducitur à puero praterente domum :  
 Omnia commemorans presentibus ager ami-  
 cis,

Clausit adhuc illo fata suprema die.  
 Postera cum croceis fulgens aurora quadrigis,  
 Protulerat roseas ore nitente genas,  
 Accidit & similis diverso tempore casus,  
 Acta sed eventus res meliore fuit.  
 Summa procul radiis feriente cacumina  
 Phæbo,

Carpebat solus mane viator iter.  
 Qui Nemetum postquam digressus finibus es-  
 set,

Primus ubi positus distat ab urbe lapis :  
 Adventare nigro tectum velamine currum  
 Conspicit, hic Monachis currus onustus  
 erat.

Ordine quem juncti septem traxere jugales,

E

Quarta



*Quarta sed ablato defuit axe rota.  
Quique manu flexas auriga tenebat habenas,*

*Terribili naso conspiciendus erat.  
Attonitus curru stat praterente viator  
Nec Monachos illos, Spectra sed esse videt.  
Evolat extemplo sublatus ab athera currus,  
Mistaeque cum fumo flamma secuta fuit.  
Tristis & infaustum belli mortalibus omen  
Horrida per nubes arma dedere sonum.  
Ille statim rediens, quae viderat, indicat urbi,  
Est ea res certa cognita vera fide.  
Hec igitur vobis, alius quos sustinet orbis,  
Carminibus duxi significanda meis.  
Expositurus eram, si res interprete egeret,  
Spectra quid infesti Damonis illa velint.  
Effera Germanos agitat discordia Reges,  
Proque cuculligeris impia bella parant.  
Hec ea tempestas, hic impar ordo rotarum,  
Hac & cum fumo lucida flamma fuit,  
Sed Deus est nobis orandus, ut arma quiescant,  
Ille precaturis mitia fata dabit.*

127. Magdalena Crucia Hispana, Cordubæ primaria Bæticae urbe, in prima pueritia à parentibus obscuris, incertum pietatis an paupertatis causa, in cœnobium D. Claræ detrusa, (quod illa post ex collata stipe de fundamento novum extruxisset) Damonis

monis cujusdam, sub Æthiopis specie sese offerentis, miris blanditiis, quibus ea ætas potissimum capitur, inescata, familiariter illo uti cœpit, severa tamen interminatione interposita, ne quisquam mortalium hoc rescisceret. Illa interim cum Dæmonem in colloquium singulis penè diebus admitteret, supra ætatem sapere, & indolis causa omnibus admirationi esse cœpit, incredibili sanctitatis opinione, quam morum elegantia, vitæque austeritas effingebant. Vix dum duodecimum ætatis annum attigerat, cum malus ille genius Magdalenæ in solidum possidendæ ansam captans, phaleratis verbis conjugii mentionem injicit, facileque adeò, ex ejus, quam jam degustaverat, sanctimonix successu, simplici & ambitiosæ puellæ persuasit. Dantur manus, fiunt sponsalia, concumbitur denique. Dotis loco Magdalena sui corporis usumfructum, colloquendo, conversando, concumbendo pollicetur. Æthiops vicissim contrà dotem splendidissimam offert, effecturum se, uti Magdalena per triginta & amplius annos, ea sanctimonix autoritate per universam Hispaniam frueretur, qua omnes, qui eo laudis genere unquam fuere celebres, vel æquaret, vel etiam superaret. Neque verò mendax ille Spiritus hac in parte falsus videri voluit, ut universæ scilicet Hispaniæ

per hanc suam Sponsam imponeret. Quando-  
docunque furtivis voluptatibus fruerentur,  
Sponsi famulus (nam majestatis causa famu-  
lum quoque veterator ille Æthiops sibi ad-  
junxerat) tanquam Sofia quidam suppositi-  
tius, foris in templo & cœnobio Magdale-  
næ larva assumpta, illius vultum, gestus, in-  
cessum, cantando, orando, comedendo ex-  
actè imitabatur. Si quando verò secessus  
illius voluptuarii pertæsa hera in publicum  
prodiret, ne quid interea temporis otiosè  
periret, per orbem terrarum vagando, quæ-  
cunque memoratu digna acciderent, Ma-  
gdalenæ renunciabat. Sic de Francisci I.  
Gallorum Regis captivitate, sic de Roma-  
næ urbis direptione certior facta, divinitus  
sibi hæc ab Angelo revelata dictitans, in  
principum virorum dignationem summam  
pervenit, & Abbatissæ dignitatem, ultro  
cedentibus tantæ sanctimonix reliquis Mo-  
nialibus: maxima totius ordinis Seraphici  
cum lætitia, qui ad se quoque tanquam ad  
Præceptores & institutores partem gloriæ  
hujus pertinere putabant. Miraculis inter-  
eà clarebat plurimis, sed inanibus atque lu-  
dicris. In solenni pompa festorum die-  
rum, ad tres & amplius cubitos in sublime  
efferebatur, sæpe etiam imaginem Jesu re-  
cens nati manibus gestans, imbre lachryma-  
rum profuso, comam ad talos usque repentè  
enatam

enatam producebat, quæ sensim evanesce-  
ret. Quotiescunque Monachæ statis diebus  
communione sacra uterentur, sacrificulo ex  
dinumeratis prius diligenter mystici panis  
orbiculis unts semper deerat quem Magda-  
lena ministerio Angelorum acceptum, se in  
ore habere palàm ostendebat. Hinc tanta  
ei sanctitatis fama accrevit, ut Pontifices,  
Imperatores, Reges per literas ejus sese pre-  
cibus commendarent: atque adeo Caroli V.  
uxor Philippum filium iis fasciis, quas Ma-  
gdalena suis precibus consecrâisset, primum  
excipi curârit & involvi. Exactis annis mi-  
nus 30. in hoc Diabolico conjugio tandem  
sub annum Sal. 1546. Dei optimi Max. be-  
nignitate, nullo suo merito, ad seipsam  
Magdalena redire, & Dæmonem detestari  
cœpit. Ægerrimè autem ferente Æthiope  
hanc apostasiam, & multis modis illam  
vexante, visitatoribus ordinis, quos vocant,  
præter omnem expectationem scelus inge-  
nuè aperit, peccatum fatetur, auxilium im-  
plorat, carceri includitur. Neque tamen in-  
tereà Dæmon loco excedere, sed matuti-  
nis precibus, cum summo Monacharum stu-  
pore & terrore, sub larva Magdalenzæ in-  
teresse, sæpè etiam alia obire munia. Mo-  
nachæ larvatam Abbatissam, quam per 12.  
annos pertulerant, abhorrentes, multis vix  
tandem precibus impetrârunt, ut cognita

ex integro causa, Magdalena cœnobio excluderetur, ut sic demum præstigiæ cessarent. Neque verò alia graviore pœna, ob seriam resipiscentiam, & ingenuam confessionem, in eam animadversum est, ut quæ ficta atque dæmoniaca sanctimonia plurimorum superstitionem auxerat, eadem vera, & Christiana pœnitentia divinæ misericordiæ fontes nulli peccatori clausos esse, memorabili ostenderet exemplo. *Hac ex Cassiodori Renii V. O. & D. acroamatis.*

128. Anno 1532. uni è rusticis, quos subditos sibi habebat, vir nobili prognatus genere, ex tyrannica malitia iussit, ut equo suo curru juncto, prægrandem quercum è nemore domum aveheret, gravem minatus pœnam nisi mandata exequeretur. Rusticus heri sui mandatis satisfacere nequaquam sibi possibile esse facile intelligens, non sine suspiriis & gravibus querelis nemus ingreditur. Accedit eum, humana assumpta specie, Diabolus, causam doloris ex eo querit, cui rem omnem ordine recenset Rusticus. Diabolus eum bono animo esse jubet, domumque reverti, se enim ad heri ejus ædes quercum, citra moram ullam vecturum. Rustico vix domum reverso, Satan quercum prægrandem, densissimis ramis gravatam, ante ædes viri nobilis transversam projicit, aditumque, arboris & ramo-

rum

rum densitate, intercludit, cumque adamantinam duritiem quercus assumpisset, nec ulla vi vel arte posset comminui, necesse fuit Nobili isti, ex alia parte ædium parietem effringere, novumque ædibus suis, non sine molestia, nec sine sumptu, adaptare ostium. *Fincelius lib. 2.*

129. Honestæ cuidam matronæ viduæ, quæ Philippo Melanchthoni fuit sanguine juncta, cum sola in conclavi sederet, apparuit maritus suus jam pridem mortuus, comitem habens procera staturæ Monachum, maritus uxorem blandis verbis affatur: Bono, inquit, esto animo, mea uxor, maritus ego tuus sum, gravesque causæ, ut te accederem, me impulerunt: hinc per integram fermè horam cum ipsa locutus, eam hortatus est, ut Missas pro se defuncto celebrari curret. Discessurus, ut dextram sibi porrigeret, ab ea contendit, quam apprehensam atro carbonis colore infectam reddidit, eoque colore per omne vitæ ejus tempus manus defœdata fuit. *Fincelius libro 2.*

130. Anno 1555. Spectrum apparuit hujusmodi. Brunsvigæ pagus est Gehern, duobus distans miliaribus à Blomenaw, Ibi Rusticus quidam cum equis & curru lignatum exiturus in sylvam, prospexit ante ingressum sylvæ aliquot equitum turmas,



nigricanti ferro armatas. Quibus visis, ter-  
ritus domum recurrit, in pago annunciat,  
magnam foris equitum turbam apparere.  
Seniores itaque adjuncto sibi verbi Divini  
Ministro, propere egressi sunt, quos cen-  
tum fermè personæ, partim viri, partim  
fœminæ comitabantur, equites istos con-  
spexere, eorumque turmas circiter quatuor-  
decim numerârunt. Quæ protinus in duo  
sele agmina partitæ sunt, instructaque utrin-  
que acie, agmen agmini stetit oppositum.  
Tandem ex utroque agmine vir procerus,  
atroque colore formidabilis prodiit, & uter-  
que equo descendens, suum agmen accuratè  
perlustravit, quo factò, equos rursus con-  
scendêre. Hinc instructa acie, agminibus-  
que oppositis, equites omnes progressi sunt,  
campumque universum complevêre. Cu-  
jus eorum profectiois spectatores fuere  
Rustici, donec densæ noctis tenebræ ingru-  
rent. Cæterum cum nihil prorsus tum tem-  
poris vel de bello suscipiendo, vel de equi-  
tum aut peditum profectioe constaret, o-  
mnium ea fuit sententia, Spectrum hoc fuis-  
se Diabolicum, vel iræ Divinæ signum. *Fin-  
celius lib. 1. de Miraculis.*

131. Anno 1567. in Bohemiæ civitate  
*Trawtenaw*, Stephanus Hubener, in cumu-  
landis divitiis, ædificiisque splendide ex-  
truendis, tantis fortunæ successibus usus est,  
ut

ut omnibus magnæ esset admirationi. Tandem in morbum incidens moritur, & honorificè admodum sepelitur. Cæterum brevi post ejus mortem & sepulturam, corpus ejus (vel quod verisimilius, Satanas, qui pro Diabolica sua potentia corpus circumvexit) plurimos hominum arctis adeò complexibus compressit, ut multi rerum morerentur, multi etiam ex morbo revalescerent, qui omnes uno ore confessi sunt, se ab opulento isto viro, eo corporis habitu, quo vivum ipsum vidissent, compressos esse. Magistratus itaque loci illius, ut Satanicum illud Spectrum amoliretur, corpus viri istius effracto sepulchro effodi jubet, quod licet jam viginti hebdomades terræ defossū jacuisset, putrefactione tamen nulla adhuc corruptum, ea erat pinguedine, qua recentia & bene nutrita solent esse corpora. Carnifex corpus sibi traditum, ad locum, ubi de fontibus sumitur supplicium, avehit, securi caput resecat, hinc dissecto corpori cor exemptum disci- dit, nec aliter cruor è corpore emanavit, quàm si vivus instar malefici meritas sustineret pœnas. Itaque carnifex corpus flammis injectum, capite intra pedes reposito cremavit, astante magna hominum turba.

132. *Annis ab hinc fermè ducentis*, in Saxonix oppido *Hammel*, Satanas humana

assumpta specie , per vicos civitatis circumvagatus , res ludicras exercens , multos tam pueros quàm puellas ad se pellexit , quos cum extra civitatis portas in montem proximum adduxisset , unà cum iis disparuit. Quod cum per puellam , quæ à longinquo secura fuerat , civibus significatum esset , magna cura in fluviorum ostiis , portubus , totaque regione liberos suos inquisivêre , sed nemini unquam scire licuit , quónam abducti fuissent. *Quæ historia in Annalibus pramemorata civitatis annotata & descripta , à multis præclaris viris est lecta. Finckeliius libro 1.*

133. Queritatur etiam interdum Diabolus , tanquam si gravissimo dolore premeretur , dicens se hujus aut illius animam esse , ut in errore homines detineantur. Historiæ hoc argumento extant quàmplurimæ , & nos suprà quasdam recensuimus. *Petrus Mamorius in Gallia narrat Consolenti ad Viennem fluvium historiam accidisse in Caplandi cujusdam adibus , anno 1458.* Diabolum , qui animam defunctæ se esse prædicabat , gemitibus , clamoribus , & querimoniis omnia complevisse , monentem habendas preces , peregrinationesque obeundas , & res veras plurimas revelantem : sed dicente ei quodam , si tibi vis haberi fidem , Dic , Miserere me Deus secundum magnam,

gnam, &c. Respondisse, hoc à se fieri non posse. Tunc ludificantibus ipsum iis qui astant, fremebundum aufugisse.

134. *D. Bartholomeus Fayus libellorum supplicium in Parlamento Praeses scribit,* cum Nicolaa Alberia Vervinensis ad avi sui sepulchrum haberet preces, emerisse è terra hominem involutum linteo, qui mulieri dixit, se avum ipsius esse, atque ut à poenis purgatorii liber esset, Missas cani plurimas, & profectionem in ædem virginis Mariae à lætitia dicti suscipi oportere, tum seipsum reagens avus esse visus est: hunc ingentem Missarum numerum procuravisse, cum desinebatur ab earum celebratione, mulierem exagitatam fuisse gravissimè, sed eum dixisse tandem se Beelzebubum esse. Sed hæc historia, cum per totam Galliam innotuerit, nihil dicam amplius. *Ecce autem recentiore aliam, notam Parisiensibus necdum mandatam typis, qua Lutetia ad insigne equi rubri in vico S. Honorati accidit.* Quidam Metaxarius neptim suam, quam esse videbat orphanam, ad se receperat: hæc cum propter Gervasii ad sepulchrum patris haberet preces, Satanas se illi soli proceri hominis & atri figura obtulit, eamqueprehendens manu dixit: Amica, ne timeto, pater tuus & mater bono loco sunt, verùm Missæ aliquot dicendæ sunt,

sunt, eundem peregrinatione suscepta ad nostram dominam virtutum, sic in Paradisum rectà ituri sunt. Roganti puellæ, Quis esset? Respondit: Se Satanam esse, & ne consternaretur monuit. Puella imperatum fecit. Quo facto, eam iussit Satanas peregrinationem Compostellas ad S. Jacobum suscipere. Cui illa: Non possum, ait, tam longinquum iter conficere. Ex eo tempore non desivit Satanas importunè urgere illam, & vacantem operi, cum sola esset, familiariter compellavit dicendo, quàm crudelis es? nollet ista propter me forfices in sinum indere: quod illa cum effecisset, ut ei satisfaceret, atque ab ejus importunitate expediret sese, rogabat ille, ut sibi aliquid daret, provectusque tandem eò est, ut de capillis peteret illius, Illa crinem roganti dedit. Nonnunquam etiam tentavit persuadere, ut illa se in aquam daret præcipitem, nonnunquam etiam ut se strangularet, & ipse indita in collum recte eam fuit strangulaturus, nisi exclamasset: & avunculus aliquando volens illam defendere, verberibus ita exceptus est, ut dies amplius 15. ægrotus decubuerit. Semel etiam tentavit Satanas cum ea concumbere, & vim afferre illius pudicitiae, illa verò fortiter oblistens, ita fuit affecta plagis, ut sanguis ex illius corpore manaverit. Inter eos qui viderunt  
puel-

puellam, quidam Episcopi Valentini Secretarius, nomine Choinius, puellæ dixit modum pellendo Dæmonio esse aptissimum, ne quid respondeatur ad dicta illius, quamvis Deum orari præciperet, quod nunquam nisi blasphemans facit, aut ludificans nomen illius creatis rebus coaptatum. Videns itaque Satanas nihil à puella sibi responderi, causæ suæ fieri, prehensam prostravit in terram: ab eo tempore non est puellæ oblatum visum. *Hæc Bodinus de Mag. Demonomania lib. 3. cap. 6.*

135. Michael Curopalates Rancabes Imp. habebat vernam quandam puellam, quæ sub lunæ cum Sole coitu furore percita, ad Imperatorem clamabat: Descende, descende, cede alienis. Hoc sæpenumerò factum, Imperatori metum iniecit. Itaque consilio communicato cum domestico suo Theodoto Michaelis F. puellam furore jam correptam interrogavit, ad quæmnam domus Palatina pertineat, quibusque is notis agnosci queat. Puella cum fureret comprehensa, & interrogata, Leonem Armenium nominatim indicavit, ejusque notas & formam descripsit: Quin etiam Theodotum descendere ab arce jussit, ibi ei duos viros obviam futuros, quorum alter mulo insidens omnino sit Imperio potiturus. Theodorus ad indicatum sibi locum ivit, rei explorandæ

E 7

causa,



causa, hominemque ibi iis, quas puella docuerat, ex notis agnovit, eamque sensit ex Diaboli, quo obsessa erat, inspiratione, minimè falsum prædicere. *Cedrenus & Zonaras tomo 3.*

136. *Erasmus Roterodamus in Oratione quam pro laude Medicinae conscripsit, vidisse se ait virum, nomine Phliarium Spoletanum, qui cum Italus esset, nec in Germania versatus unquam, pulchrè tamen Germanorum lingua loquebatur, quasi Dæmone detentus. Quamobrem curabatur à Panaceo medico celebri: isque medicamento exhibito, magnum vermium numerum eduxit, solvitque hominem morbo, & linguæ Germanicæ usu privavit. Cardanus de Rer. Var. lib. 8. cap. 43.*

137. Norbertus apud Nigellam, puellam quandam à Diabolo obsessam exorcizans, à Dæmone irridetur, qui Cantica Canticorum per os puellæ ab initio usque ad finem recitavit, eaque postea latinè & germanicè interpretatus est. Sed tandem acriter Episcopo instante, expellitur, *anno 1122. ut Sigeberti habet continuator.*

138. In Italia virgo quædam à Diabolo obsessa, latinæ linguæ prorsus ignara, à Lazaro Bonamico Professore Bononiensi interrogabatur, quinam optimus esset versus  
in Vir-

in Virgilio? Respondebat illa, vel potius ex ea Diabolus:

*Discite justitiam moniti, & non temnere divos.*

*Manlius libro 1. ex ore Philippi Melancthonis.*

139. In deserto Regionis Tangut audiuntur voces Dæmonum, qui solitariè incedentes, vel à comitibus paululum digressos propriis compellant nominibus, voces fingentes illorum, quos sibi comites per desertum junxêre, & à recto itinere abductos, in perniciem deducunt. Audiuntur interdum in aëre concentus Musicorum instrumentorum, sed frequentius sonitus tympanorum. *Cosmograph. Munster. lib. 5.*

140. Ante annos aliquot Erphordix corvum domi suæ aluit civis quidam, quem cum aliquando tacitum mœstumque videret, per jocum his eum verbis affatus est: Mi corve, quid mœres, quidve animo cogitas? Ad quæ ille præter omnem expectationem respondens, disertè & clara voce versum Psalmi septuagesimi septimi protulit: Cogitavi dies antiquos & æternos in mente habui. Satan ex corvo locutus est. *Caspar Goldwurm, in libro de Miraculis.*

141. Hieronymus Cardanus refert parenti suo septem apparuisse Spiritus, qui de rebus variis & mirificis cum eo disputarint,  
& ex

& ex scriptis Averrois Medicorum principis, res abstrusas & ante hac incognitas enucleârint.

142. Sub Trajani imperio, cornix, sed Dæmon potius ex cornice, humana voce loqui cœpit, & è capitolio Græcis verbis vociferata est: ἔγω πάντα καλῶς. Omnia belle se habebunt. Vnde Distichon illud incerti Authoris:

*Tarpeio quondam confedit culmine cornix,  
Est benè, non potuit dicere, dixit, Erit.*

143. Certissimum autem eorum quos Diabolus obsidet argumentum est, quòd variis linguis loquuntur, quas nunquam didicerint. Fuit, inquit Bodinus, ante annum puer, nomine Samuel, annos duodecim natus, in pago Wanteleti, ad Laodunum, filius nobilis viri Landarum Domini, qui post mensem à matris obitu occupatus à Spiritu, infestatus plurimum, colaphisque cæsus est, etiam in corpus illius ingrediebatur Spiritus, & si quis puerum volebat subducere, ille retrahebat violentia. Eum exorcizari pater noluit religionis quam profitebatur nomine, an fuerit ab eo tempore liberatus nescio. Annus quoque duodecimus vel decimus tertius agitur, ex quo Vervinensis fœmina à maligno Spiritu possessa, hic Laodum exorcizata est, quam historiam, quia excusis compluribus libris fuit exposita,

præ-

præteribo. Iis abundant Italia atque Hispania, quos numellis opus est constringi: atque hi Græcè, Latinè, & linguis aliis, quas non didicerunt unquam, noverunt loqui, ac potius Spiritus in ipsis loquitur: Nam si quando Vervinensis illa linguam valde protruderet, Spiritus diserte loquebatur. Mulierem Dæmoniacam *Melanchthon* scribit à se in Saxonia visam, nescientem legere aut scribere, quæ Græcè tamen & Latinè loquebatur, & sævum illud Saxonix bellum prædixit his verbis: ἔσται ἀνάσχη ἐπὶ τῷ γῆς, καὶ ὁρμηὴ ἐν τῷ λαῷ τῆς γῆς. Narrat *Fernelius* in libro de abditis rerum causis, se puerum vidisse Dæmoniacum loquentem Græcè, cum tamen literas nesciret. *Hippocrates* libro de morbo sacro comitiale morbum putavit esse: discrimen verò posteri optimè annotaverunt etiam in Græcia, cum obsessi auditi sunt varias linguas & divinationes proloqui, quod in comitialibus non potest percipi.

144. Tempore Romani Argyropoli Imp. in Thracensi Provincia, apud radices montis Cuzenæ, vox quædam exaudita est miserabilis, ejulatibus & lamentis permixta, neque hoc semel aut iterum, sed noctes diesque continuò, à mense Martio usque ad Junium. Cumque nonnulli accessissent speculatum locum, unde vox edebatur, alio ejulatus

latus isti transiverunt. Præmonstrabat autem, opinor, hoc portentum cladem Romanorum in Coclosyria acceptam. *Cedrenus.*

145. Calligraphus quidam Alexandria, venerabilis vir, ex matutina vigilia domum vadens, media nocte vidit statuas ex metallo æris abstractas, & voce grandi dicentes, interemptum Mauritium Imperatorem Constantinopoli, & filios ipsius apud Byzantium. Mane facto pergens, hæc Augustali retulit. Qui præcepit ei, nulli hæc manifesta faceret: scribensque diem, præstolabatur exitum. Die nona nuncius venit, indicans Mauritiæ cædem. Tunc Augustalis Dæmonum vaticinium coram populo publicavit. *Paulus Diacon. lib. 17. Rerum Rom. & Nicephorus lib. 18. cap. 41.*

146. Hircanus III. Judæorum Dux & Pontifex, cum filios Aristobulum & Antigonom obsidioni Samariæ præfecisset, & Samaritani Antiochi Cyziceni opem implorassent, fertur quòd illa ipsa die, qua ejus filii conferuerunt cum Cyziceno prælium, pontifex ipse solus in templo odora menta adolens, vocem audierit, nunciantem filiorum recentem de Antiocho victoriam: Idque mox progressus renunciavit multitudini, & paulò post certius comprobatum est ejus Oraculum. *Ioseph. lib. 13. cap. 18.*

147. Ro-

147. Romani cum Tarquiniis ingenti prælio commisso, L. Junium Brutum consulem amiserant. Cæterum nocte, quæ proximè secuta est, tantus terror hostes cœpit, ut irritò incepto pro victis Tarquinienes Vejentesque, tacito agmine domum diversi adierint. Fama est nocte illa, quæ pugnae successit, ex proxima sylva (*Livius Arsiam vocat, & Dionysius Herois Horatii sacrum id nemus fuisse ait,*) ingentem vocem redditam, sive hujus fuerit, sive Fauni, Sylvanive, uno plus Hetruscorum prælio occubuisse, Romanos acie vincere: quo prodigio territi hostes, pro victis cesserunt. *Sabellic. libr. 7. Ennead. 2. Valer. lib. 1. cap. 8.*

148. Quo die ad Pharsalum Cæsar Pompejodimicavit in Theffalia, Patavii C. Cornelius augur, cum capturus auguria resedisset, primo conspectu ad suos repentè conversus: Jam res ipsa conficitur, inquit, jam viri opus ineunt: mox repetito auspicio, lymphatica voce exiliit, clamitans, Vincis Cæsar. Ea res cum stuporem astantibus incussisset, detractam ille capiti coronam non prius reposituram juratus est, quàm res arti fidem astipulata esset. *Livius & Plutarchus in Casare. Plinius pervenisse strepitum, ait,* duarum acierum ex adverso confligentium, ad auguris sensum in Patavinis monti-



montibus sedentis, ausique ob id affirmare, aut mundanam machinam brevi solutum iri, aut Cæsarem cum Pompeio conflixisse. *Sabellic. lib. 7. Ennead. 6. ex Gellii lib. 15. cap. 18.*

149. Cum à Domitiano Antonius descivisset, atque ingens bellum in expectatione esset à Germania: urbe consternata, repente & sine authore populus ex sese famam distulit victoriæ, ac sermo Romam pervagatus est, interfectum esse Antonium, exercitusque ejus strati nullam partem superesse. Fuit autem tam certa fides & flagrans, ut magna pars magistratuum sacrificaret. Cum verò author rumoris quæreretur, nec extaret ullus, sed ab alio ad alium rejectus refugeret sermo, & demersum denique in multitudinem immensam, velut in vastum pelagus ex nulla certa processisse origine apparuit. Hæc quidem fama propter effluxit urbe. Cæterum educenti legiones ad bellum Domitiano, nuncius & literæ jam in itinere victoriam significantes, occurrere. Hujus trophæi & famæ unus fuit dies, locis plus duo millia quingenta milliaria distantibus. *Plutarchus in Æmylio.*

150. Sosipatra Alexandrina mulier, quodam tempore coacto familiarium cœtu, disceptatione orta de anima, dum furore quodam incitata rapitur, repente, voce vel-

uti

uti rescissa, obmutuit, & mox cœpit exclamare: consobrinus meus Philometor curru invehctus, loco salebroso eversus est, cubitum oblæsit, manusque habet saucias, ferturque sella, & quidem quiritans. Veritatem dicti res ipsa paulò post cognita confirmavit. *Eunapius in Ædesio.*

151. Thamus Ægyptius nauclerus Romanum navigans, propè Echinadas insulas in Ionio mari vocem incerti authoris nocte intempesta audivit, se nominatim vocantis. Obstupefactis omnibus, qui in navi erant, tertio vocatus respondit. Tum vox illa, ubi in proximam appuleris insulam, inquit, magna voce de prora nunciato, Pana magnum interiisse. Thamus attonitus, religione tamen tactus, iussa exequitur. Simul atque mandata enunciavit, confestim tantus ejulatus, planctus, gemitus in aëre exauditus est, ut terrore omnes prope fuerint exanimati. Ea re celeriter Romæ divulgata, Tiberius Cæsar ad cognoscendam rei veritatem Thamum accersiri iussit & examinari, consulturique Augures & Pontifices, Pana ex Mercurio & Penelope natum eum fortè esse responderunt. *Plutarchus in libro de Oraculis*, quæ obmutuerunt. Ex quo loco versutiam Satanæ licet agnoscere, Christi opt. maxim. mortem tali commento eludere, & in dubium revocare  
fata-

fatagentis. Nisi fortè etiam hominum animas penitus post mortem interire, fabuloso hoc panis interitu persuadere voluit.

152. Monobazus Adiabenorum Rex, cognomine Bazeos, sororis Helenæ amore captus, eam in uxorem duxit, & ex ea primum Monobazum sustulit, & alios ex aliis uxoribus. Tandem cum uxore rursus prægnante cubans, & manum reclinatam habens in uxoris uterum, vocem quandam sibi audire visus est, jubentem ut manum à ventre tolleret, neve premeret foetum, qui ut non sine divina providentia inchoatus sit, ita finem habiturus esset fortunatissimum. Hac voce ille territus, mox rem uxori indicavit, & natum eo partu filium Izaten nominavit. Quem propter hoc præsagium pater regni hæredem reliquit. Atque is cum matre Judæorum religionem amplexus, Artabanum Parthorum Regem regno restituit, contra Arabes & Parthos feliciter dimicavit. *Anno ætatis 55. Regni 24. fatis concessit, relicto Regno fratri Monobazo, &c. Iosephus lib. 20. cap. 2.*

153. Nicephorus Phocas Imp. palatium Constantinopolitanæ arcis muniit, in quo prædictum ei fuerat ipsum moriturum. Quo tempore verò murus Palatii condebatur, nocte quadam per mare subvectus aliquis, ita vociferatus est: O Imperator erigis

gis muros, & tametsi vel ad cœlum eos deducas, intus cum sit malum, urbs captu facilis est. Qui hæc dixit, diu multumque est quæsitus, non tamen inventus est. Muro autem absoluto, tum periit, ea ipsa die, cum ei claves is, cui id negotii commissum erat, in manus traderet. *Cedrenus.*

154. Cum domi suæ Opicinus Cacia Novariæ per meridiem solus deambulare cogitabundus, vocari se nominatim, neminem videns, audivit, & postea dici: Vellēsne ut filius tuus moreretur? cui cum nulla ad cogitandum mora interjecta, Velle se dixisset: Deinde ad se reversus, statim quod annuerat, negasset, ob prodigii atrocitatem, mœroris plenus erat. Itaque intra triduum Johannes Baptista ejus filius, quem unicum habebat, in adversum incidit valetudinem, & biduo post decessit. *Fulgosus lib. 1. cap. 4.*

155. Ante Neronis mortem in Curia barbaricum murmur cum multo risu, & tumultus in theatro cum magno fletu auditus est, cum ibi nemo hominum esset. In Albano sanguine pluit. Ambæ fores & Mausæoli (in quo Cæsarum erant sepulchra, ex quorum progenie ultimus erat Nero) & cubiculi sponte sua patuerunt, ex eoque audita vox, Neronem ad se vocantis. *Xiphilinus ex Dione.*

156. Re-

156. Referebat M. Antonius Major-  
gius, Aprili mense audiri in Eupilo lacu so-  
num seu vocem ejusmodi óh, óh, óh, óh, óh,  
sed longiusculum, ita ut extrema vox con-  
cisa esset: & his annis, neque enim singulis  
auditur, proventum uberiores omnium se-  
qui, vini, tritici, ac cæterorum. *Cardanus*  
*de Rer. variet. lib. 15. cap. 85.*

157. Hircano III. Judæorum Duci &  
Pontifici cum aliquando spectrum apparui-  
set, rogavit de successore, sollicitus de Ari-  
stobulo & Antigone majoribus natu, quos  
præ cæteris diligebat fratribus. Sed cum  
Deus Alexandri natu minimi effigiem de-  
signasset, contristatus quod is in omnes for-  
tunas esset successurus, in Galilæa eum edu-  
cari voluit, ne quam Regni consequendi fa-  
cultatem haberet. Sed oraculi fidem even-  
tus approbavit. Potitus enim Regno post  
defunctum Aristobulum (qui Antigonum  
prius interfecerat) & alterum fratrem sibi  
insidiantem interfecit: alterum contemptum  
privata & otiosa vita in honore habuit. *Io-  
sephus lib. 13. cap. 20.*

158. Ante Camilli exilium, M. Ceditius  
plebeius homo renunciavit, superiore nocte  
ex via, quam novam vocant, cum à quo-  
piam alta voce appellaretur, respexisse se,  
nec vidisse tamen quenquam audivisse au-  
tem humana majorem vocem, quæ sibi hoc  
diceret:

diceret: Age M. Cediti, tribunis militari-  
bus nuncia summo mane, intra paucos dies  
Gallos expectent. *Tribuni hac relata spre-*  
*verunt, & habuerunt pro ludo.* Paulò pòst  
insecuta est Camilli calamitas, & Gallorum  
irruptio. *Plutarchus in Camillo, & Sabel-*  
*licus lib. 9. Enneade 3.*

159. Lycurgus cum casu Olympia ve-  
nisset, & esset spectator, vocem ibi à tergo  
velut hominis ei accidisse narrant, incre-  
pantis eum & mirantis, cur cives suos ad ce-  
lebrandum illud solenne non excitaret?  
Conversus ubi nusquam comparuit, qui fue-  
rat locutus, divinam vocem esse ratus, ad  
Iphitum se aggregavit, sociusque concin-  
nandi festi, clarius id & solidius effecit. *Plu-*  
*tarchus in Lycurgo.*

160. Cassius Charea Tribunus militum,  
cum aliis quibusdam contra Caligulam con-  
spiravit. Eo ingrediente Curiam, vox cu-  
jusdam è turba audita est, jubens eum, Diis  
juvantibus, destinata perficere. Primò suspi-  
catus, rem ab aliquo è conjuratis proditam:  
tandem intellexit incitari se, aut à quopiam  
conscio, aut voce Dei. Itaque tertio die  
Circensium Cajum interfecerunt. *Iosephus*  
*lib. 19. cap. 1.*

161. Pertharis Arithperti Regis filius,  
à Grimoaldo pulsus, dum exul in Britanniam  
trajiceret, incerta voce admonetur, ut mor-



tuo Grimoaldo ex phlebotomia, regnum paternum repetat. Qua quidem voce per-motus, licet incertus haberetur autor, in Italia rediens tertio mense post Grimoaldi mortem, regno Longobardorum sine contentione potitus est. *Platina in Dono.*

162. C. Hostilius Mancinus Consul, in Hispaniam profecturus, cum ab Herculis portu, quo pedibus pervenerat, navem conscenderet, talis vox sine ullo autore ad aures ejus pervenit: Mancine mane. Qua territus, cum itinere converso Genuam petisset, & ibi in scapham esset ingressus, anguis eximiae magnitudinis visus est conspectu abiit. A Numantibus victus, turpem deditionem fecit. *Valer. Max. lib. 1. cap. 6.*

163. Celebrabat festum Pentecostes Moguntiae Henricus III. Imper. Ibi inter famulos Archiepiscopi Moguntini & Abbatis Fulden-sis exorta est contentio, de locatione. Res à verbis ad verbera processit: ac sine mora gladiis congregientes, templum humano sanguine foedârunt. Episcopi accurrentes, praelium cruentum dirimerunt, ac templum rursus expiârunt. Postea sedato tumultu, cum caneretur, Hunc diem gloriosum fecisti: Vox Diaboli clara per templum auditur. Hunc diem ego bellicosum feci. Imperator territus hoc portento, largitionibus eleemosynarum Diabolum

bolum conatus est pellere, epulasque suæ aulae paratas ipsemet cum proceribus distribuit pauperibus. *Nauclerus Volumine 2. Generatione 36.*

164. Constans Imp. cum Roma spoliata, sex annis in Sicilia fuisset, conspiratione domesticorum facta, periit Syracusis in balneo, cui Daphne nomen. Quidam enim Andreas balneum unà ingressus, Imperatorem, dum is se tergere incipit, cado graviter capiti inflicto necat. De morte Constantis, ea ipsa qua extinctus est die, in urbe cognitum est, voce ex aëre delata. *Zonaras & Cedrenus.*

165. Ex Constantino (*inquit Bodinus*) qui inter peritissimos Pyrotechniæ & artis metallicæ in Gallia numeratur, estque in toto Regno celeberrimus, audiui socios ipsius, cum per diu flantibus, nulla spes speciei ve boni ostenderetur, consilium à Diabolo petivisse, recte ne facerent, & rem optatam confecturi essent: Illum verò unico verbo respondisse, *travaillez*, laborate: hoc exhilaratos flatores perrexisse, & flavisse adeò strenuè, ut omnia in nihilum multiplicaverint, etiamque porro flatuos fuisse, nisi Constantinus dixisset ipsis, hunc esse morem Sathanæ, ut ambigua responsa edat: Illud autem verbum, laborate, innuere abjiciendam esse Alchymiam, & in laborem alium,

quem, ac honestam artem utilis ad vitam scientiæ incumbendum: hominis purè dementis esse, si quis cogitaverit tam brevi temporis spatio aurum effingere, in quo efficiendo natura annos amplius mille solet consumere.

166. Miles Romaricus consanguineo suo equum tradidit, ut se mortuo venderet, & pecuniam pauperibus daret. Sed ille equum vendidit, & sibi pecuniam retinuit. Post dies autem triginta, anima ejus reversa (Diabolus fuit) inquit, Triginta diebus fui in pœnis Tartari: sed tu, qui non pauperibus quod jusseram dedisti, hodie eò venies, me in paradisum translato. Eodem die Dæmones illum rapuerunt, & in altissimo monte post 12. dies cadaver illius est reperi-  
tum. *Vincentius lib. 24. cap. 8.*

167. *Narrat Hector Boëthius lib. 8. histor. Scot.* in Gareothæ Regionis vico quodam, quatuordecim vix passuum millibus ab Aberdonia dissito, eximiae formæ adolescentem coram Aberdonensi Antistite questum esse palàm, sese à Dæmone succuba (ut dicunt) gratissima omnium quas vidisset forma, multos jam menses infestari, tandemque occlusis foribus noctu ad se ingredi, & blanditiis in suos compellere amplexus: dubia luce eam penè sine strepitu abire, nec ullo se modo, cum plurifariam tentasset, à  
tanta

tanta tamque turpi vesania liberari. Juberet continuò circumspèctus & pius Episcopus, adolescentem aliò se conferre, & ut secundum Christianam religionem magis laudatis jejuniis & orationibus solito attentius accommodaret animam, hinc fore arbitrabatur, ut piis operibus intento, victus caco-dæmon tandem terga daret. Nec felix defuit successus salubri consilio: Quod adolescens religiosè executus, paucos post dies omninò ab illis vindicatur ludibriis. Sic incubum Dæmonem non amplius infestasse Navetis mulierem, post confessionem & sacram communionem, quæ jejunia & preces comitari solent, *legitur in vita Divi Bernhardi. Vierus libr. 4. cap. 27.*

168. Puella quædam in Burgo Melan-cholica, se Vergilii spiritu obsessam esse fatebatur, diu conjurata: quod creditum est facilius, quia puella simplex, admodum pia, & quæ semper domi latuerat, Hetrusca affectaret, exprimeretque Mantuanum, hoc est, Longobardicum idioma, ut subinde latinum aliquid sonaret. Cum nihil proficerent conjuratores, medicus ex arte adhibitis melanogogis primum, & deinde aliis roborantibus illam restituit. *Vierus lib. 4. cap. 23. de prestigiis Dæmonum.*

169. Philippus Wesselich Colonienfis, Monachus Abbatix, *Knechtenstein*, integer

& simplex, à Spiritu referente Abbatem macilentum, ante multos annos mortuum, exagitabatur miserè & multifariam, *circa annum Sal. 1550.* interdum avehebatur sub rectum, aliàs per ligna transversa conjunctiora supra campanam intrudebatur, plerumque per murum transferebatur inopinatò. Inventus quandoque est corpore super piscinam projecto, capite autem in terram reclinante. Tandem sese prodit Spiritus, diutinæ & multiplicis vexationis causam explicans: se nimirum esse illum Abbatem Mathiam Durensem, tot annis sepultum, ac eo torqueri, quòd suspensam D. Virginis effigiem exquisitè depingi curàrit: nec satis fuisse factum pictoris Novesiani laboribus & impensis, qui inde jacturam senserit, ac sibi ipsi vim fecerit, verum id fuit. Subnectebat hinc solutionis modum, expiari scilicet hoc delictum non posse, aut ulla se liberari ratione, nisi religionis ergò apud Treveros & Aquisgranum peregrinaretur hic Philippus (quem ob simplicitatem accommodatum suis ludibriis organum rarus est Diabolus) & tres missæ, de Trinitate scilicet, de Dominica, & de tempore, in ejus assertionem recitarentur. Ut hujus Spiritus voto satisfaceret, consuluerunt Theologi Colonienses, & id reliqui postulabant quoque Monachi, à suo Abbate Gerardo Strailgen Mor.

Morsensi, qui saniori institutione, atque acri increpatione in aliam potius sententiam Philippum existimavit traducendum, ut videlicet fide viva omnis miserationis Deo patri, & Christo assertori nostro unico confusus, Dæmonis imposturas animo negligeret forti: redeuntique Spiritui objiceret, se non esse sui juris, at sub aliorum degere imperio, propterea nec posse ob rerum penuriam à se obediri ejus votis. Quo facto, Spiritus respondit: Dic Suppriori, de eo enim confirmandi sui instituti spem conceperat. Quare Abbas, ubi Dæmonem perseverare, nec Monachum illius illusionibus satis confidenter resistere animadvertit, ipsum denuo rectius instituit, studiose hortatus ut resipisceret, nec tam pronas offerret Sathanæ technis aures: si verò manes, uti hætenus, audire pergeret, se illum flagris, & quidem capitulariter cæsurum, seyerissimè comminatus est. Hinc irritos suos Spiritus videns conatus, ob Abbatis constantiam, & animum Philippi magis erectum fiducia in Deum, adversus fraudulenta exitiariaque Dæmonii studia, nunquam rediit, alioque migravit.

*Vierus lib. 4. cap. 29.*

170. Antonius Sucquetus, Eques Auratus, in aula Brabantica consiliarius, filium reliquit nothum, qui Brugis duxerat uxorem. Hæc paulò post nuptias, à malo genio



cœpit vexari miserè, ita ut ubicunque locorum esset, etiam corona honestarum matronarum cincta, è cœtu eriperetur, perque cubicula traheretur, ac sæpenumero coniceretur, modò in hunc angulum, modo in alterum, etiam reluctantibus, omnique villam retinere conantibus, qui huic aderant: id tamen accidit sine magna admodum læsione corporis. Persuasum omnibus erat, hoc malefica arte fieri à pellice illi invidente maritum, cujus amore devincta tenebatur, erat enim juvenis forma non ineleganti. Cœpit interea gestare uterum, at nihilo minus aut levius vexabatur. Tempore partus instante, cum una tantum adesset mulier, ea famulum ablegante, ut obstetricem accerferet, visa est illi intrare pellex, quæ ei obstetricis officium præbuit. Ipsa præ angustia in mentis concidit deliquium: ubi ad se rediit, liberatam se sensit ab onere: at puer nusquam apparebat, mirantibus id omnibus supra modum. Accidit autem postridie, ut dum ex somno expergisceretur, reperiret infantem juxta se in lecto, fasciis involutum, cui & ubera semel atque iterum præbuit. Atqui non ita multò post, rursus illa dormiente, à latere infans abripitur, nec postea inventus est. Ajebant nescio quas schedas cum magicis notis in ostii sera repperas. *Historiam recenset Vicius libro 2. cap. 48.*

cap. 48. *de prestig. Demon.*

171. Virgo sacra Juditha nomine, haud ita pridem Busciducis in collegio juxta ædem D. Joanni Baptistæ dicatam, crudelissimis intorquebatur à Satana convulsionibus, ejusque fauces, ne cibum admitterent, comprimebantur, lingua item inhibebatur quandoque, ne proloqui posset: voces interim reddebat & ridiculas & horrendas. *Idem lib. 3. cap. 13.*

172. Quidam pastoris munere fungens in pago *Durweis*, circa *Efweiler*, puellam nomine Helenam Diaboli obsidione pressam in *Loën* pago, prope Aldenhoviam sito, in Juliæ ducatu, suis execrationibus se liberare velle, elato supercilio promittebat, convocatis ad hujus miraculi spectaculum solenne aliquot ecclesiasticis vicinis. Exorcistæ huic aliquamdiu suis dejectionibus frustra sudanti in exturbando Dæmone, hic tandem ait se mansurum, propterea quod circa vitrum loco illi illustrando applicatum versarentur multi ejus collegæ, qui ipsum confirmarent. Miser ille pastor mendaciorum auctori confisus, ad eos per vitrum expellendos convertitur, atque ubi se operam ludere videret, indignabundus tandem in hæc erupit verba: Si ullam habes potestatem transmigrandi in Christianum, transmigra ex illa in me. Cui incunctanter

respondit Diabolus : Quem pleno jure in postremo die possidebo, quid opus est illum tentare ? Postea Dæmonis testimonium de Missa cognoscere cupiens, Johannes Sartiarius Parochus in *Loën*, materna lingua rogabat Dæmonium, quare puella mox ad sonum campanæ, indicantem Missæ actionem celebrandam, semper ab eo cogeretur ad templum, num Missa tam esset, aut mala ? Ad hanc quæstionem se non respondere posse, sed deliberaturum inquit. *Actus hic celebratus anno 1559. circiter 17. Augusti. Vicrus libro 4. cap. 21. de præstigiis Dæmonum.*

173. Moniales Venteti oclusæ in comitatu Hornensi, diris modis à Dæmone sunt vexatæ. Paupercula scœmina in quadragesima salis libras tres mutuo à virginibus acceperat, fereque duplum circa Paschæ solennitatem restituerat. Hinc in dormitorio inveniebantur sphærulæ candidæ, velut incrustata saccaro semina, at gustu salis. Eodem in loco observabatur incessus spectri ingemiscientis, audiebatur item quandoque vox pleræque virgines ut surgerent, & ad ignem secum accederent, se ægotam esse commonefaciens. Si quando in arrepta matula mejere tentarent, ea violenter erepta, lotio conspurcabant lectum. Aliquoties pedibus è lecto ad passusaliquot subtraherentur,

tur, atque adeò sub plantis titillabantur, ut præ nimio risu modò non morerentur. Quibusdam carnis particulæ evellebantur, plerisque in adversam partem prorsus intorquebantur tibiæ, brachia, & facies. Quædam sic excarnificatæ, licet ad dies quinquaginta duos nihil præter raparum jus citra panem forsissent, attamen atrii liquoris, vel atramenti scriptorii multa vomitu rejiciebatur copia, tam acris, ut etiam pelliculam ex ore abraderet. Aliquæ supra hominis caput evehebantur, & mox dejiciebantur. Cum ægrotas recreaturi circiter tredecim numero amici venissent, illæ è mensa deorsum citra vocem & intellectum dilabebantur, nonnullæ inversis tibiis & brachiis tanquam mortuæ jacebant. Una in altum sustollebatur, & quanquam manibus injectis oblectarentur assistentes, tamen supra eorum caput abrepta, denuo præcipitabatur. Nonnullæ incedebant tibiæ extremitatibus innixæ, velut *ἀπὸ ποδῶν*, citra pedum usum, qui videbantur trahi tanquam ligamenti nimium laxatis in sacculo penduli. Arbore quoque conscendebant ut feles, ab iisque proserpebant, nulla corporis immutatione. *Contigit item*, ut cœnobii præfectæ (quam matrem vocant) in ejus ambitu colloquente cum Margaretha comitissa Burenssi, ex fremore erueretur caro. Vulnus par-

tim livebat, partim nigricabat, sed curabatur. Duravit ea carnificina ad annos tres manifesta, quam postea celârunt. *Vide Vierum lib. 3. cap. 9.*

174. Haud dissimilia Coloniae passae sunt virgines religiosae in Nazareth monasterio occlusae: quibus hoc tamen accessit, quod licet annis aliquot antea varie & multifariam à Diabolo vexarentur, torquerentur, convellerenturque, tamen anno sexagesimo quarto supra sesquimillesimum, præter aliud spectaculum horribili modo frequenter editum, prosternebantur saepenumero deorsum, infima corporis parte succussata ad eum modum, qui Veneri solet ascribi, oculis interim clausis, qui postea cum pudore aperiebantur, cum velut à multo labore respirarent. Ansam autem huic malo dederat quædam Gertrudis, anno ætatis suae decimo quarto Monasterio inclusa, quæ ludibria hæc sæpius dissoluto Cachinno patiebatur in lecto, licet amasium singulis noctibus ferè congregientem stola consecrata abigere conaretur. Quam velitationem cum altera virgo in secundo decumbens lecto (hoc nomine adjuncta sociæ, ut tutior esset ab amasii insultu) audire videretur, tota exhorruit, ac tandem quoque Diaboli hospitium facta, miris convulsionum generibus distrahebatur: In paroxismo quandoque cæcutie-

cutiebat, ac licet mente appareret constare, varia tamen inconstanter nimis, & quæ desperationem spectarent, proferebat. Itidem & aliæ multæ. Ita pestis hæc velut contagio proserpsit, maximè cum primùm ad legitima non confugeretur consilia. Dicta verò amasia suo proco horrendas scripsit literas, postea inventas in inquisitione à Johanne Viero in eodem collegio facta. anno 1562. 25. Maji, *Vierus lib. 3. cap. 11. de prestig. Daemonum.*

175. Virgo nobili nata loco, cum ferventissimè adamatì juvenis, sed ignobilioris, conjugio potiri non posset, reluctantibus parentibus, mœrore confecta, Dæmonem sub specie amasii obviam habuit. A quo persuasa, D. Brigidæ cœnobium non procul à Xanctis ingreditur. Ibi furore correpta, exiliebat, balabat, mugiebat, in sublime rapiebatur, strangulabatur. Id malum quoddam veluti contagio in reliquas derivatum moniales. Ex eo deinde alio avecta prolem bis sustulit carceris custos, quoad ad se rediit. *Vierus lib. 3. cap 9.*

176. Moniales in Hesimonte Neomagi, Dæmonium aliquot annis infestavit; Dormitorium noctu velut cum turbine ingressum, testudine citharaque videbatur ludere suavissimè, ut ad choreas induci possent virgines. Inde canis instar in unius lectum in-



filiebat, in quam muti peccati, quod vocant, cadebat suspicio. *Vierus ibidem.*

177. Novi aliud non ignobile collegium in Colonienſis provinciæ limitibus, ubi ante annos octo Dæmon canis ſpecie interdii procurrens, conſcendenſque ſub interiori religioſarum virginum indumento, ſpurcæ velitationis indicia, exteriore veſtium motu oſtendere videbatur. *Idem lib 3. cap. 9.*

178. Virgines in Cœnobio Kentorpio propè veterem Marcam, in Marchiæ comitatu juxta Hammonem, incluſæ, monſtroſis convulſionibus fuerunt exagitæ. Fœdiſſimum illæ halitum ore ſpirabant, in ipſo, & paulò poſt ipſum paroxyſmum: qui alias ſemel interdii, aliquando ſæpius invadebat, aliquoties in horas aliquot multas protrahabatur. In acceſſione mali quædam convulſæ intelligentes erant, audiebant, aſtantes etiam internoscere ſe plæraque poſtea affirmabant: at propter linguæ convulſiones loqui minus poterant. Torquebantur aliæ aliis mitius. Sed hoc commune propè omnibus erat, ut cum ex iis una agigaretur, cæteræ quoque in ſejunctis etiam cubiculis correptæ, ſolum tumultuantis ſtrepitum audientes, ſimili miſerrimo modo vexarentur. Prima ſic affligi cœpit Anna Lemgaw, quum primum ex ſiniſtro doleret hypochondrio, epilepſiaque correpta putaretur.

Ad

Ad ariolum itum est, is opinionem ingessit, ab Elsa Kamensi coqua (quæ postea cum matre viva exusta est) cunctas maleficio læsas esse. Hinc nervum sortitus Diabolus, non solum eas multifariis convulsionum generibus torquere incipit, sed incitare quoque, ut se mutuo & alios morderent, cæderentque, subveherentur item & deicerentur citra noxam, sicut plumæ sibi visæ, unde etiam suæ potestatis se esse sentirent. Si autem à percussione, vel quacunque alia violentia inhiherentur, cor afficiebatur graviter: at suæ libertati relictæ, etiam si se ipsas lædere, concutere, aut mordere viderentur, nihil inde sentiebant mali: at in proprium sævire corpus necessarium esse imaginabantur. Si quando Anna in paroxysmo loqueretur, fiebat id quasi altero inspirante, & expirante: ipsa interim seipsam dum loqueretur intelligebat, sed finito sermone penitus menti exciderant prolata verba. Nequit ulli rei vel bonæ vel malæ seriò attendere, tanquam mente stupida, sine sensu, discretionem & iudicio. Si pius aliquis eam alloqueretur, tum quasi à Diabolo puniri videbatur. Si quando autem huic loquerentur aliæ fœminæ de rebus suis ludicris, mirè iis afficiebatur, levabaturque. Quum exorzarentur, incredibilem sanguinis copiam videbatur fundere per os. Omnibus verò illis  
virgi-

virginibus, ita a Dæmonio affectis, is erat cum dolore inæqualiter serpente sensus sub pedum plantis, quasi aqua illas calida combussisset. Quamquam etiam variè torquerentur, cunctis tamen æquè vigeat appetitus & nutritio. Ex junioribus mentis impotibus frequenter & multum loquebatur Dæmon, quibus se etiam forma nigra objiciebat in specie felis nigræ, vel Elſæ Kamentis, aut ejus matris vel fratris, ut ab iis omnibus tam crudeliter exerceri crederetur perperam. Ubi postremò Anna firmiter animo constituisset, non redire in Monasterium, unde parentum ductu cesserat, desiit calamitas: si verò solummodo à collegii Præfecta ad eam epistola mitteretur, toto horrebat corpore, quasi relapsura. Postea autem viro nupsit, citra ullum ejusmodi noxæ sensum. *Vierus libro 3. cap. 10. de Præstig. Demon.*

179. *Narrat Iohannes Fernelius de abditis rerum causis libro secundo*, quod cum non iter dudum quidam per æstus nocte vehementer sitiret, è somno surgens, potu non invento obvium malum fortè præhendit: id mandens, fauces sibi quasi manu præcludi, strangularique sensit: simulque à subeunte Dæmonio jam obsessus, visus est in tenebris videre se à prægrandi nigerrimoque cane vorari, quæ postea, restitutus integra mente,

te, ordine recensuit. Hunc non pauci expulsi, ex calore & scabritie linguæ febricitare, ex vigiliis & mentis perturbatione simpliciter delirare judicabant. *Tradit idem*, Juvenem alium equestris familiæ, paucis antè annis, corporis concussione, & quasi convulsione ex temporum intervallis laborasse: qua nunc solum sinistrum brachium, nunc dextrum, interdum etiam digitum unicum, aliàs crus alterum, aliàs utrumque, aliàs corporis truncum tanta celeritate exagigaret, ut vix à ministris quatuor decumbens cohiberetur. Caput autem inconcussum jacebat, lingua & locutio libera, mens sana, omnesque sensus integri, vel in convulsionis ferocia. Decies ut minimum quotidie corripiebatur: in intervallis sanus, sed labore confectus. Vera Epilepsia judicari poterat, si mentis sensuumque læsio accessisset. Peritissimi quique adhibiti medici, convulsionem epilepsiæ finitimam à maligno venenatoque vapore, spinæ dorsi impactu censuerunt, è quo vapor in eos nervos emanaret, qui à spina in artus quoquoersum, non autem in cerebrum disseminantur. Hæc credita causa ut summovertetur, clysteres imperantur frequentes, purgationes generis omnis & validæ, cucurbitulæ insignuntur nervorum initiis, fots, unctio-  
 nes, emplastra primùm quæ discuterent,  
 dein

dein quæ roborarent, venenatamque malignitatem obtererent. His parum proficientibus, sudores proliciuntur balneis, æstuariis, & Guajacinæ hebeni decocto, quæ nihilomagis profuerunt, quoniam omnes longè aberamus à cognitione veri. Nam mense tertio primum deprehensus Dæmon quidam, totius mali author, voce insuetisque verbis ac sententiis tum Latinis tum Græcis (quanquam ignarus linguæ Græcæ laborans esset) se prodens. Is multa Medicorum secreta detegebat, ridens, quòd eos magno periculo circumvenisset, quodque irritis pharmacis corpus hoc penè jugulassent. Quoties laborantem pater invisebat, is procul à conspectu inclamabat, Appetentem hunc arcete, & ab ingressione propulsate, aut torquem è cervice detrahite: ex hoc enim, ut Gallorum torquatis equitibus in more est, Divi Michaelis imago propendebat. Simulabat astutus Dæmon, se Divi Michaelis imaginem vereri, ut astantes falleret evidentius: quasi verò hic ullius exhorrescat simulachrum, qui ne quidem ipsum Christum, expressam Dei imaginem timuit, quem aggredi, assumere atque tentare ausus est. Interrogatus porrò, quis esset, aut quomodo, & qua hæc potestate moliretur? Dixit, multa intus esse domicilia, in quibus se recondat, & in quiete ad alios commigrare:

grare : Se in hoc corpus conjectum à quodam, cujus nomen non efferret : à pedibus ingressum in Regia : & à pedibus egressurum, cum præstitutus dies adventârit. *Vierus lib. 3. cap. 14.*

180. Oppidum Germaniæ *Schiltach*, 4. Idus Aprilis, qui dies erat Jovis ante Pascha, Anno à Christo 1533. conflagravit, à venefica incensum, *uti Erasmus Roterodamus ex Henrici Glareani narratione refert, & Cardanus lib. 19. de Subtilitate repetit* : Dæmon sibilo signum dedit è quadam ædium parte. Caupo suspicans esse furem, ascendit, neminem reperit. Sed idem signum rursus ex altiore cœnaculo redditum est. Et hoc conscendit caupo, furem persequens : Cum nec illic quisquam appareret, sibilus auditus est è fastigio fumarii. Illico tetigit cauponis animum, esse dæmoniacum quiddam, jubet suos esse præsentis animo. Acciti sunt Sacerdotes duo, adhibitus exorcismus : Respondit, se esse Dæmonem. Rogatus quid illic ageret ? ait, se velle exurere oppidum. Minantibus sacrificis, respondit, se pro nihilo ducere illorum minas, quod alter esset Scottator, uterque fur. Aliquantò post mulierculam, qui cum habuerat consuetudinem annis quatuordecim, cum interim illa quotannis & confiteretur & acciperet Eucharistiam, eoque etiam die communicârat,



nicârat , sustulit in aërem , imposuitque fumarii fastigio , tradidit ollam , iussit ut inverteret, & intra horam totum oppidum exustum est.

181. *Vrbanus Regius Sermone, quem Witemberge anno 1538. de bonis malisque Angelis habuit* , puellæ cujusdam meminit à Satana obsessæ , pro qua cum precibus apud Deum in templo intercedendum esset , Satanas quiescit , seque è puella jam exiisse simulat, ut per hanc simulationem, antequam publicæ preces haberentur , eam perderet: Nam cum diligentior cura jam remitteretur , puella manus ablutura rivum ædes præterfluentem aquæ gurgitem adigit , ibique dicto citius suffocat.

182. Anno 1536. Francofurdix ad Viadrum ancilla quædam , Marci Piscatoris filia, capitis doloribus, & quâdam Phrenitide correpta fuit, quam misericordia motus, civis Georgius à Kulisch in suas ædes recepit: tandem autem eò res cum ipsa rediit , ut à Dæmone obsessa , res prorsus mirandas agitaret. Quicquid attrectaret , cujuscunque etiam vestem, thoracem, barbam, caput, inde monetam in ea regione usitatam arripiebat, quam protinus ori ingestam mandit & deglutiit. Eamque pecuniam sæpe manibus ejus extortam admirationis ergò aliis obtulere. Nonnunquam ipsamet ultrò aliis eam  
por-

porrexit , sæpe acus correptas devoravit , & contra vernaculæ suæ linguæ proprietatem superioris Germaniæ dialecto , cui assueta non fuerat , locuta est. Nec facile fuerit , quicquid prodigiosè per eam gestum sit , verbis aut scripto brevi complecti. Quamobrem quid in tali puellæ statu agendum esset , ex ipso quoque Doctore Luthero quæsi-  
 vère. Qui respondit , ad sacras conciones puellam adducendam esse , ibique assiduis ardentissimisque precibus ad Deum fuis-  
 pro ea intercedendum. Cui Lutheri consilio obtemperârunt. Adducta ad conciones concionantem verbi ministrum persæpè publicè redarguit. Tandem ex divina gratia , ex-  
 auditis Ecclesiæ precibus , à Satana liberata , sanitatque restituta est. Nec quicquam tum de furore & morbo ipsi constitit , liberaque deinceps à Satanæ insultu , & tam corpore quàm animo sana , fideliter Francofurdia apud cives famulata est. *Rem verè ita gestam prudentissimus ejus Reipub. Senatus publi-*  
*cari jussit. Anno 1538.*

183. Anno 1559. non procul à Joachimicis vallibus Fabri cujusdam filia , pudicitia & honestatis laude excellens , omnibusque pietatis exercitiis sedulò vacans , ex per-  
 missu Dei à Satana circa Quadragesimam obsessa fuit. Sæpè eam Satanas arreptam humo allisit , non secus ac si comitali morbo infe-

infestaretur. Quæ res movit parentes, ut apud eos, qui ex pythonico Spiritu incognita perspicere, & futura creduntur, consilium quærent. Per quod parentum facinus, potentiam suam & confirmatam & auctam esse Satanas postea gloriatus est. Circa festum Paschatos, humana voce loqui ex virgine cœpit Diabolus, persæpe etiam in specie cuculi, corvi, crabronum, aliarumque avium apparuit, earumque vocem per omnia expressit. Varia eaque stupenda ex virgine locutus est, quæ omnia perscribere operosum nimis fuerit, unde magnus ad virginem hanc factus est concursus, plurimique ex peregrinis quoque locis quotidie adventabant, rem stupendam visuri, Satanamque loquentem ex virgine audituri, quorum complures ex pio sanctoque Zelo & verbis eum provocârunt, & respondentem intrepidè audiverunt. Virgo interim patienti animo crucem hanc pertulit, suas quoque preces persæpe cum reliquorum precibus conjunxit: quotiescunque autem Christi nomen invocaret, & liberationem à malo, quo premebatur, peteret, novo protinus furore in ipsa Dæmon sæviit, protuberantes oculi ei intumuerunt, lingua instar viminis contorti ex ore, quanta palmi longitudo protendebatur, capiteque intorto & intergum reflexo, tristi & horrendo modo Satanas

nas eam affligebat. Facta paululum remissione, si ex ea quæreretur, quomodo res ipsius se haberent, respondit: eam obversari sensibus afflictionem, ut videatur sibi in profundo amni jam jam suffocanda hære, piorumque hominum adventu è morte subinde eripi. Omnes ejus vicinæ Sacerdotes, verbiq; divini præcones eò frequenter advenire, quibus cum virgine colloquia miscens, magno cum ludibrio Satanæ respondit, & quoties Christi incideret mentio, ad turpem inanemque deflexit ille fabulam. Interrogatus, quomodo in eam ingressus fuisset? Respondit, in haustu cerevisiæ, sub specie muscæ. Nam integrum biennium sese illi insidiatum, antequam voti sui compos factus sit, parentibusque ejus Pythonissam consultum abeuntibus, pleniorē sibi in eam potestatem factam. Quidam pietate insigni in ea regione Helias Hirsch, singulas ferè noctes apud virginem insomnes duxit, precibusque suis adversus Satanam pugnavit, in quem ille acribus convitiis sævit, & quotiescunque è domo sua progredetur, id Spiritus iste prædixit: En, inquit, sacrilegus iste Helias iterum me afflictorus advenit. Vir iste & sanctus & pius, virtute verbi Dei eum oppugnavit, frequenterque nomine Jesu Christi usus, tantum non ad novam insaniam Spiritum adegit, ut  
furor

furor sævientis procul quoque exaudiretur. Aliquando Heliam allocutus Dæmon, ait: Ohe choream mecum ducito, & ut lubet vel præcede, vel sequere. Ad quæ ille: chorea tua ducat te in abyssum tartari. Respondit Dæmon: Abi, jam choreas aspicias. His dictis, tibias instantis sonum edidit, protinusque hypocauftum ingressus felis, & sub mensa canis apparuit, hi mirabili gestu & saltu chorea ducta, tandem disparuere. Hujus generis præstigias plures instituit. Biduo ante Dominicam Trinitatis rursus aggressi Dæmonem pii Sacerdotes, ex eo quæstiverunt, ex cujus ibi sedem sibi legerit? Ex jussu, inquit ille, Dei, à quo missus sum ut corpus affligerem, sed animæ nihil possum afferre damni, tum ut hominibus significarem, ut à fastu, sceleratione, crapula, aliisque id genus peccatis abstant, & licet meo ingenio adversum sit hæc denunciare, attramen à Deo jussus id facere cogor. In extremo autem die, plures scio me habiturum animas, quam Deum ipsum. Ad quæ verbi Minister Schlackewaldensis, Mentiris, inquit, Sacrilege, Peccatores siquidem pœnitentiam agent, salutemque consequentur: te autem tuosque complices æternus Deus in extremo judicio in gehennam ignis deturbabit. Cur cælo exulas, cum prælustrem te Angelum Deus creârit. Non satis firma, inquit

inquit ille, sedes mihi istic erat. Tu sanè huic tuo labori rectius parceres. Haud me latet, te pro crassa hac Margreta (sic virginem nominabat, cujus nomen erat Anna) sollicitum in festo Pentecostes è suggestu preces ad Deum publicè fuisse. Et feci, respondet verbi Minister, & facere id non desistam, donec te precibus nostris hinc in abyssum tartari præcipitemus. Et hæc dicens, quærebat ab eo: Num tu quoque in affligendo Jobo occupatus fuisti? Quid ni, inquit ille, ô si modò similis facta mihi potestas esset, & papulas ardentes, & pestes hinc inde disseminarem. Hæc colluctatio per duas fermè horas duravit. Inter alia quoque dicebat Minister: En, qui creaturarum quondam fuisti pulcherrimus, jam vel in immundi porci, vel alterius fœdæ bestię forma lates. O mi sacerdos, respondet Dæmon, persæpè in leporem mutor, magnatibus cibus sum gratissimus. Quorsum hinc exiturus, quærit Sacerdos, discedes? In fluxos, inquit ille, dilatatosque caligarum sinus. Sum enim hic ego centesimus. Elapsis aliquot diebus, pii aliquot Sacerdotes puellam deduci curârunt, ibi in magna populi frequentia ardentibus Deum precibus invocârunt, Hymnisque & Psalmis laudârunt, & quoties Jesus Christus nominabatur, tanto mugitu, stridoreque Satan sæviit, ut



omnia ruinam minari viderentur. Hac vice re infecta abiêre. Cum è templo virgo reduceretur, castrensis tympani sonitum Dæmon edidit, Parum, inquens, abfuit, quin loco me movissent, profecto octo ex meis sociis jam hinc migrârunt. Tandem verbi Minister Schlackenwaldensis eò cum decem aliis Ministris denuò accersitus est. E vallibus duos Diaconos eòdem misit Johannes Matthesius, à prima hora diei usque ad meridiem ingens omnium in orando, canendo, legendo fuit fervor & studium, sed re adhuc infecta prandium sumptum. A prandio advenit Schlackenwaldensis verbi Minister, adducens secum arcis Pragensis præfectum. Adfuit autem ingens turba hominum unanimiter Jesum Christum invocantium Hymnisque laudantium, tantoque Spiritu preces ad Deum fundentium, ut exaudirentur, ejectusque Diabolus instar examinis muscarum per fenestram exierit. Antequam exiret, à puella petiit unicum saltem corporis membrum, in quo moraretur, sibi communicari, hinc unguiculum digiti, tandem unicum pilum, sed id omne ipsi denegatum. Ait præterea jam exiturus: Omnes verbi & Ministerii, Sacramentorumque contemptores, omnes item crapulæ, usurisque addicti, & corpore & anima mei sunt, & nominatim Schlackenwaldensem Parochum monuit, ut  
sua

suæ Ecclesiæ cives ad pœnitentiam vocaret. Nempè Deus unicè nostram salutem sitit, ideoque Diabolus vel invitus pœnitentiam hominibus annunciare cogitur. Ejecto Satana, virgo in parentis sui ædes deportata est, & in refrigerium animæ, corpore & sanguine Christi refecta, sanoque usa judicio, licet corpore debilitata, obnixè concionatorum, qui præstò erant, Ecclesiæque publicis sese commendavit precibus. *Fincelius lib. 3. de Miraculis.*

184. Anno 1567. in Bohemiæ civitate *Trawtenaw*, quidam in cumulandis divitiis, ædificiisque splendide extruendis, tantis fortunæ successibus usus est, ut omnibus magnæ esset admirationi. Tandem in morbum incidens moritur, & honorificè admodum sepelitur. Cæterum brevi post ejus mortem & sepulturam, corpus ejus (imò Satanas, qui pro Diabolica sua potentia corpus circumvexit) plurimos hominum arctis adeo complexibus compressit, ut multi eorum morerentur, multi etiam ex morbo revalescerent, qui omnes uno ore confessi sunt, se ab opulento isto viro, eo corporis habitu, quo vivum ipsum vidissent, compressos esse. Magistratus itaque illius loci, ut Satanicum illud Spectrum amoliretur, corpus viri istius effracto sepulchro effodi jubet, quod licet jam viginti hebdomadas terræ defossus jacuisset,

cuiſſet , putrefactione tamen nulla adhuc corruptum , ea erat pinguedine, qua recentia & bene nutrita ſolent eſſe corpora. Carnifex corpus ſibi traditum , ad locum , ubi de fontibus ſumitur ſupplicium , avehit, ſecuri caput reſecat, hinc diſſecto corpori cor exemptum diſcidit , nec aliter cruor è corpore emanavit, quàm ſi vivus inſtar malefici meritas ſuſtineret pœnas. Itaque Carnifex corpus flammis injectum, capite intra pedes reposito, cremavit, aſtante magna hominum turba.

185. *Scribit in Dialogo Caſarius Coloniensis*, Sacerdotis filiam, ab incubo Spiritu maligno agitata, ex phreneſi laboraſſe, monitum autem Patrem illius effeciſſe, ut filia trans Rhenum deportata migraret: Sic Diabolum à filia diſceſſiſſe , verum parentem adeò contu-diſſe, ut poſt triduum vitam amitteret.

186. *Dæmoniacy, inquit Bodinus*, inveniuntur quàm plurimi in Hiſpania , Italia, & Germania maximè, qui decem aut viginti annos ſic à Dæmonibus poſſidentur , ut arceri nequeant. Sic Amſterodami pueri Dæmoniacy triginta anno 1556. comperti ſunt , à quibus nullo exorcismo Dæmones potuere propuſari: Id autem ſordibus & maleficiis contigiſſe indicium fuit , quia ferramenta, vitrea fragmenta, capillos, acus,  
pan-

pannos, & similia excernebant, quæ solent ex sortilegiis homines affecti ejicere. Puellas Dæmoniacas & mulieres 80. *scribunt* Romæ à Benedictimo Monacho, quem Cardinalis Gondius parisiensis Episcopus eò adduxerat, exorcizatas fuisse anno 1554. sed nihil opera illius totis sex mensibus fuisse confectum. Huic percontanti à Satana, cur miseris istas puellas occupasset? Respondit: Se fuisse à Judæis missum indignè ferentibus, quòd istæ, quarum pars maxima ad Judæam gentem pertinebat, fuerint baptizatz: quod à Satana credebatur dici, quia Theatinum Papam cogitabat procuraturum Judæorum necem, quibus erat infensissimus.

187. *Iohannes Vierus narrat lib. 5. cap. 14.* Puellam Dæmoniacam à se in Germania visam, & roganti Exorcistæ Satanam respondisse, fore opus, ut puella Marcodurum Germaniæ oppidum religionis ergo petat, terno quoque passu in genua procidens, & Missam in altari. S. Annæ celebrari curret, sic futurum, ut puella liberetur: adeoque signum liberationis sub finem Missæ venturum prædixisse. Hoc facto, sub finem Missæ Puella & Sacrificulus albam quandam viderunt imaginem, & illa Dæmone soluta est.

188. Est Menilii ad Dammartinum mu-

G. 3. lier,

lier, Domina Rossa nomine, quæ inde ab octavo suæ ætatis anno, à maligno Spiritu ligari cœpit ad arborem, ad pedem lecti, ad præsepe stabuli, aut altera manu alteri imposita, fune, vimine, seta equinæ caudæ, cannabe, idque tanta celeritate, ut factò Diabolus velocissimum quemque oculorum jactum anteverteret. Sic puellam Parisios ductam anno 1552. viderunt Doctor Picardus aliique Theologi, omnesque artes suas ad liberandam ipsam consumpserunt, sed nihil effectum. Hos medicus Hollerius ridens, dicebat primum morbum esse melancholicum, postea verò quàm oculis suis in frequente corona vidit miraculum, puellam inter duas tresve mulieres stantem exclamare, & illico sic vinciri ambabus manibus, ut solvi non posset vinculum, ac secari opus esset, malignum Spiritum confessus est. Nemini apparebat quicquam, sola puella albam videbat nubem, cum Spiritus vinciturus accederet. *Sylvula mirabilium historiarum, de Magicis & Diabolicis incantationibus, & variis ejusmodi Satana præstigiis, &c.*

189. Apollonius in India apud Philosophos Brachmanes mira se vidisse asserbat, quos arbitrato suo pluvias inducere & serenitates dicebat: convivia quoque vasis epulisque apparatusissima struere, id quod in sua præsentia ab eis factum affirmabat, cum ta-

men

men qui apparando convivio, ferendis mutandisque ferculis ministrarent, nulli conspicerentur: Quin etiam terram ipsorum arbitrio ingenti motu tremere, aiebat. *Idem quoque vidisse se Gymnosophistas in Æthiopia affirmabat*, qui arbores ut ad humum se inclinarent, loquerenturque, efficerent. *Fulgus ex Philostrato.*

190. In Africa reperiuntur familiæ, quæ sola voce effascinant, si quid impensius laudaverint. *Plinius libro 7. cap. 2. ex Isigone & Nymphodoro.* Hinc etiam apud nos consuetudo inolevit (*quod Aristot. 20. sect. Problem. 34. testatur*) ut aliquid laudaturi, præsemur, ne verba nostra nobis obsint, ut Deus id conservet. *Gellius libro 9. cap. 4.* Esse ejusdem generis in Triballis & Illyriis, *adjicit Isigonus*, qui visu quoque effascinant, interimantque, quos diutius intueantur, iratis præcipuè oculis, idque malum facilius sentire puberes. Notabilius esse, quòd pupillas binas in oculis singulis habeant. Hujus generis & fœminas in Scythia, quæ vocantur *Bithyæ prodit Apollonides.* Et in Ponto Thibiorum genus, multosque alios ejusdem naturæ, quorum notas tradit in altero oculo geminam pupillam, in altero equi effigiem: eosdem præterea non posse mergi, ne veste quidem degravatos. Haud dissimile *his genus Pharnacum in Æthiopia prodit Da-*



*mon*, quorum sudor tabem contactis corporibus afferat. Fœminas quidem omnes ubique visu nocere, quæ duplices pupillas habeant, *Cicero quoque autor est. Plinius lib. 7. cap. 2.* Neuri populi Scythiæ, incantatores maximi, ut qui ex hominibus in lupos se verterent. *Herodotus lib. 4.*

191. Rhodus prius dicta est Ophiusa, postea Telchinis, eò quod Telchines insulam incolerent, quos nonnulli fascinatores & maleficos dicunt, quòd Stygiam aquam animalibus & stirpibus pernicipi gratia inspergerent, ac (*ut Diodorus ait lib. 5. cap. 12.*) nubes, imbres, grandinem, nivem inducerent, ac mutarent proprias formas, cum vellent, &c. *Strabo lib. 14.*

192. Ephesiæ literæ. Dictum videtur de iis, qui mirafelicitate, tanquam divina virgula, quicquid optarent, assequerentur. *Ajunt enim* Ephesiis notulas quasdam, & voces magicas fuisse, quibus utentes in omni negotio victores evaderent. *Autor diogenianus. Euslhatius tradit*, his literis usum Cræsum in rogo. Fuisse autem verba quasdam obscura, ænigmatibus simillima, neutiquam cohærentia, descripta in pedibus, zona, & corona Dianæ. *Suidas addit*, In Olympiis Milesium quempiam cum Ephesio palæstra commissum, nihil potuisse in conflictu, quòd is Ephesius in talo Ephesias habe-

haberet literas : Quod simul ac animadversum esset, ademptis literis, Ephesium qui jam triginta defatigârat succubuisse. *Erasmus in Adagiis*. Cæterum Ephesi olim plurimos fuisse Magos, ex eo potest colligi, quod Pauli Apostoli concionibus conversi, libros magicos innumeri precii exusserint : Erat enim ibi potentia Satanae, propter Idolum Dianæ, maxima. *Actor. 19.*

193. Quum Gothi è Scandinavia profecti Scythiam attigissent, Philimerum eorum Regem magas quasdam-fœminas in castris deprehendisse, *Jordanus Gothus in historia scribit*. Quod genus mulierum, cum perniciosissimum Rex ille reputasset, edicto suo in solitudines abegit, ne milites venenis inficerent, aut eorum robora labefactarent. Abactæ, per sylvas aliquandiu vagatæ, caedæmonum se amplexibus incestârunt : hinc peperisse feruntur Unnos dirum genus hominum, quod non humana lingua, sed quadam locutionis imagine uteretur. *Bonfinius lib. 2. Dec. 1.*

194. Bothnici Septentrionales, Lappi & Finnonnes magi excellentissimi, Biarmi item, qui sub Polo habitant, quamcunque volunt, figuram assumunt, item quæ in alio gerantur orbe ab amicis vel inimicis, lineæ vestis aut arcus precio dato, explorant. *Olaus lib. 1. cap. 1. & lib. 3. cap. 18.*

195. Zoroastres Bactrianorum Rex, artes magicas invenisse, & de iis centum milia versuum scripserisse traditur, *teste Plinio*. Hunc quidam Mizraim Chami filium esse volunt, alii verò diversum, floruisse annis plus octingentis ante bellum Trojanum, tempore Abrahami. Is autem, ut in Clementis Itinerario legimus, volens videri Deus, & astris multum intentus, velut scintillas quasdam ex stellis eliciebat, ut iudes in stuporem miraculi traherentur. Tandem ab ipso Dæmone, quem importunius frequenterabat, succensus, splendido discipulorum commento, tanquam amicus Dei, vehiculo fulminis ad cælum levatus abiit. Quamobrem nomen post mortem sortitus est Zoroastres, quasi vivens astrum. Vixit Nini Regis temporibus, cum quo bella gessit, Prædixit moriens, si cineres suos servarent, Regnum eorum non interiturum. *Suidas*.

196. *Fama est* Persen & Ætam fratres, uno tempore, hunc in Ponto, in Taurica illum regnasse, immiti utrumque trucique ingenio. Hecate ex Perse orta est, sævitia & feritate paterna nihil inferior: quæ cum virgo adhuc esset, sagittis, quos libitum fuisset, transfigere sit solita. Sed majus adhuc illi studium in venenis conficiendis. Aconiti inventum ad eam referunt quidam, vim  
natu-

naturamque veneni in hospitibus experiri consuetam. Mox patrem his artibus aggressa, vita spoliavit, cujus morte Regnum adepta, Tauricæ erexit templum Dianæ, ad cuius aram, ut hospites, sive terra sive mari adessent, crudeliter mactarentur, instituit: futurum rata, ut suum per hæc nomen in plures gentes fama diffunderetur. Nupsit hæc deinceps patruo, cui Circen, Medeam, & Ægialeum enixa est. C I R C E maternis artibus imbuta, & ipsa herbariam, venenæque tractavit, addidit etiam per se aliqua. Nupsit virgo Sarmatarum Regi, eoque veneficiis sublato regno potitus est. Quo cum aliquandiu male esset usa, crudeliterque nimis tractaret subjectas gentes, Regno pulsa, modico mulierum comitatu, desertam in Oceano insulam tenuisse dicitur. Sed major omninò fama est in Italiam eam venisse, confedissequæ in Latii promontorio: Tum verò insula fuit, ab eoque incolatu Circeiorum nomen adepta. M E D E A domesticas artes & ipsa haud quidem aspernata, medicis herbarum viribus, magicorumque carminum ambagibus operam dedit: Sed ingenio multò mitior quàm mater aut soror (quarum utraque feritate truculentiaque fuit insigni) cum arte multa, tum gratia qua plurimum apud patrem valebat, hospites eripiebat cædi destinatos. Tandem patri su-

specta, ad Solis templum in littore situm confugit. Argonautæ à Taurica in Pontum noctu delati, adventus sui causam Medæ indicarunt: Illa imminens à patre periculum, crudelitatemque in hospites ut caverent, admonuit. Communicato consilio, Medea se adjutricem ad perficiendum certamen propositum pollicita est. Jason jurejurando data fide, uxorem sibi illam, quoad vita superstes esset, futuram spondit. Tum noctu Argonautæ, relictis templo custodibus, cum Medea ad vellus aureum profecti sunt. Cum iisdem reversa in Græciam, Aësonem patrem Jasonis jam senio confectum suis artibus reduxit ad juventutem. Peliam Jasonis patrum à filiabus necari curavit, & cum Jasone per decennium Corinthi vixit. At ubi Glaucen sive Creusam Creontis Regis Corinthiorum filiam sibi præferri vidit, novæ nuptæ, dissimulato odio, pallam venenis infectam muneri misit. Quam cum illa induisset, subito flagravat incendio, parique exitio perierunt Creon & ejus Regia. Filios ex Jasone susceptos laniavit palam. Extincta præ mœrore Jasone, Thebas fugiens, Herculem ab infania liberavit. Inde à Draconibus in aërem sublevata Athenas devolavit, nupsit Ægeo, &c. *Hæc ex Diodor. libro. 4. cap. 3. Ovid. 7. Metamor. & Sabellico.*

197. *Pasētis semiobolus*, proverbio circumfertur. Pases mollis natura, omnes mortales magia superavit, adeò & ex incantationibus ejus, & cœnæ sumptuosæ apparent, & ministrantes quidam. Habuit autem semiobulum ex mina à se factum, quem cum vendentibus, à quibus emere aliquid volebat, daret, cum volebat, ad eum redibat. Suidas. *Meminit ejus etiam Appion Grammaticus.*

198. Pythagoram magum fuisse, & in Diabolicis artibus eruditum, plurimi arbitrantur. Cum supervolantem susurraminibus magicis excantasset aquilam, ita deduxit, ut mitem redderet, ac prorsus cicurem. Pythagoras, *inquit Ammonius*, fœmur suum apud Olympiam auream ostentavit: & cum aquila colloquebatur subinde.

199. Simon Samaritanus (quemadmodum *Ambrosius in Hexamerone*, atque *Clemens Pontifex in Itinerario testantur*) præter ejus artis mira permulta, quibus cum Apostolo Petro contendit, dum ut aliud pro alio appareret, persæpè effecit, pennis per sublime haud parvum spacium in volantis speciem vectus est. Itaque magicis artibus, & ope Dæmonum suffultus, egregiè adeò Romanos lusit & fascinavit, ut plerisque fecerit se numen, merueritque inter duos pontes statuari, hoc titulo: Simoni Deo sancto. Pueri incorrupti & violenter necati



animam adjuramentis ineffabilibus à se evocatam assistere sibi, & per eam omne quod juberet fieri, jactabat. Nimirum familiaris illi erat Diabolus, quem pueri animam esse prædicabat, ut divinitatem suam mentiretur cautius. *Vierus lib. 1. cap. 16. ex Clem. lib. 2. Recognit.*

200. Fuit in Galeotide quidam, qui & morbos verbis propulsare, & anni temporum intemperiem & sterilitatem, & penurias profligare sacrificiis quibusdam poterat: & mutationes excogitare atque efficere, & demonstrare bonas parandarum opum rationes, Hunc in Cretam muneribus à Minoe pellectum ferunt, ut celebrem illum Glauci interitum investigaret. *Suidas.*

201. Apollonius Tyaneus Philosophus, Apollonii filius. Mater gravida Dæmonem astantem vidit, qui diceret, se eum esse, quem illa gestaret in utero, Proteum scilicet Ægyptium. Hinc Protei filius est habitus. Floruit sub Claudio, Cajo, & Nerone, usque ad Nervam, sub quo decessit. More Pythagorico tacuit quinquennium: post in Ægyptum abiit, inde Babylonem ad Magos, inde ad Arabes, & ex omnibus illis locis celebres præstigias collegit. *Suidas. Vitam ejus descripsit Philostratus.* Voluit sanè astutissimus Dæmon nebulonis hujus præstigiis, Christi opt. max. miracula indubium

bium revocare, eidemque veluti antagoni-  
 stam opponere. *De eo magnus Anastasius*  
*Theopolis Episcopus ita scribit*: Quibusdam  
 in locis ad hunc usque diem Apollonii ope-  
 ra stant, & suam habent efficacitatem: alia  
 quadrupedibus ac volucribus damnosis aver-  
 tendis, alia ad inordinatos animum excur-  
 sus inhibendos, alia aliis rebus, quæ homi-  
 nibus detrimentum afferrent, arcendis.  
 Neque eo tantum vivo Dæmones per ipsum  
 tot ac talia egerunt, sed ipso etiam mortuo,  
 ad monumentum ejus perseveraverunt, at-  
 que ipsius nomine miracula quædam edide-  
 runt, ad decipiendum miseros homines, qui  
 facile hujusmodi rebus se à Diabolo in frau-  
 dem induci patiuntur. Quid enim dicam de  
 Manethonis magicis operibus? qui tantus  
 fuit istarum imposturarum artifex, ut sem-  
 per palam Apollonium irriserit, ut non per-  
 fecta ejus doctrinæ peritia instructum: O-  
 portebat enim (ajebat) eum, sicuti ego so-  
 leo, solis verbis perficere quæ vellet, non  
 operum effectiionibus ad ea uti. *Cedrenus in*  
*Hist. compendio.*

202. Sedechias Judæus Medicus ludos  
 coram Ludovico Imperatore & aliis princi-  
 pibus magicos fecit: Homines armatos eum  
 equis & armis devoravit, vehiculum fœni  
 cum equis & auriga absorpsit. Capita & pe-  
 des hominibus præcidebat, & cum sangui-  
 ne

ne in pelvim ponebat. Volabat per aërem, venaticos clamores excitabat, & similes ludificationes multas. *Chronicon Hirsaugien-  
se.* Hic tandem Carolum Calvum Regem veneno sustulit.

203. *Ferunt* in comitum Andegavensium familia, unde Henricus II. Anglorum Rex ortus est, principem quandam fuisse scēminam triveneficam, maleficamque, & eam compulsam ad extremum colere & venerari Eucharistiam, subito è templo per fenestram à conspectu hominum avolasse, nec comparuisse unquam. *Polydor. lib. 13.*

204. Mediolanensis quædam prope portam Comensem puerum strangulavit & devoravit. Cum super sceleris immanitate torqueretur, ab ipsis Diis inferis sibi persuasum ajebat, si trimum vel quadrimum puerum immolasset, omnia quæcunque veller, consecuturam. Proinde gravissimum de ea supplicium sumptum est, rotarumque radiis cancellatim inflexam, ægreque collisis ossibus defractam, mors lenta sævaque confecit. *Artunus Hist. Mediol. sect. 1. suo tempore hoc accidisse scribit.*

205. *Quendam se vidisse Iohannes Fernelius scribit, libr. 1. de abditis rerum causis, vi verborum spectra varia in speculum derivare, quæ illic, quæcunque imperaret,*  
mox

mox aut scripto, aut veris imaginibus ita dilucide exprimerent, ut promptè & facile ab assidentibus omnia internoscerentur. Audiebantur quidem verba sacra, sed obscœnis nominibus spurcè contaminata, cujusmodi sunt elementorum potestates, horrenda quædam & inaudita principum nomina, qui Orientis, Occidentis, Austri, Aquilonisque Regionibus imperent. *Vierus lib. 2. cap. 7. de præstigiis Daemonum.*

206. Facius Cardanus, Hieronymi Cardanipater, Dæmonem æthereum, *ut ipse dicebat*, diu familiarem habuit: qui quamdiu conjuratione usus est, vera illi dabat responsa: cum autem illam excussisset, veniebat quidem, sed responsa falsa dabat. Tenuit igitur annis viginti octo cum conjuratione, solutum autem circiter quinque. Dum astrictus esset, commodum se satis exhibebat. Neque solus semper, licet plerumque, sed aliquando cum sociis etiam veniebat. *Cardanus de Rerum varietate libro 16. cap. 93.*

207. Jacobus Jodoci de Rosa, Cortricensis, annulum circumgestabat, in quo exorcismis colligatum putabat Dæmonem, quem singulis quinque diebus, ut minimum, alloquebatur, & de rebus novis, de morbis & curandi modis consulebat. Tandem in vincula conjectus est Arnhemix Gel-

Geldrorum, & exilio mulctatus, cum prius annulus ille publico loco, multis spectantibus, à Cancellario ferrei mallei ictibus contusus fuisset & perfractus. *Actum Amhemia, 14. Iulii, anno 1548. Vierus libro 5. cap. 1. de praestigiis Demonum.*

208. Anno salut. 1546. Johannis Ulmeri civis Esslingensis filia, Margarita nomine, ex ventris doloribus ita intumuit, ut ventris moles totam faciem obtegere, ac in circumferentia decem palmas excedere videretur. Dicebat autem, se diversi generis animalia alere in ventre, cum interim odoribus tantum & delicatioribus conditis se recreari fingeret. Audiebantur à circumstantibus lectum, in quo defixa erat, gallorum cantus, gallinarum Cocyzationes, anserum strepitus, latratus canum, ovium balatus, porcorum grunnitus, boum mugitus, hinnitus equorum: Eduxit miræ magnitudinis vermes atque serpentes ex latere circiter centum quinquaginta, quo miraculo fidem faceret. Consulti sunt Medici atque Chirurghi multi, inter eos quoque Leonhartus Fuchsius Tubingensis archiater, demum Caroli V. Imperatoris ac Ferdinandi Romanorum ac Hungariæ Regis Medici accessere, aliquot Nobilibus comitati, nec quicquam fucatum invenere. Cum penè quadriennium morbus durasset, ac do-  
lores

lores magis magisque incrudescere viderentur, Magistratus Esslingensis Medicum cum Chirurgis tribus ac obstetrice misit, ut puellæ alvum sectione aperirent. Reluctanti detrahunt tegimina, & ventrem magno artificio manibus fabricatum inveniunt, pulvinaribus suffultum, cum variis arcubus, quibus ventris rotunditas exprimebatur: Virginem interim nudam, optimè compacto, ac supra quam dici possit formoso corpore. Venter in curiam delatus, & anathematis loco adservatus. Mater filiæ venefica tormentis examinata, Satanæ instinctu, lucrigata, hæc à se perpetrata fatetur, & fracto prius collo, publicè exuritur. Filia perforatis ignito ferro genis, perpetuis carceribus intra duos parietes damnata est. *Lycosthenes in prodigiis.*

209. In Creta Moses quispiam integro anno circuevit, Judæos excitans, sese ipsos per mare, non aliter quàm Moses olim fecerat, traducturum. Judæi convocant suos omnes, quoscunque poterant. Die præfinita miseros homines, comitante mulierum & liberorum multitudine, pseudo-propheta in præruptum locum eduxit, ibique eis prominentem in mari rupem com-monstrat, ac suadet, ut in mare insilientes, tantum ad eam natent, postea ipsos tutum iter habituros. Insiliunt plurimi, fascinati  
ejus



ejus largis promissionibus, sed alii merguntur & pereunt in aquis, alii à piscatoribus casu intervenientibus ex undis extrahuntur. Ac plures secuti fuissent, nisi qui vix liberati fuerant, revertentes ad reliquam multitudinem, periculum & interitum aliorum exposuissent. Interea dum ista geruntur, propheta evanuit. Itaque non abs re judicatum est, fuisse cacodæmonem, qui permissu Dei miseram illam turbam ludificaretur, & multos morti traderet. *Socrat. lib. 7. cap. 38.*

210. Jarchas Indorum sapientum Princeps, divinitus Apollonio, nomen ejus, parentes, mores, & quæcunque ipsi contigerant, dixit, perinde ac si omnibus interfuisset. *Philostratus.*

211. Cum peterent Antiocheni ab Apollonio Antiocheno, ut terræmotus, quibus affligebantur, averteret, ingemiscens, in tabulis ita scripsit: Væ tibi misera urbs, quoniam terræmotibus multis, incendiisque prosternearis, teque Orontes ad ripas suas delebit. *Cedrenus.*

212. Jamblichus à sacris in urbem redibat cum discipulis confabulando. Et mox defixis aliquantum in terram oculis, Alia via ingrediamur, inquit, quòd cadaver non procul hinc elatum est. Discipulorum quidam cum insecuti sunt: Alii verò, inter quos Ædesius, iter cœptum peragentes, vespil-

vespillones, qui mortuum sepelierant, obvias habuere. *Eunapius.*

213. Govarus Norvegiæ Rex adeò peritus divinandi erat, ut quicquid in Saxonia contra se tentaretur, prævideret in Norvegia, ultra centum milliaria Germanica. *Olaus Magnus lib. 3. cap. 13.*

214. Tradunt Magos nulla lege, sed novo commento adulteria vindicare, ut surculus per ranæ viscera ad os transfixus, in menstruis uxoris defigatur à marito. Tunc enim uxorem fastidire adulteria, & illorum tædio affici, pro certo opinati sunt. Cui haud absimile est, quod Aristoteles prodit, in Phasi flumine apud Colchos arbusculam nasci, cujus ramus excerptus à viro, & in uxoris thalamum immissus, efficit, ne uxor alium virum appellat. *Alexander libr. 4. cap. 1.*

215. Sosipatram viduam Eustathii, formosissimam & sapientissimam mulierem, Philometor consobrinus amare cœpit, & ut ea potiretur, magicis utebatur carminibus. Maximus Sophista, sacris operatus, Sosipatram ab hoc furore, ne manus daret amori, liberavit. *Eunapius in Ædesio.*

216. Craca Regneri pugilis Dani uxor, venefica, epulum ex trium colubrorum tabo innoxium corpori, animo saluberrimum confecerat, & partem quidem ferculi albam,  
ex albo

ex albo serpente paratam Erico privigno, nigram verò croceis distinctam notis, ex duobus acris confectam, Rollero filio proposuit. Ericus degustato ferculo ex utraque parte, bono suo fato, ut erat Urbanus, catinum invertit: Sic, inquit, æstuante mari puppis in proram ferri solet. Comedit deinde, omniumque rerum cognitionem admirando modo consecutus est, ita ut ferarum quoque & avium voces intelligeret, Craca errore cognito, cum inevitabilem fati providentiam videret, Erico filium suum Rollerum unicè commendare cæpit, ut felicitatis per edulium partæ fructum in fratrem redundare pateretur. Hic est Ericus ille, qui disertum nomen meruit, & tandem ad Regnum pervenit. *Io. Saxo Grammaticus lib. 5. histor. Danorum.*

217. Sclerus Sethus, sub Manuele Comneno Imperatore, virginem malo Persico per Lenam misso, in sui amorem pertraxit. *Nicetas lib. 4. Historiarum.*

218. Cajanus filius Simeonis, qui Bulgaribus dominabatur, in arte magica adeò valebat, ut quoties vellet, lupus, vel quilibet fera videretur. *Sigebertus in Chronico.*

219. Italæ quædam mulieres, oblati cibis quibusdam, humanas mentes ita perstringebant, ut illis ea, quæ non erant, esse viderentur. *Hoc à Præstantio se audivisse, Divum*

*Divus Augustinus scriptum reliquit. Nar-*  
*rasse enim Præstantium dicit, ipsius patrem,*  
 ejusmodi maleficis cibis per has mulieres  
 fortè correptum, statim gravi somno indor-  
 mivisse, ac post multos dies, quorum spa-  
 cio expergisci nullis remediis unquam po-  
 tuerat, narrasse se per id tempus equi ha-  
 buisse speciem, ac semper frumenta tulisse:  
 addebat etiam portandi tempus, locumque,  
 & quomodo tulisset. Quarum rerum cum  
 postea veritas inquireretur, agebat inventum  
 esse, quod equus, ejus speciei, quæ Præstan-  
 tii pater dixerat, eo tempore, eo loco, fru-  
 menta iis tulerat, quibus ille dicebat. Res  
 mira, profecto, fœminas tantum magica ar-  
 te, datis cibis potuisse, ut alteri in somniis,  
 alteri in vigilia, id viderentur agere, quod  
 proculdubio nullo modo erat. Unde meo  
 quidem judicio, in iis quæ die Strigilibus  
 mulieribus dicuntur, haud aliud esse dixe-  
 rim, quàm fantasticum magarum somnium,  
 quanquam ipsis aliter esse videatur. Fortas-  
 se etiam iis dissimiles non fuerunt, quæ à  
 Circe fieri dicebantur, transformationes:  
 etsi allegorici sensus eis aliam præbeant ra-  
 tionem, Idem in puella Ægyptia ostensum  
 fuit, cum parentes in equam mutatam, ad  
 divum Hilarionem duxissent, quam is bre-  
 vi in pristinam humanam speciem restituit.  
 Cui etiam similis dici potest fuisse juvenis  
 ille,

ille, qui per magas fœminas in afinam conversus videbatur, de quo cum coram Leone Pontifice Petrus Damianus accuratè disputasset, magicæ artis effectum, & non figmentum esse asseruit. *Fulgosus libr. 8. cap. 11.*

220. In Prussia, Livonia, & Lituania veneficorum maximus est numerus, qui festo Nativitatis Christi sub noctem, deposita in certo loco hominis forma, lupi assumunt faciem, & in sylva rusticorum ædes aggrediuntur, expugnant, cerevisiæ dolia ebibunt, pecora jugulant. Locum illum deinceps incolæ divinum arbitrantur, tali divinationis genere, ut si alicui in eo quid adversi contigerit, & is veluti vehiculum obvertatur, atque nivibus injiciatur, persuasum habent, eum illo anno moriturum, quemadmodum id à multis temporibus per experientiam explorârunt. Intra Lituaniam, Samogetiam ac Curionem est paries quidam, ex quodam castello diruto reliquus. Ad hunc certo anni tempore aliquot millia luporum conveniunt, ac uniuscujusque agilitatem in saltando explorant, qui hunc parietem transilire nequiverint, uti pinguioribus ferè evenit, flagellis ab eorum Præfectis cæduntur. Denique constanter asseritur, inter hanc multitudinem etiam magnates, arque ex prima nobilitate viros versari. *Illustrat id ipsum*

*ipsum exemplis Olauis lib. 18. cap. 45. & sequentibus*, asserens Ducem Prussiae tali veneficio parum fidei adhibentem, quendam hujus maleficii expertum, vinculis clausum coëgisse, ut in lupum se transformeret, eumque mox igni exussisse.

221. Uratislaus Lucensis Dux, Uratislavia conditor, bellum contra Grezomislauum Bohemiae Ducem, nepotem suum suscepit. Ibi mulierem fuisse tradunt, quæ privigno bellum petituto, Uratislauum in pugna casurum, majoremque populi partem cum eo interituram prædixit: posse tamen evadere juvenem, si sibi pareret. Adolescenti imperata facturum respondenti, jussit ut primum qui obuius fieret, occideret, atque utrasque aures abscissas in pera recondideret, mox gladio inter priores equi pedes cruce in terram facta, & deosculata, equum ascendens fugam maturaret. Pugnam in campo, cui Thusco nomen est, commissam, cæso Uratislao, adolescens, qui novercæ paruerat, domum incolumis effugit, sed uxorem, quam unice amabat, interemptam reperit, carentem auribus, pectusque confossam. Sic quas hosti amputaverat aures, conjugis suæ fuisse stupens, tristisque cognovit. *Æneas Sylv. in Histor. Bohem.*

222. Apollonius Tyaneus, cæcos, claudos, atque ab immundis spiritibus vexatos

H

sana-



sanavit. Ephesi urbem gravi pestilentia laborantem liberavit, ostenso eis mendico senne, quem a populo lapidari iussit: qui postea lapidum congerie detracta, canis effigiem habere inventus est, quem ipse Dæmonem esse affirmavit.

223. Exempla quædam eorum, qui magicis carminibus in tormentis constantes perstitere, *recitat Vierus lib. 4. cap. 10. de Dæmonum præstigiis.*

224. Duffus Scotorum Rex incognito morbo affectus, noctu in sudorem immensum solvebatur, interdium dolore levatus, quieti se dabat. Corpus lenta conficiebatur tabe, effœto simillimum. Pulsus constabat, constabat quoque sensus, & cibi appetitus. Medici de salute Regis desperabant. Obortus est interea sub id tempus, incerto autore, rumor, Regem veneficarum mulierum arte contabescere, easque apud Forres Moraviæ oppidum, magicam & sortilegam artem in Regis perniciem exercere. Missi nuntii velut ineundæ pacis gratia inter Duffum Regem & conjuratos Moravos, Forres adire, noctuque in arcem admissi commodum à milite quodam, qui hoc ipsum à suo scorto, cujus mater venefica erat, expiscatus fuerat, de toto negotio admonentur. Ergo in sortilegarum ædes irrumpentes, sagarum unam cereum simula-  
chrum,

chrum, ad Regis Duffi imaginem Dæmoniaca arte confectum, ligneo affixum veru ante ignem torrentem: alteram carminibus recitatis liquorem quendam fundentem sensim supra statuam invenerunt. Conjectæ in vincula, rogatæque de scelere, responderunt, dum simulachrum igni adhibitum torreretur, Duffum Regem in sudorem solvi: carminibus verò recitatis, perpetua teneri vigilia, & ad liquecentem ceram macie confici: consumpta autem cera, Regis mortem continuò subsequaturam. Ad facinus exequendum, mercede à Moravorum primoribus conductas fuisse. Exustis mulierculis, Duffus sudare desiit, & sanitati restitutus est. *Hector Boëthus lib. 11. historia Scotorum.*

125. Helsingorum Princeps Vitolfus, quos voluit ita videndi officio spoliavit, ut propinquas ædes nec prospectu capere, nec certis possent vestigiis indagare, adeò luminum usum nubilo quodam errore obtundere callebat. *Olaus lib. 3. cap. 17. Septentrional.*

126. Lappones & Finni Septentrionales faciunt de plumbo jacula magica brevia, ad modum digiti: ea mittunt per quædam dissita loca in eos, de quibus vindictam expectunt. Hi oborto carcinomate in crure vel brachio, intra triduum vehementia doloris exanimantur. *Idem Ibidem.*

128. Cum Isabella Alfonsi II. Arragonii Regis filia ad maritum Johannem Galeacium Ducem Mediolanensem est adducta, Ludovicus Sfortia ea conspecta subito sic exarsit, ut eam sibi conjugem à patre dari concupierit: atque in hunc finem magicis artibus effecit, ut Johannes Galeacius per multos menses impos fuerit ad conjugii arcana peragenda. *Cuicciardinus lib. 1.*

129. Pythagoras Crotone & Metaponti eadem die atque hora aliquando visus est. *Apollonius in Mirabil. historiis.*

130. Apollonius Tyaneus, cum in Palatio publicè custodiretur, apud Domitianum accusatus, ab ejus conspectu evanuit, atque Puteolis eo die inventus est, quo comitem suum præmiserat, atque ut illic se expectaret, mandârat. Idem cum in Tigillam manu libellus esset, in quo sua accusatio tenebatur, prodigiosè effecit, ut apertus liber, nulla in parte scriptus inveniretur. *Philostratus.*

131. Jamblichus Syrus Philosophus, inter fundendum preces, ab humo plus quàm decem cubitos sublimis attollebatur: corpus & vestimentum in aureolum colorem migrabat. Finitis precibus, in pristinam redibat speciem, & ad terram descendebat Magicæ nimirum contemplationis hæc erant ludibria. *Eunapius in ejus vita.*

132. Oddonem Danicum Piratam maximum, *tradit Olaus in historia Septentrionalium*, absque carina altum pererrasse mare, & hostilia sæpe navigia, concitatis carmine procellis, evertisse: ac postremo peritiorē hoste circumventum, gurgite submersum esse, qui marinos vortices præstigiolis carminibus olim calcare consueverat.

133. Othinus Magus, Hadingum Daniæ Regem magicis præstigiis turpiter illusum, atque longius à suis familiaribus avulsum, cum equo per vasta maris spacia ad propria reduxit. Hadingus per amiculi ejus rimas, sub quo trepidus delitescebat, animadvertit equinis freta patere vestigiis. *Olaus lib. 3. cap. 19.*

134. Thespetion Gymnosophistarum in Æthiopia Dux, suis incantationibus præcepit arbori ulmo, ut Apollonium salutaret: Illa salutavit, distincta quidem voce, sed fœminea, *Philostratus in vita Apollonii, & Volaterranus lib. 13. cap. 8. Anthropol.*

135. Theotecnus Magus Antiochiæ sub Maximino, simulachrum Jovis oracula edere vi magica effecit, quibus cives contra Christianos excitarentur, & Imperator ad illos persequendos efferaretur. Tandem Licinius, fraudibus illius cognitis, digno supplicio affecit. *Eusebius lib. 9. cap. 3. & 11.*

136. Appion Grammaticus Cynocephala

læa herba (quæ in Ægypto Osirites vocatur, & contra omnia veneficia pollet, ille tamen qui eam eruerit, moritur) umbras Homeri evocavit, ut sciret, qua patria, quibusque parentibus genitus esset. Non tamen ausus fuit profiteri, quid sibi respondisset. *Plinius lib. 30. cap. 2.*

137. Apollonius Tyaneus veniens ad tumulum Achillis, obtestatus est Achillis manes, ut sibi antiquam suam imaginem demonstrarent. Leviter itaque tumulus intremuit. Mox juvenis quidam apparuit, primò statura cubitorum quinque, paulò post duodecim, pulchrior quàm dici possit. Interrogavit autem quædam frivola. Videns ergo adolescentem nimium lascivientem, cognovit eum à Dæmone occupatum esse. Compulit itaque Dæmonem corpus ejus relinquere. Quo discedente, in rei hujus signum statua quædam proxima cecidit. *Philostrophus.*

138. Jamblichus Philosophus cum discipulis suis accesserat Gadara, thermas in Syria, secundus à Bais in Romano Imperio obtinentes, quibus nullæ balneæ comparari possunt. Isthic cum lavaret, nata de balneis disceptatione, renidens Jamblichus, jussit discipulos sciscitari ab indigenis, quibus jam olim nominibus donati fuissent duo è calidis fontibus minores, sed cæteris elegantiores

res venustioresque. Illi negârunt se posse causam nominum rescire, uni tamen Amori nomen esse, alteri Anteroti, Deo amantium injuriæ vindici. Confestim ipse contacta manu aqua, (sedebat enim fortè in crepidine fontis, ubi depletur ac superfunditur alveus) paucis admurmuratis verbulis, de fontis imo pusionem excivit, candidum, comoda statura, capillitio in fulvum aurum tincto, dorsi cute nitida, qui totus lavanti aut loto assimilis erat. Attonitis rei novitate comitibus, ad proximum fonticulum transiens, ibique eadem quæ prius peragens, alterum Amorem evocavit, prioris per omnia similem, extra comas nigrantes huic magis, & rutilas, per collum sparsas. Ambo Pusiones circumfusi, arctis complexibus Jamblichæ velut naturali patri inhærebant. Quos ille in proprias suas sedes e vestigio restituit, lotusque excessit. *Eunapius in ejus vita.*

139. Cum Basilio Imperatore major natu filius Constantinus mortem obiisset, adeo ejus desiderio tenebatur, ut post omnino vivum cuperet videre. Erat Monachus quidam Theodorus, cognomento Santabarinus, in metropoli Enchaitarum præpositus, qui summa erat junctus familiaritate Regi, utpote quem & observabat ut virum religiosum, & diligebat ut veritatis amatorem.



Hic se Regi filium monstraturum viventem inter frondosa virgulta equo insidentem promiserat. Stultus pater credidit, & visionem videns, quam fallax monachus Diaboli minister fabrefecerat, arbitratus est filium se amplexum, nihilque non perfido Monacho credidit: ut etiam filium Leonem, quem pater diademate ornaverat, & regem creaverat, patri adeò suspectum reddiderit, ut illum carceri incluserit, quo longo tempore innocens Rex est maceratus. *Cuspinianus ex Zonara.*

140. Puer quidam Lotharingus, honesto loco natus, aequalium probitate corruptus, coepit in caupona perpotare, inscio Gilberto Cognato Nozereno, cujus fidei creditus erat. Accidit ut adolescens ignotus (quem Cacodæmonem fuisse postea compertum est.) puerum à combibonibus seduceret, & artem parandæ pecuniæ facili carmine conceptis verbis se communicaturum promitteret, si modò Cauponi suo nomine symbolam numeraret, & ex animo, quæ in codicillo sacro à se exarato scripta esse crederet, neque unquam libellum sacrum explicaret. Puero omnia se facturum pollicente, specimen artis edit, & charta sinistro apprehensa pugno, dextræ manus indice & medio compressa, & carmine admurmurato (lingua Gallica, Orichalcum natat, aurum)

rum salit) LX. coronatos, quot optaverat, à digitis excutit. Puer Præceptorem imitatus pari successu, lætus cum charta abit, & curiositate ductus, eam aperit, ut consimilem aliam conficeret. In medio sphæricus erat circulus, tanquam orbis, duabus lineis rectis per diametrum intersectus, crucis figura: supra facies depicta, imminens circulo, horrida, cornuta, & tanquam caco-dæmonis. Ad dextram, binæ cruces inter se cohærentes. Ad lævam obscœna pars mulierum, eique adversum, & tanquam infestum pudendum viri membrum. Statim ut obscœnas illas imagines vidit, oculi nigrescere cœperunt, vertigine rapi caput. Neque soli sibi se jam credebat, quocunque iret, subinde respectans, tanquam à tergo insequentem quempiam videret. Jam contubernalis adolescens quidam animadverterat novum ali monstrum, expiscatur. Præceptoris jussu puer omnem rem aperit. Persuasus, chartam sacram in ignem conjicit. Ea semihora mediis in flammis duravit inusta, cum nulla magis materia ignem rapiat, adeò ut puer ipse admirans, exhorresceret.

*Cognatus lib. 8. Narrationum.*

141. Sub Anastasio Imperatore Bulgari, gens prius ignota, in Illyricum & Thraciam incursiones fecere. Contra quos aliquot Romani Duces cum exercitu profecti sunt.

Cumque illi excantationibus & magicis rebus usi essent, turpissimè Romani omnes, præter pauculos, victi & cæsi sunt. *Cuspi-  
nianus.*

142. Sigebertus Francorum Rex, ab Hunnis, qui magicis artibus instructi, ei phantasmata objiciebant, vincitur, exercitus ejus profligatur, & ipse capitur. *Gregor. Turon. lib. 4. cap. 28.*

143. Haquinus Norvegiæ Princeps, contra Danos pugnaturus, imbris maleficio ita hostium vertices inusitatis grandinis ictibus converberavit, ut eorum oculi veluti quibusdam membrorum spiculis lacessiti, prospiciendique penitus facultate defecti, gravio-rem ab elementis pugnam, quàm ab hoste sentirent. Biarmenses polo Arctico vicini-ores, in Septentrione contra potentissimum Regem Regnerum pugnaturi, carminibus horrendam tempestatem Danis immiserunt, eosdemque mox ferventissimo calore torruerunt. Ita anceps geminæ intemperantiæ malum, hostes vita & victoria spoliavit. *Olaus lib. 3. cap. 19.*

144. Arngrimus Sueticus pugil, Finnos sylvestres bello prosequabatur. Qui cum infeliciter dimicando fuga dilaberentur, tribus lapillis post tergum coniectis, totidem montium instar hostibus apparere fecerunt. Igitur Arngrimus ludificari visus, errore per-

perstrictus, ab insectando hoste exercitum revocavit, magnarum se rupium interjectu coërcitum putans. Idem postera die congressi, victique coniecta in terram nive, ingentis fluvii speciem indiderunt. Ita victore vanam aquarum imaginem formidante, fugaelapsi sunt Finni. Tertia tandem die videntes suas inclinari acies, potestati se permiscere victoris. *Olaus lib. 5. cap. 15.*

145. Magicum indusium, Necessitatis nuncupatum, Germanis *Nothembt*, à veteribus celebratum, quo induebantur, ut in bellis à quocunque telorum vel sphaerularum bombardicarum ictu & armorum injuriis liberi perdurarent, & quodvis aliud corporis incommodum declinarent securi. Eo quoque usæ sunt parturientes, ut citius tutiusque fœtum deponerent. Hinc nomen sortitum est, quod in necessitate usurparetur. *Hujus conficiendi hac erat ratio:* Nocte Natalis Christi, filum ex lino in nomine Diaboli notæ castitatis puellæ nebant, texebant, consuebant. In pectore duo assuebantur capita, in quorum dextro longa propendebat barba, & velut galea erat imposita, sinistrum autem horridum, & corona ornatum, instar Dæmonis. Latus utriusque munebatur cruce. Longitudine à collo medium hominem contegit indusium cum manicis. *Id apud eximia nobilitatis virum*

*se vidisse, cui à milite patruo milite strenuo  
cesserat, scribit Vierus lib. 4. cap. 15. de pra-  
stigiis Damonum, eoque olim frequenter Ca-  
sares & Principes usos esse.*

146. Poloni Tartaros anno Christi 1240.  
ad Legniciam commisso prælio graviter ur-  
gebant, & fugientibus instabant. Erat in ex-  
tremo Tartarorum agmine inter alia signa  
vexillum insigne cuius pictura X. literæ fi-  
guram præferebat, in cuspide verò imago  
erat tetra nigraque capitis humani barbari.  
Illud vexillum cum signifer vehementius  
quateret, fumum atque nebulam densissi-  
mam & fœdissimam exhalabat. Ea nebula  
non modò aspectum Barbarorum Polonis  
adimebat, verum etiam odore teterrimo  
eos enecabat. Incantationibus id quibusdam  
Tartari effecerant, quibus juxta, ac ariola-  
tionibus, atque divinationibus cæteris, cum  
aliàs tum in bello plurimum utuntur, ex  
humanis etiam extis de futuris eventibus  
conjectare soliti. Barbari ubi Polonos tre-  
pidare senserunt, cohortati se invicem, im-  
pressionem in eos faciunt, perturbatisque  
ordinibus, magnam cædem faciunt: in qua  
Pompo magister Cruciferorum cum fortis-  
simis quibusque suorum occubuit, Tantus  
eo prælio intersectorum Christianorum nu-  
merus fuit, ut singulis singulæ auriculæ à  
Tartaris præcisæ, novem ingentes saccos  
exple-

explerent. *Cromerus libro 8.*

147. Grassante crudeli bello inter Reges Daniæ & Sueciæ anno 1563. ex castris Daniæ scriptum est, Sueciæ Regem inter suas copias circumducere quatuor vetulas Lamiæ, quæ carmine omnem Dano præpedirent victoriam, ut nullum posset hosti facere damnum: & si qui à Sueciæ Rege eingerentur obsidione, redderentur imbelles, atque in deditiōem proni. Ac licet famæ huic prius nulla fuisset data fides, postea tamen unam ex his Lamiis captam fuisse à milite generosi Comitæ à Schwartzenburg Guntheri, Ducis exercitus, quæ ea confiteretur, scripto addebatur: deinde circa vias in puteis & locis aquosis limosisque inventa fuisse extracta longa fila, quibus lineæ cruce multæ, alique characteres appendebant. Graviter, *inquit Vieri*, utrinque delictum est, contra manifestum Dei mandatum: à Suecis, quod veritam opem accierint: à Danis verò, quod sibi à Magicis illis præstigiis & Dæmonum ludibriis timuerint, *libro 2. cap. 33. de præstig. Dæmon.*

148. Empedocles Agrigentinus Magus, de seipso hæc scribit:

*Medicamenta quæ & mala & senectutem propulsant,*

*Audies: tibi enim soli ego ista omnia conficiam,*



*Et sedabis indefessorum ventorum vires,  
qui in terram*

*Ruētes flatibus rura corrumpunt.*

*Et vicissim si voles, reduces ventos addu-  
ces,*

*Et efficies ex imbre nigro tempestivam  
siccitatem*

*Hominibus, & efficies ex aestiva siccitate  
Flumina fecunda, quæque in aestate spi-  
rant,*

*Et reduces ex Orco defuncti animam viri.*  
Cum aliquando Etesia ita vehementer fla-  
rent, ut fruges læderent, iussit asinos exco-  
riari, & utres fieri, eosque in Promontoriis  
extendi, ut ventum exciperent. Quo sopi-  
to, appellatus fuit *καλυσανέμης*, quali prohi-  
bitorem ventorum dicas. *Suidas.*

149. Sunt in Lydis, qui Persici cognomi-  
ne vocantur, urbes, Hierocæsarea, & Hip-  
pææ: in templo utriusque urbis amplissi-  
mo cellæ cum aris, super his cinis alio lon-  
ge colore à vulgari cinere. Huc ingressus  
Magus, ubi foco lignis impositis tiara caput  
velârit, implorat cognomen Dei, quicun-  
que ille sit (ex libro enim carmen recitat  
barbaricum) ubi peroravit, sponte sua è li-  
gnis, nullo igne admoto, purissima emicat  
flamma. *Pausanias lib. 5. se hoc vidisse te-  
statur.*

159. Testatur Herodotus libro 7. de præ-  
fectis

*fectis Xerxis*, quòd ii triduana tempestate  
400. naves amiserè, donec quarto die Magi,  
Thety & Nereidibus sacrificando, tempe-  
statem compescuerunt.

151. Castabalis est Dianæ Persicæ fanum,  
ubi dicunt sacras mulieres illæsas nudis pe-  
dibus super prunas ingredi. *Strabo libro 12.*  
Sub monte quoque Soracte urbs est Fero-  
nia, quo nomine & Dea quædam nuncupa-  
tur, quam finitimi miro dignantur honore.  
Eodem in loco ipsius templum est, mirifi-  
cum sacrigenus habens. Nam qui ejus nu-  
mine afflantur, nudis pedibus prunas cal-  
cant. Eò ingens mortalium multitudo con-  
venit, & celebritatis ipsius, quæ quotannis  
celebratur, gratia, pariter & spectaculi: *Idem*  
*lib. 5.*

152. Tullus Hostilius Romanorum Rex,  
Numæ Pompilii imitatione dum Jovem  
Elicium elicere conatur, fulmine ictus, cum  
Regia conflagravit. Tuccia virgo Vestalis,  
incesti crimine rea Romæ, cum precatone  
certa aquam cribro hausit, anno urbis 609.  
*Plinius lib. 28. cap. 2.*

153. Arnuphis magus Ægyptius, in eo  
bello quod Romani cum Quadis gesserunt,  
cum fieret acerrimus conflictus, atque vi-  
ctoria in utramque ex æquo partem mutare  
videretur: Mercurium illum qui est in aëre,  
aliosque Dæmoras, quibusdam artibus ma-  
gicis

gicis invocavit, & impetrata ab his horrenda pluvia Quados deterruit, atque Romanis victoriam peperit. *Dion Nicaus in Antonino, & Suidas. Nonnulli hoc Iuliano Chaldaeo tribuunt.*

154. Finni olim Septentrionales populi olim mercatoribus ventos venales exhibebant, tres nodos magica arte sacratos eis offerentes, quorum primo soluto, placidos ventos, secundo vehementiores, tertio saevissimos essent habituri. *Olaus lib. 3. cap. 16. ex Sax. Grammat.*

155. Anno Salutis 1462. Ferdinandus Neapolitanorum Rex, Marcos oppidum, arci Montis Draconis, ad Massicorum montium exitum sitæ, subjectum, Andegavensium factioni favens, arcta obsidione premebat, & defectu aquarum propè ad dedicationem compulerat, cum impii Sacerdotes magicis artibus imbres elicere ausi sunt. Inveni enim ex oppidanis atque obsessis sunt, qui nocturnis in tenebris, deceptis castrorum vigiliis, per asperrimas rupes, furtim profecti ad littus, trahentes secum imaginem affixi ad crucem Christi, maledictis illam prius, ac diro persecuti carmine, post in mare execrabundi immiserint, cælo, mari, terrisque tempestatem imprecati. Quo etiam tempore Sacerdotes quidam mortaliū omnium scelestissimi, dum satisfacere profa-

profanis militum artibus student, ritum nefarium secuti, quo (ut dictum est) in huiusmodi elici imbres putantur, asino pro ædis foribus constituto, tanquam agenti animam cecinere funestum carmen. Post divina Eucharistia in illius os palatumque injecta, conclamatum asinum funereis cantibus, vivum tandem ibidem pro templi foribus humavere. Hic verò vix dum perfecto sacro obnubescere aër, ac mare agitari ventis cum coepisset, diesque medius offundi tenebris, ac nunc cælum micari ignibus, nunc lux omnino eriperetur, tonitru cælum, terræque horrescerent, volarent evulsæ ventis arbores, discissæque fulminibus saxa complerent auras fragoribus, prorupit tanta è nimbis pluvia, imbresque tam validi, ut non cisternæ modò colligendis aquis satis non essent, sed arentia saxa, rupesque exustæ solibus, torrentes unde quaque prolapsos diffunderent. Ita Rex, qui sola in siti potiundi oppidi spem collocaverat, frustra ab ea habitus, ad Savonem vetera in castra rediit. *Pontanus lib. 5. belli Neapolitani.*

156, Prope Elten Pagum, miliare medium ab Embrica, in Ducatu Clivenfi dispositum, circa viam Regiam ante annos circiter quadraginta duos, Dæmonium viatores miris variisque exercebat modis, cædens, vel ab equis dejiciens, vel vehicula subver-

subvertens: nec aliud unquam videbatur, quam manus effigies. *Eckercken* huic nomen indebatur. Vicini ad Lamiae maleficium referunt id facinus. Quare manus mulieri Sibyllae Duiscops nomine, servitutis jure Comiti Montenſi mancipatae injicitur, eaque tandem exuſta, deſiit vexatio. *Vierus lib. 5. cap. 12. de praſtig. Dem.*

157. Pelops in curriculo Olympico defodiens magicum quiddam, ab Amphione acceptum, fecit, ut eò loci equi ſemper inſolito terrore turbarentur. *Pauſan. lib. 6.*

158. Pythagoras Urfam quampiam ſeritate conſpicuam, magnitudine inuſitata, quæ viſentibus modò horrorem incuteret, accerſitam demulctamque apud ſe aluit. Mox demiffurus, veluti conceptis verbis, jurejurando, ut ſic dicam, adegit, nulli animantium cunctarum, damno oblæſionive futuram. Abiens illa in ſylvas ſe conjecit ſuas, ſummaque fide, quod inter homines quoque perrarum eſt, in quod adjurata receſſerat, præſtitit. Hinc forte Pythagoricam necromantiam per literarum numeros & lunam ſolitam exerceri, recensuit Auguſtinus. Narratur certè idem Pythagoras, bovem ubi propè Tarentum conſpexiſſet, fabaciam ſegetem morſicatum corruppentem, tum etiam poterentem pedibus, bubulco inſinuâſſe. Bovem moneret, frugibus parce-

parceret. Ridens busequa, Ego, inquit, bovatum non didici, tu qui videre scholarum id genus experiens, obeas vicem meam. E-vestigio Pythagoras auribus sese admovens, sui artificii quæpiam immurmuravit. *Res additur mira*: Obedientissimus bos, ut ab eo qui amplius saperet, edoctus, lacerare mox segetem destitit: quin etiam in futurum ejusmodi pabulo abstinuit: sed & bubulum desit obsequium, factusque de rurestri colono, ambulator urbanus. Tarenti placidè consenuit, de manibus hominum victitans. *Calius lib. 19. cap. 7. A. L. Plutarchus in vita Numa.* Idem Pythagoras, *ut ait Aristoteles*, in Etruria serpentem, qui morsu necabat, morsu interfecit. *Apollonius in Mirabil. historiis.*

159. Apollonius Tyaneus Roma Byzantium profectus, rogatu civium, ea urbe multitudinem anguium ac scorpionum expulit, ne cui porro homini nocerent. Equorum etiam in conventibus Principum confusè ferocientium intemperiem refrænavit. Idem ab eo Antiochiæ, cum eò venisset, efflagitatum est. Cum enim Antiocheneses à scorpiis & culicibus divexarentur, æreum ipse scorpionum conflavit, supraque eum in terra depositum parva erecta columna, populo jussit, ut calamos gestarent, perque urbem circuirent, & calamos concutientes in-  
clama-



clamarent, Vacet urbs culicibus. Eo modo & scorpium & culices ea ex urbe profligati sunt. *Cedrenus.*

160. In majori India est provincia, Maabas dicta, venatione margaritarum celebris. Cum autem mare illud belluis infestum sit, Abrachimini Magi illorum (qui olim Brachmanes) incantationibus diurnis cetos maximos ita effascinant, ut nemini nocere possint: noctu verò eosdem relaxant, ne furibus latrocinandi detur occasio. *M. Paulus Venetus lib. 3. cap. 23. rer. Oriental.*

161. Apud Hollandos in oppidis maritimis, Roterodamo & Scheidamo, ex piscium captura maximè vivitur. Horum incolæ cum haleces piscaturi enavigassent, & piscium copia onustas reducerent Roterodami, retia lapidibus onerata Scheidami retraxerunt. Quod insperatum infortunium maleficio confestim imputabatur. Quocirca mulieri injicitur manus, quæ incunctanter fatetur, maleficis suis artibus id accidisse, & se per vitri foramen (quod ostendebat ejus magnitudinis, ægrè ut digitum transmitteret) dum piscibus illi insidiarentur, transvolasse, & in myruli testa (*Mossel schulp* nostratibus dicitur) se mari commisisse, illudque trajecisse usque ad halecum stationem, & ibi incantamentis haleces fugasse, & eorum loco subjecisse. Lata hinc potissimum senten-

sententia, flammis illa fuit addicta. *Vierus lib. 5. cap. 8.*

162. Tradunt Pasetem quendam præstigiarum & magiæ peritia primum nomen meruisse. Is incantamentis quibusdam efficiebat, ut repente convivium omnibus instructum partibus adesse videretur: rursus ubi libuisset, omnia protinus evanescebant. *Suidas.* Brachmanes convivia omni genere ferculorum instructa apponunt, nullo ministrorum conspecto. *Philostratus.*

163. Fertur Numa Rom. Rex aliquando frequentes cives invitasse ad epulum, sordidaque vasa, & cœnam planè frugalem plebeiamque apposuisse. Cœpta cœna intulisse sermonem, deam sibi familiarem adesse, ac repente domum ostendisse poculis instructissimam preciosissimis, mensasque epulis variis atque apparatu magnifico affluentes. *Plutar. in Numa.*

164. Gulielmus Comes Hollandiæ, instinctu Pontificis contra Fridericum II. & Conradum ejus F. Aquisgrani Rex Rom. coronatus, rediens coloniam lautissimum instituit principibus convivium. In quo, ut fertur, mirabili opera Alberti Magni Philosophi, arbores media hyeme effloruerunt, & herbæ germinârunt. *Quod Scriptores ejus ætatis, & qui se vidisse commemorant, tradunt.* Ob id factum fratribus ejus Ordinis  
in

in Traiecto prædium ingens cum redditibus dicitur donasse, atque monasterium construxisse. *Cuspinianus.*

165. Pythagoram, Pythagum, hoc est, ludicrum per speculum factitasse ajunt, ut quæ collibuisse, sanguine perscriberet in speculo, moxque literis ad lunam orbis pleni obversis, stanti à tergo, ut in lunæ exaratas disco, commonstraret. *Cal. lib. 9. cap. 23. Antiq. Lect. & Suid. in voce Θειτὰ λὴ γλῶττι.*

166. *Apuleius lib. 1. de Asino aureo* hac refert: Athenis, inquit, proxime & ante Pœcilem porticum, isto gemino obtutu circulatorum aspexi equestrem, spatham præacutam mucrone infesto devorasse, ac mox eundem invitamento exiguæ stipis venatoriæ lanceam, qua parte minatur exitium, in ima viscera condidisse: & ecce pone lanceæ ferrum, qua bacillum inversi teli ad occipitium per inguem subit, puer in molli-tiem decorus insurgit, inque flexibus tortuosis, enervam & exossam saltationem explicat, cum omnium qui aderant admiratione.

167. Philumena, Apellis hæretici scortum, in angustissimi oris ampullam panem maximum immittebat & eximebat. *D. Augustin.* Sedecias Judæus, milites cum equis & armis, vehiculum fœni devoravit, & volabat per aërem.

168. An-

168. *Andronici senioris Imp. & Andronici ejus nepotis tempore, praestigiatores quidam ex Aegypto Byzantium venerunt, artem suam ostentantes.* Navis onerariae malos binos vel ternos funibus hinc inde in solo quopiam firmabant, ne in alteram partem inclinarent. Deinde funem alium ex unius mali cacumine in alterius cacumen extendebant, praetereaque alium funem à solo ad cacumen circumplicantes, gradus aliquot, quibus ascenderent, faciebant, per quos unus ex eis cum evasisset, nudo cacumini mali insistebat, nunc alterum pedem, nunc ambos versus coelum extendens, caput verò deorsum versus mali cacumen inclinans: Postea subitò saltu facto, unaque manu fune fortiter comprehenso, inde pendebat, & ita saepe sese rotabat & circumagebat, sursum versus coelum, & infra versus terram paulo momento & continenter trochi in morem. Deinde inflexo crure manus vice fune prehensio, supinus dependebat, atque ita rursus eodem modo sese circumagebat & rotabat. Mox rectus in medio fune stans, arrepto arcu & sagittis, ad scopum eminens positum collineabat, adeò solerter, ut qui humi consisteret, melius non posset. Deinde clausis oculis, accepto in humeros puero, in sublimi fune ambulabat, ab altero fune ad alterum, & hæc unus agebat.

169. Alius

169. Alius verò equo insidens, ad cursum illum extimulabat, eoque currente, nunc erectus in sella stabat, nunc in equi juba, in fronte, nunc in clunibus, pedibus semper dextrè implexis, & velut avis in morem volitans. Nunc ex equo currente descendens, ejusque cauda prehensa insiliens, rursus in sella sedens conspiciebatur, & inde rursus ex altera sellæ parte se demittens, & circum equi ventrem se circumagens, facile ex altera parte ascendebat, ac rursus in ea vehebatur. Quibus rebus cum occuparetur, ne id quidem negligebat, ut equum flagello ad cursum incitaret. Et hæc alter è præstigatoribus illis faciebat. Alius verò clava cubiti magnitudine capiti imposita, in eaque vase humore pleno collocato, ita circuibat, ut vas diu non agigaretur. Alius & ipse longam hastam in capite suo statuebat, tribus orgyis non brevior, fune infernè versus apicem circumplicato graduum instar, quos puer manibus & pedibus ascendebat paulum alternantibus, usque ad hastæ cacumen, & rursus inde descendebat: at qui hastam in capite gerebat, continenter obambulabat. Alius vitreum globum in altum jactabat, & relabentem nunc extremo manus ungue excipiebat, nunc posteriore cubiti parte, nunc aliter atque aliter. Sed ne ipsi quidem periculorum expertes fuerunt, sed præcipitati aliqui

aliqui perierunt. Nam cum amplius XL. patria excessissent, pauciores XX. Byzantium pervenerunt. Magnam tamen pecuniam à spectatoribus colligendo, quovis terrarum proficiscebantur, partim lucri facienda causa, partim ostentandi gratia. *Gregoras lib. 8.*

170. Michaël Sicidites Magus, impetrante Manuele Comneno, earum rerum conspectum eripiebat, quas oculi intuebantur, & totas Dæmonum cohortes immittebat iis, quos volebat exterritos. Cum ex editiore Palatii loco naviculam vidisset, qua ollæ & patinæ vehebantur, magico carmine effecit, ut nauta exurgeret, & vasa non prius ferire desisteret, quàm in pulverem rede-gisset. At paulò pòst barba prehensa lamentari, amotaque caligine, se ut ira numinis agitatum deplorare. Rogatus, cur merces suas ita tractasset? Cum dolore narrabat, se remis intentum, horribilem serpentem supra vasa porrectum, oculis inconniventibus in se conversum instar devoraturi vidisse, qui prius volutari non destiterit, quàm fictilia contra-cta essent, inde subito ex oculis evanuisse. Fecit & aliud non dissimile. In balneo lavans rixari cum quibusdam cœpit, mox egressus est: Paulò pòst & cæteri anhelantes præ metu ac festinatione invicem conculcantes procurrerunt, cum ex canali  
I calidæ



calidæ aquæ viros pice nigriores exiliisse dicerent, à quibus nates ipsorum plantis pedum ferientibus, balneo exacti essent. *Nicetas libro 4.*

171. Gregorius VII. *ut Cardinalis Benno refert*, quando volebat, manicas discutiebat suas, unde ignis in scintillarum modum diffiliit, iis miraculis velut sanctitatis signo simplicium oculos ludificans.

172. Apud Ostrogothos lacus est maximus, Veter dictus, amœnam sed oblongam insulam in umbilico suo habens, duas tenentem Ecclesias parochiales, sub quarum altera specus cavernoso longoque introitu, & exitu immensæ profunditatis reperitur: in quam non nisi vanæ ostentationis & curiositatis homines cereis accensis, filisque glomeratis: repetendi regressus causa, descendunt: ut quendam Gilbertum nomine, Magum insignem conveniant, qui illic jam olim per proprium præceptorem Catillum, cui insultare præsumpserat, superatus atque ligatus est. Nam exiguo fuste certis characteribus Gothicis seu Ruthenicis insculpto, à præceptore projecto, & manibus apprehenso, Gilbertus immobilis mansit. Multi olim ad has præstigias videndas descendere summo cum periculo. Deinceps legibus cautum, ne qui vel descenderent, vel descensum aliis suaderent, iisdem pœnis abnoxii essent, quibus

quibus illi, qui mortem sibi ipsis inferrent. Os præterea specus saxi obstructum est. *Olaus Magnus lib. 3. cap. 20.*

173. Antoninus Heliogabalus arte magica ac suis incantationibus cum aliorum multorum, tum potissimum Severi parentis sui, atque Commodi animas ab inferis evocavit, qui futura ei prædicent. Apollonium Tyaneum Cappadocem, qui floruerat Domitiani temporibus, laude & honore affecit, ei que monumentum faciendum curavit, eò quod præstigiator summus fuisset. *Dion & Xiphil.*

174. Valens Imperator Arianus, cum ex magicis vanitatibus intellexisset, post se regnaturum, cujus nomen à littera Θ. inchoaret, omnes interfici jussit, qui hanc litteram suo nomine gerebant, Theodoros, Theodotos, Theodulos, & quendam virum fortem ex Hispania Theodosium, patrem ejus qui post regnavit Theodosii. Quare terribili plures, sua nomina invertérunt. Fertur autem ea divinatio facta esse per Libanium Sophistam, & Procli discipulum Jamblichum. Cum plures essent interfecti, jussit tandem Valens divinationis hujus auctores inquirere. Veritus principis crudelitatem Jamblichus, sumpta veneni potione vitam exiit. *Socrates lib. 4. cap. 19. Sozomenus libro 6. cap. 35.*

175. Andronicus Comnenus Tyrannus Sethum Magum, oculis à Manuele Imperatore privatum, consulit de successore & insidiatore. Sub initium Septembris Dæmon in turbidis aquis literam Sigina, deinde lora ostendit. Andronicus hisce Isaurum denotari putavit, Isaacium scilicet Comnenum, Manuelis Imperatoris nepotem, Manuelis nepotem ex fratre, qui ex Isauria veniens Cyprum tyrannide oppresserat. Facta etiam de tempore quæstione, Spiritus cum strepitu in aquam illapsus, intra exaltationem crucis, respondit. Ergo vanum, inquit Andronicus, est istud Oraculum. Quæ enim Isaacius intra tam paucos dies Cypro advenire, meque imperio exuere poterit? Proinde vaticinium penitus neglexit. Cum autem quidam dixisset: Isaacium Angelum è medio tollendum, ne fortè oraculo ad illum perveniente, ipsi longinqua imaginarentur, iis, quæ ante pedes essent, neglectis: ne sic quidem divinationi assensus est: Isaacium Angelum, ut mollem & ignavum hominem contemnens. A quo tamen paulò post, & imperio & vita privatus est. *Nicetas lib. 2.*

176. Euphrosyna Alexii Angeli Imp. Byzantini uxor, cum futura cognoscere vellet, in nefarias divinationes incumbere, & multa illicita peragebat. Itaque ænei apri  
Caly-

Calydonii rostrum præcidit, qui setis horrentibus & exertis dentibus leonem in Hippico invadere conspiciebatur: & inclytum Herculem, pulcherrimum Lysimachi opus, qui leoninæ pelli incumbens, capite in manum inclinato, suas fortunas deplorabat, multis verberibus affecit. Neque hoc contenta, aliarum quoque statuarum partes aliquas mutilabat, nonnullis capita malleis contundebat. Unde quidam ex circumforaneis, aves humanarum vocum imitatrices sedulo edocuerunt, ut in triviis & angiporis vulgari voce canerent, politicam iusticiam. *πολιτικὴ τὸ δίκαιον. Nicetas.*

177. Sub Galerio Maximino Christianorum persecutore erat Athenis Theotecnus quidam, incantator, & Christianorum hostis infensissimus. Is omnem tum movit lapidem, ut Christiani apud Imperatorem deferrentur, & accusarentur. In quam fraudem Idolum Jovis, incantationibus, ac prestigiis suis hæc verba sonare facit: Edicere Jovem, ut Christiani in exilium extra civitatem ac civitatis agros, tanquam sibi inimici, expellantur. Impii Magi astus sub impio Principe effectum suum facile obtinuit. *Eusebius libro 8.*

178. Jason Æsonis filius, nepos Pelix Theſſalorum Regis, aliquid agere optans memoria dignum, Perſei & aliorum præclara

clara facta imitari voluit. Pelias ejus desiderio assensit, non ut adolescentis gloriam augeret, sed sperans illum citius in belli expeditione periturum. Fratrem enim Æsonem timebat, ne quando filii ope, sibi regnoque insidiaretur. Pollicitus interim belli auxilia, si expeditionem pararet in Colchos, ad vellus aureum rapiendum. Habebatur tunc Pontus à barbaris ac efferis nationibus, insensisque hospitibus cum omnes advenas eò navigantes interficerent. Jason ergo juxta Pelium montem navem ædificavit magnitudine atque apparatu longè majori, quàm quæ ad eam diem fieri consueverant. Erat enim antea parvarum navicularum usus. Diffusa per Græciam ejus rei fama, multos egregios adolescentes ultrò ad certamen, & ejus belli communionem allexit. Jason optimos eorum qui secum ire appetebant, elegit, numero quatuor & quinquaginta. Ex his clarissimi erant, Castor & Pollux, Hercules, Telamon, Orpheus, Atalanta Schœnei, præterea Thespīi filii, & ipse navigii autor Jason. Navis Argo dicta est, ab Argo ejus architecto, qui etiam inter navigandum ejus resarciendæ curam ceperat, vel ab ejus præcipua velocitate, quoniam antiqui velox argon appellabant. Ducem sibi præfecerunt Herculem, fortitudine & virtute præstantissimum. Divulgata

vulgata fama, omnes qui cum Jasone in Pontum navigarant, occidione occisos: Pelias primò Jasonis patrem sanguinem tauri bibere compulit. Fratrem Promachum adhuc puerum occidit. Alcimede mater morti destinata, virili animo rem ausa memoratu dignam, cum ad interiora Regiæ confugisset, orans Deos, ut tantæ impietati merita præmia darent, ense pectus transfixit. Jason in Thessaliam reversus, Argonautis suam operam ad tantum scelus ulciscendum pollicentibus, urbem oppugnare volebat. Medea pollicita est suis se Peliam necaturam dolis, regiamque se illis sine periculo tradituram, simul quæ actura esset, singulatim cum prædixisset, à regia maritimæ speculæ custodibus signum perfectæ rei se daturam asseruit, fumum die, noctu ignem. Parata igitur cava Dianæ imagine, varia venenorum genera in ea abscondit. Deinde capillos suos quibusdam medicamentis canos reddens, ita faciem corpusque rugosum effecit, ut aspicientibus anus videretur. Sumpta deinde Dianæ statua, in urbem profecta, omnes ad superstitionem commovit, tanquam ab Hyperboreis venisset, & Regis & civitatis bono. Cum singuli Deam sacris venerarentur, universus tanquam debacchatus populus, Medeam in Regiam deduxit. Hæc res & Pelix superstitionem injecit, & filix in



cum stuporem Medæ præstigiis deductæ sunt, ut persuaderentur, præsentem Deam felicitatem Regiæ præbituram. Asserebat enim, Dianam à Draconibus per aërem delatam, magnam orbis partem circumisse: ut autem perpetuò coleretur, elegisse omnium Regum piissimum. Mandasse insuper sibi Deam, ut senectam Pelix quibusdam pharmacis ablatam, in adolescentiam verteret, multorumque annorum vitam beatam diisque acceptam præberet. Ad quæ verba cum Rex obstupesceret, iussit Medeam in seipsa, ut fides ei haberetur, quod dixerat, experiri. Illa petens, ut pura ab una ex filiabus afferretur aqua, cum se in thalamo inclusisset, unxisset corpus, herbarum viribus in priorem ætatem restituta est. Fecisse quoque asserunt eam quibusdam incantationibus, ut Draconum specie Dea per aërem ab Hyperboreis vecta, apud Peliam divertere videretur. Pelias plurimi Medeam faciens, diligenter filias obsequi eidem imperavit, quicquid circa sui corporis curam mandaret. Sequenti nocte cum Pelias dormitum iisset, ajunt dixisse Medeam, necesse esse ut Pelix corpus in vase æneo coqueretur. Quod cum acturæ essent virginnes, una experimento aliquo fidem verbis suis fieri postulavit. Aries aderat, multis annis domi nutritus, quem virginibus pollicita

licita est, si illum prius decoxisset, in integrum se postea restitutura. Cum virgines annuissent, ferunt Medeam arietis decoxisse corpus, in frustra divisum, ac medicamentis quibusdam ex lebete agni speciem eduxisse. Quo facto, fide Medæ habita, reliquæ omnes patrem pulsando occiderunt. Sola Alceſtis, ob insignem pietatem, à genitore abstinuit. Tum Medeam dicunt, ne Pelix corpus aut inciderent aut coquerent, edixisse. Simulans verò prius votum Lunæ esse faciendum, virgines super culmen Regiæ cum lampadibus ascendere secum jussit. Ibi Colchorum lingua longa ad terendum tempus oratione habita, signum dedit Argonautis, rei conficiundæ tempus adesse. Illi igne è specula conspecto, existimantes, Regem defunctum, cursu urbem petentes, mœniaque ingressi, strictis ensibus ad Regiam profecti sunt, vigilibus qui obstiterant interfectis, &c. *Diodorus lib. 4. cap. 3.*

179. Johannes Teutonicus magni nominis olim, patre natus presbytero, eruditionis opinione ad Halberstatensem Canonicatum, ad quem alioqui non nisi nobiles, & loco nati legitimo, admittuntur, conscendit: Cæterum quia à collegis ob generis ignobilitatem spernebatur, convivio excepit illos splendido, & captata occasione

Vellentne singuli suos videre patres? interrogavit. Id cum illi se vehementer cupere dicerent, arte magica umbras excitavit deformes, coqui, stabularii, morionis, rustici personam gestantes, quarum facies in paternis ædibus aliquando se vidisse fatebantur. Ad extremum Teutonicus suum quoque patrem excivit, habitu Canonici aquiliculo pingui. Dimissis umbris, Eccujus tandem patrem nobiliorem esse judicarent? convivas interrogavit. Illi metu territi, pudore suffusi, suas quisque domos repetivêre, & Johanni porrò, si non natalium, at virtutis tamen commendatione clari, molesti esse desiêre. *Iohannes Agricola in Proverb. German.*

180. Refert Nicolaus Venetus in *Indica Historia*, Nauclerum Indum cum cessassent venti, invocato, ut ipse appellabat, Deo Muthian, tandem in Arabum quendam illum descendisse, correptumque hominem exclamasse, per navimque currentem ad tabulam, quæ hac de causa malo apposita erat, accessisse: Carbones quoque qui ibi aderant devorasse, & galli sanguinem petiisse, quem protinus jugulato gallo exuxit. Inde rogasse, quidnam peterent? Respondente Nauclero, Ventos. Et qua ex parte? Ex Occidente. Illos intra triduum daturum se pollicitus est. Admonuit quoque eos, ut in occasio-

caſionem parati eſſent. Soluta conjuratione, Arabs nullius eorum quæ vel prædixerat vel paſſus fuiſſet, memor erat: Tempore tamen conſtituto, omnia ex ſententia ſucceſſerunt. *Cardanus de ſubtilitate, libro de Dæmonibus.*

181. *D. Hieronymus in vita Hilarionis eremita ſcribit:* Gazenſis emporii oppido, virginem Dei vicinus juvenis deperibat. Qui cum frequenter tactu, jocis, nutibus, ſibilis, & cæteris hujusmodi, quæ ſolent morituræ virginitatis eſſe principia, nihil profeciſſet, perrexit Memphim, ut conſeſſo vulnere ſuo, magicis artibus rediret armatus ad virginem. Igitur poſt annum, doctus ab Æſculapii vatibus, ſubter limen domus puellæ tormenta quædam verborum, & portentofas figuras ſculptas in æris Cyprii lamina defodit. Illicò inſanire virgo, & amictu capitis abjecto, rotare crinem, ſtridere dentibus, inclamare nomen adoleſcentis: magnitudo quippe amoris eam in furorem verterat. Perducta à parentibus ad Monafterium, ſeni traditur, ululante ſtatim & conſistente Dæmone: Vim ſuſtinui, invitus ſum abductus, quam benè Memphis ſomniis homines deludebam? O crucces, ò tormenta quæ patior. Exire me cogis, & ligatus ſubter limen tenuor. Non exeo, niſi me adoleſcens, qui tenet, dimiſerit.

Tum senex : Grandis ait , fortitudo tua , qui licia & lamina strictus teneris. Dic quare ausus es ingredi puellam Dei ? ut servarem , inquit , eam virginem. Tu servares , proditor castitatis ? Cur non potius in eum qui te mittebat , es ingressus ? ut quid respondit , intrarem in eum , qui habebat collegam meum , amoris Dæmonem. Noluit autem sanctus signa jubere perquiri , ne aut solutis incantationibus recessisse Dæmon videretur , aut ipse sermoni ejus accommodasse fidem , asserens , fallaces esse Dæmones & ad simulandum esse collidos. Severè autem reddita sanitate increpuit virginem , cur fecisset talia , per quæ Dæmon intrare potuisset ? *Hæc Hieronymus.*

182. Cum severis legibus Pontifici Adriano VI. minime pestilentia coërcenda videretur , contactu agrorum ita exaruit , ut multa funera in compitis viserentur , appareretque vastari urbem haud multo dierum spatio : nisi Græculus quidam , nomine Demetrius Spartanus , sedandæ pestilentiae , favente ei turba hominum , negotium suscepisset , nemine superstitionem vetare ausa : Nam ferum taurum , cui dimidium cornu disseccarat , magico carmine dextram in aurem prolato , repentè ita mansuefactum reddidit , ut injecto tenui filo ad integrum cornu , quò vellet perducens , pestilentiae placando

cando numini ad amphitheacum immolavit. Nec credulæ multitudinis spem ex toto fefellit, cum ab ea inanis sacrificii prospera litatione, mitescere morbus cœpisset. *Iovius lib. 21. Histor. De ea re, & observatione & animadversione digna, sic scribit Cognatus*: Anno Christi 1522. gravissima pestilentia Romam invaserat. Ibi tum Græcus quidam promissa barba, aspectu tetrico, ἀλεξιγὰγρ se fore professus est, si XXX. aurei nummi sibi posterisque in singulos menses constituerentur. Romani conditionem acceptant, Is nigrum taurum adduci, fontem in suburbio novum reperire jubet. Nocte intempesta ad radices Marii montis profectus, quo in loco & taurum paratum & fontem invenerat, funem texere aggressus est, texendoque nunc alta voce, nunc submissa nescio quid græcè immurmurabat, sonitum vocis multis qui spectatum convenerant, audientibus. Post hæc conjecta in cervicem tauri fune, ferunt illum repente mansuefactum ter circa fontem perduxisse. Deinde prostratum nulla vi ter dextro pede calcasse, atq; illi demum minimè reluctanti cornua absecuisse. Quibus peractis, taurum per septem urbis portas, & per septem celebres vias à pastoribus deduci jussit, postea dimitti, ut in campos & ad pascua nota regrederetur. Ajunt qui interfuerunt, qua ille hora attollens in cœlum oculos,



oculos, nescio quid insusurrabat, visa fuisse decidentia sidera, & innumerabiles canum, luporum, atque id genus animalium imagines passim volitare, &c. His in hunc modum confectis, magus in urbem reversus, egit cum Romanis Magistratibus, ut publico edicto caveretur, ne quis in triduum quadrupedem bestiam mactaret. Antistites, qui tum urbe aberant, Græcum impostorem comprehendi, & in carcerem duci jubent. Ægrè populi minis dimissus, sed æterno multatus exilio: Liber magicus, quo utebatur, publicè exustus est. *Gilbertus Cognatus lib. 8. Narrationum.*

183. *Antonius Benevemus libro 8. de abditis morborum causis ita scribit: Mulier sextum decimum agens annum, ab ima ventris parte dolore exorto convellebatur manibus: cumque in horrendum clamorem erumperet, intumescebat illicò totus venter, adeò ut uterum crederes gestasse octo menses; & voce exhausta, ubi per totum cubile hinc inde rejectans sese, & plantas interdum cervici connectens resilliebat in pedes, iterum procidens ac exiliens, istud ipsum identidem factitabat, quoad paulatim ad se reversa, quoquomodo recrearetur. Interrogata quid egisset? penitus ignorabat. Nos vero ejusmodi morbi causas inquirentes, arbitrati sumus hoc malum ex*  
*matricis*

matricis suffocatione , & vaporibus malis  
 sursum elatis , ac subinde cor & cerebrum  
 ferientibus , provenire. Sed cum medica-  
 mentis nihil promoveretur , ea ferocior fa-  
 cta, ac torvis oculis circumspiciens, tandem  
 prorupit in vomitum , quo longiores & re-  
 curvos clavos , æneasque acus unà cum cera  
 & capillis conglomeratis rejecit, & novissi-  
 mè ex jentaculo frustum tantæ magnitudi-  
 nis, quale integrum nullius deglutiissent  
 fauces. Cumque idipsum sæpius etiam viden-  
 te me facitasset , teneri eam arbitratus spi-  
 ritu malo, qui dum hæc ageret, spectantium  
 oculos perstringeret. Quare Ecclesiasticis  
 medicis commendat, manifestioribus dein-  
 de signis & argumentis comprobavit. Nam  
 & nos eam vaticinantem audivimus , & ea  
 præterea agentem vidimus, quæ omnem  
 morbi vim supergressa , humanum etiam  
 captum excederent.

184. *Commemorat Cardanus de varie-*  
*tate rerum libro decimo-quinto* , probum  
 quendam Rusticum & amicum, qui facilius  
 decipi poterat quàm decipere , sibi ipsi nar-  
 rasse, quòd morbo incognito plures labora-  
 rit annos : quo tempore excantationibus  
 sæpius vitrum , clavos & capillos evomuis-  
 set : & quanquam demum restitutus fuisset,  
 tamen in eum diem quo hæc referret, senti-  
 re se in ventre asserbat maximam vitri  
 con-

contracti congeriem, sonumque non levem, quasi quis saccum vitri fragmentis plenum concuteret, à quo non parum vexaretur: tum verò singulis octodecim noctibus, septima hora, etiamsi horarum numerum non observaret, totidem ictus annis octodecim, quibus jam sanatus fuerat, in corde maxima cum molestia perferre. Quis in eo organo, Diaboli ludibriis ob simplicitatem apto, non videt Dæmonis actus, præstigias & vexationes priores & posteriores. *Verus lib. 3. cap. 7.*

185. In pago Levenstet, sub Duce Brunsvicensi, puella nomine Margarita, Henningi Achils filia, annum agens vicesimum, anno 1562. die D. virginis visitationi sacro, calceos abstersura, cultrum extrahit, seque in humiliorem sedem demittit, propterea quòd viribus diuturna febris consumptis, imbecillior adhuc esset. Præter opinionem domum ingreditur vetula, num puellam febris etiamnum fatigaret? rogans, & quomodo sese ex morbo haberet? Responsum illi fuit à puella, Rursum extra ædes nullo verbo facto egreditur. Calceis mundatis, cultrum in sinu deponit, qui cum postea studiose ab illa quæreretur, horribili specie canem nigrum sub mensa ventri incubantem animadvertit, qui cum fremitu dentes ostentans abiit. Mox puellæ videbatur à capite  
versus

versus dorsum defluere quiddam tanquam humoris frigidi, cui etiam accedit animi deliquium, perduratque ea velut mortua sine sensu ad diem tertium, quo tandem non-nihil respirare cœpit, & se certo certius scire affirmavit. cultrum illum, è sororis vagina à se extractum, in sui corporis latere sinistro defixum hæere, eo enim se in loco dolorem persentiscere: à quo ita exercebatur, ut totam incurvatam baculo inniti oportuerit. Post tres menses prominere cœpit in sinistro latere, supra lienem, intra infimas duas costas spurias, vomica, ovi ferè gallinacei magnitudine, & lunæ instar: cuius incremento aut decessu, vel intumuit vel resedit. Tricesimo Junii erupit ex ulcere tanta copia puris, ut tumor nonnulli se remisit, & inde cuspidem velut cultri apparuerit. Chirurgus Ducis Henrici ex arce Wolfenbûttel accersitus, cultelli cuspidem sub costis prominentem instrumentis traxit, & ulcus sanavit. 10. *Vierus lib. 3. cap. 12. de præstig. Damon.*

186. A Christi nativitate 1539. in quodam Eistettensis Episcopatus pago Fugesthal, Ulricus *Newseffer* agricola, cum crudelibus dolorum tormentis circa alterum hypochondrium conficeretur, subitò clavum ferreum sub illâsa cute manu apprehendit, quem Chirurgus illic balneator novacula

cula exciderat : nec tamen cessârunt dolores, sed indies magis in crudeſcebant. Quapropter cum nec aliud doloris remedium fore miſer, quam mortem ſuſpicaretur, arrepto cultello, ſibi guttur abſcidit. Itaque dum tertio die ad ſepulchrum mortuus efferretur, aderant tum Eucherius *Rosenbader* ex Weiſſenburg Noricorum oppido, ac Johannes ab Ettenſtet balneator, qui aſtante magna hominum frequentia, demortui agricolæ ventriculũ inciderunt, in quo lignum teres & oblongum, quatuor ex chalybe cultros, partim acutos, partim inſtar ferræ dentatos, ac duo ferramenta aſpera reppererunt, quorum ſingula ſpithami longitudinem excedebant : aderat & capillorum inſtar globi involucrum. Sed quid potiſſimum hîc admiraberis ? an quomodo tot & tanta ferramenta in ventriculi cavitare contineri potuerint, an qua arte ſint ingeſta : certè non alia, quàm Dæmonis aſtu & dolo. *Ioan. Langius lib. 1. Epistol. medic. 28. & Vierus lib. 3. cap. 8. de praſſig. Daemonum.*

187. Religioſus quidam, Heſſdinenſis pagi incola, in Leodiienſi agro, cum religionis gratia Hieroſolymam perrexiffet, poſt comites Hieroſolymis ſubſtitit, ut Paſchatis die divina illic celebrari, quæ alii omittebant, audiret. Veritus autem poſtea,  
ne

ne trajiciendi in Europam facultatem ob  
eam moram amitteret, Joppen ad mare  
properabat. Itaque defessus in itinere, equi-  
tem offendit, qui misericordia se motum  
ostendens, eum in equi tergum accepit, ab  
eoque eo ipso die, magna omnium suorum  
admiratione, in pagum suum Hesdinum  
perductus fuit. Ibi re exposita, ut contigerat,  
cum accolæ aberrare eum à recta mente  
putarent, in Hispaniam ad S. Jacobi fanum  
profectus, atque inde reversus est, priusquam  
ab Hierosolymis comites in patriam regre-  
derentur. Ab eis cum esset affirmatum, post  
ipsum eum Hierosolymis substituisse, tunc  
quod ille de reditus celeritate narraverat,  
fidem cœpit habere. *Fulgosius lib. 1. cap. 6.*

188. *Boccatus refert de nobili Lombardo*, qui Hierosolymitanæ militiæ nomen  
dederat, ad occupandam terram Sanctam:  
discedensque conjugii suæ partem annuli si-  
gnatorii reliquerat, cum hoc pacto, ut si  
intra triennium ab ea die non rediret, uxo-  
ri liberum foret, arra hac & symbolo ne-  
glecto, alteri marito nubere. In Judæa ca-  
ptus, ac in Ægyptum adductus, Sultano  
(quem jam olim in Europa peregrinan-  
tem, attramen ignotum, hospitio receperat  
pater ejus) propter parentis hospitalitatem,  
virique prudentiam ac dignitatem, mox ad-  
eò placuit, ut probatis diutina familiaritate  
ejus



ejus moribus, cum omnibus rebus suis præfecerit. Vertente triennio, in extremam incidit tristitiam. Cujus causam Sultanus expiscatus, Magum advocavit, qui illum in lectulo precioso consopitum, & magna auri gemmarumque vi onustum, postrema trium annorum nocte Papiam in summum templum deferendum curavit. Ædituus eo conspecto trepidus fugit, ac cum aliis de spectro narraret Ægyptio, obvium eum habuit ad ædes uxoris properantem, jam ab alio sponso vesperi domum ducendam.

189. *Iohannes Baptista Porta Neapolitanus, lib. 2. Magia natural. sic scribit:* Incidit mihi in manus vetula quædam (quas à strigis avis nocturnæ similitudine, Striges vocant, quæque puerulorum sanguinem è cunis absorbent) spontè pollicita, brevis mihi temporis spacio allaturam responsa. Jubet omnes foras egredi, qui mecum acciti erant testes, spoliisque nudata, tota se unguento quodam valde perfricuit, nobis è portæ rimulis conspicua: sic soporiferorum vi succorum cecidit, profundoque occubuit somno. Fores ipsi patefacimus, multum vapulat, tantaque vis soporis fuit, ut sensum eriperet. Ad locum foras redimus, jam medelæ vires fatiscunt, flaccescuntque. A somno se vocata, multa incipit fari deliria, se maria montesque transmeasse, falsa

se, falsa depromens responsa. Negamus, instat: livores ostendimus, pertinaciter resistit magis. *Hæc ille.*

190. Apollonium Tyaneum anulos ab Jarcha principe Gymnosophystarum dono datos, instar Numinis habuisse ferunt: ita ut singulis diebus per vices variatis, maximorum secretorum particeps fieret. *Alex. ab Alex. lib. 2. cap. 19.*

191. *Augustinus de civit. Dei lib. 18. cap. 18. inquit* : cum essemus in Italia, audiebamus de quibusdam mulieribus stabulariis, malis artibus imbutis, quæ caseo quibus vellent viris dato, eos illico in jumenta verterent, ad necessaria onera portanda: perfuncta opera, ad se redibant, omnium eorum, quæ illis interea accidissent, recordati. *Idem quoque Apuleius in libris, quos aurei asini titulo inscripsit, sibi ipsi accidisse tradit*, ut veneno accepto, humano animo permanente, asinus fieret, &c. Sed præstigias has esse & Dæmonum ludibria mentem & sensus hominum inani specie decipientium, constat.

192. *Refert Vincentius in Specul. Natur. lib. 3. cap. 109.* & Guilielmus Mamulbruciensis Monachus in sua historia, tempore Petri Damiani fuisse duas vetulas in via publica, qua Romam itur, quales Augustinus appellat stabularias, id est, transeuntes

res ad hospitia pro mercede suscipientes (nam stabulum propriè hospitium venale & publicum dicitur) quæ in uno commorantes tugurio, una quoque arte malefica imbutæ, hospitem quandoque solum advenientem, inequum, vel suem, vel asinum mutabant, & certo precio mercatoribus divendebant. Quodam die juvenem, histronicis gesticulationibus victum exigentem, hospitio exceperunt, & in asinum verterunt, multum eo lucri facientes, qui gestuum miraculo distineret transeuntes: nam ad anus mandatum nutumque quocunque modo movebatur. Non enim illi intellectus perierat, sed loquela. Ingentem inde quæstum fecerant vetulæ. Quo cognito vicinus carè asinum redimit. Cautio tamen hæc à mulierculis adhibita est, ut custodirerur ne in aquam descenderet. Servatus est diu ab aqua, & tandem incautiores nactus custodem, in lacum proximum se coniecit: & ibi se aliquamdiu volutans, propriæ restituitur formæ. Cumque ab eodem obvius sciscitaretur ejus custos, num asinum vidisset? ille se esse respondit. Famulus ad herum retulit: Herus ad Leonem P.P. Convictæ anus idem fatentur. Dubitantem Papam confirmavit Petrus Damianus, vir eruditissimus, prolato exemplo de Simone Mago, qui suam Faustianiano imaginem impresserat.

193. Michaël Verdunus, & Petrus Burgottus pastores, inito pacto cum Dæmone, in lupos, quando vellent, unguento certo adhibito, sese mutari, & homines simul aliaque animalia jugulare, cum lupis coire imaginabantur. Exusti sunt vivi in Diœcesi Bifnutina, anno Christi 1521. *Vierus lib. 5. cap. 10. de præstig. Daemon.*

194. Anno 1348. octavo Calend. Februarii, in Norico, quæ Pannoniæ, Illyrico, Dalmatiæ, Carnis, Histriæque continuatur, maximus terræmotus exortus, continuè durabat, nec ante dies quadraginta sistebatur, varietateque terra quatiebatur, miraque edebantur opera. Moravia, Boiaria superior sensit, sex atque viginti urbes & castella prostrata esse, in acta ejus anni relatum est. Homines cum pecoribus interierunt, mœnia, templa, ædes subversa sunt, totæ urbes corruerunt, montes abrupti cladem insuper eam pressere. Nam duo montes concurrerunt, urbibus devoratis, agrorumque tractu hausto, villæ elisæ, animalia permulta, quæ intra fuerant, exanimata sunt. Hiatus subsecutus partim remansit, partim cuncta sorbuit, ita inducto solo, ut nulla vestigia extant. Quinquaginta amplius homines & rusticas, multas item gentes cum vaccis extinctas diriguisset, & corpora à Spiritu terreno in Salarias statuas redactas, apud Charinos, hæc-

hæcque simulachra sibi & Cancellario Austriaco conspecta esse, refert Conradus de Meidenburg, ejus tempestatis insignis Philosophus & Mathematicus. *Aventinus Annal. Boiorum lib. 7.*

195. Egillus Sueonum & Gothorum Rex, cum esset strenuus justiciæ & æquitatis cultor, non paucos procures, quibus ea severitas minimè placebat, offendit. Hi furiosum taurum magicis incantationibus procuratum, Regi publica via incedenti objecerunt, à cujus cornibus imperitus, vitam pariter & scepra reliquit, *Iohan. Magn. lib. 8. cap. 13.*

196. Retulit Philippus Melanchthon, se ex viris fide dignis, Christophoro Gress, & Sigismundo Gelenio audivisse, Virginem quandam Bononicam, biennium post mortem inter homines versatam, convivisque ad quæ vocabatur, interfuisse, sed parum cibi degustasse. Et cum aliquando inter alias virgines incederet, forte adest Magus, qui Diabolicam fraudem agnoscens, ad astantes ait: Virgo hæc pallida mortua est, protinusque ad eam accedens, submovet sub dextro humero fascinum, quo sublato, turpe cadaver concidit. Illud fascinum ab alio Mago erat impositum, Diabolusque corpus hoc toto tempore circumgestavit.

197. Erf-

197. Erffordiaë insano virginis amore juvenis studiosus correptus, ex amoris impatientia sui porro compos non erat. Huic sodalis erat magicæ artis peritus, qui ipsi pollicetur, quatenus omni complexu prorsus abstinere velit, se arte sua perfecturum, ut virgo, cujus amore ardeat, præsto coram ipso appareret. Omnem alter promittit continentiam. Nec mora, virgo pulcherrimathalamum subintrat, verbis & gestibus amabilem admodum sese exhibens. Quam ille visam, primo intuitu extra se raptus, affectibusque imperare impotens, perhumaniter amplectitur, statimque virgo mortua concidit. Quæ res supra modum ambos perturbavit. Suis tandem incantamentis Magus perfecit, ut Diabolus corpus ageret. Ex motu itaque Diaboli virgo domum reversa, laboribus consuetis intenta fuit, sed tota pallida, & verbum nullum proloquens. Triduo exacto, parentes sibi Theologos adhibuerunt, qui cum seriò eam alloquerentur, Sathanas è corpore exiit, cadaverque prorsus foetidum collapsum est. Sanguis est causa boni coloris, nec non Spiritus vitales, hos Diabolus creare non potest, sed solus Deus creator. *Ex colloquiis Lutheri.*

198. Anno Christi 1543. Italus quidam Andreas, præstigiator Sathanicus, hinc inde per sepulchra discurrens, canem rufum



& cæcum ducebat, per quem multa prodigiosè operabatur. Si quando in foro circumstante turba consisteret, annuli aurei, argentei, ferrei, à tergo canis in terram deponebantur, quos ubi Andreas iste contexisset, canis ex jussu ejus singulos ordine depromptos suis reddebat dominis. Eodem modo varias monetas, nummulosque confusè acervatos, jussus ordine discernebat. Interrogatus, quidam fornicatores, mœchi, avari, vel magna authoritate & potentia præditi essent, eos minime aberrans commonstravit, & si quid seorsim de aliquo ex ipso quæreretur, ad id nutu respondit. *Quare nonnulli affirmare non dubitabant, Spirituum Pythonico vel Satanico ferri Chron. Hed. parte 2.*

199. Valente Romanorum Imperium administrante feruntur Libanius Rhetor, & Jamblichus Procli Magister, divinatione galli gallinacei quæsisse, quis post Valentem Imperaturus esset? Ea porro hujusmodi esse perhibetur: Literæ viginti quatuor pulvere inscribuntur, & cuique granum tritici & hordei imponitur, deinde gallus, recitatis quibusdam carminibus dimittitur, & è quibus literis grana sumpserit, earum literarum inter sese junctarum, rem quæsitam declarare putantur. Quod cum illi fecissent, gallum ex literis, *Θ. Ε. Ο. Δ.* grana legisse

gisse viderunt, ambigua tamen habita est significatio. Nam vel Theodosius, vel Theodorus, vel Theodotus designari putabatur. Ea re cognita, ut supra diximus, Valens multos iis nominibus præditos, sibi suspectos, sustulit, iplis etiam divinatoribus quæsitis.

200. Johannes Faustus, turpissima bestia, & cloaca multorum Diabolorum, Cacodæmonem canis specie circumduxit. Wittembergæ, cum edictum principis, de capiendò ipso, promulgatum esset, evasit. Sic Norimbergæ, cum pransurus accubisset, æstuarè cœpit, statimque solvens hospitii quod debebat, abiit. Vix portis egressus erat, adsunt lictores, & de eo inquirunt. Factis tandem urgentibus, cum in pago Wirtembergensis Ducatus mœstus admodum federet, quælivit ex eo hospes, quæ mœroris causa esset? Respondit: Ne hac nocte terrearis, etiamsi ingentem strepitum, totiusque domus quassationem audias: Manè in conclavi suo exanimis, inversa cervice, jacuit. *Talia nimirum premia Satanas suis cultoribus solet reddere.*

201. Anno 1323. Fridericus Austriacus, Imperatoris titulum sibi vendicans, adversus Ludovicum Bavarum Imperatorem grave gessit bellum, in quo captus Fridericus, triennio in custodia detentus est. in arce vi-

cina oppido celebri ad Nabum fluvium Naburg. Interim Magus quidam Ducem Leopoldum, Friderici fratrem, accedens, promittit, se fratrem ejus Fridericum è custodia liberaturum, curaturumque ut intra horæ spacium salvus in Austriam deducatur. Leopoldus ingentia munera Mago isti pollicetur, quatenus id efficiat. Constituta itaque nocte, uterque circulum incantationibus magicis designatum ingressus est: Magus per suas adjurationes Spiritum accersit, qui in peregrini hominis specie apparens, mandatum adducendi Fridericum accipit, aitque se quidem facile & liberaturum & adducturum Ducem Fridericum, quatenus ille sequi non recusaturus sit. Protinus itaque noctu Spiritus captivum principem convenit, Frater inquit, tuus Leopoldus, me huc misit, ut te è custodia liberem. Quare properè surge, & equò huic inside, teque evestigio ad fratrem tuum abducam. Ad quæ respondit Dux Fridericus: Quis es tu? Ne queras quis sim, ait spiritus, sed citra aliquam dilationem equum conscende, quatenus ex hac custodia liberari desideras. Ibi ingens horror & pavor tam Fridericum, quam reliquos, qui cum ipso unà erant, invasit: cumque sanctæ crucis signo se munirent, evanuit spiritus, & ad Magum vacuus reversus est. *Chronic. Hedionis lib. 4.*

202. Ferunt anno Christi 1271. Johannem Teutonicum, Canonicum Halberstadenſem, Magicarum artium adeò peritum fuiſſe, equo ſuo avectus, ternas Miſſas in Vigiliis Nativitatis Chriſti celebrârit. Primam Halberſtadii, ſecundam Moguntiaë, tertiam Coloniaë. Multa de hoc Canonico ſcribuntur prodigioſa admodum, quæ per artem ſuam edidit.

203. Anno Chriſti 1272. Crucenatum ex inferiore Germania Magus admodum præſtigioſus advenit, qui publicè, inſpectante populo, in foro caput ſervo ſuo amputavit, idque poſt horam dimidiatam, corpori humi jacenti rurfus impoſuit. Viſus eſt sæpe cum canibus in aëre ſuſum deorſumque ferri, magnoque excitato clamore, venationis effigiem repræſentare. Sæpe etiam viſus eſt virum armis ferreis indutum, aliquando pluſtrum vini, vel ligni, unâ cum equis devorare.

204. Anno 1553. captæ ſunt duæ incantatrices, quæ per tempeſtates, grandinem & gelu, frugibus calamitatem inferre conatæ fuerant. Furto rapuerant iſtæ mulieres alterius vicina infantulum, eum diſſectum, ollæque injectum cocturæ. Divinitus autem accidit, ut mater infantulum quærens interveniret, atque in olla infantuli ſui membra diſſecta conſpicaretur. Captæ itaque

que duæ pestes, & per torturam examinatz, confessæ sunt, si coctio ista perfecta fuisset, secururam inde fuisse tempestatem, adeoque glaciem omnibus terræ fructibus extialem.

205. Anno 1558. in pago Ihenæ vicino Magus quidam, variis à Satana monstratis herbis, non paucos sanitati restituit, quin etiam quotidianum cum Satana commercium habuit, ejusque in curandis morbis consilio assidue usus est. Accidit autem, ut inter ipsum & vicinum ejus fabrum lignarium rixæ orirentur admodum graves, inter quas scommatibus aliquot acerbioribus Magi animum faber exasperavit. Elapsis deinde aliquot mensibus, faber in morbum periculosum incidit: Magum itaque rogat, ut oblitus præteritarum injuriarum, sibi gravi morbo confluctanti opituletur. Magus animum placatum simulans, dum operam suam ipsi pollicetur, interim illatas aliquando injurias ulciscitur, & portione ex radicibus & herbis venenatis cocta, ipsum uti jubet. Qua sumpta portione, faber infandos in corpore sensit cruciatus, iisque exstinguitur. Uxor itaque fabricum agnatis accusant Magum homicidii. Defertur causa ad senatum Ihenensem, Magus in vincula conjicitur, per tormenta examinatus, & homicidium hoc & alia scelera

lera, quodque à verula quadam in vicinia Hercyniæ sylvæ Magiam suam didicerit, confitetur. Propter quæ flagitia palo infixus, & combustus est. *Manlius in Collectaneis.*

206. *Martinus Lutherus, cum prolixius aliquando verbis in maleficarum mentionem incideret, referebat, matrem suam ab incantatrice vicina variis modis vexatam fuisse, sic ut omnem ei humanitatem exhibere, adeoque precibus ejus benevolentiam sibi conciliare necesse haberet. Nam infantulos ejus incantamentis lædebat ista Venefica, ut inter continuos clamores tantum expirarent. Cumque in genere concionator quidam, veneficarum taxans impietatem ad eam alluisset, incantamentis sic infestatus & infectus fuit, ut nulla salutis via relicta, ipsi pereundum fuerit. Nam terram de vestigiis ipsius abrasam, adhibitis incantamentis in fluvium abjecerat, citra quam ei succurri non poterat. Et cum ex Luthero quæreretur, anne fieri posset, ut piis etiam & fidelibus talia eveniant? Respondit: Maxime. Nam anima nostra subiecta est mendacio, & licet ea liberetur, attramen corpus morti & afflictionibus subiacet. Et persuasum sane habeo, quod & meæ ægritudines, ex permissu Dei per incantationes me infestent, Deus verò suos Electos conservat, liberans eos ab his malis.*



207. Duæ incantatrices in diversorio urnas duas aquæ plenas seposuerant, cumque circa vesperam consilia inter se conferrent, frumentone an vino calamitas sit inferenda. Forte hospes earum consultationem audiit, arreptaque urna utraque, clam ad lectum, in quo cubabant, accessit, & aquam super maleficas in lectum effudit, qua protinus in glaciem mutata, illæ extinctæ sunt. *Ad qua Lutherus*: Satanæ, inquit, magna est potentia in istis veneficis. Nam duobus modis Satanæ & maleficis potestatem facit Deus in homines grassandi: primum in impios, ut eorum peccata puniat: Deinde in pios & fideles, ut probet eos, num in fide constantes perseveraturi sint. Nam absque permissu Dei Satanas nullum detrimentum homini afferre potest: Ipse enim Dominus ait: *Qui vos tangit, tangit pupillam oculi mei. Et Christus: Citra voluntatem patris ne pilus quidem de capite vestro decidet.*

208. Alexander VI. cum Cardinalis esset, noctes diesque in eo totus erat, quomodo Pontificali potiretur dignitate, utque hujus voti sui commodius redderetur compos, ad Satanicam Magiam animum adjecit, operaque alterius Magi rem eò deduxit, ut cacodæmoni obedientiam polliceretur, quatenus quicquid ex eo quæsiturus esset, ad ea responderet: decernebatur etiam, quando

quando & ubi, in qua item specie, nempe Protonotarii, comparare debeat. Constituto itaque die, Satanas Protonotarii assumpta specie adest, quis esset Alexandro indicat, seque ei, quicquid interrogaturus sit, relaturum promittit. Quærit ille, Num Pontificalem dignitatem obtenturus sit? Quod cum Satanas affirmaret, porro quærit ille: Quam diu sit in tali dignitate regnaturus? Ad quæ Satanas eo modo respondebat, ut octodecim annis Pontificatum sibi promitti Alexander intelligeret. Verum undecim tantum annis regnavit, & diebus octo. Elapsis undecim annis, in morbum incidens, unum ex ministris superius conclave ingredi jubet, librumque mensæ impositum, in quo Magicæ docebantur artes & præstigiæ, sibi offerre jubet. Minister ascendens, apertis foribus, ibi Satanam in sella Pontificis sedentem, Papalique ornatu amictum, offendit: quo Spectro territus, recedit, & Papæ quæ viderit renunciat. Papa hæc audiens, eum denuo ascendere cogit, visurum, num adhuc Satanibus ibi Papa appareat. Reversum ministrum Satanas eodem adhuc sedens habitu compellat, quid sibi velit, ex eo quærens? Respondit Minister: Se ingressum, ut librum Papæ tradendum afferret. Ad quæ Satanas: Quid Papam dicis? Ego Papa sum. Hæc cum ex ministro ægrotans Papa audivisset,

visset, vehementer territus, quorsum jam res suæ tenderent facile intellexit. Itaque in interius conclave se deportari iussit. Quò ubi delatus est, protinus Satanas subsequitur, assumptaque veredarii specie, cum impetu fores pulsat, intromissus, Papam lecto affixum accedit, tempus elapsum esse indicans, aliò ex hac vita ipsum vocari. Unde contentio inter eos orta est, ex qua ii, qui lecto astabant, facile agnoscebant de annorum numero ipsis certamen esse. Verum Satanas evidentius ipsi explicata numerorum ratione abiit. Brevisque pòst, ipse quoque Papa, spiritum suum reddidit.

209. *Retulit Martino Luthero Georgius Spalatinus.* 1538. virginem quandam interplorandum lachrymarum loco, sanguineas guttas emisisse, idque ex incantatricis cuiusdam malitia effectum, qua præsente virginem, licet eam non conspiceret, huiusmodi lachrymas effudisse. Ad quæ Lutherus: Nullam hic pœnarum, ait, dilationem esse conveniebat, nec Jurisconsultos, qui nimis evidentia urgent testimonia, audientes. Porro hæc addebat: Oblatus, inquit, mihi intra hos dies casus fuit, concernens conjuges. Maritum suum Veneno interimere uxor conabatur, qui sumto veneno, lacertas per vomitum reddidit. Cumque mulier per tormenta hac de re examinaretur,

tur, nulla ex ea confessio extorqueri potuit. Veneficæ enim illæ mutæ sunt, tormenta nihili pendunt, adeoque Satanas ipse ora eis obturat. Cum verò res ipsa veneficii eas convincat, utique exemplum, ut aliis essent terrori, in ipsas statuendum erat. *Ex colloq. Lutheri.*

210. Ante annos aliquot suspensus est Magus, qui bis antea suspensus esse ferebatur, verum in cruce eo evanescente, stramina in fasciculum convoluta pependerunt. Idem cum vendidisset cuidam insignem caballum, monebat eum, ne ei insidens, festinaret aquas ingredi. Unde major emptorem incessabat cupido investigandi causam, cur aquas cum equo ingredi venditor sibi vetaret: protinusque caballum mersare fluvio volens, aquas ingreditur: sed in mediis undis jam hærens, fasciculo gramineo se insidere animadvertit. Quare excandescens ira, anhelus ad præstigiatoris hospitium contendit, qui emptor defraudati adventum præsentiens, in scamnum reclinato corpore somnum simulat. Emptor in hypocauftum sese irruens, crus illius arripit, quod dum vehementius attrahit, præstigiatorem violenta raptatione excitaturus, e corpore sibi visus est evellere. Territus itaque, projecto in terram crure, properè aufugit. Idem præstigiator persæpe venditis porcis,

qui in fasciculos deinde stramineos mutati sunt. hominibus imposuit. Tandem verò, divina justitia eum ad supplicium attrahente, Neoburgi cum duabus mulieribus (quæ ejus erant complices, nemineque observante, bona aliena furto ad se pertrahere, diabolicis usæ præstigiis, poterant) captus, & in vincula conjectus est. Mulieres istæ, & aliam quandam opulentam fœminam, quæ honestæ matronæ famam obtinuerat, ejusdem secum sceleris, tum in furando fallaciæ, tum fornicationis, quam cum præstigiatore exercuerit, ream esse confitebantur, quæ itidem in vincula conjecta est. Præstigiator primum inter tormenta quamvis gravissima, nihil est confessus. Cum autem indicasset, sibi & artem & spiritum in criminibus hærare, undiquaque iis detonsis, scelera confessus est, paucisque diebus post, primum duæ mulieres, deinde & Magus suspensi sunt.

211. Horrenda, & inprimis miranda exempla de potestate Satanæ, quam per organa sua, Maleficas, exerit, in *Malleo Veneficarum* ob oculos nobis ponuntur. Quamquam autem magna Satanæ est potentia, adeoque cum propter peccata & incredulitatem hominum ei permittitur, ut pro sua malitia in homines sæviam, tum ipsi etiam Deo nonnunquam placet, suos tentare & pro-

probare. Attamen certi nos sumus, etiam pilos capitis numeratos esse, nec ullum absque voluntate Dei defluere: Ideoque facile quatenus peccata vitantes in fide & precatione firmi constantesque perseveraverimus, adversus has Diaboli insidias potentiamque munire nos poterimus. Verum quoniam præcipuè sub Papatu ingentem sibi potentiam per maleficas ostendit Satanas, nec hodiernum in diem quiescit: ideo ex præmemorato libro, exempla aliquot, per quæ, Satanæ quanta sit potentia, tum quanto erga humanum genus flagret odio cognoscatur, hic modo recensere visum est. *Qui velit magnam eorum copiam in dicto autore evolvat.*

212. De fœda ista commixtione, quæ maleficis est cum Diabolis, vel loqui nefas est. Quisquis enim scire desideraverit, quomodo cum Diabolis turpes istæ pestes & bestiæ se commisceant, sæpe etiam deformes partus edant, & Satanica prorsus opera exercent, *is præter prædictum Autorem legat Augustinum, libro tertio de Civitate Dei, capite 2.*

213. Ratisbonæ, è duabus maleficis, quæ ambæ combustæ in cineris vertebantur, una confitebatur, eaque balneatrix, sese à Diabolo compulsam varias iniisse vias, viri cuiusdam honesti & prædivitis filiam, virginem



nem castam , seducendi , ut cum Sarana nefando coitu misceretur , eamque tandem sibi rationem visam fuisse commodissimam , ut virginem die festo invitaret in conclave suum , ubi Dæmon , in forma speciosi juvenis , cum ea colloquia misceret. Id cum sæpius attentasset , virginem sanctæ crucis signo se munientem , conatus hos semper reddidisse irritos.

214. Alia virgo in Diœcesi Argentinensi , cum die Dominica in paternis ædibus sola moraretur , accessit eam vetula quædam illius oppidi , quæ inter complura verba scurrilia eam ultimò hortata est , ut sese in locum , ubi formosissimi juvenes omnibus istius oppidi hominibus cogniti , congregati essent , sequeretur. Puella fœdis verborum illecebris decepta , vetulam in domum ejus sequitur. Quam cum ingressæ essent , vetula puellæ ait : Ad superiorem cameram , ubi juvenes , de quibus dixi , morarentur , ascendemus , sed cave te signo crucis munias. Puella se dicto audientem fore cum recepisset , vetulam per gradus sequitur , interim terrore quodam correpta , se precibus Deo commendat , signo crucis simul se muniens. Quod evanescentibus Dæmonibus facile sensit vetula , torvoque vultu pessima quæque puellæ præcæcata , eam ædibus extrahit. *Ibidem.*

215. Confessa quoque est balneatrix ista, cujus meminimus, se itidem à vetula quadam seductam, Dæmoni, quem in juvenis specie in via obvium habuisset, corpus suum prostituisse, cum ille in omnibus rebus promptam detulisset operam, paratumque semper officium: seque octodecim deinde annis, cum fidei abnegatione, Diabolicis spurcitiis inservisse.

216. In Diœcesi Brixienfi, juvenis Puella cujusdam amore tenebatur, quæ ut matrimoniali copula ei conjungeretur, vehementer instabat. Verùm juvenis nescio qua causa motus, ea spreta, aliam sibi uxorem despondit. Cum qua nuptias celebrans, pristini amoris non omnino immemor, amantiam illam priorem ad nuptias quoque vocat, quæ comparere haud detrectavit. Cum autem matronæ & virgines honestæ sua offerrent munera, ipsa quoque impudens bestia prodit, sublataque manu ad sponsam ait: Ab hoc die parum admodum prospera frueris valetudine. Quæ quidem verba tum non magni æstimabantur, cum impudentis scorti nota esset levitas. Finitis autem nuptiis, nova nupta veneficiorum vi omnium membrorum vires amittit, & per decenniū afflictissima mulier lecto mixta, vitam egit ærumnosissimam. Quædam quidam illustri genere We-straviensis territorii, in finibus Argentinensis

sis Diocesis, cum uxorem duxisset illustri loco natam, eam, naturalibus ad procreandam sobolem viribus per veneficia privatus, cognoscere haud valuit. Elapso jam à nuptiis triennio, dum propter expedienda quorundam negotia civitatem Metensem transiret, forte ibi incidit in mulierem quandam, quæ ante annos aliquot, priusquam uxorem duxisset, ejus fuerat concubina, quam ille visam, nihil mali de ea, vel de veneficiis, quibus affligeretur, suspicans, blande pristini amoris recordatus alloquitur, & quomodo res ejus haberent, ecquid bellè valeret, ex ea sciscitatur. Illa pietatem Comitum animadvertens, vicissim eum de sui corporis valetudine interrogat, quo respondente, & benè & prosperè sibi cuncta succedere: illa attonita paulum siluit. Quod ubi sensit Comes, blandis eam verbis ad confabulandum invitat. Quæ de statu uxoris quærit: & illam belle se habere respondet Comes. Rursus illa, Num liberos etiam ex ea sustulisset quærit? Ibi Comes, Tres, inquit nati sunt mihi pueri masculi, quolibet anno filium unum genuit. Ibi magis stupefacta illa siluit. Comes autem, rogo te charissima, inquit, cur accurratè adeò de rerum mearum statu inquiris, nec enim dubito, quin meæ felicitati gratuleris. Tum illa: Verè gratulor, sed maledicta sit Vetula  
ista,

ista, quæ sanctè juravit, effecturam se veneficiis suis, ut carnalem actum cum uxore nequaquam exercere possis. Cujus rei indicium tibi præbebit puteus, qui est in medio Curia vestra, in quem conjecta est olla, veneficiis referta, de qua certò affirmabat vetula ista, fore, ut quam diu ibi lateret, coeundi potentia tibi deesset: Sed vana fuisset omnia nunc demum intelligo & gaudeo. Comes his auditis, re callidè dissimulata, properè domum contendit, puteumque jubens exhauriri, ollam reperit, qua exusta, vites suas pristinas recuperavit. *Ibidem. De modo, quo membra virilia malefica auferre solent, lege in Malleo veneficarum cap. 7. parte 2. Nullo modo credendum est, talia membra avelli, aut segregari à corporibus, sed arte prestigiosa per Damonem, ut nec videri aut tangi valeant, occultari.*

218. In oppido Bressiaco Batiliensis dioceseos, juvenula, quæ deinde conversa est, per materteram suam veneficarum cœtui aggregata fuit. Deducebatur à matertera (quæ Argentina combusta fuit) in superiorem domus cameram, ubi quindecim juvenes viridi amictu insignes una erant. Ibi ad puellam ait vetula: Elige tibi ex his quem volueris, & ipse se tibi sponsam assumet, quod cum illa recusaret facere, graviter vulnerata tandem acquievit. *Ibidem cap. 2.*

219. In

219. In Basiliensi diœcesi plebanus in villa *Oberweiler*, qui ejus erat opinionis, nullas esse in mundo maleficas, festino cursu pontem transiturus, obviam simili importunitate quandam vetulam habuit, quam, dum ei cedere nollet, de ponte in lutum detrussit. Unde indignata vetula, in verba contumeliosa prorupit, inquiens: *Pfaff*, impunè haud sic auferes. Quæ verba cum ille floccipenderet, nec satis intelligeret, domum reversus, noctu infra cingulum ita enervatus est, ut lecto surgere nequiret: cumque à duobus, quoties vel ad Ecclesiam vel ægrotos accederet, sustentari necesse esset. Quæ afflictio cum durasset triennium, vetula ista, quam suspectam non immeritò habebat, in morbum incidit. Sacerdotem itaque accersi jussit, ut ei peccata sua confiteretur, qui licet primum id facere recusaret, persuasus tamen à matre sua, per duos villanos inter brachia sustentatus, domum ejus accessit, eamque peccata confitentem audit. Cum autem inter confitentem nullam de veneficio mentionem fecisset, peracta confessione ad Sacerdotem ait: Scisne à quo effascinatus, corpore incolumi uti nequeas? Cumque blandè responderet Sacerdos, se nescire: intulit illa: Tu me suspectam habes, nec immeritò. Malum enim, quo confictaris, tibi intuli, eò quòd  
ponte

ponte me dejectam luto intrusisses. Verum hora mihi præfinita jam adest, efficiam itaque, ut paucis diebus à morte mea sanêris. Quod ita evenit, nam illa juxta statutum à Dæmone terminum obiit, & infra triginta dies Sacerdos nocte quadam sanum se reperit. *Ibidem.*

220. In diœcesi Lausanensi, quidam maleficus, vicini domum gravi sterilitatis plaga affecerat. Non solum enim omnia jumenta & pecora, aliaque domestica animalia infœcunda erant, sed & materfamiliâs septies abortum passa erat, fœtu in utero per malefici istius hominis veneficia intercepto. Cùm denique capto quæstiones adhiberentur, fassus est, serpentem subter limen ostii domus defossum esse, quo amoto, plagam cessaturam, Quod cum factum esset, fœcunditas universæ domui restituta est. *Ibidem cap. 6.*

221. In oppido *Reichshoffen*, viri præpotentis uxor, cum impregnata esset, obstetricem aliquot septimanas ante partum ad se recepit. Famolissima autem in eodem oppido erat venefica, à cujus congressu & colloquiis ut sibi caveret gravida, ab obstetrice monebatur. Verùm interjectis aliquot diebus, cum animi gratia castrum egressa, mulieres quasdam in convivio congregatas accessisset, advenit & malefica ista, ventremque



que Dominæ, quasi salutationis gratia, ambabus manibus tetigit, subitoque vehementi cum dolore fœtum moveri in utero sensit. Territa itaque domum rediit, & obstetrici, quid sibi accidisset, narravit: Quæ consternata, Heu puerum amissimus, exclamavit. Quod, uti prædixerat, factum est. Nam nec abortum integrum, sed paulatim frustra, jam capitis, jamque pedum & manuum peperit. *Ibidem.*

222. In oppido quodam diœceseos Argentinensis, cujus nomen reticere modestia postulat, cum domi suæ quidam ex inquilinis ligna secaret, ecce catus portentosæ magnitudinis de improvviso ipsum impetit, quem cum ictibus abigeret, en alius immanior se priori jungit, adversus quos dum acrius pugnat, tertius quoque accedit, ita cum tribus immanis sævitæ felibus tantis pugnat viribus, ut è summis, in quas reductus erat, angustiis, non nisi vulneratis illis & in fugam actis, liberaretur. Quibus abactis, dum laborem suum persequitur, ecce duo accedunt lictores, eumque comprehensum ex judicis, qui gravi irarum æstu commotus, nec conspectum ejus tolerare poterat, mandato, in terrum carcerem abjiciunt. Necquicquam miser crebro ejulatu & gemitu suam testatur innocentiam. Judicisque ira indies augefcit, clamitantis nefarium

rium hominem scelera, quæ commisisset, agnoscere nolle. Triduum jam erat elapsum, cum Judex crebrò aliorum instinctu captivum Senatui judicandum offert. Productus ad Senatum cum esset, Judex eum intueri minimè sustinuit. Ille verò ingenua procumbens, audiri se obsecrabat. Ibi graviter eum judex increpabat, ut qui paucis ante diebus tres primarias ejus oppidi matronas vulnerasset, nec tamen scelus perpetratum velit agnoscere. Quæ miser audiens, se quoad vixisset, nullam unquam ulli mulieri intulisse injuriam testatur. Contra innotat Judex, factum esse notorium, graviter læsas mulieres decumbere, membrisque omni ex parte luxatis, nec vel latus propriis viribus mutare posse. Ille rursus mulieres à se læsas esse negat, sed memini, inquit, me eo die, quo comprehensus, & indicta causa in carcerem conjectus sum, à bestiis impeti, quas à me, quantis potui viribus, abegi. Quibus ejus verbis obstupefacti qui aderant. A quibus, inquiunt, bestiis? Ibi omnem ordine rem, ut gesta erat, recenset, detectaque veritate, ut honori matronarum consuleretur, rem omnem silentio premi petunt judices. *Ibidem cap. 9.*

223. In diœcesi Basiliensi, in confinibus partium Lotharingæ & Alsatia, vir integer

græ famæ verbis asperioribus in mulierem maleficam invehebatur. Illa indignata, vindictam se brevi de eo sumpturam interminata est. Quas ille minas licet parvipenderet, eadem tamen nocte pustulam collo accrevisse sensit, ex qua cum eam fricaret, tumor totam faciem & collum occupavit, corpusque horribilis lepræ species defœdavit. Sic affectus, cum vetulam de veneficiis suspectam haberet, accersitis amicis & consulibus, rem omnem minasque imprimis vetulæ exponit. Quid multa? Mulier capitur, adhibitis tormentis examinatur, crimenque fatetur: adhæc Judici diligentius de modo & causa inquirenti, Cum ira, inquit, fervens ob dicta contumeliosa, quibus ille me aggressus fuerat, domum reversa essem, offendi ibi spiritum malignum, causam tristitiæ ex me quærentem. Cui cum singula enarrâssem, & de vindicta apud eum instarem, interrogavit Dæmon, quo ergo malo hominem affici velim? Respondi, vellem ut facies ejus inflata, tumore perpetuo defœdaretur. Ibi, ait, Dæmon à me digressus plaga multo fœdiore, quàm petiissem, hominem percussit. Quod crimen ubi facta est, damnata in cineres fuit redacta. *Secunda parte cap. 11.*

224. In diœcesi Constantiensi inter Brisacum & Friburgum mulier leprosa multis audien-

audientibus referebat. se motis cum muliere alia rixis, cum nocte jam ingruente domum reverteretur, à calido sufflatam fuisse vento, qui ex opposita domo, quam mulier, cum qua susceperat contentionem, incolebat, ferri sibi visus esset, protinusque lepra pessima, à qua liberari non possit, infectam esse. *Ibidem.*

225. In diœcesi eadem, & territorio Nigræ sylvæ malefica, cum per struem lignorum à carnifice de terra sublevaretur, illa ad carnificem conversa, Dabo, inquit, tibi mercedem: Et simul cum his verbis in faciem Carnificis sufflans, totum ejus corpus fœda lepra percussit, ex qua paucis post diebus extinctus fuit. *Ibidem.*

226. Oeniponti mulier honesta, retrò domum cum viridarium vicinæ horto contiguum haberet, vicinamque frequenter, nec sine damno, eò penetrare deprehenderet, nec tamen cum ea, quam de maleficiis suspectam habebat, rixari auderet, illa sponte magna cum impudentia advolans, Tunc, inquit, suspectam me habes de transitu per hortum tuum? Cui altera, cum malefica rixari horrens, placidè his tantum verbis respondit: Gressus, inquit, in gramine, damna ostendunt. Ibi illa indignata, rixandi occasionem sibi nullam dari, cum murmure discessit. Paucis deinde elapsis diebus, altera

altera illa mulier immanissimis doloribus ventris, acutissimisque ex utroque latere torsionibus affligitur, adeò ut continuis doloribus tantum non confecta, indefinenter vociferatione & ejulatu vicinos omnes inquietaret. Cumque multi confluerent, qui eam consolandi gratia invisebant, inter ceteros & figulus accessit, qui cum vicinæ veneficia explorata haberet, & morbi hujus causam non aliam esse, quam veneficia deprehenderet, jussit maritum afflictae mulieris rimari, nunquid veneficiorum sub limine ostii inveniretur. Ibi inter varia veneficia cerea quoque imago, palmæ habens longitudinem inventa est, quæ undique perforata, duabus etiam acubus per transversum ex utroque latere transfixa erat, quibus veneficiiis amotis, & in ignem coniectis, mulier à gravissimis illis punctiõibus liberata est. *Capite 12.*

227. In Argentinensis diœceseos oppido Zaberino, deferebat ultrò operam suam in partu & puerperio obstetrix malefica mulieri cuidam piæ & honestæ, quæ partui jam vicina erat. Illa autem maleficiis infamem esse sciens, tam quidem placidis verbis eam à se dimittit, operam ejus sibi non ingratam fore simulans, instante deinde partu, ea neglecta, obstetricem accersit aliam. Ibi illa fœmineas iras pectore concipiens, no-

ctu,

Etu, elapsis à partu diebus octo, cum aliis  
 duabus mulieribus, puerperæ cameram in-  
 greditur, lectoque appropinquat. Puerpera  
 gravi dolore perculsa, dum maritum alta  
 voce inclamare nititur, & linguam & sin-  
 gula membra stupere sentit. Venefica ergo,  
 cum in medio duarum mulierum staret, Ec-  
 ce, inquit, hæc pessima me obstetricem as-  
 sumere dedignata est. Quod inultum haud-  
 quaquam feret. Duæ verò istæ à latere stan-  
 tes, pro ea intercedebant, Nunquam, in-  
 quientes, alicui ex nostris nocuit. Illa rur-  
 sus: Quoniam hæc suis me intestinis turba-  
 vit, vicissim ego intestina ejus turbabo. Ve-  
 runtamen in vestri gratiam per semestre spa-  
 cium differetur pœna: & hæc dicens, ven-  
 trem puerperæ manu tetigit, cui interim  
 intestina videbantur, quasi è ventre extra-  
 hi, iisque nescio quid involvi. Digressis de-  
 inde istis mulieribus, puerpera paulatim re-  
 cuperatis viribus, maritum vocat, eique  
 rem gestam exponit. Ille uxorem consola-  
 tur, bonamque spem fovere jubet, inania  
 enim hæc esse terculamenta, qualibus fre-  
 quenter puerperæ infestari soleant. Cui illa  
 respondens: Cruciatuum, inquit, dilatio-  
 nem per sex menses promisit, iis elapsis, si  
 nihil tum mali percipero, tuæ acquiescam  
 sententiæ. Erat præterea illi filius Archidia-  
 conus, cui itidem, quo terrore perculsa  
 fuis-



fuisset, exposuit. Evolutis deinde sex illis mensibus, internorum viscerum torturata eam invasit, ut dies noctesque citra ullam respirationem aut quietem, immanes vociferationes & ejulatus, miserandum in modum doloribus continuaret. Nec tamen inter ineffabiles istos cruciatus Dei oblita est, cujus cum sedulò imploraret auxilium, ab eo exaudita & liberata est. Cum enim die quadam ad exonerandam alvum secessisset, subito omnis illa immundities è corpore prorupit. Ibi accersito filio & marito: Jam, inquit, non inane fuisse Spectrum aut terribulamentum, quo in puerperio perculsa fueram, apparet. Quis unquam vidit spinas, ligna, ossa, me comedisse? excreverat enim spinas rosarum longitudinem palmæ habentes, tum ligna, ossa, aliaque complura, unde infanda illa tormina, & punctiones oriebantur. *Ibidem cap. 3.*

228. Eo vesaniæ & impietatis veneficas adigit Dæmon, ut suos etiam liberos, vel infantes quosvis alienos, Dæmoniorum Principi horrendis execrationibus offerant, quæ earum malitia hunc in modum detecta fuit. Mulier malefica, cum partus tempore nec obstetricem, nec alias ad se accerseret mulieres, unius filix suæ contenta opera, maritus id demiratus, se clàm in domo abscondit, exploraturus, quid rerum uxor cum

cum filia sola moliretur : Ibi horrendos & sacrilegii & oblationis ritus conspexit. Videbat infantem nullo hominis auxilio fultum, sed Dæmonum vi per instrumentum appendiculi, ex quo ollæ in foco suspenduntur, ascendere, & quidem Satanico vultu deformem : Mater interim verbis horrendis Dæmonem invocabat, ritibus usa nefandis. Quod ubi attonitus observavit, acriter institit, ut citra dilationem ad Baptismum deportaretur infans. Assumptis itaque duobus vicinis, quibus clam rem, ut gesta erat, detexit, unā cum filia, quæ infantem gestabat, & mulierculis aliquot ad proximum pagum, in quo parochialis erat Ecclesia, tendit. Cumque pontem transitori essent, Pater stricto gladio in filiam irruit : Nolo, inquit, ut per pontem infantulum transportes, sed effice, ut per se in ulteriorem ripam gradiatur : quod si recusas facere, meis his submergere manibus. Mulierculis omnibus hanc viri violentiam demirantibus, ille acrius multò institit, donec coacta filia Dæmonem invocaret, infansque nemine deferente, in ulteriore ripa sisteretur. Baptizato deinde infante, cum per testes maleficii convincere posset filiam, jamque purificationis tempus elapsum esset, & uxorem & filiam accusat : Magistratus utramque comprehensam, pessimique sceleris convi-

etiam in cineres redegit. *Ibidem.*

229. In partibus Sueviæ, Villanus cum per agros unâ cum filia sua, quæ vix octo annorum puella erat, erraret, segetemque contemplatus, dixisset: O si tandem pluvia irrigaretur terra, Puella audiens verba patris, ex animi simplicitate: Facile, inquit, si pluviam desideras, eam procuravero. Pater filiæ verba miratus, unde, inquit, ea tibi facultas est: Puella per facile sibi esse subiecit, non solum pluvias, sed & grandines & tempestates concitare: Idem enim se didicisse ex matre, quæ commiserit se Magistro, quem singulis horis ad quævis postulata præsentem habere possit, matrem autem prohibuisse, ne cui id revelaret. Pater territus, vidistine, inquit, Magistrum istum? ibi rursus puella: vidi, inquit, frequenter ad matrem introeuntes & exeuntes viros quosdam, quos, mater ait, Magistros esse, & fautores nostros. Rursus ergo pater: An illa hora grandinem excitare posset, inquit, vixit? Maximè, inquit puella, si paucillulum aquæ in promptu esset. Pater deduxit puellam ad torrentem, Age, inquit, jam effice pluviam sed quæ nostrum tantummodo agrum irriget. Nec mora, invocato Magistro suo, puella id effectum reddidit. Pater id cernens, Fac, inquit, & grandinem, sed tantum super unum ex agris nostris. Quod itidem cum præ-

præstitisset puella, pater de maleficiis uxoris suæ certior factus, eam apud Magistratum accusat, & convicta mater sceleris, ignis supplicio addicta fuit. Puella in pietatis studio exercitata, è Satanæ cassibus erepta est.

*Ibidem.*

230. In oppido *Fach*, Judex cum lictoribus injunxisset, ut maleficum comprehenderent, & ad supplicium raperent: illi tanto fœtore sunt deterriti, tantusque omnia corporis membra tremor pervasit, ut omnem comprehendendi hominis spem abjicerent. verum Judex (nomen ei Petro erat) acrius instans, lictores denuò exhortatur, ut collectis viribus, manus omni vi injicerent malefico, fatalem enim horam jam adesse, qua scelerati hominis maleficia detecta puniantur. Sic repressis & victis Satanæ effascinationibus, maleficus captus, dignas scelerum suorum pœnas luit.

231. Alibi cum super lignorum struem malefica alligaretur, in carnificis faciem sufflavit, qui protinus concidit, & extinctus est: pari modo & alterum peremit carnificem. Tertius cum diligentius sibi caveret, sic tamen ejus halitu læsus fuit, ut tota ipsius facies intumesceret, hinc etiam luminibus orbaretur, brevique post vitam cum morte commutaret.

232. Quanta etiam Dæmonum sit poten-

tia in affligendis brutis animalibus, pecoribus & jumentis, quomodo lac suffurentur, quomodo tempestates concitent, in *decimo quarto, & decimo quinto capite praedicti Authoris exponitur*. Exempla sunt admodum horrenda, nec consultum plura eorum commemorare. *Historia Iobi evidenter testatur*, quanta sit tum potentia, tum malitia istius immundi Spiritus.

233. Duo cum essent fratres, quibus mediocres à parentibus relictæ essent facultates, Alter eorum Monasticam vitam ingressus est, alter verò uxore ducta, hospitibus excipiendis vacans diversorium aperuit, qui cum divitiis colligendis inhiaret, omne genus fraudis exercuit, mensuraque injusta usus, tum homines tum jumenta defraudavit, adeoque pabulum præseprio impositum clam rursus suppilavit: interim plurimum res ejus familiaris laborare cœpit, & quo majore ipse studio opibus cumulandis intentus esset, eò graviores omnium facultatum jacturam faciebat. Quem cum tandem frater, qui Monasticæ vitæ studiosus erat, accessisset, cum eo paternarum facultatum divisionem factururus, ille fratrem rogat, ne adversus se hac vice causam istam de bonorum divisione suscipiat, eò quòd summa pressus inopia, gravissimam bonorum omnium jacturam fecerit, nec prodesse sibi  
ullum

ullum fraudis genus, quod ob congerendas opes erga hospites exerceat. Quibus auditis, Monachus, ô, inquit, frater mi, si vitam, reique familiaris rationem sic instituis, prorsus tecum actum est. Talem enim foves hospitem, qui omnem tuam substantiam consumit, quem ut videas, sequere me in imam cellam, & quisnam tuas facultates absumat, facile ostendam. Quo cum uterque descendisset, suis adjurationibus Monachus effecit, ut Satan ibi delitescens, videndum se fratri suo præberet. Nec mora, apparuit ibi bestia horrenda & immanis, tantaque pinguedine obducta, ut ægrè non sine magno molimine moveretur. Qua visa, Monachus, ô quàm commodo, inquit, usa es diversorio: moxque ad fratrem conversus: En istam, ait, bestiam tua fraude saginasti, quidquid enim aliis fraudulenter suffuratus es, id bestia ista absumpsit. Quare ausculta mihi, esto fidus & apertus erga quosvis, justa & æqua utere mensura, neminem defrauda. Post quadriennium reversus, paternas facultates tecum dividam. Monachi consilio frater pareret, & quantum antea facultatibus defecerat, tantum jam proficit, brevique eam benedictionem Divinæ bonitatis expertus est, ut divitiis admodum largis frueretur. Elapso deinde quadriennio reversus est Monachus, ut quo in statu res fratris sui



essent, observaret, qui eum hilari & grata mente excepit, se ejus paruisse consilio indicat, rogans ut bestiam ante quatuor annos visam, denuo sibi ostenderet. Quare cum Monachus fratri grafiticaretur, bestiam rursus in cella delitescentem prodire jussit, quæ macilenta & tabida prorsus apparuit, sic ut vix ossa jam traheret. Ibi Monachus: En, inquit frater, hinc jam hospiti migrandum est, & de alio ipsi Domino dispiciendum. Quod si eam posthac usque rei familiaris rationem observaveris, largam Dei opt. max. benedictionem nusquam non experieris.

234. Nuper, inquit Bodinus, in Valle (hoc suburbii Laodunensis nomen) quædam malefica mulierem miseram gravissimè decumbentem fortibus liberavit, cum procidens in genua, demisso in terram vultu, Diabolum magno voce sæpius invocasset, ut curaret mulierem, & verbis aliquot enunciatis buccam panis dedisset ei comedendum: atque hoc modo curata est. Quod quidem planè tantidem est, ac si ægrotans ipsa Diabolum de valetudine oravisset: itaque præstaret vel crudelissima omnium quæ unquam cogitari possint perire morte, quam eo pacto curari. *Dæmonomania lib. 1. cap. 6.*

235. Memini me Lutetiæ ante annos XX. in do-

in domo clarissima videre adolescentem, qui intactum cribrum sine alio naturali & latente modo, præsentibus multis honestis viris agitavit, enunciatis solummodo & recitatis sæpius oculis aliquot Gallicis, quas hic placuit reticere. Huic autem malignum Spiritum adfuisse eo demonstratur, quod eo absente alter id ipsum enunciatis iisdem vocibus tentavit facere, nec effecit quicquam. *Idem libro 2. cap. 1.*

236. Nemo jam Rusticus nescit, *inquit idem Bodinus*, uno versu (quem nolo indicare,) è psalmis pronunciato, quando lac premitur, non cogi butyrum. Fui Chellis Valesiorum agro, cum parvulus à pedibus puer ancillæ impedimento esset, ne butyrum cogeret: ea autem interminante flagrum à Domino, si carmen non eximeret, fecit eodem versu præposterè enunciato ac velut retexto, ut butyrum, (in quo totus ferè dies consumptus) cogeretur. Si vel tantillum sacchari indatur, butyrum non coagulari constat: hæc enim à natura est *ἀντι-πρὸς*: eademque ratione si æris Cyprii aliquantum injiciatur in fornacem ferri, non liquatur ferrum, sed abit totum in cinerem, quam ob rem fusores accenso igne, metuentes ne quid immittatur æris, in illud incumbunt, ne quis proxime caminum veniat.

237. Ars diabolica est, quam *Δακτυλο-  
μηντεία* vocant, quæ fit annulo super aquæ  
cyathum posito, quam famosa quædam ma-  
lefica, genere Itala, exercebat Lutetiæ,  
Anno M.D.LXII. nescio quas voces admur-  
murans, & interdum rem divinans, de qua  
consulebatur, etsi plærisque dabantur ver-  
ba. *Ioachimus Cameracensis* narrat Hiero-  
nymum Moronem, ex quo Cancellarius  
Mediolani fuit, loquentem annulum, ac  
potius Diabolum, habuisse, qui tandem  
mercedem rependit hero suo dignam, &  
curavit eum abdicari. *Bodinus Daemonoman.  
lib. 2. cap. 1.*

238. *Παῖδες μὲντείας* Medicum Tholosæ  
exercentem vidi, & submissa voce aliquot  
verba murmurantem, ut ambæ unius virgæ  
extremities oscula jungerent: sed nihil  
profecit, eos causatus qui intererant carere  
fide. Hoc facto, duo frustula ejusdem virgæ  
accipiunt, eaque de collo suspendunt cu-  
randæ quartanæ. *Ibidem.*

239. Ex omnibus sceleribus nullum ex-  
tat frequentius passim, nullum propè per-  
niciosius eo impedimento, quod novis con-  
jugibus affertur: hoc vulgus dicit ligare li-  
gulam, quod pueri quoque exercent palam  
summa impunitate & licentia, nonnulli et-  
iàm gloriantur. Neque verò novum hoc in-  
stitutum est: nam *Amasis Ægypti Regem*  
apud

apud Herodotum legimus fuisse vinctum, & impeditum ne rem haberet cum uxore sua Laodice, donec carminibus solennibusque precibus solutus esset. Concubinas quoque Theodorici Regis iisdem ligamentis adversus Hermambergam usas esse, *Paulus Æmilii in vita Clotari secundi testatur*. Rident quidem Philosophi Epicurei istud miraculum, veruntamen hi nodandæ ligulæ artifices, qui habentur passim, illos reddunt attonitos, ubi se experti sunt, nulla arte mederi posse. Ideoque Canon: Si per sortiaras, inquit, & maleficas artes, occulto sed nunquam injusto Dei judicio permittente, & Diabolo præparante, concubitus non sequitur, ad Deum per humilem confessionem est recurrendum. Quo ex loco notari quatuor aut quinque axiomata necesse est: *Primum*, copulationem arte malefica impediri posse, quod omnes Theologi agnoscunt uno ore, & ipse *Thomas in librum quartum sententiarum, distinctione 24.* ubi dicitur, vir respectu unius solum mulieris ac non aliarum nodari posse, & *cap. ultimo de frigidis. Secundum*, Id occulto fieri, sed tamen iusto judicio permittentis Dei. *Tertium*, Id totum à Diabolo præparari. *Quartum*, ad Deum jejuniis recurrendum esse. Quod postremum caput apprimè notandum est, quia impietatis in eo laborare, ut (quod multi faciunt)

ciunt) diabolicis modis solvatur nodus: sic enim ad Diabolum & Diabolicas superstitiones recurritur.

240. Inprimis verò illud est admirabile, quod pueruli magicarum sortium imperitissimi, hanc artem pronuntiaris quibusdam vocibus exercent, vinctaque ligula. De Riolo generali apud Blesenses legato me audire memini, puerulum quendam in templo nodationem ligulae sub petaso suo facientem à muliere fuisse perceptum, quo tempore conjugio duorum benedicebatur, cumque deprehensum cum sua ligula aufugisse. Pictavii quoque cum in magnis conventibus vices regii procuratoris gererem Anno M. D. LXVII. acta cujusdam quaestionis in Magos mihi sunt tradita: quam causam cum meae hospita, mulieri honestae & bona existimatione narrarem, illa tanquam istius artis doctissima, me & Jacobo Bauvasio relationum actuario praesentibus, explicavit esse formas nodandae ligulae amplius quinquaginta, sive ad virum conjugatum impediendum, sive ad mulierem solummodo, ut alter alterius fastidiens infirmitatem, adulteriis se pollueret: plarumque tamen virum illigari, vix mulierem. Ligari autem posse in diem unum, in annum, in aeternum, aut quantisper duratura esset ligula, nisi solverentur. Esse nodationem,

nem, qua unus alterum deamet, neque redametur, sed odio sit vehementissimè: esse qua inter se amarent ardentissimè, sin ad congressum veniretur, alter alterum laniaret unguibus, & cæderet indignissimè: ut mihi fuit aliquando Tholosæ narratum, eo pacto fuisse virum mulieremque illigatos, qui post triennium reconciliati, pulchrâ sobolem progenuerint. Et quod amplius mirer, narrabat mulier, dum vincta manebat ligula; tumores ei adnascentes veluti verrucas spectari, indicia, ut aiebat ille, liberorum qui fuissent editi, nisi occupasset nodatio: posse verò nodationem fieri ad procreationem intercipiendam, non ad copulationem prævertendam. Homines etiam affirmabat esse, quos nodare non possis, esse quos nodatio impediât ante conjugium, esse quos impediât conjugatos, sed difficilior. Præterea in hominibus aiebat ejectionem lotii impediri posse, ex eo non paucos emori. Sic comperi miserum quendam puerum propè enectum esse, tum impedimentum per eum qui infibulaverat, sublatum fuisse, ut mingentem palam puerum traduceret. Deinde verò post menses aliquot, Magus iste decessit de vita maniacus.

241, Cum in Pictorum agro hoc percrebuisse malum, Niorti capitalis Quæstor, cum vicinam suam novâ nupta detulisset,



& accusasset ligati viri anno 1560. in obscurum carcerem eam rapi iussit, minatus ex eo nunquam egressuram esse, nisi solvisset virum, itaque post biduum captiva conjugatis concubitus imperavit, & Judex solutum esse audiens, è vinculis dimisit illam.

242. Illud observatione dignum est, neque penes Diabolum, neque penes Magos ipsius administratos esse, ut alios sensus obligent hominesque à bibendo aut comedendo avertant, intercepta eorum facultate: neque similiter posse homini membrum ullum, præter virilitatem adimere, quod in Germania faciunt pudendis abditis, atque in ventrem contractis. *Ita Sprengerus, hominem Spira narrat, cum se pudendis orbatum esse crederet, Medicos & Chirurgos ad se inspiciendum advocavisse, hos verò nihil omnino, ne ullum quidem vulnus percepisse: itaque hunc pacata deinde ea quam offenderat malefica, restitutum esse. Alterum quoque exemplum affert civis Ratisbonensis, qui Magam arripuit strangulaturus, eamque vi ad impedimentum solvendum compulit. Hæc omnia Bodinus libro 2. cap. 1.*

243. Audivi ex Insulano Abbate Novaliorum Domino, qui jam legatione Constantinopoli à Rege fungitur, & ex nobili Polono cui nomen est Pruinski Legato in Gal-

Galliam, unum ex maximis Christiani orbis Regibus, avidum sui exitus cognoscendi, Jacobitam Necromantem ad se accersivisse, qui confecta Missa & sacrata hostia, primogenitum quendam decennem puerum ad hoc comparatum, truncari iussit capite: eo hostiæ imposito, certas voces pronunciasse, characteras quos scire non attinet adhibuisse, ac tum roganti quid vellet? caput duobus verbis respondisse, vim patior: Illico furibundum Regem indefinenter clamavisse, tollite caput istud: & in eo furore expirasse. Hæc historia in toto Regno, ubi gesta est: pro certa & indubitata habetur, etsi quinque homines solum negotio interfuere. *Hæc Bodinus.*

244. *Iohannes Charterius, qui Caroli VII. conscripsit historiam* Guilhelm. Eddelinum Sorbonæ Doctorem *narrat* Magicarum sortium fuisse damnatum pridie natalis Christi, anno 1453. confessum, se per noctem sæpe in Magorum conventus exportatum, Deo ibidem renunciavisse, Diabolum hirci figura visum adorasse, & podici ejus oscula dedisse.

245. Vir quidam tenuis, cum uxorem interdum abesse noctu perciperet, bonamque noctis partem emanere, præterea dicentem, se aut ad deonerandam alvum egredi, aut ad lavandum. cum vicina sua aliquo-

quoties falsi evicisset, suspicionem concepit de perfida ejus libidine, & necem interminatus est, nisi locum, quò proficiscebatur, indicaret. Illa sibi à periculo metuens, rem, ut erat, confessa est, atque ut explores, & videas hæc ita se habere, inquit illa, si volueris, eodem venies: Tunc tradidit ei unguentum, quo se uterque inunxerunt, & pronunciatis aliquot vocibus, Diabolus eos Lochiis in arenarias Burdegalenses (quæ à Lochiis minimum quindecim dierum absunt) exportavit. Videns itaque vir, se in ignota Magorum, Magarum & Diabolorum (humana specie aspectus tamen horrifici) frequentia versari, dicere cœpit, Deus mi, ubi jam sumus? Hoc dicto, repente cœtus disparuit. Ille verò cernens nuditatem sui corporis, oberravit per agros nudus, donec manè rusticos invenit, qui ipsum in viam deduxerunt. Reversus Lochias, ad Quæstorem rerum capitalium contendit rectà, qui audita probè historia, fœminam prehendi jussit. Illa verò minutatim omnia quæ diximus, confessa est, & ultro agnovit peccatum suum.

246. Lugduni quoque ante paucos annos mulier potens comperta est, quæ surrexit de nocte, accendit lucem, arrepta pyxide, inunxit se, & post voces aliquot elata est: hos ritus fieri observans mœchus, qui  
cum

cum ea cubuerat, lucernam capit, peruestigat undique: & ea non inventa, cum solum unguenti pyxidem reperisset, curioso animo exploraturus, quid unguentum posset, fecit prout fieri animadverterat, ita statim elatus, comperit se cum Magorum cœtu esse in agro Lotharingiæ, & consternatus est. Sed cum primum Dei opem imploravit, evanuit totus cœtus: Ille verò solum nudumque se comperiens, Lugdunum reversus est, & maleficam accusavit, quæ confessa rem totam, igne periit.

247. Idem quoque nobili cuidam viro non ita pridem ad Melodunum accidit, qui & molitoris verbis, & sua ipsius curiositate adductus, cœtum maleficorum adiit: sed quoniam perhorrescebat metu, quamvis non invocaret Deum, Diabolus maxima voce inelamavit, Quisnam hic metuit? Sic volente nobili viro discedere, ex oculis abscessit cœtus. Atque hic reversus indicare Magum statuerat, ille verò præmonitus, sibi consuluit fuga. *Bodinus Damonum. lib. 2. cap. 4.*

248. Apud Paulum Grillandum Jureconsultum legimus, qui de multarum maleficarum factis cognovit atque judicavit. Anno 1526. non procul à Roma rusticum extitisse, qui postquam nudam uxorem suam se inungentem vidisset noctu, sublatamque oculis

lis domi non invenisset , eam postridie arrepto baculo non destitit percutere , donec rem ex veritate fateretur , quod illa faciens, veniam sibi dari postulavit. Hic veniam ea lege dedit , ut se in cœtum uxor deduceret. Ea postero die virum unguento suo curavit oblini , sic uterque insidentes hircis , pervenerunt in cœtum velocissimè. Virum autem uxor præmonuerat , à nomine Dei planè abstinendum esse, nisi per ludibrium, blasphemiamve diceretur. Hunc igitur in cœtu versantem mulier seorsim aliquantisper iussit consistere , ut mysterium totum cerneret , donec ipsa caput illius cœtus salutavisset ornatum principis amictu magnificentissimo , maximaque virorum & mulierum corona cinctum, qui honorem clientelarem singuli exhibuerunt domino. Hoc facto saltationem institui in orbem vidit ore extrorsum obverso , ita ut non viderent alter faciem alterius , quod in popularibus saltationibus receptum est : fortè eo consilio , ut alii non possint alios commodè observare atque agnoscere , quos illi indicent , si ad iudicium manus pervenerint. Quod etiam Triscalanus Magus cui Rex Carolus IX. veniam dedit ut socios indicaret , adstante magna procerum turba exposuit Regi: Magos in suos conventus exportari, innumeras eorum adesse copias , qui adorant hircum, & poste-

& posteriores illius partes osculantur: tum adversis tergis non videntes inter se saltare: deinde cum Diabolis virili & muliebri forma coeuntibus copulari. Post saltationem instratae fuerunt mensae, cibi appositi. Mulier tum admovit virum ut Principem salutarer: deinde ut cum aliis accubuit mensae, videns cibos insulsos esse, & in mensa desiderari salem, clamavit continenter, donec sal, ut videbatur allatus esset, quem antequam gustavisset dixit: Jam laudetur Deus, cum hic sal advenerit. Hoc dicto abierunt statim ab oculis omnia, homines, cibaria, mensae: ipse solus remansit nudus, affectus ingenti frigore, nesciens ubi locorum esset: cumque illuxisset dies, pastores nactus est, à quibus rogatus, ubinam esset? cognovit se in comitatu Beneventano agere opima ditione Papae. Hæc sub nuce gesta ad centesimum milliare ab urbe Roma: unde proficiscens ille panem & amictum coactus est mendicare, & octavo demum die, macer & exhaustus pervenit domum, uxoremque detulit, abs qua accusatae aliae & veritatem confessae vivae igni fuerunt traditae.

249. *Idem autore* est anno 1535. adolescentulam in Spoletano Ducatu tredecim annos natam, à vetula quadam in Magorum coetum sic perductam esse, miratamque conventum adeò numerosum, dixisse: Deus  
enc-



benedicte , quid hoc rei est ? Simul atque pronunciâisset ista , evanuisse omnia , miseram diluculo a quodam Rustico inventam , ei rem totam enarrasse : eum deinde ad suos puellam remisisse , & Magam ab ipsa accusatam igne sublatam esse.

250. *Idem Paulus Grillandus libro de Sortilegiis scribit*, se anno 1525. à nobili quodam viro fuisse rogatum , ut in castellum S. Pauli , (quod Spoletani Ducatus, est) veniret , & de tribus Sagis mulieribus cognosceret. Earum minimam fretam spon- sione suæ liberationis fuisse confessam , se jam ante annos quindecim à vetula Saga in Magorum cœtum deductam esse , ubi Diabolus interfuit , quo autore Deo , fidei , & religioni suæ renunciaverit , juramento cavens , se fidelem fore , & Diaboli mandatis obsecuturam , idque manu libro obscurissimam scripturam habenti imposta , item se ad solennitates nocte , & ad ferias cum imperabuntur , venturam , & quoscunque posset eodem adducturam : Diabolum ipsi vicissim læticiam , æternamque felicitatem spondisse. Amplius confessa est , se ex eo tempore necem hominibus quatuor intulisse , pecori sæpenumero , & fruges calamitate devastasse. Siquando ipsam die statò contigisset ad cœtum non accedere , sine vera certa- que excusatione , se ita de nocte fuisse vexa-  
ram,

tam, ut nec somnum caperet; nec quietem ullam. Cum proficiscendum illuc fuit, se viri vocem audivisse, quem parvum dominum, aut etiam interdum magistrum Martinetum appellabant; itaque simul ac se unguente quodam oblinisset, hircum, qui præsto ad portam aderat, conscendisse, quem tenebat pilo, eoque hirco sub magnam illam Beneventanam nucem, ubi innumeros offendeat Magos, transvectam esse. Ibi fide principi data saltari, tum mentis accumbi, postremo quemque Dæmonem cum eo cave, cujus præerat custodiæ, copulari. Hoc facto, singulos suo Dæmoni insidentes revolare, privatim verò Diabolum intra parietes domesticos adorare. Hoc ubi fuisset confessæ, & cum duabus alteris comparata, aliæ præterea fuerunt accusatæ, quæ confessæ culpam, cum suis pulveribus & unguentis vivæ fuerunt concrematæ.

251. *In libro quoque tertio Antonii de Turquemada Hispani, aliam inter ceteras historiam recentem legimus, voluisse Magum quendam socio suo persuadere, fore ipsum beatissimum omnium, si crediderit ipsi, & Magorum conventus adiverit. Ut autem consensit socius, Magum de nocte, post aliquot vuculas, manum socii prehensisse, & utrumque elatum in aëra procul fuisse in cœtum transvectos, in quo viri & mulieres innumera*

meræ circumstabant thronum, cui maximus insidebat hircus, ad hunc osculandum omnes accessisse, *en la parte masuzia querenta* (qui sciunt Hispanicè, eam partem esse intelligunt, quæ honeste non potest nominari) Novitium cum videret istud, socio dixisse, amitto patientiam, & inclamasse repentè Deum voce quàm maxima: tunc irrumpente turbine procellaque vehemētissima disparuisse omnia, illum solum substituisse, & triennium totum consumpsisse, antequam in agrum suum reverteret.

252. *Bodinus quoque scribit*, Joannam Harvileriam Verberii ad Compendienses natam inter cætera fuisse confessam, ex decreto curiæ sententiam Judicis Sanlissiani confirmante, matrem ipsius vivam adjudicatam fuisse igni: se verò annos duodecim natam à matre oblatam fuisse Diabolo, specie hominis atri, amictu atro, ocreis & calcaribus instructi, gladio accincti, equum nigrum habentis præforibus, utente his verbis: Ecce filiam meam, quam sponendi tibi, ad ipsam verò dicente, Ecce amicum tuum, qui beabit te. Ex eo tempore Deo & Religioni renunciassse, & illum sic concubuisse secum, ut viri cum foeminis solent, nisi quòd frigidum erat semen: id octonis postea diebus, aut quindenis fecisse, nec percipiente viro, cum simul in lecto essent.

Etiā

Etiam Diabolum semel ex ipsa quæsisse;  
an grvida ex ipso vellet fieri? se autem re-  
nuisse. *lib. 2. cap. 7.*

253. Summam quoque interrogationum  
Potezanis Magis ad Lognium propositarum  
(quæ igne quoque sublatae fuerunt) à Do-  
mino Andrea Ferreo, generali Regis vica-  
rio, apud Laodunenses traditam legimus, ex  
qua confessiones aliquot hic visum est appo-  
nere: Margarita Bremontio uxor Noëlis  
Lavereri dixit, se die Lunæ proximo nocte  
ineunte cum matre Maria in conventum,  
qui ad Franquifanum pistrinum prope Lo-  
gnium in prato habebatur, ivisse, matrem  
inter fœmora scopas habentem dixisse, (ver-  
ba hic placet omittere) & statim utramque  
eo exportatam esse, ubi invenerunt Joan-  
nam Robertam, Joannam Guillemnam,  
Mariam uxorem Simonis Agni, & Guilel-  
mam cujusdam Grassi uxorem, cum suis  
scopis singulas: eodem sex Diabolos huma-  
na specie advenisse, aspectu horridos, &c.  
facta saltatione Diabolos concumbentes rem  
cum ipsis habuisse: eorum unum qui saltan-  
tem duxerat, cepisse ipsam, bis osculatum  
esse, & amplius semihoram cum ipsa con-  
cubuisse, perfrigidumque semen ejecisse.  
Joanna Guillemina hujus assentitur dictis,  
semihoram fuisse copulatos fassa, & perfri-  
gidum semen ab eo excreatum,

254. *Legimus item libro 16. Iohannis Meyeri, qui historiam Flandricam scripsit accuratissimè. Anno 1459. ingentem virorum foeminarumque numerum in Atrebatiorum oppido crematum esse, qui inter sese accusantes fatebantur, se noctu ad saltationes fuisse transvectos, & cum Diabolis, quos adorabant humana specie, copulatos. Iacobus quoque Sprangerus, & collega 4. Magarum quasitores, se de innumeris Sagis cognovisse scribunt, plurimasque Sagas supplicio ultimo addixisse in Germania: nominatim verò in Constantiensi & Ratisbonensi agro, anno 1485. quæ omnes fatebantur Diabulos concubuisse secum, postquam Deo & religioni suæ, Diabolo autore, renunciavissent. Amplius scribunt, non paucas extitisse, quæ nec accusatæ resipuerint, & à consortio isto discesserint, easque idem confessas esse, nempe Diabolum tantisper, dum fuerunt Sagæ, cum ipsis rem habuisse. Ad hæc Sprangerus adjicit, persæpe Sagas in agris & sylvis sese retegere, & clara die coire cum Diabolo, & sæpe reiectas in agris visas, interdum etiam hærentes Diabolis (quos homines esse existimabant) à viris suis esse deprehensas, eosque gladio cædentes nihil effecisse. Paulus Grillandus Iurecons. Italus, (qui de Sagis plurimis cognovit) narrat in libro de Sortilegiis, se an-*

no 1526. Septemb. mense, à S. Pauli ad Rom. Abbate rogatum esse, ut de tribus Sagis cognosceret: easque inter cætera confessas esse, Magas singulas cum Diabolo copulari. *In historia S. Bernardi legimus*, Sagam extitisse, quæ marito suo nec percipienti accubans, sæpenumero Diabolo commiscebatur.

255. In horto florido Antonii de Turquameda Hispani aliam historiam reperi, de Hispana fœmina nobili, quæ se per vetulam Sagam, cum annum ageret duodevigesimalum perductam fuisse narrabat, & rem ex eo tempore cum Dæmone habuisse: hæc viva & impænitens cremata est, Cerdenas genere. Alteram idem resipuisse narrat, & in monasterio fuisse collocatam. *Adamus Martinus Laodunensis confessus Procurator, mihi narravit, inquit Bodinus*, se de Saga Biebræ (hic vicus est, duobus miliaribus Laoduno distans) quæstionem habuisse in jurisdictione D. Boani Verumandorum Præfecti, anno 1556. quæ cum ad strangulationem primum, deinde ad ignem fuisset damnata, viva tamen igni tradita est, culpa carnificis, ac potius iusto iudicio Dei, qui sic demonstravit, oportere ut noxæ par pœna sit, neque maleficium esse, quod ignem magis mereatur. Hanc igitur confessam esse, Satanam (quem Socium

M

suum



suum appellabat) rem secum habere solitum, & se frigidum semen illius persensisse.

256. Cum in magnis conventibus essem Pictavii, *inquit idem Bodinus*, anno 1567. inter vicarios Procuratoris generalis meas partes agens, accepi duos Magos squalidos egentesque, ad prædivitem domum stipem postulavisse: ea recusata, injecerunt sortes, & domestici omnes in rabiem acti, obiverunt furiosi. *Damonom. libro 3. capite 1.*

257. Fuit Lutetiæ Veteramentarius suttor Magus, qui solum attingens manu, febrî quartana liberabat, sed is minimè curabatur, qui nolebat credere se curari posse. Et fuit apud Andes vetula quædam Itala, morbos curans, anno 1573. quæ cum ab interdicto Judicis, ne morbos curaret amplius, Curiam parlamenti appellasset, disertè, pariter ac doctè ipsius causa à D. Johanne Baltruo causidico Parlamenti Matrarium domino collega & cive meo fuit perorata: sed modos quibus curabat probatum est à natura abhorrere, ut felis cerebro, quod venenatum est, capite corvi, & aliis consimilibus: quæ res planè evincunt, non præstantes olei, aut salutaris unguenti viribus (quod multi viri boni & pauperum amantes faciunt) sed modis præter naturam, aut carminibus curationis fuisse factas.

258. *Scribit Iodocus Darmudanus in praxi crim. cap. 37.* Brugis in Flandria ex-  
titisse Magam in opinione maxima sancti-  
monia, quod morbos curaret innumeros,  
sed illa hoc curabat primum, ut crederetur  
se posse sanare, deinde jejunia indicebat,  
mandabatque dici aliquoties pater noster,  
aut compostellas ad S. Jacobum, aut ad  
S. Arnoldum iri, tandem vero multarum  
fortium magicarum evicta, meritoque sup-  
plicio affecta est.

259. Johanna Harvilleria, quæ viva, ut  
antea diximus, fuit igni tradita, sortem  
à se injectam confessa est, ut hominem, qui  
filiam pulsaverat ipsius, enecaret, alte-  
rum verò supergressum forti, repentè in  
lumbis sentisse malum, & toto corpore.  
Cum autem (prout ipsa jam famosa erat  
istius artis nomine) homini fuisset di-  
ctum, non aliunde malum ei obvenisse,  
tum se promississe facturam, ut revalesceret,  
& custodiam ejus recepisse: ad eum finem  
precibus a Diabolo contendisse, & multis  
modis (quos describi nihil attinet) de cu-  
ratione ejus laborasse, quam fieri non posse  
Satanas responderit. Dicenti itaque sibi, ne  
ergo amplius veniret ad se: Diabolum re-  
spondisse, Non venturum esse se. Paulò  
post ægrotum obiisse, & Magam se abdi-  
disse, sed ut abdita fuerit, inventa est, &

scelerum suorum meritas pœnas luit.

260. Arvernum quendam Captivum Lutetiæ se vidisse *scribit Bodinns*, anno 1579, equos & homines interdum, curantem apud quem permagnus liber inventus est, pilis equorum boum, & aliarum bestiarum coloris cujusque plenus. Hic si quando sortem in equum injecerat, consulebatur, & de pilo equi illius habens, ita curabat illum, ut sortem alteri traderet, sed pecuniam non accipiebat, si acciperet, non curaturum esse affirmabat: Itaque pervetere sago ex pannunculis mille sufferto ambulabat. Sed cum semel in equum nobilis cujusdam viri conjecisset sortem, rogatus, curavit, traditis in servum ejusdem viri sortibus: accedentibus iterum ad curandum, respondit, ex Nobili cognoscendum esse, utrum mallet, Servumne an equum amittere? qua in re anxio hærente nobili, & ad deliberandum cunctante, interiit servus, & fuit comprehensus Magus.

261. A Domino Furnerio Aureliensi Consiliario audiavi de Hulino Parvo Aureliensi Materiario: Hic fortè Magica affectus lethaliter, accersi curavit hominem, qui omnes morbos depulsurum se pollicebatur, suspectum magicæ artis, ut sanaret ipsum: Is autem respondit, se non posse sanitatem homini restituere, nisi morbum filio ipsius,  
cum

tum adhuc lactenti transdaret. Consensit parens in parricidium filii, rem observandam, ut eò melius Satanæ malitia videatur. Nutrix recognita, aufugit cum puero, dum Magus patrem sanaturus attingebat. Sanato ex tactu patre, puerum Magus afferri postulat, quo non invento, repente exclamavit, actum est de me, puer ubi nam est? & vix dum abiens pedem janua extulerat, cum eum Diabolus interemit subitò, & cadaver ejus tam fuit atrum, quàm si quis de industria colore atro infecisset.

262. Audivi etiam, *inquit idem*, in Judicio Sagæ apud Nannetas, quæ sortilegiæ in vicinam jacti, accusabatur, imperavisse Judices, ut mulierem sorte affectam attingeret, quod à Germaniæ Judicibus etiam in Camera Imperiali fit sæpissimè, recusavit, & se cogi videns, exclamavit, actum est de me Simul atque mulierem affectam sorte contigit, hæc revaluit, mortuaque Saga corruit, cadaver igni damnatum. *Historiam ab uno Iudicum accepi, qui Iudicio interfuit.*

263. Tholosæ quoque audivi, Burdegalem quendam studiosum, amico suo gravissimè ex quartana laboranti dixisse, ut febrim uni suorum inimicorum traderet, respondente illo, sibi neminem inimicum esse, dixisse, da igitur servo tuo: tandem

cum hoc illi religio esset facere, Magum dixisse, Da mihi eam, tum annuente agrotato, Magum febri oppressum obiisse, & agrotum revixisse. *Bodinus lib. 3. cap. 2.*

264. Hoc autem minime novum & inauditum est. Nam apud Gregorium Turensem libro 6. cap. 35. legimus, Childeberti Regis uxorem, ut filiolum suum ex maleficio audivit obiisse, muliebri rabie ingentem Sagarum numerum jussisse comprehendere, cremari, & rotis imponi: quæ Regis filium à se enectum fuisse agnoverunt, ut Mummonem magnum Magistrum fervarent incolumem. Captus itaque Mummo, & equuleo impositus, certas pinguedines sibi porionesque à Sagis datas fuisse dixit, ad conciliandam, ut putavit, Principum gratiam, & carnificem, qui torquebat ipsum, indicare jussit Regi, nullum à se dolorem percipi. Tunc imperavit Rex eum distendi trochleis, stylosque ferreos unguibus pedum & manuum interferi, prout est in Oriente ratio torquendi, qua sine membrorum fractura, dolor fit intolerabilis. Post dies aliquot ad suos Burdegalenses deportatus obiit.

265. Morbum autem naturali modo, non maleficio obtingentem, non posse à Magis tolli, experientia docuit. *Exemplum Quæstor Sprangerus affert:* Cum de Sagis Insprugen-

genſibus in Germania cognosceret, figulum Magum extitiſſe, qui pauperem vicinam ſuam videns affligi graviffimè, ut ſi inteſtina ipſius gladiis indefinenter peterentur: experiar, inquit, an ſorte affecta ſis, & ſanabere. Tum liquatum plumbum diſco infudit aquæ pleno, & mulieri ægrotæ impoſito, & certis vocibus enunciatis, quas reticere placer, imagines quaſdam percepit in durato plumbo. ex quibus agnovit ſorte affectam eſſe mulierem. Hoc factò, abducit virum illius mulieris, & reſpicientes uterque ſublimen januæ imaginem ceream palmarem invenerunt cujus acus duæ ad duo latera hærebant fixæ, cum aliis pulveribus, granis, ſerpentumque oſſibus, quæ omnia objecit igni: Mulier verò, cum pignori dediſſet animam ſuam Satanæ, & Magis, quos pro incolumitate ſua adiverat, fuit reſtituta.

266. Ogerius Ferrerius, medicus doctiſſimus, cum Tholoſæ eſſem, elegantes ædes, & bono loco ad Burſam ſitas, minimo conduxit, anno 1558. quia malignus ſpiritus inquilinos earum infeſtabat: quod ipſe non amplius curabat, quàm Athenodorus Philoſophus, qui deſertam Athenis domum, incolis que propter Spiritum vacuum, auſus eſt habitare. Sed cum illud audiviſſet, quod nunquam crediderat, non poſſe tutò adire cellam, nec quietem interdum capi:



monitus Lusitanum quendam studiosum in urbe esse, qui res occultas in ungue pueruli videndas exhibebat, fecit ut studiosus ille sua arte uteretur: Puella verò consultata, dixit, mulierem à se videri ornatam accuratissimè pretiosissimis catenis & auro, quæ ad columnam quandam manu gestabat tædam: itaque Lusitanus respondit Medico, ut in cella ad columnam humi curaret fodi, thesaurum ab ipso inventum iri. Gaudens Medicus, fodi iussit. Sed cum thesaurum inventum propè cogitaret, exurgens turbo exinxit lucem, & spiraculo cellæ exiens, ad 14. pedes pinnarum fregit in propinquis ædibus, quarum pars in prothyrum corruit, pars in cellæ spiraculum, pars in mulierem ferentem aquam, cujus hydria effracta est. Nihil postea à Spiritu auditum unquam. Lusitanus postridie factus de re tora certior, thesaurum dixit à Spiritu exportatum esse, mirari se, quòd Medicum non offenderit, qui post biduum mihi narravit historiam. Hæc die 15. Decembris, anno 1558. gesta sunt claro & sereno cœlo, ut esse solet diebus Halcyoniis. Et nos eodem tempore dejectas domus propinquæ pinna prothyrumque ad tabernam fractum invisimus. *Bodinus Daemonomania lib. 3. cap. 3.*

267. *Afferit Melanchthon historiam persimilem: Homines decem Magdeburgi*  
ruina

ruina turris oppressos esse, cum ad thesauros, quos docuerat Satanas, reperiendo efoderent. *Georgius Agricola in libro de Spiritibus subterraneis scribit*, Annæbergæ, in ea fodina, quæ dicitur corona rosæ, Spiritum specie equi duodecim homines occidisse, & fecisse, ut fodina plena argenti cederent quam Magi ope Satanæ repperant.

268. *A quodam Lugdunensi accepi*: in æde S. Mariæ virginis Lutetiæ Capellanum fuisse cum sociis magica arte Arcolii propè Lutetiam thesaurum retexit: sed cum ci-stam, in qua erat conditus, habere cogitarent, eam fuisse exportatam turbine, in ipsum verò muri partem corruisse, ex qua toto vitæ spacio claudicans factus est. Et Sacerdos Noribergensis, cum ope Satanæ thesaurum invenisset, & jamjam scrinium aperturus esset, ruina domus extinctus est.

269. *Ex Lugdunensi quoque pragmatico audivi*, ipsum de nocte cum sociis abivisse, ut enunciatis conjurationibus thesaurum pervestigarent, cumque cœpissent fodere, velut hominis, qui rotæ impositus fuerat, vocem audivisse, horribiliter inclamantem ad fures: sic in fugam fuisse versos: Spiritus vero malignos eodem momento persequentes cæcidisse ipsos ad eam usq; domum, unde prodierant, & tanto strepitu eam ingressos esse, ut tonare hospes cogitaverit:

M 5                   atque

atque ex eo tempore juravit se thesauros nunquam pervestigaturum esse. *Bodinus.*

270. Magos quoque hominum oculos effascinare posse, ac sic risum movere, & spectatores efficere attonitos, *exemplo probat Bodinus*, de Triscalano illo Mago, qui de Curione quodam praesentibus parochis dixit, Videte istum hypocritam, qui fingens se breviarium ferre, fert chartas lusorias. Tum Curio volens ostendere ut ferret breviarium, visus est sibi habere chartas lusorias, & quicumque aderant, chartas sibi videre visi sunt, adeò ut Curio breviarium suum abjecerit, & pudibundus abiverit. Supervenientes verò paulò post alii, breviarium collegerunt nudatum illa chartarum similitudine: qua ex re fuit manifestum, multis in rebus Satanam illudere, nec tamen singulorum oculos praestringere. Nam qui priori actioni non interfuerant, cum praestigias Magus adstantium oculis offudisset, verum videbant breviarium, cum alii contra speciem chartarum cernerent, &c.

271. Cognituri Germani, quæ Saga impotentem equum & languentem effecerit, ad certas ædes usque trahunt alterius equi viscera, in non janua sed cella ingressi aut specu subterranea, viscera illa consumunt igne, Tum malefica quæ commisit malum, dolorem colicum in intestinis sentiens,

tiens, ad ædes contendit rectâ, ubi cremantur viscera, ut prunam candentem postulet, & dolor illius desinit: Quod si non aperiantur fores, ædes offunduntur tenebris, tonitru personant horrendo, ruinamque minitantur, nisi qui intus sunt aperiant: *quod Sprangerus scribit in Germania observatum, & à se visum.*

272. A D. Antonio Lonanio generali Regis Legato, apud Ribemontenses accepi fuisse Magum, qui cribro Magum alterum, pronunciatis quibusdam vocibus, retexerit Proferebantur nomina omnium qui in suspicione erant, cumque viri illius nomen cui culpa inerant efferretur, indefinenter movebatur cribrum, & Magus affinis culpæ eodem adventabat: quod ubi compertum est, fuit damnatus Magus. *Bodinus lib. 3. cap. 4.*

273. Memini aliquando mihi narrare D. Bordinum, generalem Procuratorem Regis, cum totum ipsius pecus in villa apud Meldenses moreretur, fuisse uxori dictum, bestiam quandam occidendam esse, quam hic non placet exponere, eamque pedibus sursum versus sub limine stabuli suspendere oportere, enunciando certas voces, quas hic opponi non est opus, hoc facto, nullam ex pecudibus suis perivisse. *Idem ibidem.*

274. Johannes Martinus vices Præfecti Laodunensis agens, mihi exposuit cum de

Saga S. Probæ in jure cogniturus (hæc autem cæmentarium tanta affecerat invaletudine, ut ipsius caput inter crura ferè propenderet incurvo corpore, quod malum ipse à Saga sibi suspicabatur importatum) ut consideratus Judex, Sagæ renunciari jussit, ipsam non alia ratione posse vitæ suæ consulere, quàm si cæmentarium sanaverit. Fasciculum itaque à filia sua domo afferri jubet, Diabolum invocat, dejecto in terram vultu carmina quædam coram omnibus mussitat, & fasciculum tradens cæmentarius, lavari eum in balneo præcipit, & illud quod fasciculo inclusum erat, in balneum indere cum his verbis: abi per Diabolum. Hunc, ait, & non alium esse revalescendi modum. His factis, curatus fuit cæmentarius. Veruntamen antequam ea viderentur balneo, volentes nonnulli cognoscere, quid in fasciculo esset, (quod illa fieri vetuerat) tres parvulos in eo lacertosprehenderunt: Cæmentarius verò dum in balneo esset, quasi tres grandes carpiones sentiebat in eo: cum excessisset ex eo, quamvis pervestigarentur diligentissime, nec carpio, nec lacertus inventus est. Saga viva fuit concremata, & permansit αμεταμέλη. Idem lib. 3. cap. 5.

275. Legimus in horto Antonii de Tarquamedia, lib. 3. de Mago quodam, qui homi-

homini Rustico, quem videbat à cane rabido fuisse morsum, dixit, Se esse Servatorem, ut non amitteret vitam. Cumque ter illius nasum ad missionem sanguinis pupugisset, ille sanatus est.

276. Carolus Martinus, Præfectus Laodunensis, factus certior, mulierem pauperem in valle (id suburbii Laodunensis nomen) fuisse à Saga vicina fascinatam, miserusque illius, necem interminatus est Saga, nisi morbum vicinæ adimeret. Metuens illa, promisit se curaturam: itaque ad pedes cubilis venit, vultum in terram demittit, manus jungit, Diabolum maximum magna voce appellat, subinde preces renovat, voces incognitas aliquot repetens, & frustum panis ægrotæ tradidit, quæ eodem momento cœpit revalescere. Hoc facto Præfectus revertens domum, statuebat eam comprehendere, & igni quamprimum tradere: sed illa in his partibus ex eo tempore non fuit conspecta. *Idem Ibidem.*

277. Exemplum recens producemus, acceptum à Præfide Vitriaci Franci honorato viro, qui ad conventus maximos Bleis fuerat allegatus anno 1577. Cum indigeremus opera illius, ut alii alios in communi onere juvaremus, institi acerrimè, ne antè loco excederet, quàm Ordines dimissi essent: Respondit, sibi amicum esse



quendam , qui ad mortem decumberet, ab eo se accersi , & hæredem institutum esse : hunc inde ab annis quinque aut sex ægrotum fuisse , & membris fractum , ideoque parentem admonitum in Flandria esse hominem, à quo filius curari possit, eò statim abivisse : Magum parenti morbum filii, quem nunquam viderat , explicasse , & in Lusitaniam usque ad Magum alterum (cujus indicavit nomen) in comitatu regio versantem ablegasse. Hoc ferentem æquo animo patrem, in Lusitaniam abivisse , ubi Magus parenti , antequam solùm hisceret, Amice, inquit, filius tuus brevi sanabitur, abi in Galliam, invenies Noviodunum versus , ad vigesimum milliare à domo tua , quendam M. Benedictum (sunt autem multi hoc nomine) hic filium tuum curaturus est. Miratum itaque parentem ; peregrinationem tantum susceptam esse ut pervestigaret procul, quod propè aderat , sumplisse animum, & ad M. Benedictum ivisse. Hunc autem parenti dixisse , plurimum laboris consumpsisti, in Flandriam, Lusitaniamque proficiscens , ut restituatur filius tuus, abi , jube ipsum venire ad me, ego is sum, qui curabo eum. Ad hæc parentem respondisse: Jam ex annis amplius quinque eum lecto non exivisse , ac ne tantillum quidem movendi facultatem inesse ei. Tandem verò maxima mole-

molestia ægrotum eò fuisse perductum, & ex parte quidem fuisse sublevatum, veruntamen non diu bene habuisse. *Idem ibidem.*

278. *Eodem argumento Iacobus Sprangerus Magorum Quasitor scribit*, Episcopum à se in Germania visum, qui adversa utens valetudine, ex Saga vetula cognovit, se ex malefico ægrotare, nec aliam valetudinis recuperandæ viam esse, quàm ut eadem Saga sortilegio pereat, quæ sortem in ipsum conjecerat. Miratum Episcopum celeribus equis misisse Romam ad Nicolaum V. Papam, ut veniam indulgeret hujus curationis adhibendæ: Papam, qui Episcopum deamabat unicè, indulgisse hac clausula dispensationi adjecta, ut ex duobus malis fugiatur majus. Sagam diplomate allato dixisse, cum Papæ & Episcopo placeat, se illud effecturam. Sic media nocte restitutum fuisse Episcopum; Sagam verò quæ eum fascinaverat, in morbum ex quo obiit incidisse. Interea verò Saga illa, quæ vita defuncta est, nunquam voluit respicere, sed ad recuperandam valetudinem, se indefinenter Satanæ commendavit.

279. In Pictonum agro, anno 1571. Carolus IX. Rex, à prandio Triscalanum (cui veniam indulserat, ut affines criminis deferret,) ad se adduci jussit. Hic apud Regem & frequentem procerum, coronam, confessus

fectus est modum quò exportantur Magi, saltationes, sacrificia Satanæ oblata, nefarios concubitus cum Diabolis, virilem & muliebrem formam habentibus : Addebat, à singulis pulveres acceptos esse, quibus homines, pecora, fructusque enecarent. *Hæc illius dicta singulis mirantibus, Caspar Collignius Gallia Amiralius (nam hic fortè intererat) dixit*, adolescentem in Pictonum agro, ante aliquot menses fuisse comprehensum, de Nobilibus duobus enectis accusatum, hunc fuisse confesum ut servus eorum fuerit, eosque viderit pulveribus in domos segetesque injectis dicentes hæc verba: Maledictio in istos fructus, in domum, in Regionem istam: Se itaque hos pulveres nactum cepisse, & in cubile injecisse, ubi duo illi Nobiles recumbebant, sic utrumque mortuum in cubili fuisse compertum, sed tumentes & atros valde. Puerum Judices absolverunt. Tum audiens Triscalanus istud, permulta etiam narravit ejusmodi. Credibile est autem, si Rex (cujus alioqui corpus optima fuit compage & constitutione) hunc Magorum principem & alios asseclas jussisset concremari, Deum pro istis judiciis fuisse ipsi diuturniorem vitam & beatioram concessurum. Nam Dei verbum semper sibi constat, Qui virum morte dignum absolverit, hunc in seipsum meritam illius pœnam resun-

refundere: ut Propheta Regi Achabo dixit, ipsum, quia gratiam viro morte digno fecerat, moriturum. *Ibidem.*

280: Constat apud omnes, Rupellæ hominem lethali vulnere affectum, de cujus salute chirurgi omnes desperabant, Magi cujusdam opera sic fuisse institutum ut incederet, & diebus aliquot loqueretur: nempe gestabat illum Satanas ac non alius, ut Magis auctoritatem suam compararet. *Ibidem.*

281. *Ioachimus Camerarius narrat libro de natura Daemonum:* Cum fortè Ianius quidam per sylvam de nocte iret, strepitum & saltationes audivit, re itaque pervestigata accedens, pocula vidit argentea, quæ, ut Magi & Diaboli disparuerunt illico, accepit Ianius, & postridie ad Magistratum detulit: sic illi, quorum signa poculis inerant, accusaverunt alios, citati in jus, & omnes supplicio digno affecti sunt.

282. Alterum extat exemplum insignius executionis illius, quæ facta est Pictavii anno 1564. cujus executionis historiam cum à multis in eodem loco, rum etiam à Pictorum Præside Salveto didici (qui tum ad iudicium ferendum cum Daventonio Pictorum Præsidi & Iudicibus aliis fuerat accitus) & omnes in ea regione teneant. Tres viri cum foemina una Magi damna-

damnati, & igne concremati sunt vivi, cum fuissent evicti necis hominibus plurimis pecudibusque importatae opera (ut fatebantur) Diaboli subministrantis pulveres, quos humi stabulorum ovilium, domorumque limini subdebant. Narraverunt autem isti, se ter in conventum maximum solitos proficisci, quò conveniebant Magi innumera- biles ad compitalem quandam crucem, quæ ipsis usum præbebat signi: ibi præesse hircum ingentem nigrum, adstantes ratione humana compellantem, in ejus ambitum saltare omnes, tum unumquemque posteriores illius partes cum ardente candela osculari: hoc facto, hircum absumi igne, de cujus cinere singulos capere, ut eo bovem inimici necarent, hujus ovem, illius equum, hunc hominem languore, illum morte afficerent: Postremò Diabolum voce terribili hæc verba intonare, ulciscimini vos, aut mortem oppetetis: ita singulos ope Diaboli redire qua venerant. Amplius dicebat Præses Salvertus, vir clarissimus, apparere ex actis veteribus, Magos jam ante annos centum de eadem causa fuisse damnatos, & paribus confessionibus, idque eodem loco, ad crucem eandem gestum. Horum duo resipuerunt, & duo in pervicacia sua cessarunt vita.

283. *Iudicium quoque legi in Magas*  
*Pote.*

*Potezanas*, quod *mecum Adrianus Ferreus* generalis Vicarius Regis apud *Laodunenses* communicavit. In eo confessio illarum extat ejusmodi, se prope *Lognium* ad *Frenquifanum* pistrinum, certis vocibus pronunciatis, cum scopis delatas esse, ibique alias scopis ad manum instructas, & cum eis sex Diabolos, quorum habentur nomina, invenisse. Postquam Deo renunciaissent, Diabolos humana forma, sed tamen aspectu deterribus osculatas adorasse, tum habentes in manibus saltavisse, postea Diabolos rem cum sceminis habuisse, ipsas verò pulveres enecando pecori postulasse, Postremò constitutum fuisse, ut eòdem post octiduum, ineunte nocte convenirent ad diem Lunæ, cumque tres horas illic substitissent, fuisse reportatas.

284. *Bovinus Castelli russi Praefectus*, *Biturigum* nomine delegatus apud *Blesenses* affirmavit, Magam se iudice crematam fuisse, quam filia accusaverat, quod ipsam in conventus deduxisset mater, & Diabolo instituendam obtulisset: Hæc inter alia scelera istud confessa est, se saltasse in hirci ambitum, & tandem singulas rationes rerum à postremi cætus tempore gestarum reddidisse, & qua in re pulverem occupassent. Hic enectum à se infantem ajebat, alter equum, ille arborem. Una autem nihil ab  
co



eo tempore fecisse comperta , frequentes ictus accepit baculo ad plantam pedum , & ab aliis omnibus derisa est. Addebat illa, pulverem sæpe recentem haberi oportere. *Bodinus lib. 2, cap. 4.*

285. *Huic simile est , quod in altero Maga judicio legimus , quæ se fatebatur minimè quiescere , nisi quid mali quotidie committeret , saltem ut vasculum diffringeret : sed cum hera ipsius frangentem de industria vas terreum deprehendisset , tum rem confessa est , & addicta morti , quia dicebat nullam sibi omnino quietem esse , nisi aut enecto homine , aut perpetrato malo.*

286. *Memini , inquit idem Bodinus , Furnerium virum doctum Aureliensem consiliarium mihi dicere , vulgo sermonem esse , & quidem compertum , Magarum conventus haberi ad Cleriacum , & Diabolos illic , quicquid variis in Regionibus agitur , nuntiare , quia singula hominum facta referunt velut in commentarios : atque hic divinandi modus quo utuntur Magi. Illa autem Maga , cujus meminimus , à sententia lata noluit provocare , dicens , se mortem anteponere tantis Diaboli cruciatibus , à quo non poterat vel momento quiescere.*

287. *Imprimis verò illud observandum est ,*

est, nullum haberi conventum, in quo non saltetur. Sic Longuianæ Magæ inter saltandum canebant, har, har, Diabole, Diabole, sali huc, sali illuc: Lude hic, lude illic: Dicebant alii, Sabbath, Sabbath, id est, dies quietus festus, elatis sursum manibus & scopis, tunc ut testificarentur certò, quanta alacritate animi studioque colerent Diabolum, atque adorarent, tum ut adorationem, quæ debetur Deo, effingerent.

288. *Extat recens historia Magiæ naturalis a Neapolitano, qui rem narrat à se in muliere Saga fuisse exploratam, quæ postquam se unxisset nudam, λεπθυμῆα & sensu destituta concidit, reversaque post trium horarum spacium in corpus suum, multa è regionibus variis nuntiavit, quæ vera deinde comperta sunt.*

289. *Ex Turettano Praside audiivi Magam à se in Delphinatu visam, quæ viva fuit concremata, hanc ergo cubantem ad ignem, manete domi corpore, in ecstasin abreptam esse, & quia nihil intelligebat, gravissimis virgæ ictibus ab hero percussam, tum etiam ut viderent, an de hac vita decessisset, ignem partibus quæ maximè valent sensu, fuisse subjectum, nec propterea evigilasse: eam itaque jacentem ab hero heraque mortuam esse existimantibus ibi derelictam esse: mane jacentem in lecto inventam.*

Quod

Quod cum miratus herus quæsvisset, quid rei contigisset ipsi? exclamantem suo sermone dixisse, Ah, here, quàm verberasti me? Id hero apud vicinos narrante aliquem dixisse, Saga est: ideoque non destitisse herum, donec illa rem facta indicavisset se animo cœtum Magorum adivisse. Sic alia insuper scelera, quæ perpetraverat, agnovit, & igni fuit tradita. *Bodinus in Demonomania lib. 2. cap. 4.*

290. *Jacobus Sprangerus* Inquisitor, qui de permultis Sagis quæstionem habuit, eas scribit confiteri se, cum visum est, a Spiritu abripi, sin aliter videatur, etiam corpore. Exemplum nostra memoria, apud Burdegalenses alterum habuimus anno 1571. cum in Magos Galliae instituta esset persecutio, Vetula quædam Burdegalensis Maga apud iudices confessa est, se cum aliis per hebdomadas singulas fuisse exportatam, ubi magnus hircus adoratur, quo autorem abnegabant Deum, se Diabolo servituras spondebant, singuli pudenda illius osculabantur, & post saltationes pulveres accipiebat quisque. Tum D. Belotus, libellorum supplicum magister, dicente Maga se nihil posse, nisi e carcere educta esset, volens rei veritatem explorare, eam educi iussit: & illa cum se nudam certo adipe inunxisset, velut mortua expertæque sensus corruit, deinde post horas quinque

quinque reversa exurgensque, permulta narravit, quæ variis in locis ita habere, ut dixerat, comperta sunt. Hanc historiam mihi quidam comes equestris ordinis narravit, qui adhuc vivit, & isti experientiæ interfuit. Id in Borealibus partibus frequentari, Olaus testis est, & amicos ecstatici studiosè corpus observare, donec cum dolore ingente revertatur, & annulum, literas, cultellumve ejus, qui milliaribus trecentis abest, ab eo reportari. *Idem ibid.*

291. *Æque admirabile est judicium illud Magorum septem.* quod anno 1549. apud Nannetas didici. Cum igitur isti coram multis se indicaturos recepissent, ante horam, quid per milliaria decem in ambitum ageretur, exanimis conciderunt illicò, & tres horas defecti animo jacuerunt: exurgentes renunciaverunt quicquid in toto Nannetum oppido & ambitu longiore perceperant, locis, factis, & hominibus observatis, quæ omnia statim comperta sunt. Itaque omnes isti accusati, & maleficiorum multorum comperti, ad ignem fuerunt damnati. *Idem.*

292. Raziorum Baro (qui apud Nannetas magicarum sortium damnatus supplicium pertulit) non tantum fassus est, se octo puerulos occidisse, & animo habuisse occidere, & Diabolo sacrificare novum, suum

suum ipsius filium, idque in matris utero, ut summopere gratificaretur Satanæ, verum etiam se in conclavi suo procidentem in genua Satanam adorare humana specie comparentem, eique adolere. Huic res admirabiles Satanas spoponderat, ac nominatim ipsum fore magnum. Tandem verò se videns captivum, & acerbissimis malis oppressum, omnia confessus est, ultimumque supplicium passus. *Bodinus lib. 2. cap. 6.*

293. *Apud Sprangerum legimus*, cum de quadam malefica, quam damnavit igni, cognosceret, eam confessam esse, (ut erat obstetrix:) se pueros suscipientem è matris utero Diabolo obtulisse in aërem extollendo, deinde in caput eorum aciculam magnam, ita ut non proflueret sanguis, indidisse: tum iis in sepulchrum elatis, abeuntem de nocte eos cruisse, furno coxisse, carnes comedisse, pingue ad suum usum asseruisse: Hoc pacto quadraginta puerulos à se interemptos esse. Hæc Danensis fuit, ad Basileam.

294. Fuit Cazereis ad Tholosam Saga, quæ benedicto pane altari oblato ad submergendum se abiit, cumque retracta esset, benedictum panem fassa est se veneno infecisse: canibus projicitur panis, moriuntur illi. Hæc in vinculis ecstasim horas amplius sex passa est, omnis sensus expers, deinde exur-

exurgens clamavit, se valdè defessam esse, & nuncios à multis locis retulit cum certis indiciis. Cum autem damnata illa propè esset, ut judicatum fieret, Diabolum advocavit, dicens, eum spopondisse, tam vehementes futuros imbres, ut non esset ignem expertura. Sed ea nihilo magis defensa est ab ignis violentia. *Bodinus Damonoman. lib. 3. cap. 3.*

295. *Nihil, inquit idem Bodinus, lib. 2. cap. 5.* tam incredibile & admirabile, quam hominis in bestiam, & corporis in corpus. Veruntamen hoc judicia in Magos constituta, & divinæ atque humanæ populorum omnium historię probant certissimè. In libro Quæditorum quinto adversus Magos, cujus sæpe memini, legimus Stasium quendam Magum in Bernatum agro, è medio inimicorum (quos habebat quamplurimos) repente ac multoties effugisse, nec aliter quàm inter dormiendum occidi potuisse. Hic duos reliquit discipulos, Hopponem & Stadlinum summos Germaniæ Magos, qui eo loco dicuntur tempestates, fulmina, & procellas maximas excitasse.

296. Extat quæstio in Parlamento Dolenſi habita, & sententia lata die 18. Januarii, 1573. contra Ægidium Garnerium Lugdunensem. Quod judicium nihil hic attinet exscribere, cum Aurelius apud Eli-



Eligium Giberium Parisiis apud Petrum Hayanum, & Senonibus fuerit typis commendatum: præcipua solum capita, quorum accusatus & evictus fuit, annotabimus: Et quod Garnerius iste die Michaelis festo, ad ferranam sylvam in vineis Chastenoyanis quæ à Dolensi oppido quadrante milliaris) absunt) puellam decem aut duodecim annos natam ceperat, manibus, quæ luporum pedibus consimiles videbantur, dentibusque occiderat, femorum & brachiorum carnem devoraverat, & de ea ad uxorem detulerat: Quod item post mensem eadem forma alteram puellam ceperat occideratque voraturus, nisi tres homines (ut ipse fatebatur) impedimentum attulissent: Quod etiam post dies quindecim puerum decennem in Gredisanorum vineis strangulaverat, carnemque crurum, tibiarum, & ventris comederat: Quod denique puerum alium hominis, non lupi specie, quasi tredecim annos natum, in vici Perusani saltu occiderat comedendi animo, (ut ipse sponte, ac non coactus ajebat) nisi fuisset impeditus. His ergo de causis ad ignem vivus est damnatus, effectaque sententia.

297. Alia quoque habetur causa Vesontione cognita à Johanne Boino Inquisitore, anno salutis 1521. Decembri mense, in Galliam, Italiam, & Germaniam missa, quam

quam *Vierus libro 6. de prestigiis, capite 13. exponit* copiosè, itaque percurram paucis. Rei Petrus Burgotus & Michael Verdunus se Deo renuntiasse, fidemque dedisse Diabolo confessi sunt. Burgotum igitur Michael duxit in vicum Castelli Carlonii, ubi candelam virentis ceræ obscura flamma, & coloris veneti habebant singuli, ita saltabant & sacrificabant Diabolo. Postea se unguento oblitos facti sunt lupos fuisse factos, celeritate summa excurrentes: tum versos in homines, ac subinde in lupos, eaque specie lupos inivisse, eadem voluptate, qua cum mulieribus rem habere sunt soliti. Præterea confessi sunt, Burgotus quidem, se puero septenni lupinis pedibus dentibusque mortem attulisse, voraturum, nisi rustici abegissent. Verdunus verò se puellam in horto quodam pisa carpentem occidisse, & à domino Cuneæ depulsum esse. Ab utrisque puellas quatuor voratas esse certo tempore & loco, quarum ætatem exponebant: se pulvere quodam jacto necem hominibus importare.

298. *D. Bordinum generalem procuratorem Regis aliud exemplum mihi narrare memin*, ad se è Belgis missum cum judicio toto à Judice & actuariis obsignato, de lupo sagitta ad femur transfixo, qui postea in hominem versus, decubuit in lecto cum sa-

gitta, quam avulsam agnovit ille, qui fuerat jaculatus, tempore & loco ex confessione hominis comprobata.

299. *Iobus Fincelius scribit*, Paduæ Lycanthropum fuisse deprehensum, cui lupini pedes resecti sunt, & momento manibus pedibusque truncatus homo extitit. Quo exemplo, *inquit Bodinus*, iudicium Magarum Vernonii confirmatur, quæ frequenter felium innumerabilium specie in castellum pervetus solebant convenire. Ibi constituentes viri quatuor aut quinque pernoctare, multitudinem felium se invadentem experti sunt: quorum unus occubuit, ceteri læsi sunt, sed multis felibus vicissim læsis, quæ postea in fœminas versæ, gravia vulnera compertæ sunt accepisse. Sed quia res incredibilis videbatur, iudicia siluerunt. *Petrus Mamorius in libello de Sortilegis, mutationem istam hominum in lupos dicit à se in Sabaudia visam. Henricus Coloniensis in libello de Lamiis, pro indubitato affirmat. Vlrichus item Molitor in libello, quem dedicavit Sigismundo Cæsari, disputationem conscribit coram Imperatore factam, & certissimis rationibus exemplorumque innumerabilium experientia constitutum fuisse docet transmutationem istam veram esse: & ipse Lycanthropum à se fuisse visum narrat Constantiæ, qui accusatus, evi-*  
*ctus,*

ctus, damnatus, & à confessione morti fuit traditus. *Multis quoque libris in Germania editis ostenditur*, unum ex potentissimis Christianorum Regibus, qui nuper vita defunctus est, in lupum sæpe fuisse versum, ut Magorum omnium facile princeps habebatur. Veruntamen hæc pestis Græciam, Asiamque amplius pervasit, quàm Occidentis populos, *ut ajunt Mercatores nostri*, eos illic cippo & carceribus contineri, qui in lupos convertuntur. Itaque anno 1542. Sultane Solymanno Imperium obtinente, tanta fuit luporum vis Constantinopoli, ut armatus Imperator cum prætoriano milite procedens, ad centum quinquaginta simul compulerit, qui universo populo prospectante, ex urbe disparuerunt. *Hanc historiam narrat, Iobus Fincelius, lib. 2. de Mirabilibus*, atque in hanc rem populi omnes consentiunt. Hos lupos Germani dicunt *Werwolf*, Galli *loups garous*, Picardi *loups Warous*, ac si lupos varios dixeris (g. enim in locum w. sufficiunt Galli.) Græci *λυκανθρωπες* & *μερομελονιες*, latini varios & versipelles, ut Plinius agens de hac transmutatione annotavit. Pomponatius & Theophrastus Parracelsus, principes sua ætate Philosophi, certissimam esse confirmant hominum in lupos transformationem. Caspar Peucerus, homo doctus gener Philippi Melanchthonis scribit,

*bit*, has sibi semper visas fuisse fabulas, sed coactum fuisse credere, ex quo istud sibi mercatores plurimi, fide digni, negotiantes in Livonia confirmârunt, multos etiam fuisse accusatos, evictos, & à confessione adjudicatos morti. Itaque describit modum, qui in Livonia observatur: Nempe quotannis sub finem Decembris nebulonem esse, qui Magos omnes citat, ut loco indicto compareant: Si defuerint, eos à Diabolo ictibus ferreæ virgæ cogi adeò, ut vibices extent: præire ducem, myriadas sequi tranantes fluvium: eo trajecto mutari in lupos, in homines & pecora involare. & innumerabilia damna importare: post dies duodecim eodem fluvio remeare, & humanam formam recipere.

300. Languetum Burgundum vidi sæpenumero virum doctissimum agentem in rebus Ducis Saxonæ, dum pro Domino suo cum Rege Gallix ageret: Hic ergo similem historiam narravit mihi, & seni Livonia agentem dixit cognovisse id toti populo haberi exploratissimum. Habeo apud me Germani cujusdam literas, qui stipendiarius fuit Henrici II. Regis, scriptas ad Connestabilem Gallix, quibus certiore facit Connestabilem de Livonia à Moscho capta: Deinde subjicit. In illis locis Herodorus Neurios collocare videtur, apud quos  
dicit.

dicunt homines converti in lupos, quod est adhuc usitatissimum in Livonia. *Multa autem dicta ab Herodoto, quæ incredibilia olim videbantur, posteritas comprobavit. Idem enim autor est, extitisse Magos, qui certis incisionibus tempestatem illam sedaverunt, qua jamque naves Xerxis amplius quadragintæ fuerant submersæ: & apud Olaus magnum lib. 3. cap. 18. legimus Lappos Magos secundos ventos & procellosos vendere solutis quibusdam funibus, quod ab experientia frequentissima omnes nautæ sciunt.*

301. *In historia quoque Iohannis Trite-mii legimus, anno 1470, Judæum quendam Bajanum nomine, Simeonis filium, in lupum se cum placuit transformasse, & oculorum aciem effugisse, factum ἀόρατον.*

302. Mirum quidem istud, sed hoc meo iudicio est admirabilius, complures non posse credere, cum populi omnes terræ, & tota antiquitas id uno ore agnoverit. Neque enim solum ante annos bis mille ducentos id scripsit *Herodotus*, & ante hunc *Homerus* 40. annis, sed etiam *Pomponius Mela*, *Solinus*, *Strabo*, *Dionysius Afer*, *M. Varro*, *Vergilius*, *Ovidius*, & sexcenti alii, atque in hanc sententiam *Vergilius*.

*Has herbas, atque hac ponto mihi lecta venena*



*Ipse dedit Maris, nascuntur plurima porto,*

*His ego saepe lupum fieri, & se condere  
sylvæ Marinæ.*

*Miratus autem Plinius lib. 8. cap. 22. de hac re autores consentire: Homines, inquit, in lupos verti, rursumque restitui sibi, falsum existimare debemus, aut credere omnia, quæ fabulosa seculis comperimus. Hoc ille non audet confirmare, metuens, ut sibi habeatur fides: nam inter principes Græcos autores adducit Euanthem ipsum, qui ait in Arcadia ex gente Antæi unum tranare quoddam regionis stagnum, transfigurarique in lupum, deinde post aliquot annos reverti ad idem stagnum, & cum tranaverit, effigiem humanam recipere. Et Agriopas qui Olympionicas scripsit, narrat Demanetum Parrhasium degustatis pueri Jovi Lycæo immolati extis, in lupum fuisse conversum: quod M. Varro omnium Græcorum, Latinorumque, Cicerone teste, doctissimus adducit, & pro indubitato confirmat. Olaus Magnus de gentibus Pilapia, Narbonia, Fincladiæ, Angermaniaque loquens, (sunt autem hæ gentes Ethnicæ adhuc, & malignorum Spirituum Magorumque plenæ) in historia narrat, homines vulgò in bestias ab eis commutari: Et qui infinita exempla, quæ brevitatis ergò omittimus, desideraverit, is Olaus,*

Olaum, Saxonem Grammaticum, Fincellium, & Guilhelmu[m] Brabantinum potest consulere. Taceo Metamorphosin Ovidii, quia res veras confudit cum fabulosis multis: Sed quod de Lycaone Rege Arcadiæ scribit in lupum verso, non est incredibile.

*Territus ipse fugit, nactusque silentia  
ruris*

*Exululat, frustra que loqui conatur.*

Neque fabulosum est, quod Homerus narrat de Circe malefica, Ulyssis comites ab ea in porcos fuisse transformatos, cum Augustinus ipse in libris de civitate Dei, historiam eandem adducat (quamvis opinione ipsius miram) & illam de Arcadibus in Alpibus quoque memoria sua frequens fuisse dicat, ut fabulariæ mulieres imbutæ malis artibus in caseo darent viatoribus, unde in jumenta illico verterentur, ut necessaria quæque portarent, postquam perfuncta opera iterum ad se redirent, ut supra diximus.

303. Huic persimilem historiam legimus apud Guilhelmu[m] Tyri Archiepiscopum, quam eandem Sprangerus Inquisitor narrat, juvenem Anglum militem in Cypro fuisse à Saga transformatum in asinum, qui cum in navem ad socios volens remeare, fustibus abactus esset, ad Magam rediit: itaque illam eo usam esse, donec asinus in Ecclesia visus est in genua procidere, eaque

facere , quæ ab animante bruta nequeunt proficisci : tum Magam quæ agebat ipsum ex suspicione ad Judices raptam, eum triennio elapso restituisse & morte affectam esse. *Idem in Ammonio Philosopho Peripatetico legimus , asinum ordinariè lectioni ejus interfuisse.*

304. Nihil in Ægypto magis frequentari tradunt mercatores nostri : & ipse Belonius in suis observationibus Lutetia excussis *histrionem . ait* , in suburbio Cayxi oppidi in Ægypto à se fuisse visum , qui cum asino suo sermones conferebat , & confabulabatur quàm familiarissimè : Asinum verò signis , gestibus , & voce indicavisse optimè accipi à se quicquid dicebatur : Si herus juberet asinum pulcherrimam de cœtu fœminam deligere , contemplatum eum in omnes partes , ad unam tandem solitum , cui gratularetur , certo judicio accedere : Si herus ediceret hordeum asino afferri , tum eum aliter quam solebant asini exultâsse , & alia id genus innumera , Quibus copiosè enarratis , *subdit Belonius* , amplius etiam dicturus essem , sed metuo ut eis haberetur fines , quemadmodum nec ego credidissem , nisi meis oculis spectante universo Cayro populo percipissem.

305. *Huic astipulatur , quod scribit Vincentius in speculo , lib. 3. cap. 109. duas in*  
Ger.

Germania hospitas fuisse Sagas, quæ hospites solebant in bestias interdum vertere: cum itaque histrionicum adolescentem in asinum convertissent, qui (ut erat rationis compos) voluptates mille viatoribus exhibebat, hunc magno fuisse à vicino emptum: illas tamen dixisse, se non esse præstituras, nam cum si flumen accederet, amissum iri, asinum itaque die quodam elapsum in lacum proximum abiisse, & simul ac fuisset immersus, formam recepisse. *Id Petrus Damianus vir sua ætate inter primos numerandus*, (cum rem sciscitatus esset diligentissime ex hero, ex asino, ex mulieribus Sagis confessis factum, & ex iis qui asinum elapsum ac restitutum viderant,) *Leoni VII. Papa narravit*, & postquam diu in utramque partem coram Papa fuit disputatum, hoc tandem posse fieri fuit constitutum.

306. Atque hoc quidem pacto confirmari posset illud, quod *apud Lucianum & Apuleium atheos homines in asinum versos legimus*, qui hoc sibi ajunt à Larissæis mulieribus Sagis accidisse, quas ideo inviserant, ut cognoscerent, an istud ex veritate esset. Fuit autem uterque & ἀθεώτης, & artis Magicæ accusatus: quamobrem Apuleius omnes machinas admoveat in Apologia, ut istam sortilegii & veneficii accusationem diluat, &c. *Bodinus lib. 2. cap. 6.*

307. Ex omnibus actionibus, quas Magi sibi vendicant, vix insigniorem ullam inveneris, quam fulgura & tempestates provocandi, ut eam lex pro explorata habuit. Itaque in libro Inquisitorum quinto dicitur, anno 1488. in Constantiensi diœcesi procellas, grandines, fulmina, & tempestates extitisse, quæ proventum terræ per millia quatuor affligerunt Rusticis autem omnibus in Magas invehentibus, comprehensæ fuerunt duæ, Anna de Mindelen & Agne, quæ primò inficiatæ, cum ad quæstionem raperentur, confessæ sunt seorsim se unodie in agrum cum paucula aqua processisse, & quamvis altera consilium nesciret alterius, effodisse scrobem, & sub meridiem aquam scrobi injectam conturbasse adhibitis quibusdam verbis, quæ satius fuerit ignorari, Diabolum invocantes: his gestis, simulac revertissent domum, procellam extitisse. Hæ incendio perierunt vivæ,

308. *Idem author ait*, Judicium à se in Sagam agri Constantiensis latam, quæ cum videret omneis sui pagi incolas in nuptiis convivari & saltare, ægrè ferens quòd non fuisset eò vocata, se per Diabolum claraluce, spectantibusque pastoribus curavit in collem exportari propinquum pago, & quia aquam non habebat, quam in scrobem à se effossam injiceret, ut ciceret tempestatem

(nam

(nam hunc ritum falsa est observari) emisit  
lorium, & illud in scrobe movens, sermo-  
nes quosdam pronunciavit: mox cælo, quod  
sudum serenumque fuerat, obscurato, gran-  
do vehementissima solummodo in pagum  
& in saltantes irruit: Saga vero in pagum  
reversa est. Ea itaque visa, tempestatem ab  
ipsa accitam fuisse crediderunt omnes, ea-  
que capta, pastores pro testimonio dixerunt,  
se vidisse cum in aëre transveheretur. Quod  
illa accusata evictaque agnovit, & viva fuit  
igni tradita.

309. *Apud Pontanum etiam libro quin-  
to memorabilem historiam legimus, Gallis  
Suessæ in regno Neapolitano ab Hispano  
obsessis, cum siccitate aestuque ferverent  
omnia, & penuria aquæ dulcis Galli in sum-  
mo discrimine essent, aliquot Sacerdotes  
Magos crucifixum nocte per vicos traxisse,  
innumeris convitiis & blasphemiiis prosci-  
disse, atque in mare projecisse: deinde con-  
secratam hostiam asino tradidisse, eumque  
vivum ad portam templi inhumasse: tum  
post aliquot carmina & detestandas blasphemias  
(quas nihil attinet cognosci) imbrem  
vehementissimum, diluvioque penè similem  
accidisse, itaque obtidionem ab Hispano so-  
lutam esse. Fuit etiam qui omnes imagines  
in Salini puteum injecit anno 1557. deinde  
abundavit pluvia.*



310. Pecudes autem plerumque Sagæ pulveribus limini subjectis enecant. Non quo pulveres illud possint (Sagæ enim potius quæ gestant eos enecturi essent, quam supergredientia animalia, maximè cum eos Sagæ ad pedem unum sub humo cadant) sed solus Satanus est hujus rei administer. Audi vi trecentas pecudes ratione ista in quodam ovili Biturigum momento uno extinctas esse. Nec solum in tempestates, grandines fulmina, fruges, & animalia has vires exercet Satanus, sed etiam in homines, in improbos tamen maximè. Sagæ quæ Pictavii anno 1564. crematæ sunt, diximus confesas in iis cœtibus quò ad Diabolum figura hirci adorandum convenerant, conclusionis loco fuisse maxima voce ab hircopro-nunciatum ulciscimini vos, aut moriemini: à se autem multas pecudes & homines enectos esse, causantibus non aliam servandæ vitæ suæ rationem extitisse.

311. *Niderus scribit*, judicium à se de Staldino quodam diœcesis Lausanensis fuisse constitutum, qui fœtus septem à se in utero matrum fuisse occisos fatebatur, & abortum toti pecori familiæ illius factum. Rogatum verò de modo, respondisse, Bestiam quandam, cujus nomen reticebimus, à se limini subjectam esse, qua sublata desivit à tota domo abortio.

312. *In Monstreleti historia legimus*, Compendiensem Sagam cum duobus bufonibus à Sacerdote baptisatis fuisse deprehensam, quibus ad res magicas utebatur, quod ridiculum existimarem, nisi quotidiana ejusdem rei exempla existerent. Cum Dominus Johannes Martinus vices Præfecti Laodunensis gerens, Sagam S. Probæ condemnasset, ut viva igni traderetur, qui exuebant bufones duos maximos in oculis illius invenerunt. *Froissardi historia testis est*, Curionem quendam apud Sueffionas ad ulciscendum inimicum à Saga consilium petivisse, qua consulente ut bufonem baptizaret, nomen ei nideret, & consecratam hostiam edendam traderet, id a se factum, & alia multa tacenda confessus est. *Quinque Magarum quæsitores narrant inter alia*, se quæstionem de Maga habuisse, quæ fatebatur, se consecratam hostiam, quam oportuerat deglutivisse, sudario exceptam, in poculo, ubi bufonem alebat, condidisse, pulveresque sibi à Diabolo datos adjecisse, ut certis vocibus (quas reticeri præstat) enunciatis, ad enecandas pecudes limini ovilis substerneret. Deprehensa itaque & evicta, viva concremata est.

313. In Sagarum quoque Valerianarum in Sabaudia judicio, quod prostat excusum, legitur jacto in plantas pulvere, eas repente emori.

emori. Habeo, *scribit Bodinus*, penes me judicialia acta, à generoso Domino Pipemontensi missa, de Barba Doræa, quæ ex Decreto Parlamenti II. Januarii, 1577. sententiam Præfecti S. Christophoro ad Sanlisium confirmante fuit adjudicata igni, postquam confessa est, se tribus hominibus necem intulisse, conjecto pauculo pulvere charta involuta in eum locum, quæ erant transituri, idque cum his verbis, In nomine Dei & omnium Diabolorum, &c. quæ hic non placet ascribere. *lib. 2, cap. 8.*

314. *Scribit Nederus*, qui de Sagis innumeris quæstionem habuit, unam a se visam, quæ unica solum voce homines encaret: alteram, quæ vicinæ mentem sursum deorsum vertit, horrendo spectaculo. *Scribit quoque Angelus* (cujus historię quoque supra fecimus mentionem) *Palatinum Principum Medicus*, anno 1539. Ulrichii fuisse infestum sortibus Agricola, Neufesserum nomine, à cuius pelle ferreus clavus avulsus est, & cuius interanea tantis doloribus erodebantur, ut sese desperans jugulaverit. Eum in conspectu civium omnium fuisse dissectum, & in corpore ejus baculum, cultros chalybeos quatuor, ferramenta duo, capillorumque glomus comperta esse. Non est itaque mirandum magnopere, si Thesla Saga Pamphila fecit, ut mulieris venter  
sic in-

fic intumesceret, tanquam si ter geminos fuisset paritura, & octo menses circumferret onus. Ejusmodi fuit Martina Saga, quæ occidit Germanicum, non veneno (*ut ait Tacitus*) aut ovo galli gallinacei, sed vi diabolica. Et illa in Constantiensis Diocæcisi Maga, quæ efflando totum hominis corpus ita affecit elephantiasi, ut paulò post animam ageret. *Hanc Sprangerus & Quasitores alii cremari curaverunt vivam. Idem Sprangerus narrat*, se autore alteram in finibus Basileæ & Alsatiæ fuisse combustam, quæ falsa est, se convitium à viro bono agricola obiectum ferentem indignissimè, rogatam fuisse à Diabolo, quid eo homini fieri vellet, quid dixerat convitium? Cui cum respondisset, cupere se, ut semper facies illius turgeat: Non multò post agricolam ex insanabili elephantiasi laborasse. Hæc tamen Judici confessa est, se non putasse, id effecturum Diabolum. Quo argumento vincimus, à Diabolo hæc omnia effici, qui voluntati hominum ipso utentium ita se accommodat, ut si quis adversarium suum curet per socium tolli.

315. *Apud Sprangerum quoque legimus*, Plumberum quendam Magum, Lendenburgi in Germania extitisse, quem docuerat Satanas crucifixum sagittis ante pascha die veneris configere, qua ratione adhibi-

hibitis nefandis quibusdam verbis jaculans in aërem, ternos homines quos vidisset cognovissetque poterat quotidie occidere, quamvis in arcem munitissimam abditos, modò certum deliberatumque consilium occidendi eos habuisset. Eum verò tandem Rustici in frustra laniaverunt, sine juridica cognitione ulla, postquam homicidia plurima perpetrâisset. *Hæc gesta anno 1420. Bodinus Demonom, lib. 2. cap. 8.*

316. Apud Pedemontanos Cazalii quædam nomine Androgyna videbatur, cum intraret in alienas ædes, & paulò post homines interibant. Comprehensa itaque, Sagarum omnium consortium ejusdem maleficii retexit conjurationem (erant autem 40. fermè) quæ exteram januarum manum ad enecandas homines perungebant. Id anno Domini 1536. accidit. Genevæ quoque postea idem effectum est, anno 1568. ubi ad septennium fuit pestilentia, ex qua occubuerunt multi. Patavii Sagam à se visam *Cardanus scribit*, quæ puerum enecavit illicò, dum virga leniter dorsum illius conringeret. Medæ Saga zelotypa, quòd Glauca Regis Creontis filia, Jasoni quem deperibat nuberet, coronam auream misit ei nuptiarum die, cumque eam capiti suo imposuisset Glauca, exarsit flamma, ex qua repente obiit, *ut Euripides in Medea scribit,*

quæ-

φάρμακων ἢ τῶν τοῦ θανάτου inquit, hoc est, non  
venenis tuis, sed pharmacis.

317. *Biebrana Saga* suprâ meminimus,  
quæ ad Laodunum cremata fuit anno 1556.  
Hæc infirmabat homines, mirificeque di-  
stortos reddebat, eosque bestias, & fruges  
perdebat. Sed ut primum fuit exusta, cessa-  
verunt hæc omnia, ut ex Judice, qui de ea  
quæstionem habuit, cognovimus. Idem mi-  
hi præterea narravit, cum ista cuidam fœ-  
minæ comminata esset, eam nunquam la-  
staturam, ita accidisse, & lac ejus subito  
exaruisse, & quamvis multos liberos pare-  
ret, tamen ubera semper aruisse. Cremata  
verò Saga, statim copioso lacte abundasse.  
*Ex quodam Nobili honorato viro cognovi,*  
uxori suæ ab amita impedimentum fuisse  
factum ne pareret (sic illa moriens confessa  
est) ut successionem liberis acquireret. Illa  
ut mortua est, hanc brevi gravidam fa-  
ctam peperisse semel atque iterum, cum  
annos jam undecim conjugati vixissent. *Bo-  
dinus.*

318. *Vierus narrat historiam*, Magum à  
se in Germania visum, qui spectante popu-  
lo cælum versus ascendebat clara luce, cum-  
que uxor pedibus eum prehenderet, pariter  
sublatam esse, hac item comprehensa ancil-  
lam sursum abivisse: ita multo tempore in  
aëre versatos esse, corona populi attonita  
& mi-



& miraculum admirante. *Simile exemplum in Hugonis Floriacensis historia legimus, Matisconensem quendam Comitem maxima voce clamantem, amici adjuvate me, abreptum in aëra & delatum esse, nec deinceps visum. Idem Vierus scribit, se homines vidisse à Diabolis in aërem sublato. Et quæsitum fuisse in Germania Magum, qui se pollicebatur liberos Francisci I. Regis Madrico ex arce educiturum, & ex Hispania in Galliam per aërem devecturum esse, at nihil fuisse effectum, quòd metueretur, ne hoc duce ruerent, & ruentibus cervices disfringerentur. Sic fuit Judæus Magus nomine Sedechias, qui (ut narrat Iohannes Abbas Tritemius) emittebat hominem in aëra, in membra discerpebat, eaque recollecta adunabat, ut Simon Magus Nerone præsentem fecit: currum etiam onustum fœno cum equis & agitatore coram toto populo absorbebat.*

MIRA-



MIRABILIUM  
HISTORIARUM  
DE SPECTRIS,  
ET

Variis Præstigiis Diabolorum  
seu malorum Dæmonum.

LIBER SECUNDUS.

*De Oraculis, vaticiniis & Prædictionibus Dæmonum.*

**T**elephus Mysorum Rex Græcos à descensione prohibiturus, quum obstinatè Ulysses inter vineas insequeretur, præpeditus trunco vitisruit. Achilles procul telo jaculatus femur sinistrum Regis transfixit. Pace facta, & Græcis domum reversis, Telephus dolore vulneris diu afflictatus, cum nullo remedio sanari posset, ad extremum Apollinis oraculo

culo monitus, uti Achillem atque Æsculapii filios adhiberet: properè Argos navigavit, Græcos orans, ne sibi prædictum remedium negaretur. Achilles cum Machaone & Podalýrio adhibentes curam vulneri, brevi fidem Oraculi firmavêre. *Dictys lib. 2.*

2. Cræsus Lydorum Rex, cum Atii filio amisso, alium haberet filium mutum, pro ejus vitio emendanda nihil non fecerat, tum verò Delphos sciscitatum miserat. Cui Pythia respondit:

Αὐδὲ γένοιτο, πολλῶν βασιλεῶν, μέγαν ἦπι  
Κροῖτε.

Μὴ βέλῳ πολύδουκτον ἔλῃ ἀνὰ δώματ'  
ἀκχεῖν

Παιδὸς φθεγγομένῃ. τόδ᾽ σοι πολὺ λῶϊον  
ἀμφὶς

Ἐμμεναι. αὐδήσῃ γὰρ ἐν ἡμέρῃ περὶ τὸν αἰόλ-  
βω.

Oraculum verum eventus ostendit. Nam captis Gardis à Cyro, cum miles quidam in Cræsum irrueret, filius mutus alta voce exclamavit (cum prius nullam unquam vocem edidisset) ἀνθρώπε μὴ κτεῖνε Κροῖσον. Sic Cræsus culpa sua Regnum suum amisit, voce filii vitam servavit. *Herodotus libro 1.*

3. Hesiodi ossa Minyæ hoc se modo recepiſſe narrant. Sæviente in homines & pecudes pestilentia, missos ad Oraculum consultores, responsum tulisse. Ad sedandam

luem

luem unicum illud fore auxilium, si ex Naupacto agro in Orchomenium Hesiodi ossa deportassent : aliam sane nullam reperiri posse mali levationem. Percontatos rursus eos, in qua tandem Naupactii agri parte essent illa reperturi, respondisse Pythiam, locum cornicem monstraturam. Cum redirent in patriam qui sciscitatum missi fuerant, non longe à via cornicem conspexisse saxo insidentem. Ibique Hesiodi ossa inventa in ejus saxi latebra cum inscriptione. *Pan-  
sanias in Boeoticis.*

4. Atheniensis Catatrei filius, Creten-  
sum Regis, cum Oraculum sciscitaretur,  
responsum tulit, in fatis esse, ut pater ab eo  
interficeretur. Evitare fata cupiens, sponte  
cum plurimis voluntariis abiit in eam Rho-  
di oram, quæ Camiros dicitur. Catatreus  
filii unici actus desiderio, profectus est in  
Rhodum, nati in Cretam deducendi cupi-  
dus. Cum noctu in insulam descendisset, or-  
ta inter suos locique incolas contentione ac  
pugna, Althemenes suis auxilio accurrens,  
jaculo inscius patrem occidit. Qua ex re Al-  
themenes dolore ingenti perculsus, cum tan-  
ta vim calamitatis ferre non posset, fugiens  
hominum consortia ac sermones, solusque  
per deserta inviaque loca oberrans, dolore  
consumtus expiravit. *Diodorus lib. 5. cap. 13.*

5. Amphionis tota domo ex pestilentia  
dele-

deleta, successit in Regno Thebano Lajus. Is sumta uxore Jocasta Creontis filia, cum diutius caruisset liberis, Oraculo consulto, An esset filios habiturus? responsum tulit: Non conducere sibi prolem habere, quod qui ex eo prodiret filius, patrem occisurus esset, adversaque fortuna domum funestaturus. Lajus ergo, natum infantem trajectis ferro pedibus exponi præcepit: unde & Oedipus cognominatus est, à tumore vulneris. Sumptum puerum domestici cum non exposuissent, cuidam servili mulieri nomine Polybiæ tradidère: Cum jam vir factus esset, Deum de infante exposito consulere statuit Lajus. Oedipus quoque à quodam se fuisse expositum certior factus, & ipse Pythiam, qui sui parentes forent, oratum proficiscebatur. Cum verò apud Phocidem invicem obviassent, Lajusque illum de via cedere superbius mandasset, Oedipus ira motus Lajum occidit, inscius patrem esse. *Diodorus lib. 4. cap. 6.*

6. Parysadæ Regis Cimmerii Bosphorites filii, Eumelus, Satyrus & Prytamis, de regno post parentis obitum contendebant. Eumelus, ope Ariapharnis Thracum Regis Prytamin interfecit: Satyrus, Regiam oppugnans, vulnere in brachii musculo accepto periit. Itaque regno potitus est Eumelus per quinquennium, admirabili casu extinctus.

ctus. Nam cum ex Scythia domum revertetur, & ad quoddam sacrificium properaret, quadriga ad Regiam contendebat, & cum currus quatuor rotis veheretur, & haberet tentorium, perterrefacti equi, cum abripuerunt. Cum auriga habenas tenere non valeret, veritus rex ne in scrobes delaberetur, exilire conatus est, sed cum ensis rotæ implicitus esset, ille unâ tractus, e vestigio expiravit. Satyrum Oraculo admonitum ferunt, ut sibi à mure caveret. Itaque suorum subditorum neminem id nomen usurpare passus est. Domesticos & agrestes mures formidabat, & pueris semper ut occiderent, & cavos obstruerent imperabat. Tandem vitam finit in brachii musculo vulneratus. Eumelo autem responsum Oraculo fuerat, ut domum quæ portarentur caveret. Itaque haud temere domum intrabat, nisi pueri prius & fundamenta & culmen lustrâssent. Cum autem in quadriga vi rotæ extinctus esset, propter tentorium, quod quadriga vehebatur, omnes Oraculum impletum existimarunt. *Diodorus Siculus libro vigesimo.*

7. Cyrus Rex Persarum, ad Istrum contra Massagetæ & Essedonas profectus, consuluit in Lesbo Orphei caput, Oraculis clarum eo tempore, de belli eventu. Responsum accepit: τὸ ἐγὼ ὦ κύρῃ σε: Id est, Similem exitum, ut ego, habebis. Exitus Oraculo



fidem fecit. A Tomyri enim Regina Cyrus interfectus & capite truncatus est, sicuti à Thraciis Mænadibus Orpheus. *Philostratus testis.*

8. Polycrates Samiorum Tyrannus posteaquam Rheneam insulam cepisset, eamque consecrasset Apollini, constitutis apud Delphum ludis pulcherrimis, Delphos misit consulturus, utrum oporteret eos ludos Delios an Pythios appellare. Respondit Oraculum, ταῦτά σοι καὶ πύθια καὶ δῆλια. futurum innuens, ut propediem excederet è vita. Itaque res in Proverbium versa.

9. C. Julio Cæsari futura cædes evidentibus prodigiis denunciata est. Paucos ante menses quum in Colonia Capua deducti lege Julia coloni, ad extruendas villas sepulchra vetustissima disjicerent: idque eò studiosius facerent, quòd aliquantum vasculorum operis antiqui scrutantes reperiebant: tabula ænea in monumento, in quo dicebatur Capys conditor Capuæ sepultus, inventa est, conscripta literis verbisque Græcis hac sententia: Quando ossa Capys detecta essent, fore ut Julo prognatus, manu consanguineorum necaretur, magnisque mox Italia cladibus vindicaretur. *Cujus rei, ne quis fabulosam aut commentitiam putet, autor est Cornelius Balbus familiarissimus Cæsaris. Suetonius.*

10. Titus Imp. Uraculo acceperat, Ulysses more se *ἐν τῇ Θαλάττῃ* periturum. Ulysses radio Pastinacæ marinæ loco sagittæ à filio Telegono peremptus est. Titus verò leporis marini veneno à fratre Domitiano sublatus. *Celius lib. 26. cap. 30.*

11. Justinianus Imperator Romanorum circa annum Christi 533. Mundum Ducem in Dalmatiam, adversus Ostrogothos misit, qui Salonas occupavit. Ille ibi cum Mauricio filio cum ad speculanda castra exiisset, à Gothis cæsus, oraculi fidem implevit, multosque timore liberavit. Erant enim qui dicerent, fatidica Sibyllæ carmina pronuntiata esse, quorum sententia, periturum cum prole sua Mundum, ubi Africa denuò armis Romanis foret recepta. Atqui tum Africam domitis Vandalis Justinianus Rom. imperio restituerat. Hoc Sibyllæ vaticinium plærosque mortales conterruerat, qui excidium orbi terrarum imminens expectabant. Verum exitus & mors Mundi Ducis, filiique sui docuit, hujusmodi vaticinia, tam obscura ambiguaque esse, quàm fallaces sunt eorum artifices attri genii. *Aventinus lib. 3. Annat. Bojorum, & Iohan. Magnus lib. 10. cap. 14.*

12. Manuel Comnenus spe longioris vitæ deposita, monasticum habitum postulavit. Sic & vita & imperio cessit, quod an-

nos triginta octo gubernavit, tribus mensibus demptis. Ad quod imperii spacium vetustissimum illud Oraculum alludere videtur:

*Tui prehendet te postrema nominis.*

Nam  $\eta\lambda$  postrema syllaba nominis Manu-  
lis, apud Græcos tantum numerum comple-  
ctitur. *Nicetas lib. 7.*

13. Xerxes Græcos bello adortus, cum  
esset apud Salaminem superatus, ipse qui-  
dem in se movit, verum Mardonium reli-  
quit, qui suo nomine bellum prosequeretur.  
At cum hic quoque ad Platæas parum pro-  
spere pugnâisset, fugatuque esset, fama vulgo  
invaluit, Mardonium intra ambitum ten-  
torii sui thesaurum ingentem humo defos-  
sum reliquisse. Hac spe pellectus Polycrates  
Thebanus, cum agrum commercatus est.  
Verum ubi jam multum diuque thesaurum  
quæsisset, nec quicquam proficeret, Delphi-  
cum Oraculum consuluit, qua ratione pos-  
set eas pecunias invenire? Apollo respondit  
his verbis:  $\pi\acute{\alpha}\nu\tau\epsilon\lambda\lambda\acute{\iota}\theta\omicron\nu\kappa\acute{\iota}\nu\epsilon\lambda$ . Id est, unum-  
quemque move lapidem. Id simul atq; fecis-  
set, multam auri vim reperisse ferunt. Hinc  
ortum Adagium. *Erasmus in Chiliadibus.*

14. Post Sethonem Ægyptiorum Regem  
duodecim Reges creati, sanctissimo fœdere  
ab initio inter se pacti, ne sibi alius alii in-  
sidiarentur, sicque fida conspiratione Æ-  
gyptum administrarent, interim Oraculo

cognitum est, ut is qui ferrea phiala in Vulcani esset templo libaturus, solus Ægypti regnum obtineret. Nec longo deinde tempore interjecto, cum fortè in Vulcani æde solenni sacro Reges omnes starent, de more libaturi, Antistes templi numero aberrans, singulis, præterquam Psammeticho, qui ultimo loco steterat, phialam obtulit: qua ille necessitate adactus, detracta sibi galea, libavit. Ferebat tum ipse, ut cæteri Reges, galeam, eaque re animadversa, confestim Oraculi memoria circumstantium animos subiit, ratique id consilio factum, dignum Psammetichum judicârunt, qui morte multaretur. Cæterum cum id casu contigisse cognitum est, præcipua Regni parte exutum, in palustrem Ægypti partem relegârunt cæteri Reges ea lege, ut reliqua Ægypto abstineret. Eam ignominiam ægrè tulit Psammetichus, secretaque consilio agitabat, ut præsentem contumeliam ulcisceretur. Ex Latone interim Oraculo, quod in Buti urbe omnium verissimum apud Ægyptios habebatur, relatum est, fore, ut æreis viris auxiliariis quandoque usus, qui è mari affuturi essent, se Psammetichus in summam dignitatem vindicaret. Nec multum deinceps temporis processit, cum Jones Caribus mixtis prædandi studio maria lustrantes, vi tempestatis voluntario cursu excussi, Ægyptum

tenuerunt. Unus interim indigenarum eos in littus egressos conspicatus, novitate rei commotus, trepidè Psammeticho nunciat, æreos homines adesse: cataphractum militem Ægyptii ad id tempus nunquam viderant. Sensit ille fatale tempus adesse, confestimque inito cum Jonibus & sociis fœdere, multis pollicitationibus in destinati belli partes traxit, hisque copiis fretus Psammetichus, facile Reges, à quibus fuerat relegatus, è medio sustulit, totiusque gentis unus est ditionem adeptus, *Sabellicus lib. 4. Enneadis 2. ex Herodoti lib. 2.*

15. Manuel Comnenus Imp. nato sibi filio, ut natalem illius celebriorem redderet, cives honoratiores (uti moris erat) ramos gestantes, convivii excepit, & puerum Alexium nominavit, non tam ut eum proavi sui nomine honoraret, quàm propter Oraculum, quod ei per ambages responsum fuerat, seriem Comneniæ familiæ duraturam tantum, quot literas nomen *αἰμα* complecteretur, per A. Alexius, per I. Johannes, per M. & A. Manuel, & filius ejus Alexius alter, haud obscurè significabantur. *Nicetas lib. 5.*

16. Bœotia Thracum impetu & bellico furore devastata, redditum iis, qui stragibus superfuerant, ex intimo specu Oraculum. Ibi sedem firmaturos, ubi corvos albe-

bentes conspicati forent. Id verò in Theſſalia mox factum ad Pagæaticum ſinum. Illorum namque oblatis aſpectibus ſunt, Soli quidicebantur ſacri corvi, quos vino mandentes pueri gypſo litos emiſerant. *Calius lib. 57. cap. 11.*

17. Cum Teucri Cretenſes alias ſedes quaerent, & Oraculo conſulto reſponſum accepiſſent, ut illic conſiderent, ubi *μυα-  
νῆς*, hoc eſt, terræ filii eos adorirentur: per-  
vagata Myſia & Cilicia, tandem in Troa-  
dem venerunt. Ubi dormientibus ipsis, ma-  
gna viſ agreſtium murium nervos arcuum  
& ſcuta arroſerunt, ita ut expergefacti arcu-  
bus uti amplius non poſſent. Mures igitur  
hoſtes ab oraculo prædictos arbitrati, eò lo-  
ci conſederunt, & oppidum Sminthen con-  
diderunt, quoniam lingua ſua *σμινθες* mu-  
res vocant Cretenſes. *Euſtathius Iliados a.*

18. Quod Phryges duce Ænea in Lau-  
rentem agrum delati, haud ulterius ſint eva-  
gati, Oraculo aſcribunt, quod futurum  
monſtraret, ut ibi ſtabiles manſurasque ſe-  
des haberent, ubi fame adacti menſas abſu-  
mere cogerentur. Quod non multò poſt  
ipſum appuſſum contigiſſe memorant, ut  
paniceos orbes carnibus ſubjectos ex di-  
ſcumbentibus quidam panis inopia conſum-  
pſerint, atque tunc ab uno atque altero ex-  
clamatum, deſunctos eſſe ſe jam fatali er-



rore, quando ejusmodi mensas à vescentibus consumi contigisset, eamque vocem favore & assensu à circumstantibus exceptam. Non satis constat, ubi id responsum Trojani acceperint. Sunt qui Dodonæum fuisse arbitrentur: alii in Erythris Idæ tugurio, quod Sibylla incolebat, puella fatidica, atque inde indigena: jussos ajunt Troas profugos ad occidentem solem navigare, donec in eum ventum esset locum, quo mensas panis defectu consumere adigerentur. Id ubi accidisset, scirent jam adesse tempus finiendi erroris, seque fatalem terram attigisse. *Sabellicus lib. 7. Ennead. 1.*

19. Tarentum Coloniam Lacedæmonii deduxêre, Duce Phalantho Spartano. Huic Coloniam deducturo Delphis Oraculum redditum est, cum sub Æthra pluviam animadvertisset, tunc se agri & urbis competentem fore. Sed cum neque per se, quid illud responsum innueret, satis considerâisset, neque omnino quenquam interpretum consulisset, classem in Italiam applicuit. Ibi cum Barbaros vicisset, neque tamen vel urbe, vel agro ullo potiri posset, Oraculi è re nata ei in mentem venit: ac planè sibi, quod fieri nullo pacto posset, Dei voce significatum suspicari cœpit, quòd scilicet nunquam eventurum esset, ut puro serenoque cœlo (quam Æthran Græci vocant) plueret.

Hunc

Hunc uxor animum despondentem amanter multis modis solabatur, & ejus genibus aliquando caput sustentans, dum pediculos legit, lachrymæ præ animi ægritudine, ob adversos viri casus, & irritam spem mulieri obortæ: quare effusus flens, viri caput perfudit. Tunc primum evolutæ sunt Oraculi ambages: Æthræ enim uxori nomen fuerat. Ea itaque nocte, quæ diem illum insecuta est, Tarentum hostium urbem maritimam maximam, & opulentissimam cepit. *Pausanias in Phocicus.*

20. Codrus Rex Atheniensis è Thracia oriundus, cum bello Peloponnesiaco Attica omnis vastaretur regio, Oraculoque consulto responsum esset, Victuros eos, quorum Dux hostili manu periisset: deposito habitu regio, gregario militi assimilatus, se hostili globo objecit: unumque ex his falce percussus, in necem suam compulit. Cujus interitu factum, ne Athenæ perirent. *Cicero in fine lib. 1. Tusc. quest. & lib. 5. de Finibus.*

21. Cum Xerxes Græcis bellum inferret, Lacedæmonii de belli eventu sciscitari Oraculum, à Pythia responsum tulere, Athenas eversum iri à Persis, Spartanorum verò Regem in prælio occubiturum. Athenas relictas Mardonius occupavit. Lacedæmonii trecenti cum Leonida Rege ad intercessionem cæli sunt. *Herodotus lib. 8.*

22. Romani adversus Pyrrhum Epirotarum Regem bellum gerebant, Paulus Æmylius responsum accepit ex Oraculo, victoriam se reportaturum, si aram eo in loco ædificaret, ubi hominem cursu demersum aspiceret. Post paucos dies Valerium Torquatum à terra absorptum vidit. Ibidem igitur structa ara, victor evasit, ex qua victoria centum sexaginta turres gestantes Elephantos Romam misit. *Plutarchus in Parallelis.*

23. Bello Cimbrico Batabaces Pessinunte adventavit, Mattis magnæ Idæ sacerdos. Hic Deam attulit ex adyto annunciasse sibi, Victoriâ populo Romano, magnumque belli decus accessurum. Cum esset Senatus assensus, atque ædem Dæ Victorix causa decrevisset, prodeunti in concionem, ut hæc ad populum ederet, Batabaci interdixit A. Pompejus tribunus plebis, præstigiatores appellans, hominemque cum indignitate depulit ex rostris, quæ res commendavit potissimum dicta ejus. Nam simul atque dimissa concione domum regressus Pompejus est, tanta vis occupavit eum febris, omnibus ut constaret & pervulgatum esset, eum intra septimum diem expirasse. *Plutarchus in Marii vita.*

24. Cum bello acri & diuturno Vejentes à Romanis intra mœnia compulsi, capi non pos-

possent, eaque mora non minus obsidenti-  
bus quàm obsessis intollerabilis videretur,  
exoptatæ victoriæ iter miro prodigio Dii  
immortales patefecerunt. Subito enim Al-  
banus lacus, neque cœlestibus auctus imbri-  
bus, neque inundatione ullius amnis adju-  
tus, solitum stagni modum excessit. Cujus  
rei explorandæ gratia, Legati ad Delphi-  
cum Oraculum missi, retulerunt præcipi  
fortibus, ut aquam ejus lacus emissam per  
agros diffunderent. Sic enim Vejos in pote-  
statem populi Romani venturos. Quod  
priusquam legati renunciarent, Aruspex Ve-  
jentium à milite Rom. (quia domesticus in-  
terpretes deerant) captus, & in castra perla-  
tus, futurum dixerat. Ergo Senatus dupli-  
ci prædictione monitus, eodem penè tem-  
pore, & religioni paruit, & hostium urbe  
potitus est. *Valerius Max. lib. I. cap. 6.*

25. Cum Dorienſes Eleam repeterent,  
contra Augeæ posteros, quorum tunc Rex  
erat Eleus, Oraculum acceperunt, ut remi-  
grationis Ducem Trioculum facerent. For-  
te obuius illi fit Oxylus, Æmone Thoantis  
filio genitus, exul ex Ætholia, quòd ludens  
disco, imprudenter hominem occiderat.  
Iscum mulum altero captum oculo ageret,  
Cresphontes acutè coniecit, Oraculum ad  
Oxylum pertinere. Itaque Dux electus, in  
Peloponnesum navibus trajiciendum, non

pedestri exercitu per Isthmum irruptionem tentandam censuit. Paruere Dorientes, & Eleam obtinuerunt, *Pausanias lib. 5.*

26. Lacedæmonii cum à Tegeatibus bello semper superarentur, Oraculum consuluerunt, quemnam Deorum placarent, ut Tegeates vincerent? Respondit Pythia: Orestis filii Agamemnonis ossa Spartam referenda esse. Illis ambigentibus, & incertis de loco, in quo recondita essent: sic cecinit:

Εἴ τι πρὸς δῶκε δῖης τέλει λελυγμένον ἔστιν ἔσθω,  
Εἴ θ' ἀνεμῶι πνεύσῃ δύο κορυβερῆς ὑπὸ ἀνάγκης,

Καὶ τὸ πρὸ ἀνέκτου, καὶ πῆμα ἐπὶ πῆμα  
κεῖται.

Εὐθ' ἀγαμέμνονιδὴν κατέχευε φασίβοις αἶα,

Τὸν σὺ κομῆσάμενόν τελέεις ἐπὶ ὑπέρθεσσι ἐσθῇ.

Oraculum nemo intelligere poterat. Liches unus Spartiatarum ἀγαθοεργῶν, hoc est, Benemeritorum, Tegeam venit, & in officina fabri ærarii confidens, admirabatur operas. Cui faber: Quid miraris hospes, inquit: multò magis mirareris, si sepulchrum quod ego in fodiendo puteo sub terra reperi, vidisses, in quo ossa septem cubitorum longitudine conspexi, & terra iterum obrui. Liches statim Oraculum tacitus secum repetit, duos fabri folles, duos esse ventos: Incudem verò antitypum, patiundo enim

nim reagit: malleum typum, quia incudem percutit. Malum primò passive, quòd à malleo pateretur: deinde etiam activè, quia ad hominis perniciem esset inventum. Hæc secum cogitans Liches, cum Lacedæmoniis re communicata, profugum se simulans, ad Tegeates revertitur, cortemque fabri conducit precio: & clam Orestis ossa effossa Spartam refert. Inde factum, ut Spartani Tegeates postea bello superârint, eodem ferè tempore, quo Cyrus Cræsum Regno exuit. *Herodotus lib. 1.*

27. Tiberii Imperatoris temporibus editum est Romæ Oraculum his verbis.

*Bis ter trecentis circumvolventibus annis,  
Seditio perdet Romanos.*

Quod Neronis tempore factum putârunt. Eadem enim Oraculi verba, cum post urbem à Nerone miserè incensam populus recitasset, Nero populi consulendi causa, hos versus nusquam repertos esse dixit. Quo facto populus hunc versum verò Sibyllinum cecinit:

*Ultimus Æneadum matrem necat Indu-  
perator.*

Id quod accidit, sive verè prædictum divino Oraculo, sive afflatu multitudinis ex statu rerum qui tum erat. Nam ultimus Nero ex Julii familia, quæ ab Ænea profecta erat, regnavit. *Xiphilinus in Nerone.*

28. Paulo ante adventum Hispano-  
rum



rum in Americam, Rex insulæ, quam post de inventorum nomine Hispaniolam dixeret, Idolum Zemi consuluit, ut jejuniis quinque dierum religiosè obito, flagellis etiam laceratus, quid de Regno à suo obitu futurum esset? Respondit Dæmon: Venturos homines barbatos, vestitos, Regnum per vim subacturos, uno ictu gladiis suis multorum corpora dissecaturos, servitute gravissima oppressuros incolas. Hoc Oraculum Rex, ad placandam Deorum iram, carmine comprehendit, quod Arentum vocant, & festis diebus cum solenni ceremonia cantari voluit. Itaque multi incolarum, ubi Hispanos primum adventantes vidēre, fuga sibi consuluerunt Oraculi memoria. *Petrus Cieza, tomo 2. rerum Indicarum, cap. 33.*

29. Sardanapalus Assyriorum Rex, ab Arbace Medo in urbe Nino obsidebatur. Erat responsum progenitoribus datum, nunquam Ninum capi posse, nisi cum fluvius urbi hostis fieret. Quod nunquam futurum ratus, spem ceperat obsidionis ferendæ, & simul futura auxilia expectabat. Cum duobus annis obsidio perseverasset, per summum ocium obsessorum, tertio continuis imbris excrescens supra modum fluvius, cum partem urbis inundasset, muros dejecit ad stadia viginti. Hic Rex existimans tempus Oraculi advenisse, desperata salute,  
ne in

ne in hostium potestatem veniret, Regia incensa, se cum charissimis quibusque exussit. Arbaces per murorum ruinas ingressus Rex creatus est. *Diodorus lib. 2. cap. 7.*

30. Hesiodo poetæ datum fuerat Oraculum, ut Nemeæ Jovis templum fugeret. Cum ergo Nemeam Peloponnesi fugeret, fortè in Oeneonem Locridis pervenit, ubi Nemeæ Jovis templum fuerat. Eo in loco incautus ab Amphiphane & Ganetore Phrygiæ liberis interemptus est, quòd ab eo vitiatam sororem crederent, & ex eo stupro natum esse Stesichorum. *Thucyd. apud Gyrard. Dial. 2. hist. poet.*

31. Epaminondas Thebanus acceperat ex Delphici Apollinis Oraculo, Pelagus sibi cavendum. Quare fuit illi præcipua cautio, ne aut triremibus, aut oneraria unquam manu veheretur. At præmonuerat Dæmon, non mare, sed saltum eum devitandum ad Mantineam, cui Pelagus nomen, ubi occubuit. *Pausanias in Arcadicis & Suidas.*

32. Cambysi Persarum Regi Oraculum Latonæ ex urbe Buti datum erat, cum in Ecbatanis vita excessurum. Intelligebat ille Ecbatana Medæ. At cum in Syria ageret, post interfectum Ægyptiorum Deum Apim, equum conscensurus, gladius vagina nudatus, in femore Regem vulneravit. Me-  
tu &

tu & dolore territus, quod nomen vicina urbs haberet, interrogavit. Ubi Echatana esse cognovit, errorem suum agnoscens, desperabundus obiit. *Herodotus lib. 3.*

33. Philippo Macedoniæ Regi mortem Pythia prædixit :

*Taurus adest . & finis adest , ferietque minister.*

*Et Gracis pariter :*

*O utinam fierem Iovis ales in aethere, juxta Thermодоöntis aquas, procul ut bella horrida ab alto.*

*Despicerem. Victus flet , at hic qui vicit, obivit.*

Anceps hoc dictum Philippus in rem suam interpretatus est, veluti ab Oraculo prædiceretur, Persam victimæ instar mactatum iri. Sed res secus se habebat, contrariumque significabatur: Philippum scilicet in hominum conventu, inter ipsa Deorum sacrificia, uti coronatum taurum interfici debere. Lætus proinde agebat, Deos sibi auxiliares, ad Asiam in servitutem Macedoniæ trahendam, fore existimans. Cum ampla sacrificia in Deorum honore perageret, & Cleopatæ ex Olympiade uxore filiæ, Alexandro Epirotarum Regi Olympiadis fratri desponsatæ, nuptias Ægis Macedoniæ urbe celebrare instituisset, atque plures ex tota Græcia ad geniale convivium convenirent, magni-

gnificentissima certamina musica, & convivia ad amicos & hospites accipiendos lautissima faceret, in mediis sacris alba indutus veste, à Pausania uno ex stipatoribus cæsus est, ad Thermodonta fluvium, ad Chæroneam, ubi paulò antè contra Græcos insigni victoria potitus fuerat. Indignè autem ferebat Pausanias, quod de illato tibi stupro ab Attalo Olympiadis nepote questus, à Rege insuper irrisus fuisset. *Diodorus libro 16. & Pausanias in Arcad.*

34. Idem cum consulisset Delphicum Oraculum, Quid evitandum sibi esset, quò ad justam perveniret senectutem? Pythia Quadrigas vitare iussit. Quo audito, toto regno suo cum omnes quadrigas amoveri iussisset, locumque in Bœotia, qui Quadriga vocatur, non adire vellet, demum à Pausania, qui quadrigam in capulo gladii cælatam habebat, occisus est. *Val. Max. lib. 1. c. 8. & Cic. de Fato. Plutarch. in Alexand.* Alii dicunt, cum circumiret Thebaicam paludem, cui Currus nomen erat, trucidatum esse.

35. Æschylus tragicus Atheniensis Oraculo acceperat, ex ictu de super sibi pereundum esse. In Sicilia igitur exul, testata vitabat, ne ruina illorum opprimeretur. Accidit ut ruri saxo insideret, capite detecto. Quod cum sublimè volans aquila, Morphos dicta (cui testudines raptas frangere

gere peculiare est) calvitii nitore elusa, saxum esse putaret, testudinem marinam ei illisit. Eo ictu Æschylus periit. *Idem lib. 9. cap. 12.*

36. Daphidas Sophista, cum Delphicum oraculum Ironicè consulisset, an equum invenire posset quo veheretur? Oraculum, posse equidem equum invenire, respondit, sed ut eo perturbatus periret. Mox igitur cum ad Attalum Regem venisset, quem graviter olim offenderat, deprehensus, & de saxo, cui Equi nomen erat, præcipitatus est. *Cicero de Fato, & Valerius Max. lib. i. cap. de Miraculis.*

37. Cum Dionysius superior Syracusiorum tyrannus Athenis in festo Bacchanalium tragœdiam edidisset, & victor declaratus suffragiis fuisset, quidam ex cantoribus Chori, splendidum honorificumque munus se accepturum ratus, si primus hoc nuncium attulisset de victoria, navigavit Corinthum. Ibi cum invenisset navem, quæ in Siciliam itura esset, conscensa ea secundis ventis usus est, cumque appulisset Syracusas, continuo retulit tyranno victoriam. Dionysius nuncio muneribus affecto, magnam lætitiâ ex ea re cepit, gratulatoriaque sacrificia Diis offerens, comotationes & convivia magno cum apparatu celebravit. Cum autem invitasset amicos atque familia-

liares suos, & inter pocula nimium vino indulgisset, in gravissimum morbum delapsus est, propter ingurgitati vini copiam. Cum, verò responsum à Diis immortalibus accepisset, quod nunc moriturus esset, cum meliores superâisset. Ipse in eum sensum accipiebat oraculum, ut referret ad Carthaginienses, eos se meliores fortioresque esse arbitratus. Quamobrem sæpe etiam habito cum iis conflictu, si res ad victoriam spectare videretur, subterfugere solebat, & ultro vinci, ne fortioribus superior fuisse videretur. Verum non potuit hac versutia fati necessitatem infringere. Sed cum esset parum bonus poëta, vicisse meliores poëtas Atheniensium suffragiis judicatus est. Itaque convenienter oraculi veritas præstita est, ut cum meliores sese vicisset, statim vitæ terminus sequeretur. *Diodorus lib. 15.*

38. Alexander Epiri Rex accitus in Italiam à Tarentinis, Dodonæi oraculi sortibus jussus erat Acherusiam cavere, Pandosiamque urbem. Ibi fati ejus terminum dari. Hæc illi causa fuit in Italiam maturius transmittendi, ut procul esset à Pandosia, Epiri urbe, & Acheronte ejusdem fluvio, quem ex Molosside fluentem in inferna stagna accipit Thesprotius sinus. Cæterum fatali necessitati humana providentia non repugnat, ruiturque sæpius fugiendo in ipsa fata.



fata. Vicerat sæpe acie Alexander Brutios & Lucanos, ceperatque non paucas eorum urbes, &c. Interea tres haud procul Pandosia urbe tumulos ad Lucanos & Brutios fines infestandos communiverat, atque inde quaque versum premebat. Assidui autem imbres adeò interjacentibus campis inundaverant, ut exercitu trifariam intercluso, nulli aliis ferre auxilium possent. Eam occasionem amplexi hostes, Alexandro opem suis ferre nequeunte, duo præsidia expugnant, inde Ducem ipsum magna copiarum parte exutum obsidione cingunt. Erant ex Lucanis exulibus circa Alexandrum circiter 200. Hi pacto occultè cum suis reditu, regem se aut vivum aut mortuum in eorum potestatem duros pollicentur. Interim Rex ipse magnum facinus ausus, per medios hostes cum delecta manu erumpit, Ducemque Lucanorum cominus congressum obtruncat, contrahensque suos in unum, denso globo ad amnem pervenit, cujus pontem vis aquarum non multò antea discusserat. Hic cum incerto vado transitum meditaretur, miles labore fessus, nomen fluminis Regi abominandum forte protulit, Jure, inclamans, Acheron nominaris, quæ vox auribus excepta, ingentem Regi dubitationem iniecit, an fluvium transiret. Eum ita cunctantem Sotinus minister admonet, Lucanos quærere locum

locum insidiis. Quos ubi ille respiciens in se ruere animadvertit, exerto gladio in flumen defiliit: Jam equus cum in adversa ripa staterat, quum Lucanorum unus veruto transfixit. Eum labentem aquarum impetus, hærente hasta, in hostium præsidia exanimem traxit, ibi fœda corporis laceratio facta, medioque præciso partem Consentiam misère, alteram ad ludibrium servatam, quum saxi & jaculis diutius incessissent: postremo mulierculæ condonârunt, quæ ut virum & liberos, qui captivi apud hostes erant, reciperet, cremati corporis ossa Metapontum ad hostes transmisit, unde ad uxorem Cleopatram sunt & Olympiadem sororem missa, Magni Alexandri matrem. *Strabo libro 6. Valerius Max. lib. 1.*

39. Oraculum ex Jovis Ammonis fano vetus de Annibalis clarissimi Carthaginensium Ducis exitu fuit.

*Libyssa corpus teget tuum.*

Annibal Africam suspicabatur, & sepulturam Carthagine, quasi vitam illic transacturus. Est autem locus Bithyniæ fabulosus juxta mare, nec procul exiguus vicus, Libyssa dicitur: ibi forte agebat Annibal exul, qui quod Prusiæ Regis semper suspectam molli-  
tiem haberet, & horreret Romanos, septem exitibus subterraneis jam ante domum ex tabernaculo suo aperuerat, aliò aliis cuniculis,

culis, omnibus procul tamen occultè se efferentibus. Ut igitur præceptum T. Quintii Flamini legati Romani Annibalem sibi dedi à Rege postulantis accepit, tentavit per cuniculos fugam, verùm cum in custodias Regni incidisset, statuit mortem sibi ipsi consciscere. Nonnulli referunt pallio eum collum obvolvisse, jussisseque servo, ut infixò clunibus genu valideque impresso stringeret id, & contorqueret, quoad eliso spiritu necasset se. *Livius lib. 8. Decad. 4.* venenum tradit eum, quod penes se habebat miscuisse, sumptoque calice dixisse: Libermus tandem diuturna cura populum Romanum, quando mortem invidiosi senis expectare longum & grave censuit. Hoc modo periisse Annibalem ferunt. *Plutarchus in Flaminio. Pausanias verò in Arcadicis*, eum, cum in equum ascenderet, sponte ense nudato digitum læsisse, atque inde non multorum sanè stadiorum itinere confecto, cum ejus vulneris inflammationem febris esset consecuta, tertio post die interiisse. Et sic oraculi vocem fatalis viri nomen implevisse, quem Libyssam Nicomedienfes appellabant.

40. Appius Claudius, bello civili, quo Cn. Pompejus à Cæsaris concordia, pestifero sibi, nec Reipublicæ utili consilio abruperat, eventum gravissimi motus explore  
rare

rare cupiens (viribus namque imperii Achajæ præerat) Antisthenem Delphicæ cortinæ in intimam sacri specus partem coëgit descendere, unde ut certa consulentibus sortes peruntur, ita nimius divini (Diaboli potius) spiritus haustus reddentibus pestifer existit. Igitur impulsu capti numinis instincta virgo, horrendo sono vocis Appio inter obscuras verborum ambages fata cecinit: Nihil enim, inquit, ad te hoc Romane bellum, Eubææ cellam obtinebis. At is ratus consiliis se Apollinis moneri, ne illi discrimini inrecesset, in eam Regionem secessit, quæ inter Rhamnunta, nobilem Attici soli partem, Caristumque Chalcidico freto vicinam, interjacens, cellæ Eubææ nomen obtinet, ubi ante Pharsalicum certamen morbo consumptus, prædictum à Diabolo locum sepultura possedit. *Valerius Max. lib. 1. cap. 8.*

41. C. Caligulæ fortunæ Antianæ responderunt, ut à Cassio caveret. Itaque Cassium Longinum Jurecons. tunc Asiæ Proconsulem, interfici delegaverat. Sed antequam imperio ejus satisfaceret, a Cassio Chærea interfectus, fatum vitare non potuit. *Rutilius in vita Cassii.*

42. Michaël Comnenus Palæologus Imp. morbo cordis correptus, fertur mortis metu, eos qui adessent percontatus esse, quo nomi-

nomine locus ille vocaretur? Cum Pachomii & Allages nomen audiisset, cum alto suspirio dixisse, Hic sibi finem instare, vitæque mutationem fato decretam esse, & se ipsum graviter accusasse, quod non ita pridem honestum quendam virum nomine Pachomium excæcasset, propterea quod vulgo ferebatur oraculum de Imperatore, sub vitæ mutationem Pachomium illi successurum: quo deceptus, & imperii cupiditate amens, Pachomium imperio inutilem efficere festinârat. *Gregoras lib. 5.*

43. Vabem olim in Olympo celebrem Libethra nomine fuisse ajunt, qua mons in Macedoniam se immittit. Ab ea urbe non longè Orphei monumentum abesse. Libethriis olim è Thracia à Liberi patris oraculo responsum allatum, à sue urbem deletam iri, cum primum Orphei ossa Sol aspexisset. De hoc illos Oraculo solitos esse oportere se nihil putasse, quod nullam omnino feram vel tantam, vel tantis præditam viribus existere posse crederent, quæ urbem ejusmodi posset excindere, cum ea non magis fiducia quadam, quàm suo robore niteretur. Atqui ubi Diis visum est, hæc acciderunt. Pastor quidam meridie recubuit fessus ad Orphei tumulum. Is cum fortè somno se dedisset, in somnis cœpit Orphei versus magna & suavi voce decantare. Ea voce  
qui

qui proximis locis vel pascebant, vel forte arabant, commoti, intermisso opere, ad illam dormientis pastoris cantilenam accurrerunt. Ibi cum ita, ut fit, alterum alter trudentes impellerent, dum propius quisque ad pastorem certant accedere, columnam evertunt. Ea ruente fracta est urna: quo factum, ut Orphei ossa Sol aspiceret. Ea deinde, quæ insicura est, nocte, ingenti aquæ vi de cælo effusa. Sus amnis (unus hic est de Olympi torrentibus) Libethriorum muros dejecit, sacras & profanas ædes evertit, homines ipsos, & animalium cuncta, quæ intra mœnia fuerunt, extinxit. *Pausanias in Bæoticis.*

44. Siphnii insulares propter fodinas metallicas maximum thesaurum congefserant, & decimas illius quotannis Delphos mittebant. Consuluerunt Oraculum, diuine præsentibus bonis frui possent? Pythia respondit:

Ἀλλ' ὅταν ἐν σίφνῳ περὶ ταννῆϊα λάβῃς γῆναι,

λάβῃς φρύγες τ' αἰγερή, τότε δὴ δέῃ φραδμοῖ  
ἀνδρὸς

φράσασα δ' ξύλινόν τε λόχον, κήρυκά τ'  
ἐρυθρόν.

Oraculum eventus confirmavit: Habebant eo tempore Siphnii forum, atque Prytanæum ex candido marmore Pario extru-

P

ctum.



ctum. Samii cum<sup>1</sup> velocissimè ad Siphnum applicuissent, miserunt ad urbem cum Legatis navem, quæ (ut naves antiquæ omnes) rubrica delibuta erat. Nuncii decem talenta mutuò petebant. Negantibus Siphniis, eorum agros populati sunt Samii, eosque ex urbe egressos cæciderunt, multosque ceperunt, quos centum talentis Siphnii redemerunt. Tunc tandem, quamvis serò, oraculum intellexêre, ligneum agmen & rubrum legatum navem esse hostilem. *Herodotus lib. 3,*

45. Messanenſibus in Sicilia olim datum fuerat Oraculum, Carthaginenses urbis suæ lixas futuros. Itaque arbitrabantur Carthaginenses urbi Messanæ ministeria pro servis obituros, atque inter servitia Messanenſibus habendos. Qua spe sublati animis, Hamilcar Carthaginensium Duci magna confidentia sese opponere ausi fuêre, Verùm capta urbe, serò tandem Oraculi ambiguitatem intellexêre. Hamilcar enim Carthaginensibus militibus tanquam servis mandavit, ut ædificia cuncta diruerent, solo æquarent, neque regulas, neque ligna, nec materiæ quicquam incorruptum dissipatumque usquam relinquerent, igni absumerent, confusa obritaque dispergerent. Nec ulla cuiquam cunctatio ad mandata fuit. Tanta simul ad diruendos parietes, & evertendas ædes

des properante ac fervente multitudine, brevi peractum opus, obliterateda protinus monumenta omnia, deleraque loci species, ac solum, ubi urbs prius steterat, prostratum adeò proculcatumque apparuit, ut vix ulla habitationis usquam vestigia discerni possent, &c. *Diodorus lib. 14.*

46. Phocenses gravi bello Thessalorum propemodum attriti, misere Delphos, qui de periculo propulsando Oraculum consularent. Qui missi fuerunt, tale retulerunt responsum.

*Mortalem atque Deum jubeo decernere ferro:*

*Victor uterque, aliud sed enim mortialis habeto.*

Phocenses ignari quid sibi vellet oraculum, trecentos speculatores emittunt. Qui omnes ad internecionem cæsi sunt cum Gelone Duce suo. Ingentem ea clades pavorem in castra pertulit. Atque eò ventum est desperationis, ut conjuges, liberos, fortunas cæteras, quas agere quisque aut ferre posset, vestem, aurum, argentum: Deorum signa in unum coegerint: ibi maximo extructo rogo, viros 30. duntaxat reliquerunt, quibus imperârunt, si ita accidisset, ut quid ad prælium exissent, hostibus succumberent: primò fœminas ac impuberes omnes jugularent: deinde quas congefserant opes in

rogum conjicerent, atque in eas ignem immitterent: postremo & ipsi vel mutuis confoderent se vulneribus, vel ultro in medium hostium equitatum ruerent. Ex eo sæva omnia & immania consilia, Græcorum verbo Phocica desperatio appellari cœpta. His ita constitutis Tellix Elei vatis consilio contra Thessalos copias educunt. Devoti igitur in hostem irruunt, & extrema desperatione acti, victoriam adepti sunt, omnium quæ quibusvis ante populis evenissent maxime insignem. Ac tunc Apollinis ambiguum illud responsum omnibus innotuit. Cum enim utrinque de more à Ducibus militi tessaræ darentur, fortuito ad Oraculi verba appositæ datæ sunt: à Thessalis Itonia Minerva, à Phocenibus gentis auctor Phocus. *Pausanias libro 10.*

47. Lacedæmonii optimis & sanctissimis legibus à Lycurgo acceptis, post ejus mortem non contenti amplius ocio frui, cum se Arcadibus præstantiores esse arbitrarentur, de omni illorum terra occupanda Pythiam consuluerunt. Quibus illa respondit:

Ἀρχαδίῳ μὲ αἰτεῖς; μέγα μὲ αἰτεῖς. ἔπει  
δώσω.

Πολλοὶ ἐν Ἀρχαδίῃ βαλανεφάραι ἄνδρες  
ἔασιν,

Οἱ σ' ἀποκλύσειν. ἐγὼ δὲ τοὶ ἔπει μνηστῆρα.  
Δώσω

Δάσω τοι. τεγέλω ποσιπρότον ὀρχήσασθαι,  
 Καὶ χαλὸν πιδόν χοίρω ἀλαμτρέσασθαι.

Hæc responsa ubi accepere Lacedæmonii, à cæteris Arcadibus abstinentes, bellum intulere Tegeatibus, ferentes secum compedes: videlicet captioso freti oraculo, tanquam essent ipsi redacturi Tegeatas in captivitatem. Verum congressi prælio ac fugati, quicunque eorum vivi sunt capti, eisdem quas ipsi attulerunt compedibus indutis, campum Tegeatem metiti fune coluerunt. Compedes quibus vincti fuerant, ad nostram usque memoriam fuere circa templum Minervæ Alexæ, apud Tegeam suspensæ. *Herodotus libro primo.*

48. Cleomeni Spartanorum Regi Oraculum Delphicum responderat, cum Argos esse capturum. Sperabat ille, urbem Argos sese eversum. At cum Argios in aciem progressos, in luco quodam conclusos igni injecto cremasset, & cujus Dei lucus ille esset, interrogasset: ubi Argi esse cognovit, ab Apolline se delusum conquestus omnem Argos potiundi spem abiecit. *Herodotus libro 6.*

49. Philomelus Phocensis capto Delphico Oraculo, Pythiam ut aliquid sibi de patriæ rebus prædiceret, cogere cœpit. Ad cujus asperitatem offensa mulier, cum dixisset, ei licere facere quod vellet: lætus

plurimum, verbum id, ut oraculum rebus suis aptissimum, accepit Philomelus, statimque ex scriptura illud in propatulo posuit, & passim vulgavit, sibi à Deo licentiam datam faciendi quod vellet. Postmodum concione vocata, quid sibi responsum esset exposuit, adhortatusque uti firmiores animos haberent, ad belli negocia se totum convertit. Factum est & ei in Apollinis templo ostentum huiusmodi: Aquila ædem supervolans, in terram se devolvit, educatasque in templo columbas persequabatur, ut earum aliquot ex ipso altari arripuerit. Id ipsum earum rerum periti, Philomelo & Phocensibus fortunatum exitum Delphici belli portendere affirmabant. Quod Novennio duravit varia fortuna ad extremum tamen cum Phocensium excidio. *Diodor. l. 16.*

50. Cræsus consulto Oraculo Delphico, nunquid diuturnum habiturus esset imperium, à Pythia responsum accepit:

Ἀλλ' ὅταν ἡμῖον βασιλεύς μηδὲ  
 γήνηται.

Καὶ τότε Λυδὲ ποδαβὲ πολυμήφίδα παρ'  
 ἔρμον

Φωγῆν, μήδε μένειν, μηδ' αἰδεῖσθαι κρείσσονα.

Cræsus nunquam sperans fore, ut apud Medos mulus pro viro regnaret, imperium æternum sibi ipsi pollicebatur: non intelli-

gens

gens per mulum significari Cyrum, quippe qui ex duabus diversis gentibus ortus erat, generosiore matre Mandane, quam patre Cambyse. Nam illa quidem Meda erat, Astyagis Medorum regis filia. Hic autem Persa, & Medis subiectus. *Herodotus lib. 1.*

§1. Arcesilaus cum Pheretima matre regno Cyrenæorum pulsus, Sami agens, unumquemque sollicitabat ad spem rei agrariæ, coactoque ingenti exercitu, missus est Delphos ad consulendum de reditu in patriam. Cui Pythia ita respondit: Ad quatuor Batros ac totidem Arcesilaos octo hominum ætates dat vobis Apollo Cyrene regnare, ulterius vos conari dehortatur. Tibi verò suadet, ut ingressus in domum tuam, quietem agas. Quod si fornacem inveneris plenam amphorarum, ne eas excoquas, sed ad auram emittas. Sin fornacem incenderis, ne committas ut circumfluum introëas, alioqui peribis tu pariter, & taurus optimè opus faciens. Arcesilaus sumptis iis quos contraxerat è Samo, rediit Cyrenem, recuperatoque rerum statu, immemor oraculi factus, vocatis ad dicendam causam adversariis, comprehensos in Cyprum ad necem mittebat, quos Cnidii ad suam terram appulso liberaverunt, & ad Theram dimiserunt. Quosdam, qui in grandem quandam &



privatam Aglomachî turrim refugerant, circumdata materia Arceslaus igni cremavit. Hoc perpetrato, agnoscens id esse oraculum, quo Pythia non sinebat eum inventas in fornace amphoras excoquere, excessit ultrò ex urbe Cyrene, extimescens necem oraculo prædictam, & quod Cyrenem existimaret esse circumfluam, contulitque se ad Regem Barcæorum, nomine Alazerim, cujus filius in matrimonio habebat cognatam suam. Et quidam tum Barcæi tum Cyrenæi exules, cum in foro agentem animadvertissent, obtruncarunt, & insuper ejus socerum Alazerim. *Herodotus lib. 4.*

52. Nero Cæsar portendi sibi mutationem status à Mathematicis acceperat, qui in hoc concordēs, in eo discordabant, quænam fortuna imperio dejectum exciperet. His æger Delphicum oraculum experiri statuit. Responsum est, annum 73. caveret. Quod cum audisset, homini inconsiderato, & vix tricesimum ætatis supergresso, tanta securitas inceserat, ut jam nil metuens, & prosperitatem & ætatem sibi integram sponderet, quasi ante prænunciatum tempus ab Apolline mori non posset, eodemque vanitatis & insolentiæ raptus est, ut preciosissimis quibusdam de rebus maritima tempestate deperditis, affuisset, eas ad se vel piscium obsequio reversuras. Talibus in-

cumuerat erroribus, cum subito ab omnibus destitutus, & ad turpissimam compulsus est mortem, utique consiliario dignus Apolline: quamvis mendacii parens, ne quid mentitus videretur, consuetis ambagibus atque arte providerit, quod ipse Nero suprema illa nocte, audito clamore militari, suum execrante, & Galbæ nomen celebrante, sero licet quiverit intelligere, & ad infelicitatis suæ cumulum auctorem oraculi veridicum opinari, Galba enim successor tertium & septuagesimum annum agebat. *Perrarcha ex Suetonio.*

53. Xerxes Darii filius, effosso vetusto Beli monumento, vitream urnam reperit, ubi jacebat in oleo mortuus: non tamen plena fuit urna, vacuumque à summis labris ferè palmæ spaciū habuit. Adjacebat urnæ columna exigua, in qua scriptum continebatur, Eum qui sepulchrum aperuisset, neque replevisset urnam, pessimè habiturum. Quo lecto, Xerxes expavit, & oleum celerrimè jussit infundi, non tamen impletum est. Iterum infundi jussit, neque sic incrementum accepit. Donec frustratus omni labore infundendi, cessaret: clausoque monumento, summa cum mœsticia discederet. Quinquaginta myriadum exercitu adversus Græcos conscripto, magnam cladem accepit, reversusque turpissima morte vi-

tam finivit, noctu in stratis à proprio filio interemptus. *Ælianus ex Herodoti lib. 3,*

54. Sylvester II. Gilbertus antea vocatus, natione Gallus, malis artibus (ut ajunt) pontificatum adeptus est. Adolescens enim & Floriacensi cœnobio in Aureliana diœcesi posito dedicatus monachus & addictus, relicto monasterio, Diabolum secutus, cui se totum tradiderat, Hispalim civitatem Hispaniæ bonarum artium causa pervenit. Erat enim admodum doctrinæ & literaturæ cupidus: qua in re tantum profecit, ut brevi ex discipulo optimus præceptor sit habitus, Discipulos autem ejus hos fuisse *Martinus testatur*, Robertum Franciæ Regem, Lotharium virum nobilitate & doctrina insignem, qui postea Senonensis Archiepiscopus creatus fuit. Gilbertus igitur ambitione, & diabolica dominandi cupiditate impulsus, largitione primò quidem archiepiscopatum Remensem, inde Ravennatem adeptus, Pontificatum postremò, majore conatu adjuvante Diabolo, consecutus est, hac tamen lege, ut post mortem totus illius esset, cujus fraudibus tantam dignitatem adeptus erat. Nam cum Gilbertus regnandi cupidus, Diabolum sciscitaretur, quamdiu Pontificatu victurus esset, respondit humani generis hostis ambiguè, ut solet: Si non attigeris Hierusalem, diu vi-  
ves.

ves. Dum itaque pontificatus sui anno quarto, mense uno, die decimo in basilica sanctæ crucis in Hierusalem Romæ sacrificaret, fato se moriturum statim cognovit: Unde pœnitentiæ motus, & errorem suum coram populo confessus, omnes primò posthabita ambitione & diabolicis fraudibus, ad benè & sanctè vivendum adhortatus est.

55. Cum maritima Atticæ vastarent Bœori, & Athenienses adversus Æguinam expeditionem inirent, advenit è Delphis oraculum, ut ab Æginetis lœdendis triginta abstinerent: tricesimo anno cum fanum Æaco dicassent, bellum cum Æginetis inchoarent, ad votum eis res successura. Sin bellum continuò inferrent, fore ut interea multa detrimenta acciperent & inferrent, sed ad extremum illos subigerent. Hoc oraculum Athenienses ubi audivêre, Æaco fanum dicârunt, quod nunc in foro exstructum vilitur: sed triginta annis non esse abstinendum censuerunt, quòd videlicet audissent esse fatale, multa se passuros indigna ab Æginetis, si bello abstinerent. *Herodotus lib. 5.*

56. Persicorum Magorum sapientia, ac divinandi notitia multorum monumentis celebratur, qui cum alia multa, tum Artaxerxis Ochi sævitiam adversus subditos & eadem ex signis quibusdam arcanis præ-

dixerunt. Nam cum Artaxerxe patre vita functo, regnum Persarum Ochus capesseret, magi cuidam ex Eunuchis præceperunt, ut posita mensa animadverteret, quibus rebus ex objectis Rex primum manum injiceret. Qui cum oculos in hoc attentos haberet, Ochus utraque manu protensa, dextra unum ex adjacentibus cultris arripuit: altera maximum panem accepit, quem carnibus impositum scidit, & alacriter comedit. Quibus auditis, Magi hæc duo vaticinati sunt, frugum tempestivam fertilitatem, atque annonæ copiam illo regnante, & cædium frequentiam, neque falsi fuerunt. *Ælianus lib. 2. de varia historia, & Diodorus lib. 17, Bibliotheca.*

57. Apud Pædasenses, qui super Halicarnassum habitant, hoc fertur contingere, ut quoties Amphyensibus (qui circa eam urbem habitant) aliquid adversi certum intra tempus est eventurum, tunc Antistiti, quæ illic Minervæ est, grandis barba nascatur: quæ res bis apud eos accidit. *Herodotus libro 8.*

58. Beleses Chaldaus Arbacem Medum ad invadendum regnum Babyloniorum hortatus est, & victoriam ei certam promiserat, quam biennio post, multis utrinque cladibus datis & acceptis, obsessio in urbe Nino Rege Sardanapalo, & præ desperatione

ne ad Regiæ incendium adacto, cum imperio optinuit. *Diodorus lib. 2. cap. 7.*

59. Thales Milesius cum ex futuro Vergiliarum ortu, sequentem annum oleis uberrimum fore perspexisset, venditores præoccupavit, diu antè olearum ejus anni fructibus emptis, haud admodum grandi precio: quod aliquot jam annis antè uber olearum fuerat proventus. Itaque cum, ut ipse præviderat, eo anno copiosæ oleæ, sequente verò infœcundæ fuissent, ingens lucrum fecit. *Fulgos. lib. 8. cap. II. & alii. Plinius Democrito hoc tribuit, & idem Sextium Romanum Athenis fecisse testatur. Idem corpus suum jussit poni in abjecto quodam & contempto loco agri Milesii, cum ibi aliquando forum Milesiorum fore prævideret. Plutarchus in Solone.*

60. Mnesarchidi Bæoto cauponi à Chaldæis responsum fuit, Euripidem filium victorem in certaminibus fore. Proinde filium in gymniciis certaminibus exerceri voluit. At postea ad Tragædias scribendas conversus, omnium victor extitit, *Gellius libro 15. capite 20. ex Theopompo recenset.*

61. Augusti Imperatoris ortus incidit in eum diem, quo de conjuratione Catilinæ in curia agebatur. Quò cum tardiuscule Octavius pater venisset, excusaretque ux-



ris puerperium, P. Nigidius, natali hora inspecta, affirmasse dicitur, Dominum terrarum orbi natum. Ipse cum Apolloniæ esset, Theogenis Mathematici pergulam cum Agrippa ascendit. Sed cum multa & magna Agrippæ prius consulenti Theogenes prædixisset, metu ac pudore ne minor in illo inveniretur, vix compelli potuit, ut suam vulgaret genesium. Qua edita, Theogenes continuo exiluisse fertur, atque cum adorasse. Quæ res tantum illi fiduciæ attulit, ut suum postea vulgaverit thema, nummumque argenteum nota sideris capricorni, quo erat natus, percussisset. *Sabellicus lib. 8. Enneade 6. ex Suetonio.*

62. Cum Livia peperisset Tiberium, Scribonius Mathematicus præclara spondit: etiam regnaturum quandoque, sed sine regio insigni, ignota scilicet tunc adhuc Cæsarum potestate. *Suetonius.*

63. Tiberius Cæsar in Rhodo insula, artis Chaldæorum gratia, Magistrum Thra-syllum habuit. Quoties super negotio consultaret, edita domus parte ac liberti unius conscientia utebatur. Is literarum ignarus, corpore valido, per avia ac derupta (nam saxi domus imminebat) præcesserat eum, cujus artem experiri Tiberius statuisset. Et regredientem, si vanitatis aut fraudum suspicio inceserat, in subjectum mare præcipi-

cipitabat, ne index arcani existeret. Thra-  
 sylus iisdem rupibus inductus, postquam  
 percunctanti Tiberio imperium & futura  
 solerter patefecit, interrogatur, an suam  
 quoque genitalem horam comperisset, quem  
 tum annum, qualem diem haberet. Ille po-  
 situs siderum ac spacia dimensus, hærere  
 primò, deinde pavescere, & quantum in-  
 trospeceretur, magis ac magis trepidus, admi-  
 ratione & metu postremò exclamat, ambi-  
 guum sibi ac prope ultimum discrimen in-  
 stare. Tum complexus eum Tiberius, præ-  
 sciunt periculorum etiam incolumem fo-  
 re dixit. Die quodam cum eo juxta mare  
 deambulans, enixè ut meliora speraret, hor-  
 tabatur. Tiberius verò cum contra senti-  
 ret, & Augusti vitrici sui iram metueret,  
 atque parum abesset, quin, ut erat ira suc-  
 census, eum in mare præcipitem daret: Thra-  
 sylus aliquantisper constitit, conversisque ad  
 mare oculis, ut Rhodum versus venientem  
 vidit navem, affirmare ausus fuit, ea navi  
 felicia Tiberio afferri. Nave in portum de-  
 lata, literas ab Augusto Liviaeque Tiberius  
 accepit, quibus Romam revocabatur. *Dion.  
 in Augusto.*

64. Claudius Princeps, paulo ante mor-  
 tem, cum Consules designaret, mensem il-  
 lis, quo moriturum se præfagiebat, metam  
 statuit: consilioque novissimo filios suos,  
 ut fra-

ut fraternè viverent, obtestatus, Senatui commendavit: denique pro tribunali sedens, licet abhorrentibus qui aderant, & lætiora precantibus, sese ad mortalitatis terminum pervenisse iterum iterumque professus est. *Suetonius.*

65. Nero cum manè ante Solis exitum nasceretur, Astrologus quidam inspecto siderum cursu, statim respondit, hominem Romæ regnaturum, sed occisurum matrem. Quod cum Agrippina mater intellexisset, Interficiat, inquit, modò impetret. Eventus Astrologum vera prædixisse declaravit. *Xiphilinus in Nerone.*

66. Ascleptarion Mathematicus ad Domitianum Imperatorem delatus, quod de ejus exitu quædam prædicere esset ausus, cum ne inficiaretur quidem jactasse se, quæ ex arce prævisa tibi essent, ira accensus Domitianus, Dicas mihi, inquit, oportet, quis te tandem maneat exitus? affirmantem illum, fore ut brevi laceraretur à canibus. Ad elevandam scientiæ fidem confestim interfici jussit, corpusque accuratissimè cremari, sepeliri que cineres. *Hac ille.* Sed fatum mutari non potuit. Densus imber cœlo dejectus, medio rogi ministerio restinxit, cadaverque semi-ustum à bustuariis relictum, qui in opertum refugerant, canum superventu coëptum est lacerari. Id ei cœnanti cum Latinus

Mi-

Mimus inter cæteras illius dici fabulas enarraret, ita commotus est, ut jam inde vitæ diffusus omnibus viveret casibus obnoxius.

*Sabellicus ex Suetonio.*

67. Domitianus Imp. Mathematicis prædictionibus ad superstitionem usque deditus, cum sibi mortem instare cognovisset, pridie quàm interfectus est, cum tuberes sibi oblatos in crastinum jussisset afferri, illud adjecit, Si illis, inquam, uti licebit. Conversus inde ad eos qui proximè steterant, Futurum est, inquit, ut cras luna in aquario cruentetur, existetque facinus aliquod, de quo homines omnibus terris loquantur. Cæterum quia monitus fuerat, ut quintam illius diei horam caveret, sollicitus perseverat aruspiceis causam audire, qui de casu fulminis consultus, mutationem rerum portendi dixerat. Cum igitur inter agendum verrucam in fronte scalpendo fregisset, fluxissetque ex eo attritu paululum sanguinis, Utinam, inquit, hætenus. Tum horas requirenti, pro quinta, quam metuebat, sexta ex composito nunciata est. Ad eam vocem lætus, tanquam instans periculum evasisset, surgens ad curam corporis festinaret, cum Parthenius cubiculi præfectus revocavit, adesse nuncians, qui magnum nescio quid afferret, neque id differendum. Summotis itaque omnibus, in cubiculum se recepit, ubi  
septem

septem vulneribus à Parthenio & conjuratis contrucidatus mortem occubuit, anno ætatis quinto & quadragesimo, ex quo imperare cœperat quinto decimo. Sabellicus libro 4. Enneadis 7.

68. Hadrianus Imp. non tantum aliis artibus operam dedit, verum etiam Mathesi. Quod Marius Max. usque adeo demonstrat, ut eum dicat cuncta de se scivisse, sic ut omnium dierum, usque ad horam mortis futuros actus antè præscripserit. Satis constat de Vero, quem adoptaverat, sæpè dixisse, Ostendent terris hunc tantum fata, nec ultra esse linent. Eo igitur anno, quo è vita excessit, usque ad mensem tantum scripsit, quo decessit: ea re se mensem illum non transgressurum esse ostendens. *Fulgosus lib. 8. cap. 11.*

69. L. Septimius Severus Pertinax, peritissimus Matheseos fuisse dicitur. Defuncta siquidem uxore Martia, Bassiani matre, cum de conditionibus ageretur apud eum, genituris omnium inspectis, Juliam apud Syros, haud bono genere natam, quod Imperatoriam haberet genesim sibi conjunxit, è qua Gretam peperit. *Volaterranus.* Idem in Britanniam profectus, non inde se rediturum pronunciavit, idque in laquearibus ædium, quæ erant in Palatio, in quibus jus reddebat, scriptum reliquit: ita ut ab omnibus

bus (præter eam partem, quæ ad horam, qua natus esset, spectabat) videretur. *Xiphili-  
nus Dionis Nicæ abbreviator in Severo.*

70. Ægyptius quidam è tractu Mende-  
fio, Constantinopolim veniens, cauponam  
ingressus est. Cauponaria (artis quoque ob-  
stetriciæ perita) dum Ægyptio vinum pro-  
mit, ecce è vicinia accurrens una, in aurem  
illi narrat, affinem suam de salute pericli-  
tari tertio jam nixu, nisi ocyus succurra-  
tur. Illa, relicto Ægyptio, puerperam à  
partus laboribus liberavit, & ad hospitem  
recurrat, ira exæstuantis moræ suæ causam  
aperit. Ille confestim tempus diei & horam  
observans, Abi, inquit mulier, & puerperæ  
dicito, quod tantum non Imperatorem enixa  
sit, hocque elocutus, pleno poculo se proluit,  
nomenque suum mulieri cognoscendum de-  
dit. Nato infanti nomen fuit Ablabius, qui  
usque adeo pila & ludus extitit fortunæ, ut  
sub Constantino Magno præfectus præto-  
rio, Imperatore plus potuerit. *Eunapius in  
vita Ædofii.*

71. Hebræi duo Magi & Astrologi Zitæ  
Arabum principi Imperium & vitam lon-  
gævam pollicebantur, si Christianorum  
templa & imagines Divorum demoliretur.  
Paret ille. Sed anno vix exacto repente mor-  
itur. Filius impostores punire parabat. Illi  
in Isauriam fugiunt, ibique Leonem (qui  
post-



postea dejecto Theodosio III. imperium invasit, & Isaurus dictus est) puerum ignobilem, sed optima præditum indole reperiunt, ei Imperium prædicunt, tanta fiducia, ut jurejurando polliceretur, si prædictioni eventus responderet, facturum se quicquid peterent. Posteaquam Leo ad Imperium pervenit, anno nono urgēt illi promissa, & nihil aliud petunt, quàm ut imagines Christi & Deiparæ aboleat. Imperator fidei suæ liberandæ causa, simulacra tollit, Iconolatrias graviter persequitur. *Cuspinianus & Zonara.*

72. Simeon Bulgarorum princeps in Crobatos duxit, ab iisque in angustiis montium prælio victus, omnem suum amisit exercitum. Johannes quidam Magus & Astronomus Romanum Lacapenum Imp. accessit, eumque monuit, mitteret aliquem, qui amputaret caput columnæ, quæ supra Xerolophi fornicem posita Occidentem respiciebat: ita enim Simeonem, cui illa fatalis erat, statim periturum. Paruit Imperator, & qua hora statuæ fuit abscissum caput, ea ipsa (quod diligenti inquisitione postea deprehendit) Simeon in Bulgaria cordis morbo interiit. *Cedrenus.*

73. Guido Maltraversus Patavinus, comes Lucii vici Patavini, ex Constantia uxore, filia Obicii Marchionis Estensis, Nico-

Nicolaum genuit. Quem Jambonus Andreas Astrologus & simul Magus, perniciosum patriæ civem fore prædixit: & Guidonem tantum movit, ut eum exhæredare voluerit, nisi amici obstitissent. Moritur Guido. Nicolaus opibus, & gratia potens, in patriæ perniciem cum Cane Scaligero conspirat, Bellum oritur cruentissimum, in quo ultra centum millia hominum occisa feruntur, & verum Jamboni vaticinium fuisse, exitus ipse declaravit. *Bernhardus Scardeonus lib. 3. classe decimatertia histor. Patavin.*

74. Obsidebant Galli Forum Livii, Martino III. militantes, Guidonis Appii ductu, eo tempore, quo Siculi Gallicas vespas celebravêre. Guido Bonatus Forolivienfis Astrologorum Princeps, & haud dubio Magus simul, Guidoni Montisferrati Comiti prid. Cal. Majas, eruptionis faciendæ contra omnium expectationem author fuit, cerram victoriam comiti cum vulnere coxendicis prædicens: atque ut medicæ artis peritus erat, ova cum stupis & enæmis aliis ad obligandum vulnus secum tulit. Nec prælagio defuit eventus, Gallis ad internecionem deletis. *Platina in Martino 4. Blandus lib. 8. Decad. 2.*

75. Antiochus Tibertus Cæsenas, insignis Chiromantes, Pyromantes, & Physiognomon, prædixerat Guidoni Balneo,  
co-

cognomento Guerræ , quòd ab intimo amico perfidiæ suspicione necaretur. Pandulpho item Malatestæ Ariminensium Tyranno, quod ex patria pelleretur, & exul in extrema egestate periturus esset. Nec multò post Pandulphus Guidonem ob suspectam virtutem obtruncat : Antiochum ipsum custodiæ mancipat, eventum præsagii expectaturus. Antiochus custodis arcis filiam ita flexit, ut resti ab ea impetrata, in fossam dmitteretur, sed compedum sonitu proditus, & à fuga retractus, cum puella securi percutitur. Pandulphus tandem exul & egens ab omnibus desertus, in hospitali diversorio senex periit. Sic aliis futura prædicere, sibi ipsi cavere non potuit Tibertus. *Iovius in Elogiis.*

76. Petrus Leonius Spoletanus, medicus celebris, qui primus ferè prolato Galeno veræ medicinæ limen aperuit, Astrologiæ & veteris Magiæ peritissimus fuit. Itaque cum sibi subitæ mortis periculum in aqua portendi cognosceret, è Patavio Venetiisque in umbriam & Spoletum emigravit, ut frequentes navigationes effugeret. Mox ubi ad Laurentium Medicem vocatus esset, & ex astrorum fallaci scientiam morbum salubrem esse prædixisset, omnemque rei benè gerendæ occasionem prætermisisset, à Lazaro Placentino illustri medico (qui à Ludovico Sfortia Ticino missus sera  
affe-

afferebat remedia) reprehensus, atque adeo omnibus invisus, post mortem Laurentii, incertum an desperatione actus, an illata vi à Petro Laurentii filio in proximæ Caregio villæ puteum præceps datus mergitur. *Teste Iovio in Elogiis.*

77. Bartholomæus Cocles Bononien-  
sis, Antiochi discipulus, metoposcopus &  
Chiromantes peritissimus, Lucæ Gaurico  
Astrologo autor fuit, ut violenti crucia-  
tus causas effugeret. Is monitis non parens,  
cum in Ephemeridibus Joan. Bentivolum  
Patria & Dominio excessurum prælagisset,  
à Tyranno ex alta trochlea suspensio fune  
quinquies quassatus, artis suæ pœnas dedit.  
Prædixerat ille idem Cocles Copono cui-  
dam, quod brevi scelestus homicida futurus  
esset: similiter & Hermeti tyranni filio, fu-  
turum ut exul in acie cæderetur. Hermes  
igitur fatali metu perculsus, Copono clam  
imperat, ut Coclitem *κακὸν μὲν* interfi-  
ciat. Præviderat necis discrimen Cocles, id-  
eoque secreta galea caput munierat, ingenti  
gladio, quem peritissime ambabus manibus  
regebat, semper armatus. Verum à Copono  
bajuli habitu personato, dum seræ ostii, cal-  
culo injecto præpeditæ clavem insereret, ad-  
acta in occipitium securi interfectus est: nul-  
lam aliam patrati facinoris causam afferente  
Copono, quàm quòd ipse Cocles brevi ho-  
mici

micidam futurum asseruisset. *Iovius in Elogiis.*

78. Astrologus quidam in aula Friderici II. Imperatoris, Rodolphum Comitem Habsburgensem, quamvis pauperem, summa observantia colebat, cum reliquos longe potentiores flocci penderet. Causam ab Imperatore rogatus, respondit: Imperatorem futurum video Rodolphum, cum proles tua deficiet, ejusque nomen longè lateque decantabitur, qui jam humilis plerisque apparet: Nec caruit eventu præsagium, nam anno Christi 1273. Calend. Octobr. Rodolphus à Germanis Principibus Francofurti in Regem Rom. eligitur, cum Basilicam obsideret. *Cuspinianus in Caesaribus.*

79. In Magni Sfortiæ genitura Mathematici præcellentem siderum posituram & sedes, aspectusque mirabiles conspicati, ei magnum imperium, immortalem gloriam, felicemque sobolem prædixerunt: idque demum subjunxere, cum nequaquam exacta ætate, & morte quidem repentina periturum. *Iovius in ejus vita.*

80. Braccius Motonensis Dux clarissimus, hostis sui Magni Sfortiæ in Piscaria flumine submersi morte nunciata, defunctum exquisitis, verissimisque laudibus prosecutus est: Neque verò tanto præsentis belli periculo liberatus, alacriorem vultum mili-

militibus ostendit, utpote qui fatalis arcani conscius ab Astrologis didicerat, Sfortiam violenta correptum morte antecessurum quidem, sed paulò post & ipsum, pari veluti sorte, eandem exitus fortunam subituum. Vix quintum supervixit mensem, cum ad Aquilam per tredecim menses frustra oppugnantem, obsessamque, memorabili tandem prælio, Sfortiani militis gladio superatus ac interfectus, & siderum & multorum Vatum fidem implevit. *Iovius in vita Sfortie.*

81. Vladislao Jagelloni Polonorum Regi Sophia uxor Vladislaum & Andream Casimirum filios peperit. Erat Cracoviæ Henricus Boëmus, insignis Astrologus, & Magiæ studiosus, hic infantem recens natum, longævum, sed infelicem fore, Poloniamque multis ac magnis malis atque calamitatibus eo regnante afflictum iri prædixit: Fratrem verò ejus Vladislaum, clarissimum atque victoriosissimum futurum: & ni fata longiorem ei vitam inviderent, multis gentibus imperaturum. Quæ utraque eventus postea comprobavit. Vladislaus enim Rex Poloniæ, & Ungariæ Rex creatus, ad Varnam à Turcis cæsus, anno ætatis 20. præclaræ spei non satisfecit. Casimirus verò qui fratri in Poloniæ Regno successit, regnat annis 45. vixit 64. venationibus potius Li-

Q tua-



tuaretis, quàm Reipub. deditus. *Cromerus lib. 19. & 29.*

82. Prædixere Alexandri Medici Florentinorum Ducis cædem, à Laurentio Medice propinquo suo perpetratam, Basilus Mathematicus, certissimè autem Græcus quidam Ariolus, illi non modò cædem, sed certum quoque percussorem indicavit, qui esset ipsi intimus, habitu gracili, vultuulo buxco, & suspensa taciturnitate ferè cæteris in aula insociabilis. Cosmo etiam Medici pro constanti pollicebantur, quando in ipsa genituræ horoscopo Capricorni felix astrum mirabili conspirantium siderum aspectu irradiatum haberet, sicut olim Augustus, fore, ut hæreditate cresceret opulenta, audiente quidem Alexandro, & subridente Cosmo, quum absumentus morte prius foret magnus propinquorum numerus, quàm ulla ad se vel tenuis hæreditas perveniret. *Iovius.*

83. Johannes Liechtenbergius Bavariz Principem in Ephimeridum suarum etetis prædictionibus, ut ita dicam, seriò admonuit tum scripto, tum pictura, Leonem Aquilæ metu latebras petiturum. Sprevit ille: at non multò post à Maximiliano Imp. gravi bello petitus est. *Agricola in Proverb. Germ.*

84. Paulus III. Pontifex, Farnesius, cum  
Astro-

Astrologiæ & Magiæ peritissimus esset, filio Petro Aloysio, qui per vim Placentiæ & Parmæ tyrannidem invaserat, scribit, ut decimum diem Septembris anni 1547. tanquam sibi infaustum caveret. Pater quidem monere potuit, at filius evitare periculum non potuit, quin à conjuratis Augustino Lando & Jacobo Scoto, Placentinis Comitibus in arce sua Colloquii prætextu interficeretur, & per pudenda diu suspensus, populo crudeliter dilacerandus exhiberetur. *Sleidanus lib. 19. Commentariorum.*

85. Fuit Lyco amni pons Xanthiorum oppidum impositus, in quo æneæ tabulæ fuisse dicebantur, in quibus incisæ erant literæ, Persarum Imperium à Græcis olim eversum iri. Tabellæ cum ponte excussæ aliquanto antea quàm ad Granicum pugnatum est ab Alexandro Magno, in amnis alveum conciderant. Tabularum fama Alexander permotus, quum aliquamdiu dubius stetisset, in quam potissimum partem flecteret victoriæ cursum, ad dexteram conversus, omnem oram maritimam à Lydia usque in Phœniciam, mira celeritate subegit. *Sabellicus lib. 4. Ennead. 4. ex Plutarchi Alexandro.*

86. Bello Punico secundo præter multa visa & audita, quæ prodigiorum loco ferebantur, Martianum carmen per id tempus

conquisitum ac repertum , maximam civi-  
tati curam attulit. Id partim verissimo even-  
tu probatum , haud dubiam futurorum fe-  
cit fidem. Scripserat, quisquis fuit ille Mar-  
tius , Amnem Trojugena Cannam Roma-  
næ fuge , nec te alienigenæ cogant in cam-  
po Diomedis conferere manum : sed neque  
credes tu mihi , donec complêris sanguine  
campum, multaque millia occisa tua deferat  
amnis , in Pontum magnum ex terra frugi-  
fera piscibus atque avibus , ferisque , quæ  
incolunt terras , his fiat esca caro tua. Hæc  
quia magna ex parte sunt hominum oculis  
repræsentata (nam & Diomedis campos , &  
Cannam ubi pugnatum erat , vulgus agno-  
scebat) major cura fuit alterius carminis  
procurandi , quod in hæc fuit verba conscri-  
ptum: Hostes Romani si pellere vultis vo-  
micam , quæ gentium venit longè , Apolli-  
ni vovendos censeo ludos, qui quorannis co-  
mitter Apollini fiant , quum populus dede-  
rit ex publico partem , privati uti conse-  
rant pro se suisque. His ludis præerit prætor,  
is qui jus populo plebique dabit summum.  
Decemque viri Græco ritu hostiis sacra fa-  
ciant. Hæc si rectè faxitis , gaudebitis sem-  
per , fietque res vestra melior : nam is dius  
extinguet perduellem , qui vestros campos,  
pascit placidè. Hoc carmine publice inter-  
pretato , ludi sunt Apollini voti , & in cir-

co celebrati. *Sabellie. lib. 4. Ennead. 5.*

87. Occiso Procopio Tyranno à Valente Imperatore, Chalcedonis mœnia (quod ejus urbis cives Procopii partibus favissent,) solo sunt æquata. Quod dum fieret, in eorum fundamentis lapideam tabulam, cui hæc inscripta erant, reppererunt.

*Vrbem cum Nympha Choreas ducent propè sacram,*

*Ornatasque vias sertis: postquam & miseranda lavacris*

*Mœnia ponendis fuerint conversa, videbis*

*Mille hominum species variis è gentibus acris*

*In prædam rabie ardentes, validis heu viribus, ire*

*Trans Istrum, & mare Cimmerium: tunc Mœsia tellus,*

*Tunc Scythica gentes clade perdentur amara.*

*Cum tandem ad Thracas, ducente cupidine lucri,*

*Irrumpet trux barbaries, fato extinguetur iniquo.*

Hoc vaticinium tum non intelligebatur, sed post est impletum, cum Valens aquæ ductum exædificasset, & abundantiam aquarum urbi induxisset. Is namque excisis mœnibus, saxis ad aquæ ductum usus est, quem

Valentem dixit de suo nomine , ut oppidanis gratificaretur, & balneæ hoc aquæ ductu juvarentur, licet aliqui thermas Constantinianas appellarent. Tandem urbis Præfectus Clearchus, in loco cui nomen est Tauro, postea platea Theodosii dicta, Nymphæum extruxit, uti inducæ aquæ gratiam & amenitatem demonstraret. Per has ædificationes lapideæ tabulæ jam Barbarorum adventum denunciarunt, qui in ipsa Thracia, post factas populationes, omnes oppressi sunt. *Cuspinianus in Valente.*

88. Anno sexto Justinii Magni, Edessa urbs illuvione & Scirti amnis miserè scædata est, & in ripa amnis inventa lapidea, hieroglyphicis literis inscripta in hanc sententiam : Σκίρτιος ποταμός σκιρτήσῃ καὶ σκιρτήματι πολίταις. Hoc est, Scirtus amnis saltabit malo civium. *Cedrenus.*

89. Alexandro Magno ex India Babylonem pergenti, Nearchus classis præfectus, qui ab Oceano Euphratem invecus reverserat, refert convenisse se certos Chaldaeos, qui monerent, Babylone ut abstineret. Nihil motus tamen progressus est, ubi periit. *Plutarchus in Alexandro.*

90. Cum L. Vitellius in gratiam Herodis Tetrarchæ contra Arabes exercitum duceret, ferunt Arabum Regem Aretam excepto expeditionis Vitelli nuncio collegisse

ex all-

ex auguriis, impossibile esse ad petram pervenire illum exercitum. Unum enim è Ducibus prius moriturum, vel qui bellum pareret, vel cujus jussu paretur, vel eum contra quem movendum sit. Nec vanum fuit augurium. Nam cum Vitellius adhuc Hierosolymis esset, nuncius de Tiberii Cæsaris morte allatus, irritam fecit expeditionem. *Iosephus lib. 18. cap. 7.*

91. Apollonius Ægyptius, C. Caligulæ Romanorum Imperatori mortem prædixit. Qui eam ob causam Romam missus, ad Cæjum eo die perductus est, quo ille mortem erat obiturus. *Xiphilinus Dionis abbreviator, in Caligula.*

93. Apollonius Tyaneus, Jovis filius, Cilicem quendam, hominem supra modum lascivum, tertia die interemptum iri prædixit, idque sic contigit. *Philostratus in ejus vita.*

99. Larginus Proclus publicè prædixit in Germania Domitianum Romanorum Imperatorem, quo die excessit è vita, mortem obiturum. Cumque esset ob hanc causam ab eo qui provinciæ præerat, Romam missus, introductusque ad Domitianum, id ita etiam tunc affirmavit fore. Itaque rei capitalis damnatus est. Sed Domitianus nihilominus vitæ periculum non effugere potuit, quia eodem die necatus est. *Xiphilinus.*



94. Julianus Imperator contra Constantium movens, penetravit Illyricum, assidue exta avesque rimatus, ut exitum contempleretur. Quo tempore miles quidam exta manu erigens, humi prostratus, exclamavit, multis audientibus, Ilium cecidisse, cum Mopsocrenis Constantius moreretur in Cilicia. Quod mox ex legatis verum esse dicit. *Cuspinianus.*

95. Alexander Severus Augustus, cum in Gallia exercitum alloqueretur, cupiens à fausto verbo sermonem ordiri, fortuna contrarium obtulit, quod ut malum omen fuit acceptum, incepit enim, Occiso Imperatore Heliogabalo, ab Imperatoris morte sermonem exorsus. Inde autem cum ad Persicum bellum proficisceretur, vesana mulier Gallica lingua hæc dixit: Vade, nec tibi victoriam polliceare, neque te tuorum militum fidei crede. Id quod recte monitum eventus docuit, ipso haud diu post à militibus occiso. *Falgorus libro 1. capite 3.*

96. Maximinis duobus mulier quædam in foro julio (cum adversus Senatum cum exercitu venissent) obviam facta, passis crinibus, atraque veste, Maximinos magna invocans voce, ante eorum pedes mortua concidit. Post paucos dies exercitus Maximinos interemit. *Idem.*

97. Cum

97. Cum Diocletianus apud Tungros in Gallia; in minoribus adhuc locis militans, in Caupona quadam moraretur, & cum Druyde quadam muliere familiarem consuetudinem haberet, illaque Partimoniam hominis inculsaret, joco, non seriò respondisse fertur, tum se fore liberalem, cum Imperator fuerit. Ad hoc illa, Noli, inquit, jocari Diocletiane, planè imperator eris, simul ac aprum occideris. Quam quidem mulieris vocem ominis arripiens vice, studiosè sectari cœpit apros in venatu: haud intelligens videlicet vaticinii ænigma, quod eventus postea explicavit. Nam Numerianus Imperator, factione Arrii Apri soceri sui interemptus fuerat. Qua re prodita, milites Diocletianum vindicem creant, & Augustum consalutant. Ille itaque pro concione, quò Druydis dictum expleret, Aprum manu sua confodit, addens Maronianum illud:

*Ænea magni dextra cadis. —*

Cuspinianus.

98. Zeno Imperator Constantinopolitanus, Marianum sapientissimum Comitum arcana quædam interrogavit, Quisnam sibi in Imperio esset successurus? Respondit ille: Imperium & uxorem tuam accipiet quidam de Silentariis, me autem injustè occides. Horum utrumque

Q5

suo

suo tempore exitus comprobavit. *Cedrenus.*

19. Agilulphus Dux Taurinensis civitatis, cum Authari Regi Longobardorum sponsam suam Theodelindam, Regis Bojariæ filiam adduceret, secum habuit Aruspice, qui ipsi ex fulminis ictu prædixit, se paulò post ipsa sponsa & regno potiturum: idque eventus comprobavit. Interfecto enim Authari in bello, Agilulphus ei in Regno & conjugio successit. *Pau'us Diaconus de gestis Longobard. cap. 14.*

100. Antoninus Sospitræ & Eustathii Cappadocis F. apud Canobicum Nili ostium scholam habuit. Prædixit discipulis, à morte Serapidis delubra eversum iri. Eventus vaticinium confirmavit sub Theodosio Imperatore. *Eunapius in Ecdesio.*

101. Remex quidam Rhodius, mente alienatus, testari clara voce cœpit, ante diem tricesimum futuras in Græcia strages maximas, rapinasque apud Dyrrachium, & incendium & fugam, classem verò ipsam domum esse redituram. Id cum Cn. Pompejus, qui prætor classi præerat, audisset, narrassetque tribus, Ciceroni, Varroni, & Catoni, omnes moti, quidam etiam valde perterriti dicuntur. Paucorum autem dierum interjecto spacio, Labienus fugiens ex  
acie

acie Thessalica, stragem legionum & ingenti prælio fusas Pompeji copias nunciavit: confestim raptum ex horreis publicum frumentum, totaque civitate conspersum: qui illic erant, fuga præcipiti digressi, & à Rhodiis destituti, nolentesque sequi naves incensæ sunt.

102. *Procopius libro tertio de bello Vandalico refert*, Carthagine antiquum proverbium à pueris jactari solere, quòd Gamma quandoque Betam, & rursus Beta Gammam persequeretur. Suspicior puerorum lusum huc spectasse, quòd inter vicinos frequenter orietur dissidium. Verùm hic puerile dictum detortum ad rerum eventum, quòd Gensericus Rex Vandalorum Bonifacium expulisset: Postea Gilimerem Belisarius. Proverbium non est natum ex eventu, sed puerorum Carthaginesium ænigma fuit, velut oraculum ejus, quod accidit postea.

*Erasmus in Adagiis.*

103. Extant in Leuctrico campo Scedasi filiarum, quas Leuctridas ex loco vocant, tumuli. Nam fortè eo loco, cum vi essent à Spartiatis compressæ hospitibus, humanæ fuerant. Eo perpetrato tam atroci atque nefario facinore, Pater earum, ubi vindictam impetrare non potuit Lacedæmone, diras Spartiatis imprecatus, super sepulchra puellarum seipsum jugulavit. Inde vatici-

nia & Oracula Spartiatis assidue prænunciabant, Leuctricam vitarent & declinarent à Diis ultionem. Id autem non ita multi intelligebant, sed ambigebant de loco, quod etiam oppidulum Laconiae littori impostum Leuctron nominetur: Præterea ejusdem nominis sit vicinus locus Megalopola Arcadiae. Tandem in Leuctrico Bæotiae campo à Thebanis atrociss. clade victi Lacedæmonii, imperium amisere. *Plutarchus in Pelopida vita.*

104. Erat apud M. Antonium triumvirum quidam ex Ægypto Magus, qui sapius Antonium hortatus fuerat, ut procul ab Antonio faceretur: Fortuna, inquit, tua Antoni, per se splendida & ampla est, verum cum Octavio adhæret, continuo hebetatur. Tuus, ait, Dæmon illius genium reformidat: & cum celsus per se sit, atque alacer, hujus tamen appropinquatione humilis fit & pavidus. Fecit is facilius fidem, quod si ve sortibus, si ve gallinaceorum aut coturnicum paria committerent, Antonius erat semper Octavio inferior. His igitur commotus, cum Octavia, ex qua jam filiolam sustulerat, Italia profectus Athenas navigavit. *Sabellicus libro nono, Enead. 6.*

105. Cecinerant vates antiquissimi, Romana arma Ctesiphontem transire nefas esse, &

se, & Duces qui ausi fuissent, pœnas daturos esse. Putant M. Crassum id cogitantem cum exercitu periisse. M. Ulpium Trajanum transgredi ausum, Italiam non repetiisse, & quinque provincias trans Tygrum statim amisiisse; satiusque fuisse iter non tentasse, legiones longo labore attrivit & ferè consumpsit. Et quamvis victor longius produxerit terminos, tamen non multum profecit: Ctesiphontem cupiens transire, superato Tygride, Valerianus à Sapore rege Persarum captus est. Verum Odenatus Palmyrenus victor Romanæ Majestatis, Ctesiphontem usque trans Tygrum pervenit. Carus imperator exercitum Probi Sarmatico bello latè victorem duxit in Persida, hostile Regnum vastavit, Seleuciam cinctam Euphratè, quam olim ceperat Ælius verus Antoninus, expugnavit. Deinde Ctesiphontem petentem, & longius progredi volentem, vel morbus, vel ictus fulminis cœlo turbido & coruscante absumpsit. *Cuspi-  
nians.*

106. Sibylla de Antichristi interitu vaticinata est:

Ἀλλ' αὐτὸς τὸν καὶ τὸν, ὅταν λείπῃ  
ὁ λαὸς τῆς

Locum alii de laqueo intelligunt, quo se Antichristus sit suffocaturus, Theodorus Bibliander, vir doctissimus, de arte Typographi-



graphica, cujus materia est linum maceratum & conglutinatum, charta videlicet. Hoc lino Antichristus conficietur, utpote in quo sacrum Christi Euangelium, omnesque Prophetæ descripti continentur: quorum anthoritate, tanquam spiritu oris Christi, triceps bestia profligabitur.

107. Psammetichus Tementem Aegypti Regem sustulit. Deus Ammon Tementi oraculum consulenti de regno, responderat: Caveret à gallis. Psammetichus Pigritato Care familiariter utens, cum ab eo cognovisset, primos Cares gallos imposuisse verticibus, Oraculi mentem intellexit, & magnam Carum multitudinem conduxit, eosque duxit versus Memphim, & juxta templum Isidis castra posuit in regia, quæ distabat ab urbe quinque stadia: commissaque pugna, victoriam adeptus est. Ab his Caribus pars quædam Memphis Caromemphitæ dicta est. *Polyanus lib. 7. & Herodotus.*

108. Sibylla Macedonum bellicam gloriam Philippo Amyntæ filio regnante partam, alterius Philippi temporibus pessum ituram prædixit:

*Æmathia populi (Argeada quis gloria  
Reges*

*Commoda nunc pariet regnans, nunc  
damna Philippus.*

*Nam-*

*Namque duces major populis atque urbi-  
bus unus*

*Imponet, Sed enim Hesperius domitus  
minor annis,*

*Mox etiam Eois illustres perdet honores.*

Romani enim qui ad occidentem sunt, Attali & Mysorum auxilio, qui ad Solis ortum vergunt, Perseum Philippi filium & regno & vita privârunt. *Pausan. in Achaïcis.*

109. Sub Boleslao pudico Polonorum principe, in Cracoviensi territorio, puer quispiam dentatus, eodem quo natus est die, distinctè & articulatè locutus est, donec religioni Christianæ initiatus, & dentes & sermonis usum amisit. Alius verò semestris in urbe Cracoviensi prolocutus Tartaros adventuros, & Polonorum capita præcisuros esse prædixit: rogatusque, divinitus id se scire, & sibi quoque illud malum impendere respondit, Quod post duodecimum annum evenit. *Cromerus lib, 9.*

110. *Hali Abenragel, commemorat, in Regia se vidisse natum infantem, qui vix dum viginti quatuor horis perfectis, loqui incepit, & manu signa facere. Qua re vehementius Rege conterrito, accessisse miraculum majus: Nam Rege, inquit, astante, & me quoque cum multis aliis, exclamavit infans, Sum, inquiens, infeliciter natus, ad pro-*

ad prodendam Regni amissionem, & gentis perniciem ac desolationem. Quibus ille enunciaris concidit exanimis. *Calius lib. 29. cap. 14.*

III. Pherecydes Badis filius, Syrius, Pitraci auditor, deambulans in littore Samio, cum navem quandam plenis velis currentem vidisset, paulò post mergendam praedixit, atque id eo spectante contigit. *Laertius, & Apollonius in hist. mirab.* Apollonius quoque Tyaneus navigium satis idoneum nactus, cum Leucadem tenuisset, Achaïam iturus, Descendamus, inquit, ex hac navi. Illa verò, quanquam tunc quiescit, paulò post submersa est. Philostratus, Obsidente Cyzicum Mithridate, Aristagoras dixit, se ex Minerva accepisse, velle se modulatorem Lybicum in ponticum inducere tubicinem, proinde cives juberet bono esse animo. Moxque validius flante Austro, afflicta est classis Mithridatica, & machinæ parte plurima disiectæ. *Calius lib. 20. cap. 24.*

II2. Pherecydem *narrant* in Scyro insula sitientem aliquando, aquam à discipulorum quodam petiisse: quam cum bibisset, pronunciâsse, terræmotum post triduum ea in insula futurum. Quod dictum ut exitus comprobavit, magnam eum reportâsse gloriam. *Apollonius in Mirab. Histor.*

II9. Glaucus Epicydidis F. Spartanus  
cum

cum à Milesio hospite magnam vim pecuniae depositi nomine accepisset, & post ejus mortem filii pecuniam repetissent, Glaucus post quatuor menses sese responsum daturum affirmavit. Interea Delphicum oraculum sciscitatus est, utrum jurejurando interposito pecuniam depositam apud se negando, lucrum faceret? Pythia respondit:

Γλαῦκ' ἐπικυδεῖδῃ, τὸ μ' αὐτίκα κέρδιον  
ἔστω

Ὅρκῳ κεῖσθαι, καὶ χρημάτων ληΐσσειν.

Ὅ μιν ἐπεὶ θάνατος καὶ δόρκον μένῃ εἴδοιτο.

Ἀλλ' ὅρκῳ παῖς ἐστὶν αἰώνιον, εἰ δ' ἐπὶ  
χέρεσσι,

οὐδὲ πόδες, κραίηνος ὅ μετέρχῃ, εἰσὺς  
παύται

Συμμάρψας ὀλέσῃ θνῦν καὶ οἶκον ἅπαντα.

Αἰδρὸς δ' ὁ δόρκῳ χρεὶ μετόπισθεν ἀμείνων.

Eo responso territus Glaucus, veniam precabatur. At Pythia, idem esse tentare Deum & facere, affirmavit. Glaucus domum reversus, Milesiis juvenibus pecuniam quidem reddidit, verum non multò post tota illius domus & progenies penitus extincta est. *Herodotus lib. 6.*

114. Alphonsus Arragonum & Siciliae Rex, Neapolim obsidebat. Accessit ad eum vir quidam venerando vultu, & circa Calend. Junias eum urbe potiturum prædixit, sed non multò post anceps futurum praelium,

lium, in quo Dux caperetur, suadens ne tanto periculo se committeret. Prior vaticinii pars vera fuit, Nam 4. Non. Jun. urbem in potestatem redegit. Paulo post contra Antonium Caudolam in agro Campano acie dimicaturus, amicis dehortantibus, & vaticinium ei objicientibus, respondit, virum fortem ne mors quidem terrebit, ne dum ambigua oracula. Prælio facto, Caudola victus est & captus. *Æn. Sylv. lib. 2. com. in Panormit. Alfonso.*

115. *Autor Agathius est in Gothici belli secundo libro*, Germanos vatibus scæminis usos quandoque, verissimo item eventus: Sacras vocat Plutarchus in Cæsare, ac ex fluminum vorticibus & strepitu futura conjectasse. *Calius libro 18. cap. 20.*

116. Abaris Seuthiæ F. ex Hyperboreis Theologus, scripsit oracula regionibus quas peragravit, quæ hodieque extant. Prædixit is quoque terræmotus, pestes, & similia, ac cœlestia. Ferunt eum cum Spartam advenisset, Lacones monuisse de sacris mala avertentibus, quibus peractis, nulla postmodò Lacedæmone pestis fuerit. *Apollonius in Mirabilib. hist.*

117. Ædesio Chrysanthii Philosophi Sardiæ F. corpus in motu ita fuit agile, ut fidem omnem superaret, planeque in sublimē efferretur. Tanta eidem cum numine  
erat

erat affinitas, ut capiti laurea imposita opus non esset, sed oracula vera, & ad genuinam afflati numine Spiritus speciem conformata, Solem tantum aspectans funderet, quamquam nec versuum legem sciret, nec dum Grammatices præcepta calleret. *Eunapius.*

118. Spartæ ante Augusti aram in foro ænea est Agiæ effigies. Agiam hunc divinasse ferunt Lysandro, classe Atheniensium apud Ægos flumen potiturum, præter triremes 10. quæ è fuga se in Cyprum recepere. *Pausanias in Lacon.*

119. Philumena puella fatidica, cujus contubernio Apelles Hæreticus, aut ut alii volunt, Severus usus est. Huic Diabolus per phantasma pueri habitu respondebat, modò Christum, modò Paulum se esse dictitans. Miracula quoque fecit, inter quæ illud præcipuum est, quod in angustissimi oris ampullam vitream, panem grandem immitteret. eumque extremis digitis levaret illæsum, eoque solo quasi divinitus dato cibo, se contentam esse diceret, *Testis est Augustinus.*

120. Idem beatus Augustinus adversus Academicos primo tradit fuisse virum Carthaginæ, nomine Albigerium, infamis vitæ, qui omnia abdita nosset, adeò ut cùm à discipulo Romantiani, ad quem ipse Augustinus scribit, tentandi causa interroga-

retur,



retur, quidnam cogitaret? Respondit ille: Vergilii carmen. Cum rursus interrogaretur, ab eodem, quod carmen? illud recitavit. *Cardanus de rerum variet. lib. 8. cap. 43.*

121. Isaacius Angelus Imperator Graecorum, ad Radæstum maritimam urbem profectus, Basilacium convenit, inusitatae vitae hominem, eamque opinionem apud omnes consecutum, quasi futura praevideret atque praediceret. Is verba confusa, inter se dissidentia, & perplexa fundebat. Mulierum ad se venientium mammis exploratis, & talis contrectatis, obscura promebat oracula, & ad plerasque quaestiones nihil responderebat, & suas divinationes discursionibus & insanis gestibus peragebat. Astabant ei cognatae aniculae, quae consultoribus explicabant, quid illi Basilacii gestus rerum futurarum designarent, & taciturnitatem ut sapientem orationem interpretabantur. Imperatori salutanti nihil respondit, neque tacito nutu capitis gratias egit, sed huc atque illuc instar hominis furiosi saltans, accedentibus maledixit. Constantino Mesopotamitano inprimis, qui tum Isaacio familiarissimus erat. Tandem Scipione quem manibus gestabat, imaginis Imperatoris, quae in ejus oratoriae cellae pariete depicta erat, oculis erasis, etiam pileum de capite auferre studebat. Imperator eo ut deliro despecto

speculo recessit. At non multo post à fratre Alexio & oculis & Imperio privatus est, & opinio de Basilacio confirmata est, quæ anceps prius, & in plerisque dubia fuerat. *Nicet lib. 3.*

122. *Hector Boëthius in rebus Scotiis constantem fuisse famam inquit*, Merlinum ex Incubi & nobilis Britannici sanguinis fœminæ concubitu genitum esse. *De quo sic Vincentius libro 21. Histor. 30. narrat:* Vortigernum Regem consilio capto quid ad sui tuitionem facere deberet, jussisse acciri artifices, qui turræ fortissimam extruerent. Sed cum eorum opera tellus absorberet, suavis est Regi, ut hominem sine patre inquireret, cujus sanguine lapides & cementum conspergerentur, quasi eo modo stabile redderetur cementum. Inventus igitur adolescens Merlinus nomine, qui cum matre adducitur coram Rege, quæ illum ex Spiritu in hominis specie conceptum esse fatetur. Merlinus hic multa obscura revelavit, & futura prædixit. Aperuit enim, sub fundamento esse lacum, sub lacu duos latere Dracones, quorum unus rubens populum Britonum, alter verò albus Saxonum designaret: simulque vaticinatus est, Aurelium Ambrosium, devicto Hengisto, & combusto Vortigerno, regnaturum. *Vierus lib. 2. cap. 46. de præstig. Damonum.*

123. Scri-

123. *Scribit Calius* fuisse in patria sua mulierculam humili loco, Jacobam nomine, ex cujus ventre immundi Spiritus vocem, prætenuem quidem, sed tamen ubi vellet dearticulatam & prorsus intelligibilem, audiverit ipse, verum & innumeri alii, non Rhodigii modò, sed & tota ferè Italia; quando futuri avida potentum mens sæpè accersitam ventriloquam, ac omni exutam amictu, ne quid fraudis occultæ lateret, inspectare ac audire concupivit. Cincinnatulus Dæmoni nomen erat, Hac ille appellatione gestiens inclamanti subinde respondebat. Si de præteritis aut præsentibus sciscitarèris, quæ reconditissima forent, responsa sæpe dabat mirifica. Si de futuris, semper mendacissimus. Sed & inscitiam suam nonnunquam murmure incerto, vel bombo verius retegebat. *Calius lib. 8. cap. 10. Antiq. lectionum.*

124. *Hadrianus Turnebus* Græcarum literarum Professor regius, persimilem Eurycli Aristophanis, hominem astutum Petrum Brabantium se vidisse testabatur: qui quoties volebat, toties ex ima corporis parte labiis immotis loquebatur: & hac Dæmonis impostura multis passim imponebat. Nam cum Lutetiæ virginem quandam formosam, sed patre orbatam deperiret, nec matrem superstitem inducere posset, ut eam sibi despon-

sponderet: tandem cum ultro citroque hac de re colloquuntur, vocem edit è corpore, qua demortuus mulierculæ maritus de pœnarum gravitate conqueri videbatur, quas ob uxoris diffidentiam in purgatorio perpetreretur, quòd ea filiam à Brabantio tories expetitam, optimo viro denegaret. Quibus illa questibus exterrita, virique miserta, petitioni nebulonis assensit: quem tamen non tam filiam, quàm dotem ei à patre in testamento constitutam ambiisse, satis apparuit. Sex enim mensibus post, ubi puellæ bona decoxisset, uxore socruq; relicta, Lugdunum aufugit. Ibi mercatorem quendam ac trapezitam prædivitem obiisse intellexerat. Qui cum haberetur injustissimus, eò quòd omnia per fas & nefas in vita corrasisset, filium Cornutum, ejus unicum hæredem, in porticu pone cœmiterium obambulantem adit, & eò se missum innuit, ut quid opus facto esset, doceret. Cæterum dum ei de patris anima potius, ac fama, quàm morte cogitandum esse dicit, vox inopinatò inter loquendum patrem referens exauditur: quam cum Brabantius ex ventre daret, se tamen expavescere mirum in modum simulabat. Movebatur autem hac voce filius, quem in statum pater injusticia sua decidisset, & quantis purgatorii cruciatibus tum sui, tum ipsius causa exagitaretur, eò quòd  
ini-

iniquorum cum bonorum hæredem reliquisset, quamque nullo modo liberari posset, nisi iusta à nato expiatione facta, & debitis in eos eleëmofynis collatis, qui maximè tum temporis egebant, eos autem esse Christianos à Turcis captos. Proinde viro, qui cum loqueretur, crederet, hunc ad redimendos eos constantinopolim à piis hominibus ablegatum, ejusque rei ergò divinitus ad eum missum. Cornutus. homo minimè malus, etsi his auditis dictum haud animadverteret, quia tamen durum videbatur istud de pecunia verbum, se deliberaturum respondit, & Brabantium eò loci postridiè redire jubet. Interea anxius, de loco subdubitabat, in quo vocem exaudierat, quod umbrosus esset, ac opacus, & hominum infidiis Echoque aptus. Quare postero die, cum in alium apertum, planum, nullisque vepribus aut umbris impeditum locum deducit: Ubi nihilominus eadem inter loquendum repetebatur cantilena, hoc etiam addito, ut Brabantio statim sex Francorum millibus numeratis, tres in singulos dies Missas redimeret pro salute patris, alioquin nullam apud inferos fore redemptionem, Unde filius conscientia ac religione obstrictus, licet agrè, totidem tamen Brabantii fidei commisit, omni legitimo accepti solutique testimonio neglecto, Pater ignibus ac Vulcani

cani ictibus liberatus, in posterum quie-  
vit. nec filium amplius interpellavit. Verum  
miser Cornutus dimisso Brabantio, cum so-  
lito lætior esset, idque reliqui mensarii sa-  
tis admirari non possent, mox ut sciscitanti-  
bus causam aperit, adeò statim irrisus fuit  
à cunctis, ut præ mœrore post aliquot dies  
mortuus, & patrem ad inquirendam ex eo  
rei veritatem insecutus fuerit. *Vierus lib. 2.  
cap. 12. de præstig. Daemonum.*

125. Amphiaras Oiclei filius, augur &  
vates, quem cum Adrastus Argivorum Rex  
in bellum contra Thebas vellet ducere, re-  
cusavit, ac ne cogeretur, sese occuluit, quòd  
prævideret, ibidem se periturum. Fraude  
tamen uxoris Eriphiles (quam monili cor-  
ruperat Adrastus,) proditus est, & invitus  
ad bellum tractus, in Bœotia, eo in loco,  
qui Harma postea dictus fuit, cum curru &  
equis terræ hiatu absorptus est. *Statius in  
Thebaide.*

126. Actius Navius puer, & quod ma-  
gis rideas, pastor, Prisco Tarquinio regnan-  
te, litui usum sibi usurpans, repente qui-  
dem è subulco augur, vulgataque rei fama  
ad Regem evocatus est. Quem Rex intuens,  
& ætatem & habitum fortassis irridens, ten-  
tavit hoc modò: utrum, inquit, quod nunc  
in animo mihi est, fieri possit, an non pos-  
sit? interrogo. Navius cum augurium per-  
egisset.

R

egis-



egisset, fieri posse respondit. Hic verò Rex elusisse putans: Atqui, inquit, quòd cotem hanc novacula scinderem, meditabar. Ille mirabili constantia: Potes ergo, ait: Arreptaue novacula, in conspectu stupentis Regis ac populi, cotem secuit. Inde sacrum Romanis augurium.

127. Cum apud Nolam L. Sylla esset, ut cum seniore Mario decertaret, perturbato admodum animo, quòd rem perdifficilem animadvertibat esse, augur Posthumius, qui eo præsente rem divinam faciebat, rep-  
sis ad Syllam ambabus manibus, dixit: ut vinciri eum juberet, ac postmodum occidi, nisi ejus praelii penes ipsum victoria maneret, felicemque eventum nancisceretur, ex eo, quòd tunc augurali scientia prævidere jussus erat. Postero enim die urbem Romanam ingressus Sylla, inde Marium expul-  
lit, animumque, ut optaverat, explevit.  
*Fulgosus libro 8. cap. 11. ex Plutarcho in Sylla.*

128. Spurina prædixerat C. Julio Cæsari, ut proximos 30. dies, quasi fatales, ca-  
veret, quorum ultimus erat Idus Martiæ. Et cum fortè manè uterque in domum Calvini Domitii ad officium convenisset, Cæsar Spu-  
rinæ: Ecquid scis Idus Martias jam venisset  
Et is, Ecquid scis, illas nondum præteritis-  
se? Abjecerat alter timorem, tanquam ex-  
acto

acto tempore suspecto, Alter, ne extremam quidem ejus partem periculo vacuum esse arbitratus est. Utinam Aruspice potius augurium, quàm patriæ parentem securitas fefellisset. *Valerius lib. 8. & Suetonius.*

129. Agrippa Herodis Magni ex Aristobuli F. nepos, Romæ in vincula conjectus à Tiberio Imper. quia Cajo favere videretur, ante Regiam stabat inter alios quosdam æque vinctos, incumbens præ mœrore in quandam arborem. Cui cum insedisset bubo, unus è vinctis, natione Germanus, alitem conspicatus, sciscitatus est à milite, quisnam esset ille purpuratus? & cognito Agrippam esse, Judæorum nobilissimum, rogavit militem, ut liceret sibi propius ad eum accedere: cupere enim se quædam de ipsius patria cognoscere. Quo impetrato, & adhibito interprete, O juvenis, inquit, contristat te quidem tam repentina & improvisa fortunæ mutatio, nec facile credes propè esse effugium, sic consulente rebus tuis divina providentia. Sed testor patrios Deos, quòd nihil auribus tuis daturus sum, neque te inani consolatione lactaturus. Fieri non potest, quin confestim evadas ex his vinculis & mutatis rerum vicibus, ad amplissimam dignitatem simul atque potentiam pervenias, usque ad eorum invidiam, quibus

bus nunc videris miserabilis. Felicem quoque habiturus es vitæ exitum, relictis in opum successionem liberis. Memento autem, quando hunc alitem iterum videris, quintum ex eo diem fatalem tibi futurum. Hæc sunt, quæ tibi cœlestes missa hac ave nuntiant. Proinde rogo, ut quamprimum felicitatem istam repræsentari tibi senties, des operam, ut nos quoque eripiamur ex his adversitatibus. Verus fuit vates. Nam post sex menses Tiberius periit. Cajus in imperio successit, qui Agrippam Regem fecit, *Iosephus libro 18. cap 8.*

130. Hispani Adelittos & Almoganeos vocant populos, qui ex volatu avium, ex voce, ex ferarum occurſu, aliarumque rerum plurimarum ariolantur, quid boni malique sit eventurum, denique auguriis omnibus prognosticis libros habent diligentissimè scriptos. Horum alteri sunt Duces ac velut Magistri, alteri comites ac discipuli. Est alia horum peritia, investigare transitus non equorum modò, jumentorumque, sed hominum quoque, per vestitam, per nudam, per duram humum, per lapides, per saxa, ut nec numerus eorum qui transierunt unquam ferè eos fallat. Qui apposita voce Investigatores dici possunt. Hi artis suæ specimen ediderunt insigne bello, quod Ferdinandus contra Mauros gessit.

Nam

Nam cum centum Saraceni equerii apud Regem suum devovissent, nunquam reversuros, nisi præclarum aliquod adversus Christianos facinus edidissent: & clam per invia ac Christianorum prælidium opprimendum accessissent: Investigatores eorum iter numerumque subodorati, certiores de insidiis stationarios reddidère, & equerios insecuti, in torrentis alveo utrinque interclusos sese dedere coëgère, longa serie colligatos unico fune. *Laurent. valla lib. 1. Historiar.*

131. Alexander Imp. anno Domini 904. ut *Sigebertus scribit*, ignavus fuit, luxu & magiæ deditus. Percontatus à præstigiatoribus suis, an diu victurus esset? Responsum accepit, si apro æneo in theatro dentes & pudenda ademisset. Quo dicto significabant, eum gulæ & libidinibus deditum, à quibus nisi abstineret, eum sibi mortem acceleraturum esse: Id quod evenit. Nam post balneum epulis & lulis deditus, rupta vena, sanguinis effusione interiit. *Zonaras & Cedrenus.*

132. Simeon Bulgarorum Dux, Crobatibus bellum intulerat, Romano Lacapeno Imperatori nunciatur, statuam in summo fornice Xerolophi versus occasum positam, in Simeonis Bulgari formam conversam esse: cujus statuæ caput si amputetur, Simeonis interitum haud procul abfuturum. Eo facto, eadem hora Simeonem ex stomachi

dolore expirâsse, Imperatori nunciatum est.  
*Zonaras.*

133. In Gadibus est lapis antiquus in margine maris, opere Saracenico optimè sculptus super transitu, deorsum latus & quadratus, sursum strictus, & tantæ altitudinis, quantum solet volare corvus in sublimē: super quem elevata est statua hominis de Orichalco, in pedes erecta, faciem habens versus meridiem, & clavem ingentem dextra manu tenens. Quæ clavis, ut tradunt Saraceni, de manu ejus cadet, anno quo Rex futurus in Gallia natus fuerit, qui totam Hispaniam Christianis legibus in novissimis temporibus subjugabit. Moxque ut viderint Saraceni clavem lapsam, gazis suis in terra positis, omnes fugient. Tradunt Saraceni, quòd Idolum illud Mahomet, dum adhuc viveret, fabricârit, & quandam legionem Dæmonum artē magica eò alligârit, quæ tam fortiter id obtineat, ut à nullo unquam frangi potuerit, nec Christianos sine periculo accedere patiatur, sed solos Mahometanos, & aves ei insidentes subito enecet. *Turpinus Remensis apud Erfordiensem cap. 68.*

134. Apud Septentrionales Biarmos, Lappos, Bothnicos, Finnonēs, divinationis magicæ species frequens est hujuscemodi: Conclave ingreditur Magus, uno comite uxore.

te uxoreque contentus: ranam æneam aut serpentem malleo super incude certis ictibus percutit, carminumque murmure hinc inde revolvit, continuoque cadens in extasin rapitur, jacetque brevi tempore ut mortuus. Interea diligentissimè à prædicto comite, ne culex, musca, aliudve animal eum contingat, custoditur. Ad se reversus, anulum vel cultellum in testimonium expeditæ legationis ostendit, & quid agatur certis indiciis conductori suo declarat. *Olaus lib. 5. cap. 17.*

135. Jannes præceptor Theophili Imperatoris, solebat pelvis vaticinio & præstigiis futura prædicere. Cum aliquando Barbari tribus ductoribus usi Romanam ditionem infestarent, Imperator optimè sperare jussit. Inter æreas statuas, quæ erant in Euripo circi, statua quædam ferebatur extare triiceps. Tres ergo malleos æreos fabricari jubebat Janes, eosque tradi viris manu validis, qui constituta noctis hora, secum ad statuam illam accederent, iisque cum ipse mandasset, capita fortiter ferirent, dum ea veluti uno ictu atque impulsu in terram deicerent. Magna jam parte noctis exacta cum viris istis Jannes ad statuam venit, magicumque carmen recitans, robur quod inerat statuæ, adimit, viros omni vi percutere capita statuæ jubet. Eorum duo vali-



diffimis ictibus duo capita statuae decusserunt: tertius remissius aliquantum feriens, inclinavit quidem, non tamen à corpore totum avellit caput. Eodem modo cum gentis ejus Ducibus actum fuit: Nam seditione coorta intestina, duo de Ducibus ceciderunt, tertius vulnus accepit, sed non lethale. Itaque Barbari viribus suis destituti, domum rediêre. *Cedrenus.*

136. Apollonius Tyaneus in Epheso cum disputaret, animo penè abalienatus, intentisque oculis, tanquam si in re præsenti fuisset, sæpius dixit, Percute peccatorem Stephane, percutite. Postremoque addidit, Mortuus est Tyrannus. Qui cum magna omnium, qui aderant admiratione auditus esset, postea acceptum est eadem die, atque ipso horæ momento, Romæ occisum fuisse Domitianum Augustum, ab homine cui nomen Stephano erat, sicut tunc Apollonius declaraverat. *Fulgosus lib. 1. capite 6. & Xiphulinus in Domitiano.*

137. Stephanus Hagiochristophorita (officii nomen est) sed ob impietatem Antichristophorita aliàs dictus, postquam ex dæmonio per Sethum magum cognovit, Andronico Comneno ab eo, cujus nomen haberet initium Is, exitium imminere Isaacium Angelum, quem Andronicus ut hominem mollem spernebat, comprehendere

dere statuit, ac primum in custodiam dare, deinde Andronici tyranni arbitratu occidere. Igitur ad ædes Isaacii vesperi ingressus, Isaacium descendere, ac se sequijussit. Illo verò cunctante, vim adhibuit. Isaacius sese defendens, Stephanum occidit, & stricto ense templum ingressus, eam sedem conscendit, in qua homicidæ suum facinus exponentes, ab ingredientibus & egredientibus veniam petunt. Urbana verò multitudo maximo numero statim ad templum confluit. Eodem se confert Isaacii patruus, Ducas Joannes, ejusque filius Isaacius. Ad hæc alii promiscuam turbam, quæ in templum confluxerat, ac subinde accurrebat, rogabant ut secum maneret, & pro virili opem ferret, in summo periculo constitutis. Totam igitur noctem sic exegit Isaacius, ut non de Regno cogitaret, sed exitium deprecaretur. Est autem diligenti supplicatione id consecutus, ut quidam ex eo cœtu fores templi clauderent, & illatis luminibus, exemplo suo multos impellerent, ne domum abirent. Ubi diluxit, omnes urbis Constantinopolitanæ incolæ affuerunt, omnes Deum orârunt, ut Andronico pulso, Isaacius imperio potiretur. Andronicus qui urbe tum aberat, cognita Stephani cæde, nihil fecit aliud, nisi ut cives brevi scripto moneret, ut novis rebus studere desinerent:

Cujus hoc fuit initium , Qui habet , habet ,  
pœna sublata est. Manè verò pluribus con-  
currentibus , Romanorum Imperator salu-  
tatus Isaacius , cum quidam ex ædituis , Ma-  
gni Constantini coronam , quæ supra mysti-  
cam mensam pendeat , scalis depromptam  
ejus capiti imposuisset , inauguratus est. Jam  
cum equi Imperatorii aureis ornati phale-  
ris per tractum Cioniorum adveherentur ,  
unus ab equisone vi avulsus , comprehendi-  
tur , & ad Isaacium adducitur. Is eo con-  
scenso , ex magno templo discedens , An-  
dronico sibi fuga consulente , palatium in-  
greditur , ac Imperator salutatus confirma-  
tur. *Nicetas.*

18. Guilielmus Comes Hollandiæ , Rex  
Rom. Frisia subacta , cum juxta quandam  
civitatem miro opere exornatum reperisset  
sepulchrum , ac cujusnam id esset , quære-  
ret ? Cives respondent : Neminem hæcenus  
illic sepultum , sed quodam occulto fato id  
reservari cuidam Romanorum Regi. Cum  
ergo victor equitaret cum paucis , diverti-  
culum quærens , ut securius exercitum redu-  
ceret , in glacie cecidit. Frisones qui latita-  
bant , erumpunt , & priusquam Regi sub-  
veniretur , cæsus partim , partim in galea  
suffocatus periit. Frisones convocatis finiti-  
mis , Hollandos expellunt , ac trucidant ,  
anno Domini 1255. Sic ab indigenis juxta  
vati-

vaticinium, ei tumulo, anno Regni sui nono, Rex imponitur. Sed filius, ejus Florentius Quintus ejus nominis, post viginti septem annos ossa patris ex Frisia deduxit in Zelandiam, Medioburgum, ac Monasterio Monialium Præmonstratensis Ordinis, à filia ejus Richarde fundato, & censibus aucto, inferuit, Anno Christi 1282. *Cuspinianus.*

139. In Gothia meridionali spectantur duo tumuli, ingentibus saxis, cipporum loco, imposita habentes duorum fratrum corpora, quibus ab auspice in prima adolescentia prædictum fuerat, fore ut mutuis vulneribus conciderent. Fatum declinaturi, peregrinationem ad remotissimas, maximeque contrarias orbis partes suscepere. In extrema senectâ demum in patriam reversi, cum quisque fratrem jam pridem mortem obiisse speraret, non procul ab oppido Jonaco sibi invicem ignoti occurrerunt, & salute ultrò citroque dicta & accepta sub pinu proxima quieverunt. Mox rixantibus eorum canibus, ipsi quoque ad jurgia primum, inde ad vulnera mutua proruperunt, animamque trahentes, & fratres se agnoscen-  
tes, in mutuis complexibus expirârunt. *Olaus libro primo de ritib. Septentrional.*  
*cap. 37.*

140. Sigthunius Rex Suetiæ, dum sa-  
R 6 cri-

crificia Diis apud Upsalam metropolim offerret, accepto per victimarios responso, didicit sibi ab auri metallo supremam perniciem & mortem fatali necessitate imminere, ideoque summopere ab eo cavendum esse: à ferro, aut Chalybe, cæterisque metallis nunquam violari aut occidi posse. Quocirca cum se invictum putaret, multa bellorum discrimina aggressus est. Huic erat filia Gro pulcherrima. Hanc Schioldus Danorum Rex filio suo Gramo conjugem postulavit. Sed jam pater ipsam nobilissimo pugili Sumbli Finnorum Regis fratri desponderat. Itaque Gram putans se à Sigthunio contemptum, ferarum pellibus circum amictus, magno discrimine ad Regiam Sigthunii pervenit, tempus observans, donec egredientem virginem in mutuum amorem alliceret, allectamque & sponte volentem abduceret. Prius tamen Bessus ejus comes, per summam ingenii vim, virginis animum in amorem sui regis induxit. Ergo nil reluctantem virginem in suam Daniam perductam magno amore dilexit, & Guthormum postea Daniæ regem, & filiam Sibdageri Norvegiani Regis conjugem ex ea suscepit. Sigthunius raptæ puellæ pater, injuriam armis vindicaturus, bello Danos persequitur. Gramus clavam more giganteo gestans, quam auro infuso ponderosior

rem

rem effecerat, imminentem audacius capiti suo Sigthunium socerum occidit, non inutile documentum futuris Sueonum Regibus eo facto relinquens, quod plus aurum quam ferrum formidabile credant. *Iohannes Magnus lib. 2. cap. 6.*

141. In lecto Sempronii Gracchi duo angues reperti, triste omen dederunt. Ab Aruspice enim indicatum, si marem emisisset, uxori brevi tempore esse moriendum: si foeminam, ipsi. Quod cum audivisset Sempronius, Corneliam uxorem plurimum amans, foeminam ex serpentibus emisit. Uxorem servavit, & ipse paulò post è vita excessit. *Polydorus Vergilius lib. 3. prodig.*

142. M. Marcellus captarum Syracusarum, & Hannibalis ante Nolana mœnia à se primum fugere coacti gloria inflammatus, cum summo studio niteretur, ut Pœnorum exercitum aut in Italia prosterneret, aut Italia pelleret, solennique sacrificio voluntates Deorum exploraret. quæ prima hostia ante foculum decidit, ejus jecur sine capite inventum est, proxima jocinoris duplex caput habuit. Quibus inspectis, Aruspex tristi vultu, non placere sibi exta, quia prima trunca, secunda nimis læta apparuissent, respondit. Ita montibus M. Marcellus, ne quid temerè conaretur, insequenti nocte speculandi gratia, cum paucis egredi ausus,



à multitudine hostium in Brutiis circum-  
ventus, æquè magnum dolorem ac detri-  
mentum patriæ, interitu suo attulit. *Vale-  
rius lib. 1. cap. 6. & Plutarchus in Mar-  
cello.*

143. Antharis Longobardorum Rex,  
Garibaldi Bavarorum regis F. Theodelin-  
dam sponsam in agro Veronensi excepit.  
Non procul inde tacta de cœlo arbore, Agi-  
lulphus Taurinensium Dux consulto Aru-  
spice, responsum tulit, Theodelindam An-  
thari virginem nubere, sed paulò post Agi-  
lulpho viduam. Auspicii fidem exitus con-  
firmavit. Nam Antharis cum sex annis pul-  
chre regnâsset, Ticini veneno absumptus  
est. Longobardi Theodelindæ ejus uxori,  
præ mansuetudine & comitate nimia pote-  
statem fecere, quem virum optaret, eum  
sibi sumere liceret, eumque se pro rege ha-  
bituros polliciti sunt. At illa Agilulphum  
elegit. Mediolani celebratæ nuptiæ, ubi  
omnium consensu Longobardorum Rex ille  
declaratur. *Bonfinius lib. 8. Decadis prima.*

144. Bello Cimbrico Batabaces Pessi-  
nunte adventavit, Matris magnæ Idæ sa-  
cerdos. Hic Deam attulit ex adyto nunciâs-  
se sibi, victoriam populo Romano ma-  
gnumque belli decus accessurum. Cum ef-  
set Senatus assensus, atque ædem Deæ vi-  
ctoriæ causâ decrevisset : prodeunti in con-  
cio-

cionem, ut hæc ad populum ederet, Batabaci interdixit. A. Pompejus tribunus plebis, præstigiatores appellans, hominemque cum indignitate depulit ex rostris. Quæ res commendavit potissimum dicta ejus. Nam simul atque dimissa concione domum regressus Pompejus est, tanta vis occupavit eum febris, omnibus ut constaret, & per vulgatum esset, eum intra septimum diem expirasse. *Plutarchus in Marii vita.*

145. L. Sylla contra Cinna & Marium in Italiam reversus ex Asia, in Silvinis Servum Pontii narrat fanaticum allocutum se, qui nunciare ipsi à Bellona diceret, se belli palmam & victoriam. Quod ni maturaret, Capitolium conflaturum: idque eodem evenisse, quo ille prædixerat die, qui fuerat pridie Non. Quintiles, quas nunc vocamus Julias. *Plutarchus in Sylla.*

146. Creophilus in terminis Ephesiorum, Ephesum, inquit, ædificantes, cum loci magnopere essent dubii, ad Oraculum tandem miserunt, qui, ubi civitas esset locanda, percunctarentur. Respondit autem Dæmon, hic urbem condere, ubi piscis demonstrasset, aperque docuisset. Est autem fama, quod ubi nunc est fons Hypelæus vocatus, portusque sacer, piscatores quidam prandium parabant. Tum quidam ex piscibus una cum carbonibus exiit, atque in palea-

learum fasciculum decedit, incensus est continuo cespes, in quo aper agrestis fortè latitabat, qui igne perterritus, bonam montis partem percurrit, ac eò usque ubi Trachea nunc vocatur, conciditque jaculo vulneratus, ubi nunc Palladis templum est erectum. Tum insulam occupantes Ephesii, cum annos viginti & unum eam habitassent, Tracheam vigesimo secundo postea condiderunt & Corissum, Dianæque templum in foro, & Pythii Apollinis in portu erexerunt. *Athenaus lib. 8. cap. 11.*

147. Fuit apud Locros lignea canis talem habens historiam: Quippe Locro cuidam reddita fors est, Ibi civitatem conderet, ubi canis lignea morsum ei infixisset. Quo nomine, cum ad alterum enavigasset maris litus, calcavit *κυνόσατον*, id est. Rubum caninam, spinæ genus, inde cum suspicaretur finem habere Oraculum, civitates condidit, quas Locri habent Ozolæ. *Calpurnius lib. 17. cap. 28. ex Athenao libro 1. cap. 33.*

148. Leonides libro quarto de populis Attica, cum Thymætes frater junior, inquit, qui erat nothus, Aphidantem Atheniensium regem obtruncasset, ipse regnavit Athenis. Quo effectum est, ut Melanthus Messenius exul ex patria, Oraculum, ubinam esset habitaturus, acceperit: cui responsum est,

est, ubi primum muneribus ab hospitibus pedes & capita ei in cœna apponentibus exciperetur, quod accidit postea in Eleusina. Nam cum festum quoddam de more patrio celebrâssent, omnesque carnes absumtissent, ac pedes tantum superessent, & capita, hæc ipsa ad Melanthum detulerunt. *Athenaus lib. 3. cap. 9.*

149. Byzantium, antea Lygos dictum, à Lacedæmoniis, Pausania duce, in angustissimo Europæ Asiæque Euripo conditum est, quibus ab Apollinis Pythii Oraculo dictum fuit, ut contra cæcos sedes locarent, id est, Megarenses: qui Chalcedonem sterili solo, omissa locuplete ripa, è regione condiderunt. *Strabo lib. 7* Hanc urbem è ruinis Constantinus Magnus, qui Imperii sedem ex urbe Roma in Orientem transtulit, ad Parthorum excursiones compescendas, novis mœnibus cinxit, divinitus admonitus, sublimibusque turribus, ac magnificentissimis ædibus ita exornavit, ut habitaculum Deorum potius quàm Imperatorum crederetur, Hanc cum Imperator Neam Romam nominare vellet, vulgus à conditore Constantinopolim vocavit. *Cuspinianus.*

150. *Fama est*, prodigiosum scrophæ occursum, augurium Trojanis, qui duce Ænea in Italiam venerant, fecisse condendæ urbis.

Fam

Eam prægnantem fuisse ajunt, altaribusque admotam sacrificantium manibus excussam, inde quatuor & viginti stadia procul à mari parvo tumulo consedisse, loco natura sanè horrido ac prædifficili. Æneas Oraculi memor, cum paucis, qui fortè aderant, scropham eminus est secutus, ne vestigio instans fatali via averteret. Tum verò naturam loci contemplatus, cum nihil in eo perspiceret, quod ad sui cultum invitaret, consilii anceps angebatur, nec in animum inducere poterat, tam importunas sedes fato demonstrari. Eratque jam dudum in re una deliberanda occupatus, deberetne illic esse, an longius adhuc iret: cum ex proximo loco vox sine autore reddita est, quæ Trojanos illic jubebat permanere. Pergerent modò ædificare, cætera fatis permitterent. Alii authores sunt Deorum penatium effigiem hic Æneæ per quietem obversatam, quibus jussus sit locum communire. Sed quæcunque oraculi species ea fuit, constans fama est, scropham postridie cum numeroso foetu, quem noctu enixa fuerat, repertam, Oraculo fidem fecisse. Tumulus ergo tumultuario opere munitus est, in quo postea Ascanius, qui patri Æneæ successit, Albam urbem ædificavit, à colore Suis dictam. *Sabellius lib. 7. Enneadis prima.*

151. Tarquinius Superbus Romanorum  
Rex,

Rex, Jovis, Junonis, & Minervæ templum Sabino bello ab avo votum, in parte Tarpeji collis præcella & scopulosa, asperitate loci prius castigata, fundare est adortus. Sed cum de more aream inaugurare statuisset, essetque hujus spatii ambitus, sacella quædam vetustissimi operis complexus: quæ quia exaugurandæ erant, ut omni religionis metu sublato, opifices demoliri possent, ferunt, ut tunc malorum Dæmonum erant illusiones, cætera numina Jovi, deabusque augurio cessisse, solum Terminum (addunt quidam & Juventam) sua sede moveri nequivisse. Atque ipsa re in omen stabilis, mansurique Imperii accepta, sacellum media parte templi immotum postea mansisse. Est & majus quoddam operantibus prodigium oblatum. Humanum caput recenti tabo ab iis, qui in ima parte operabantur, est inventum. Tarquinius (nemo enim non id prodigiosum putavit) domesticos Vates consulit. Hi omnem ejus disciplinæ laudem ad Hetruscos referentes, ad regem pertulerunt, ut in Hetruriam seiscitatum mitteret. Hetruscus vates respondit fore, ut ibi arx Imperii, caputque rerum esset, ubi id ostentum apparuisset, ac jam inde locus ex Tarpeio capitolium est dici cœptum. *Sabellicus lib. 5. Ennead. 2.*

152. Alexander Magnus movens castra à Troa-



Troade, pervenit ad Minervæ templum. Ibi Sacerdos Alexander nomine, cum ante eundem Ariobarzanis, qui Phrygiæ præses fuerat, statuam humi prostratam, aliaque non parvi momenti ostenta vidisset, accessit ad regem, eumque in magno equestri certamine victorem fore confirmavit, præcipuè si circa Phrygiam manus consereret. Adjunxit etiam, manibus suis insignem hostium Ducem eum interempturum esse: Ea verò omnia sibi à Deis ipsis, & maximè à Minerva significari, quæ ei auxilio ad res feliciter agendas futura esset. Sacerdotis hujus prædictionem læto animo accepit Alexander, ac statim Minervam amplissimo sacrificio honoravit, scutumque ei suum dedicavit, & ex templo alterum, quod sibi firmissimum visum est, detraxit. Quo armatus pugnam primam inivit, ubi celebrem victoriam reportavit. *Diodorus lib. 17.*

153. Cum Græci Aulide in portu Eubææ naves congregassent, Trojam profecturi, & sub platano ara extructa sacrificarent, serpens monstrosæ magnitudinis sub ara prorepens, in platanum summam evasit, & passeris nidum in extremo ramo pendentem amplexus, octo pullos, matremque ipsam ala correptam devoravit, & mox ipse in lapidem obriguit. Calchas Vates augurium interpretatus est: Novem annis Græcos Trojam

jam frustra obsessuros, decimo tandem capturos & everfuros, tanti facti gloria æternum mansura. *Vlyffes apud Homerum Iliad. β. historiam recenſet.*

154. Alexandro Magno Gazam oppugnante, corvus fupervolans, cefpite five gleba quadam fupernè demiffa, Alexandri humerum percuffit, inde turre bitumine oblita fedens, in plicita tenaci materia alis, captus eſt. Plutarchus in quodam machinamento fediffe ait, ibique funium nodo implicatum hæſiſſe. Id intuitus Ariſtander vates, fore dixit, ut urbs brevi caperetur, verum periculum eſſe, ne rex eo die vulnus aliquod acciperet. Et utrumque fanè contigit. *Sabellicus lib. 4. Enneadis 4.*

155. Cælius Pontius, cum ei juſ dicen- ti picus fupra caput infediſſet, & Aruſpices reſpondiſſent, dimiſſa ave hoſtium victoriam fore, ſed necata, Reipublicæ, moriturum tamen eum qui oppreſſiſſet: Ipſam ſtatim avem exanimavit. Ex quo accidit, ut ipſe cum quadraginta aliis Cælius interficeretur. *Volaterranus lib. 14 cap. 2. Anthropol.*

156. Alexander Magnus expeditione Afiana ſuſcepta, poſtquam ad bellum movit, cum alia prodigia Deorum nunciata ſunt, tum Orphei ſignum apud Libethra, quod cupreſſinum erat, ſub ea tempeſtate copioſo  
mana-

manavit sudore. Eo portento omnibus exterritis, bono animo iussit illum Aristander esse, res cum gesturum nunquam obliterandas ac celebres, quæ multum sudoris & laboris decantantibus eas poëtis & Musicis essent præbituræ. Plutarchus in Alexandro. Idem Tyrum jam septimo mense obsidebat, dumque exercitum totum penè refecit à superioribus laboribus, paucos autem, ne respirarent hostes, mœnibus admover: Vates Aristander victimis cæsis, cum inspiceret exta, confidentius asseruit, apud coronam, urbem illo mense haud dubiè expugnandam. Qua dictum ejus ludibrio & risu excipiente, quod dies ea novissima esset, cernens Rex perplexum, favensque semper vaticiniis, vetuit deinceps trigessimum illum diem, sed vigesimum octavum mensis numerari: signoque tubæ dato murum acrius, quàm ab initio instituerat, est adortus. Cum urbs oppugnaretur impigrè, neque illi qui in castris erant, quiescerent. sed concurrerent ad opem ferendam, fracti Tyrii sunt, urbemque Alexander illo cœpit die. *Plutarchus in Alexandro.*

157. Syracusani obsessi à Nicia, ad fanum Herculis, quòd diu solennia sacra Herculi non fecissent, ascenderunt, immolaveruntque Renunciaverunt Syracusanis sacerdotes læta exta & victoriam Aruspices, si non  
com-

committerent conflictum, sed vim propul-  
sarent. Etenim superâsse omnes Herculem  
se defendendo prius violatum. Atque ita pro-  
fecti, prælium navale maximum & acerrimum in ipso portu commisere, & Athenienses superavere. *Plutarchus in Nicia.*

178. L. Sylla cum ad bellum Sociale cum exercitu mitteretur, apud Lavernam in ingentem sinum terræ labem defecisse, & ex eo grandem ignem erupisse, & lucidam flammam ad cœlum extulisse. Nunciâsse verò fatiloquos, virum egregium, & forma præcellentem atque insignem præsentibus procellis urbem, cum summum imperium cepisset, explicaturum. Hunc se ait esse Sylla. Nam faciei suæ peculiarem esse auri colore rutilantem comam. Virtutem verò non erubescere se si sibi sumat, tantis & tam præclaris rebus gestis. *Plutarchus in Sylla.*  
Eodem bello, cum in agro Nolano ante prætorium immolaret, subitò ab una parte aræ prolapsam anguem prospexit. Qua visa, Posthumii Aruspiciis hortatu continuo exercitum in expeditionem eduxit, ac fortissima Samnitum castra cœpit. Quæ Victoria futuræ ejus amplissimæ potentiæ gradus & fundamentum exitit. *Valer. Max. lib. 1. cap. 6.*

159. P. Scipio Africanus, cum eum exercitum, qui Carthaginem solo æquavit, corruptum

ruptum reperisset, correxit. Belli autem exitum, gladii capulum multo sanguine manantem portendisse ferunt: qui cum saepe abstergeretur, subinde magis cruentatus fuerit. Id enim portentum magnam hostium eadem significari Aruspices dixerunt. *Suidas.*

160. Ferunt aliquando arietis caput cum unico cornu ad Periclem fuisse ex agro delatum, ac vatem Lamponem, ut cornu validum conspexit, & firmum media enatum fronte, duarum dixisse, quæ tunc in urbe erant, factionum, Thucydidis & Periclis potentiam ad unum delatum iri, apud quem hoc prodigium evenisset. Anaxagoram verò cum os capitis dissecuisset, monstrasse, non complevisse cerebrum sedem suam, sed ovi modò acutum ex tota testa devolutum eò loci, unde originem radix cornu duceret. Atque in præsentia quidem habuerunt in admiratione, qui intererant, Anaxagoram: brevi post Lamponem cum opibus fractis Thucydidis, respublica universa in Periclis manum recidisset. Poterat verò rectè uterque coniecisse, tam Physicus, quam vates. Alter qui causam, alter exitum probè est assecutus. Illius erat enim munus, unde provenisset, & quemadmodum esset enatum contemplari, hujus quid ad genitum esset, & quid portenderet, prænunciare. *Plutarchus in Pericle.*

161. Ante quàm Alexander Magnus Persas aggressus est, narrant Darium, cum primum regnare cœpit, Persicam acinacis vaginam mutari iussisse in eam formam, qua Græci tempestate illa utebantur. Ac tum Chaldæorum plures vaticinatos, futurum, ut Persarum imperium ad eos transiret, quorum Rex esset vaginam imitatus. Id quod postea sic evenit, Darius enim est ab Alexandro captus, & Persarum Regnum ad Græcos translatum. *Sabellicus lib. 4. Enead. 4.*

162. Maximino Patri scutum ad solem accensum est, & hasta fulgure percussa, à summo ad imum unà cum ferro in duas discissa est partes: Unde Aruspices dixerunt, ex eadem gente futuros Imperatores eodem nomine, qui parvo tempore durarent. Ita enim contigit. Nam pater & filius ambo Maximini, simul parvoque tempore imperârunt. *Sabellicus lib. 1. cap. 4.*

163. Dion contra Dionysium classem in Zazyntho parabat. Miltas Thessalus vates apum ostentum, quarum in Dionis navigiis conspexerunt ad puppim examen consedissee, privatim apud illum & amicos timere ostendit se, ne res quas gesturus esset magnificas, cum floruisent paulisper, emarcescerent. *Plutarchus in Dione.*

164. Quo tempore Dionysius Syracusanus



nus tyrannide exutus est à Dione, aquila raptam satellitis lanceam in sublime tulit, inde demisit in profundum. Vates respondere, ministrum esse aquilam Jovis, lanceam principatus insigne. Igitur eversionem Tyrannidis moliri Deorum principem. *Plutarchus in Dione ex Theopompo.*

265. Cum Cræsus Lydorum Rex, contra Cyrum Persarum Regem æquo Marte pugnasset, & Sardis se contineret, repente omnia suburbana colubris impleta sunt, quos equi, dum ad pascua irent, devoraverunt. Telmisses super ea re consulti: externum exercitum affuturum responderunt, qui indigenas subigeret: Coluber enim terræ filius est, & indigena: Equus verò hostis & advena. Captus interea Cræsus à Cyro, & regno exutus fuit. *Herodotus libro 1.*

165. Cum Dion contra Dionysium tyrannum è Zacyntho insula bellum moturus esset, sub libamina & solennia vota defecit luna. Nec fuit quicquam Dioni novi, eclipticos ambitus, occurrentemque lunæ umbram, & objectam Soli terram reputanti. Cæterum quia milites attoniti erant elevandi, Miltas Theſſalus vates, concione advocata, jussit eos bono animo esse, & spem optimam concipere. Quippe denunciare Deum defectum cujuspiam rei in præsentia illustris. Illustrius autem nihil Dionysii tyranni-

rannide esse, cujus luminibus ipsos, ut primum Siciliam attigissent, obstructuros. *Ex Theopompo Plutarchus in Dione.*

166. Minori Dionysio portentosa prodigia fuere à Deo oblata, quo tempore illum Tyrannide exuit Dion. Mare qua alluit arcem, aquam per unum diem dulcem & potabilem reddidit: idque, quicunque gustaverunt, percipere. *Cujus rei Plinius quoque libro 2. cap. 100. meminit.* Porcelli ei editi sunt reliquis membris integri, tantum mutili auribus. Id vates exposuerunt defectionis & rebellionis ostentum esse, quod cives non ultra tyrannidi futuri essent dicto audientes. Maris dulcedinem tristium & sævorum temporum in meliora Syracusanis vicissitudinem afferre. *Theopompus & Plutarchus in Dione.*

167. *Scribit Actius in Bruto,* Tarquinium Superbum hujuscemodi somnium vidisse. Pastorem ad se venire, arietes geminos agentem, seque cum ex his alterum immolaret, aspexisse superstitem irruentem obnixis cornibus, se autem repentino impetu graviter prostratum, atque humi resupinum, dum cœlum suspicit, animadvertisse, Solis orbem novum & insuetum iter agere. Quod cum ad interpretes retulisset, monitum Regem ajunt, cavendum, ne quem ipse rudem ut pecus & monstrum

putaret, ille eum latenti prudentia armatus, regno pelleret. Solis autem ostentum commutationem status populo significare. Atqui non aliter evenit. Brutus enim, cujus germanum Rex oppresserat, & cujus ingenium ludibrio erat, ille Regem nomenque regium expulit: Romana res mutata, unius in locum perpetui Regis, duos annuos Magistratus habere cœpit. *Petrarcha de Somniis, ex Ciceronis lib. 1. de Natura Deorum, ex Accii Bruto.*

168. Hippocrati Atheniensi, Duci fortissimo, cum privatus spectaret Olympia, ingens contigit portentum. Nam cum hostiam immolasset, athena (ut imposita erant) plena & carne & aqua, absque igne effebuerunt, ita ut aqua redundaret. Quod portentum conspicatus Chilon Lacedæmonius, qui forte aderat, suavit ei; Primum, ne uxorem fœcundam duceret domum: Secundo loco, Si uxorem haberet, ejiceret, & si quem ex illa filium sustulisset, abdicaret. At Hippocrates Chiloni non obtemperans, Pisistratum filium sustulit, qui tyrannidem Athenis invasit: *Herod. l. 1. Sabell. lib. 6. Ennead. 2.*

169. Apud Thebas Bœotias cum in templo Legiferæ Cereris sub Leuctricæ pugnae tempus, (quando auspiciis Epaminundæ Spartanos vicerunt) araneæ albas circa valvas texuissent telas, adorientibus jam fines  
Mace-

Macedonibus ductu Alexandri Magni, excidium urbi portendentes, nigro omnia opere compleverunt. *Pausanias in Bæoticis.* Signum hoc ante mensem tertium, quàm Alexander Thebas perveniret, accidit. Sub ipsum verò ejus adventum, statuæ quæ erant in foro, visæ sunt sudorem guttis prægrandibus emittere. Præter hæc magistratibus renunciatum est, stagnum quod erat Onchesti, edidisse vocem mugitui consimilem, atque in Dirce horrendam quandam speciem cruentatam in summo aquæ supernatasse. Non defuerunt & alii ex Delphis, qui dicerent culmen ædis, quàm Thebani construxissent, à Phocensibus visum esse sanguine suffusum. Vates dicebant, portendere telam illam, Deorum ab urbe migrationem. Cœlestis arcus speciem, molestiarum varii generis perturbationem. Sudorem de statuis emissum, extrema incommoda. Sanguinem verò qui in locis plerisque comparuisset, rædis multæ ad Thebanam urbem committeudæ indicium esse. *Diodor. lib. 17,*

170. Sagunti, antequam Hannibalis excidium passa est, inter magna & assidua monstra, satis constat, infantem è matris utero penè editum, in ipsum matris alvum revertisse. Quod prodigium Vates interpretati sunt teterrimum bellum, & fatale excidium ac imminens fatum, quo ad interne-

cionem funditus eversa est. *Alexander ab Alexand. lib. 2. cap. 31.*

171. Archelaus Judeæ & Idumææ Tetrarcha, propter tyrannidem ab Augusto Cæsare Romæ accusatus est. Cæsar auditis ejus accusatoribus, & ipsius defensione, misit eum Viennam in exilium, quæ est urbs Galliæ, mulctatum prius omni pecunia, anno Regni decimo. Sed priusquam Romam evocatus est, amicis tale narravit somnium: Visus est videre decem spicas maturas tritico plenas à bubus absumi: experrectusque, non contemnendam visionem ratus conjectores super ea consuluit. Quibus dissentientibus, cum variaret interpretatio, Simon, vir Essæus, præfatus veniam, ait hanc visionem Archelao significare mutationem in deterius: Boves enim significare miseriam, quod in perpetuis laboribus degat hoc animal: præterea rerum mutationem, quia terra horum opera versata, nec locum eundem retineat, nec faciem. Cæterum decem illas spicas, totidem annorum præfinire numerum, eas enim redire annuis vicibus, jamque instare Archelao dominationis terminum. Sic ille hoc somnium interpretatus est. Post cujus visionem quinta die venit in Judæam Procurator Archelaus ad evocandum illum missus à Cæsare. *Ioseph. l. 17. c. ultimo.*

172. Mediolani Palatina domus, septimo

modie antè, quàm Barnabas Vicecomes ab Johanne Galeacio patrueli caperetur, adeò vehementer de cœlo tacta est, ut intimi cubiculi peristromata deflagrarent, & viperæ marimoreæ (Vicecomitum insigne) fastigio superstantes fulmine frangeretur. Vates quoque domesticus, cognomento Medicina, ut Nonas Majas eo anno trium siderum coitu infaustas caveret, multò ante prædixerat, & tum in fata sua properantem retentare fuerat conatus. Occulta enim vis fati tum maximè urgebat, quum misero mentis arbitrium eriperet. *Iovius in Barnaba.*

173. Zenon Imperator, audita clade suorum, in castellum, quod populares Constantinopolim vocabant, in tumulo situm, confugit. Quo cognito, suis cum gemitu, Homo igitur, inquit, Dei ludibrium est, cum & me sic ludificari visum sit numini. Vates enim constanter affirmarunt, oportere me Julio mense Constantinopoli esse. Ac ego me in urbe fore putavi, nunc & destitutus ab omnibus, & exul, in hunc tumultum veni, inventa miser appellatione consimili. *Suidas.*

174. Friderico II. quidam hariolus, qui spiritum familiarem sibi jactabat adesse, prædixerat moriturum eum in agro florentino. Ergo in extrema illa è Thuscia in Apuliam profectio, omni studio terram Florentinam vitabat. At cum febris graviter decum-



beret in arce Apuliæ, sex millibus passuum distante à Luceria (Florentinum vocant) reminiscens & prædictionis harioli, & nominis Florentini, intellexit finem vitæ sibi adesse. *Collenutius l. 4. historia Regni Neapolitani.*

175. *Quidam scriptores asserunt*, Ezelinum Romanum, & Albericum fratres, cruentos & immanes homines, matrem habuisse Adelheidam, ex nobili Thuscorum sanguine scēminam, alti ingenii consilii-que, & tam astrorum cœlique studio, quàm Magicis artibus supra fidem venturi præsciam. Hæc cum sæpe multa tam viro quàm natis, tum præcipuè evidens unum, circa diem suæ mortis, oraculi more, tribus versiculis pronunciâsse dicitur: In quibus & filiorum potentiam, & exitum, & mortis locum ita cecinit, ut ipsis eventibus nihil ex vaticinio demeretur. Quin etiam ut Albericum fileam, cum Ezelinus ipse monitus Cassanum cavere, ignobilis vici nescius, Cassanum castrum in Paduanorum ac Hetruscorum situm finibus fatale ratus, omni semper studio vitâsset, tandem post septuagesimum ætatis annum, dum summa vi Mediolanum petit, ab omnibus fermè Longobardis, quibus trux & insolens spiritus odiosum illum fecerat, circumventus est. Jam pontem fluminis transiverat, illic in extremis sese casibus videns, loci nomen sciscitatus: ubi  
Cas-

Cassanum audivit , confusionem nominum recognoscens, adacto calcaribus equo, in oppositum sese flumen injecit : Heu fatum inevitabile , heu materna præsagia , heu arcanum Cassanum, horrendo murmure vociferans : Ac vix terræ redditus adversæ , ab innumerabili hostium exercitu, qui jam pontem , & utramque ripam occupaverat , opprimitur, *Petrarcha*.

176. Machabæus Scotorum Rex. cum Magduffum timeret , ab Aruspicibus monitus , fatidica mulier prædixit , non illum manu casurum nati ex muliere , nec prius vincendum esse , quam nemus Birnen ad arcem Donusinnam, procul inde distantem, translatum esset. Itaque se & invictum , & ab insidiis tutum falso credidit. Nam pridie quam vinceretur , excisa sylva Birnen, quilibet ramum secum tulit, atque ita arcem cinxerunt : Occisus denique à Magduffo, qui non natus , sed excisus ex ventre matris fuerat. *Cardanus de Rerum varietate l. 16. cap. 93.*

177. Antonius à Leva Carolum V. Cæsarem ad inferendum Gallo bellum animavit , seque Ducem professus , quamvis sæva arthitide conficeretur , quòd à Divinaculis accepisset , sibi in Gallia moriendum esse, ad D. Dionysii quiescendum. Id ille de victoria Parisios usque extendenda interpretabatur.

tur. At longè aliter accidit. Nam Cæsaria-  
no exercitu dysenteria confecto, Leva affi-  
duis confectus vigiliis, & doloribus, in Nar-  
bonensi Gallia periit, & Mediolanum rela-  
tus, ad D. Dionysium tumultatus est. *Sabel-  
lici Supplementum libro 20.*

178. Amilcari Carthaginensium Duci  
contra Agathoclem Syracusas obsidenti, A-  
ruspex inspectis extis, cum postridie Syracu-  
sis cœnaturum affirmavit. Ille dum Syraculis  
se potiturum sperat, eruptione civium ca-  
ptus, eo die invitus Syraculis cœnavit, & di-  
ris vexatus tormentis interiit. *Diodor. l. 20.*

179. Velitris, ubi Augustus Cæsar natus  
est, antiquitus tacta de cœlo parte muri, re-  
sponsum est, ejus oppidi civem quandoque  
rerum potiturum. Qua fiducia Velitrini, &  
tunc statim, & postea sæpius penè ad exitium  
sui cum populo Romano belligeraverant.  
Serò tandem documentis apparuit, ostentum  
illud Augusti potentiam portendisse. *Su-  
tonius.*

180. Hadrianus Cornetanus Cardinalis,  
nulla malevolentia, sed vana regnandi cu-  
pidine inductus, Leonis X. mortem expe-  
ctabat. Certam enim spem adipiscendi Pon-  
tificatus conceperat ex oraculo fatidicæ mu-  
lieris, quæ, cum plæraque jam pridem in-  
terroganti de sua & publica rerum fortuna,  
exactissimè prædixisset: constanter etiam  
affir.

affirmârat, fore, ut Leone immatura morte sublato, succederet vir senex, nomine Hadrianus, obscuro natus loco, literarum studiis insignis, qui sacros honores gradatim, sola nixus virtute, sine ulla majorum commendatione meruisset. Hæc omnia sibi uni apertè congruere putabat. Nam Corneto infami Tuscorum oræ oppido, familia tenui, & propè sordida ortus, uno bonarum literarum beneficio, singulas sacrorum ordinum dignitates fuerat consecutus. At sicuti vetulæ oraculum ædem non fefellit, ita Cornetanum fefellit. Neque enim ipse Leoni successit, sed Hadrianus senex Batavus, egeni opificis filius, doctrina illustris, post Leonem prodigiosa felicitate pontificatum est adeptus. *Iovius in Leonis vita, lib. 4.*

181. Alexander Magnus, cum Oxydracorum Indorum metropolim oppugnare statuisset, Demophon quidam ex his, qui futura de ostentis, & signis aliis solent conjicere, Regem aggressus, ex augurii observatione se inquit annotâsse, magnum ei periculum portendi, ob vulnus, quod in oppugnatione accepturus esset. Propterea admonerat, uti pro tempore ab invadenda ea urbe animum ad res alias converteret. Hominem Alexander objurgavit, quòd talibus consiliis virorum fortium virtutem frangeret: atque his quæ oppugnationi erant neces-

cessaria, provilis, ipse primus sequentibus copiis urbem aggressus est, vehementer eam vi capere cupiens. Ibi cum serius machine adducerentur, portam unam adortus perfregit, irrupensque in urbem, multos interfecit, reliquos in fugam versos, usque ad arcem est persecutus. Interim vero Macedonum multitudine adhuc in tentandis mœnibus occupata, non cunctatus, ipse scalam properè arripuit, & muro artis applicuit, scutoque supra caput prætento, inscendere occepit. Tantam autem his omnibus celeritatem adhibuit, ut priusquam excubitores Barbari in muri custodiam venirent, ipse jam in eum summum conscenderit. Non audebant hostes proprius accedere, ut manus cum eo conferrent, sed eminus & jaculatores & sagittarii ita eum graviter urgebant, ut vix missilium vim sustineret. Macedones scalis, quas duas apposuerant, frequentes scandere conabantur, sed eis pondere perfractis, omnes in terram deciderunt. Igitur omni destitutus auxilio Alexander, solus & armis oneratus in ipsam arcem deliit, Indisque impetu facto in eum incurrentibus, audacissime resistebat. Dextra arborem prope mœnia positam, lava murum ipsum, ne circumveniri posset, sibi pro munimento accepit: atque ita cum hostibus manus conferebat, eo animo, ut tanquam  
Rex

Rex tot clarissimis rebus gestis, summam virtutem demonstraret, mortemque gloriosam oppeteret. Multos galea, multos Clypeo ictus sustinuit. Tandem sagitta ei infra mammillam infixæ, vi doloris in genua procumbere est coactus. Ibi statim Indus, qui vulnus intulerat, contemptim accedens, ferire eum aggrediebatur, quum Alexandri gladio subter ilia transfixus, lethali vulnere concidit. Rex ramo, qui de arbore prope se pendeat, comprehenso adjunctus, surrexit, cœpitque provocare ex hostibus, si qui vellent secum decertare. Interim Peucestes unus è custodibus corporis Regii, scala mœnibus superatis, primus ad sui principis defensionem pervenit: postquam alii plures, qui visi Barbaros perterruerunt, atque à periculo Alexandrum servârunt. *Diodorus lib. 17.*

182. Servus quidam Syrus, in urbe Apamea natus, Eunus nomine, magicis incantationibus & circulatoriis præstigiis deditus, serviebat apud Ennenses in Sicilia. Hic se futura prædicere instinctu afflatuque Deorum ipsi in somnis apparentium simulabat. Mox etiam non solum ex somniorum visis futura prænunciabat, sed & vigil cernere se Deos, & ex iis res futuras audire fingeat. Quum autem in multis vaticinationibus mendax comperiretur, interim tamen casu



eventus quarundam rerum verè prædictionibus ejus responderunt: ut falsa quidem ejus vaticinia nemo coargueret, vera autem cum applausu diligenter notarentur, hominum opinio de eo indies augebatur. Postremò artificium excogitavit, quo flammam ex ore cum quodam fanatico furore emittebat, & cum flamma simul vaticina verba Phœbadum in morem fundebat. Ignem enim in nucem, aut aliquid hujusmodi utrinque perforatum, simulque materiam, quæ illum alere posset, imponebat, deinde ori indens & afflans, modò scintillas, modo flammam accendebat. Hic antè defectionem jactare consueverat, apparentem sibi in somnis Syriam Deam dignitatem Regiam polliceri, & hoc non aliis solum, sed & suo ipsius Domino Antigeni Ennensi assidue dictitabat. Cum autem risu res exciperetur, Antigènes ex hisce prodigiosis mendaciis voluptatem capiens, in conviviis Eunum asseclam habebat, eumque sibi super regno interrogabat, & quomodo erga unumquemque eorum, qui in cœtu illo erant, gerere se decrevisset. Cum autem ille ita iis responderet, ut in suis sermonibus minime vacillaret, pollicereturque fore ut dominos suos leniter clementerque acciperet, omnibus risum movebat. Hunc Eunum, servi rebellionem molientes, adcuntes interrogant, an suum ipsorum inceptum

ceptum à Diis concederetur? Hic illis assentiens, ut primo quoque tempore illud aggrediantur persuadet. Statim igitur coacta 400. conservorum manu, in urbem Ennam irrumpunt, Ducem habentes Eunum. Domos autem ingressi stragem magnam edunt, ne lactentibus quidem infantibus parcetes. Et hoc fuit initium belli Servilis per Siciliam crudelissimè grassantis, vix tandem à Rutilio confecti. *Diodorus Siculus lib. 34.*

183. Cum ad Thermopylas 300. Lacedæmonii contra Xerxem pugnaturi essent, Vates Megistias Acarnas, à Melampode oriundus, prælocutus ex extis mortem omnibus imminere, quamvis palam à Leonide dimitteretur, ne unà periret, tamen discedere noluit, filium modò, qui ei unicuſ erat unà militantem missum fecit. Socii reliqui, quos Leonides Spartanorum Rex remittebat, abiêre. Thespienses tantum atque Thebani perstitère cum Lacedæmoniis, hique permanentes omnes cum illo occubuerunt. *Herodotus libro septimo.*

184. Cum aliàs sæpè & ab Augusto & à Tiberio vatibus interdictum esset, ne vel absentibus arbitris, vel coram testibus de cuiusquam morte prædicerent, tandem etiam à Domitiano Imperatore Ascleulario vivus comburi iustus, & Larginus Proclus capite damnatus est, quòd publicè prædixissent,  
quo

quo die ille esset moriturus. Sed horum alter, qui ab eo, qui provinciæ Germaniæ præerat, Romam missus, quæ prædixisset constantissimè Domitiano asseverasset, brevemque diem esse diceret, quo veritas aut vanitas artis judicari posset, supplicium in hunc diem differri placuit. Et fuit certa divinatio. Itaque Nervæ beneficio liberatus est. *P. Ærodius ex Suetonio.*

185. Perusinum sacerdotem, *Grillandus ait*, maximum fuisse totius Italiæ magum, qui cum missam canens versus populum sese obvertisset, ut diceret, Orate pro me, &c. die quodam dixit, Orate pro castris Ecclesiæ, quia laborant in extremis: eodemque momento cæsa fuisse castra, quæ Perusio (ubi canebat Missam) viginti quinque miliaribus aberant. *Similem historiam in Philippo Comminæo legimus*, de quodam Italo Viennensi Archiepiscopo, qui præsentè Ludovico Rege XI. die Epiphaniæ missam celebrans in æde S. Martini Turonensis, quando pacem Regi osculandam præbuit, hæc verba pronunciavit, pax tibi, ô Rex, hostis tuus est mortuus: & hora eadem comperitum est Carolum Ducem Burgundiæ ad Nanceum in Lotharingia occidisse. *Multa autem de hoc Archiepiscopo Comminæus narrat*, quæ nihil magis redolent, quàm veri Magi effecta certissima.

De Dia-



De Diabolicis somniis, visionibus, revelationibus, & aliis ejusmodi præstigiis atque ludibriis malorum Dæmonum.

1. **A**gamemnon Græcorum ad Trojam Dux, Achilli Briseidem eripuerat. Thethis pro filio Achille apud Jovem intercedit, ut propter injustum Regem Græcos Trojanis inferiores reddat, donec re ipsa sentiant, quantum damni ex injuria Achilli illata perceperint. Jupiter Somnum mittit ad Agamemnonem, eumque properè copias educere jubet, *νῦν ἥ δὲ κενέλοι πόλιν Ὀρυσάμεν Τρώων*. quod nunc esset capturus Ilium. Jovis non est mentiri, Et tamen eo die urbem non cepit. Prævidebat Agamemnonis errorem Jupiter, & propterea in homonymo lusit. Namque adverbium *νῦν*, Græcis non tantum præsens instans significat, sed latitudinem habet, & ad præteritum quòd non multò antè præcessit, & ad futurum, quòd non longè

longè abest, referri consuevit. Jupiter igitur *πρω* intellexit de decimo anno, in quo jam erant, quòd scilicet non longè abesset Ilii excidium. At Agamemnon de præsentie somnium interpretans, Græcos eduxit in aciem, & magnam cladem passus est. *Iliados. β.*

2. Cyrus Persarum Rex, contra Massagetarum, ubi periiit, ducto exercitu, per quietem imaginatus est, se Darium Hystaspis filium maximum natu cernere, duas in humeris alas habentem, quarum una Asiam, altera Europam inumbraret. Erat Hystaspi Aristimenti filio ex liberis Darius natu maximus, qui tum viginti annos natus, in Perside fuerat à patre relictus. Hystasperm Cyrus somno exporrectus, suspensusque nocturna specie, remotis arbitris affatus, se certo Deorum monitu compertum habere ait, à Dario ipsius filio sibi suoque regno insidias parari. Iret ipse domum, daretque enixè operam, ut cum Massagetis victis in Regnum redivisset, sibi filium sisteret, interim in officio contineret. Hæc ille fatorum ignarus. Cæterum imago illa periturum Cyrum ea expeditione monstravit, regnumque ad Darium haud multò post perventurum, quod brevissimo Cambysis regno interjecto accidit. *Sabellicus l. 6. Ennead. 2.*

3. Socrates in somnis discipuli Platonis

nis eloquentiam atque Philosophiam prævidit. Nam pridie quàm ad Socratem à patre Plato puer adduceretur, per quietem vidit candidum Cygnum in sinum suum advolasse, qui aërem miris concentibus replet. Quod somnium viso Platone statim enarravit. *Pausanias in Atticis.*

4. *Hippocrates in Epistola ad Philopæmenem somnium enarrat*, quod sibi meditati & sollicito de Democriti, ad quem Abderitis curandum vocatus erat, valetudine sub auroram obvenisse dicit: Videbar, inquit, mihi videre Æsculapium coràm, & jam ad ipsas Abderitarum portas aderam. Æsculapius autem non ut imagines eum aliàs ostendunt, mitis ac blandus apparebat, sed habitu concitato, & aspectu horrendo. Sequebantur autem ipsum Dracones reptilium generis immanes, longum tractum ducentes, & horribile quiddam velut in desertis ac saltibus subsibilantes. Sequebantur & socii pyxides medicamentarias probè obsignatas gestantes. Deinde porrexit mihi manum, Deus. Quam ubi libentissimè apprehendissem, rogabam ut mihi simul pergere liceret, & ne in medendo destitueret. Verum is, Nihil, inquit, in præsens me opus babes. Sed hæc immortalium ac mortalium communis Dea te peregrinum deducet. Et ego conversus video mulic-



mulierem pulchram & magnam, simpliciter ornatam, splendidam, cujus oculorum circuli puro lumine micabant, ut stellarum fulgorem putares. Et Deus quidem disparuit. Mulier verò illa apprehensum me manu, lento gradu benigniter per urbem ducebat, & ubi prope domum essemus, in qua hospitium mihi paratum esse putabam, velut spectrum disparuit, hoc saltem dicens, Cras te apud Democritum deprehendam. Cum verò jam se illa converteret, Rogo, inquam, optima fœmina, quænam es, & quo nomine vocari debes? Veritas, inquit illa. Cæterum quam accedentem vides, (& derepente altera quædam mihi apparuit, neque ipsa mala videbatur, audacior autem aspectu & concitior) Opinio, inquit, appellatur, & habitat apud Abderitanos. Ego igitur ubi de somno surrexissem, mihi ipsi somnium interpretatus sum, quod non indigeret medico Democritus, quando sanè ipse medendi Deus discessisset, velut qui medendi occasionem & materiam non haberet. Sed ipsa quidem veritas, quòd Democritus sanus sit, apud Democritum manet. Opinio verò, quòd Democritus ægrotet, revera apud Abderitas habitat.

5. Alexander ex gente Herculis per Caranum, & genere materno Æacida per Neoptolemum fuisse, pro certo creditur.

Fama

Fama est in Samothrace initiatum cum Olympiade Philippum, cum esset ipse tum adolescens, illam item puellam parentibus orbam, amasse, atque inde parata fratris voluntate Arybba (Arymbam vocat *Diodor. lib. 16.*) nuptias coisse. Sponsæ ante noctem, qua thoro genitali juncti fuere, visus est Jove tonante venter suus de cælo tangi, atque ex ictu largum succensum ignem, qui mox erumpens in flammæ passim dispersas dissiparetur. Philippus spacio aliquo post nuptias, vidit in somnis, uxoris se ventrem consignare. Habebat sigilli sculptura, ut visa ei est, imaginem Leonis. Ea visione vaticinis interpretantibus cæteris Philippo custodiis acrioribus sepiendam conjugem, Aristander Telmessius utrum illam leoni æquandum ait ferre. Nihil enim quod inane sit signari, ac concepisse eum infantem animosum. *Plutarchus in Alexandro.*

6. Poëta Sophocles sæpe per quietem conspexit, Herculem furem eum nominatim accusantem, qui ex fano suo aureum vas furto subripuisset. Ut rem Ephoris detexit, comprehensus, quem Hercules accusabat, verum esse furtum confessus est. Quamobrem ab eo tempore templum illud indicis Herculis nominatum est. *Fulgus lib. 1. cap. 5.*

7. Anneus Seneca, senator Romanus,  
à Clau-

à Claudio principe ad magisterium Neronis adhuc pueri, & qui bonæ indolis spem dabat, assumptus, nocte statim proxima somniâsse dicitur, C. Caligulam, cujus pridem famosissima crudelitas dignum exitum invenerat, se discipulum habere. Poruit experrectus admirari. At non multò post, mutati, seu verius detecti Neronis mores, & omnis humanitatis expers animus, admirationem sustulerunt: quia tam Caligulæ similis evasit Nero, ut non alter, sed ille idem quodammodo reversus ab inferis videretur. *Petrarcha ex Suetonio & Dione.*

8. Socratis familiaris Eudemus Cyprius, in Macedoniam proficiscens, Pheras Thesaliæ urbem opulentam & egregiam, sed Alexandri cujusdam inhumana tyrannide pressam, venit: illic morbo correptus est tam gravi, ut de vita ejus desperarent medici. Sic afflicto, juvenis eleganti specie per noctem adesse visus, tria denunciavit eventura, ut æger mox sanitati restitueretur: ut ejus urbis Tyrannus intra paucos dies mortem obiret: ut ipse post quinquennium remearet in patriam. Et prima quidem duo clarè, ut annunciata erant, evenère. Nam ipse præter spem convaluit, & Tyrannus ab uxoris suæ fratribus trucidatus est. Tertium verò parumper obscurius. Quinti enim sub anni finem, dum Eudemus

è Si-

è Sicilia, ubi tunc degebat, in Cyprum reditum expectaret, ad Syracusas bello interemptus est. Conjectores verò sic somnium excusasse legimus, ut dicerent hominem tum demum cum è corporis vinculis evaderet, in patriam reverti. *Petrarcha.*

9. Aspatia Hermotimi filia, Phocensis, postquam mater ejus cum partu animam simul egisset, in orbitate est educata, atque in penuria, modestè tamen & liberaliter. Insomnium autem frequenter apparebat, eventura fortunæ vaticinium præ se ferens, quòd viro pulchro bonoque nuptura esset. Adhuc autem puellæ enatus est tumor in ipso mento, aspectu teterrimus, atque tum patri tum ipsi puellæ summum dolorem afferens. Proinde pater eam ad Medicum adduxit, qui se curaturum recepit, sed ea lege, si tres sibi stateres persolverentur. Cum autem pater tantum se non habere diceret, Medicus puellam incuratam dimisit, quæ ob id in acerbissimo luctu versata est. Verum posteaquam prædolore non cœnasset, planè opportunus eam somnus invasit. In somno autem visio oblata, hæc verba protulit: Bonum animum geras, valeantque medici cum suis Pharmacis. Tu verò rosea Veneris cape, eaque contrita tuberi impone. Hæc ubi audisset, & executæ esset, tuber evanuit, & Aspatia inter omnes puellas adeò for-

forma, vitæ honestate, incorruptismoribus emicuit, ut primum Cyro Persarum Regi, & eo interfecto, Artaxerxi etiam nupta sit. *Historiam eleganter descriptam leges apud Ælianum de varia historia lib. 12. à principio.*

10. Plinii ætate, cujusdam militantis in prætorio mater vidit in quiete, ut radicem sylvestris rosæ, quam cynorhodon vocant, blanditam sibi aspectu pridie in fructu, mitteret filio bibendam in lacte. In Lacetania res gerebatur, Hispaniæ proxima parte: casuque accidit, ut milite à morsu canis incipiente aquas expavescere, superveniret epistola matris orantis, ut pareret religioni, servatusque est ex insperato, & postea quisquis auxilium simile tentavit. *Plinius lib. 25. cap. 2.*

11. Æsculapius Atheniensis eandem medicinam Plutarcho Atheniensi, & Domnino Syro Philosopho præscripsit oraculo, illi subinde sanguinem expuenti, huic nescio quo malo laboranti. Ea verò fuit, ut suillis carnibus implerentur. Ac Plutarchus quidem, etsi lege patria non vetaretur, talem sanationem respuit: ac somno experrectus, & ulnis in lectulo expansis, Æsculapii statuum intuens, (nam in vestibulo templi dormierat) Quid, inquit, Domnino Iudæo hoc morbo laboranti præscripsisses? neque

neque enim suillis cum impleri carnibus iussisset. Quæ cum hic dixisset, Æsculapius statim sono è statua suavissimo edito, aliam curandi morbi rationem ei præscripsit. Dominus autem secus quàm instituta Syrorum ferunt, somnium secutus; non Plutarchi exemplum, & tum & postea semper eas carnes comedit: ac fertur, si quando unum id diem intermisisset, recruduisse morbum, donec iis impleretur. *Suidas*,

12. Descendenti ad mare ob pertinentia ad Græciam negotia Themistocli, postquam ad Xerxem confugit, Perses quidam Epixyes nomine, superioris Phrygiæ satrapa insidias struxit, paratis jam pridem Pisidis, qui in oppido, quod Leontocephalon vocant, (significat ea vox caput leonum) pernoctantem trucidarent. Cui matrem Idæam perhibent oblatam per somnium meridiani dixisse: Devita Themistocles leonum caput, ne in leonem incurras. Pro hoc ego abs te postulo ancillam Mnesiptolemam. Unde pavore offusus Themistocles, adorata Dea, declinavit viam Regiam, ac locum illum alio circuitu præterlatus, jam nocte confedit. Cum autem unum ex iumentis, quæ portabant tentorium ejus, esset in fluvium delapsum, servi Themistoclis aulæas madefactas expanderunt ad siccandum. Interea accurrunt cum gladiis Pisidæ.

T

Cum



Cum autem ea quæ siccabantur, non satis perviderent ad lunam :. arbitrabantur ea Themistoclis esse tentorium, atque se illum intus inventuros quiescentem. Ubi jam ingressi propius sustulerunt aulæam, intenti servi involaverunt in eos ac corripuerunt. Ita defunctus periculo, in Deæ, quæ sibi fuerat oblata, venerationem, Magnesiæ templum Dindymenæ condidit, cujus filiam suam creavit Mnesiptolemam sacerdotem. *Plutarch. in Themistocle.*

13. L. Lucullus bello Mithridatico ad Hellespontum profectus classem instruxit. Troadem delatus divertit in delubro Veneris. Nocte sopitus, Deam videre visus est sibi assistentem, quæ diceret:

*Quid dormis animose leo, cum proximus  
adsit*

*Hinnulus ecce frequens?*

Surgens advocatis amicis exposuit adhuc nocte somnium. Simul adfuerunt ab Illo quidam, qui nunciarent, conspectas ad Achæorum portum quinque remes regias, tredecim quæ in Lemnum intenderent cursum. Statim igitur solvit, atque his potitus est, Præfectum earum Isidorum occidit, &c. *Plutarchus in Lucullo.*

14. M. Arcorius Augusti Cæsaris medicus, (cum in campis Philippicis duo Romanorum exercitus stetissent, huic Octa-

vii & Antonii, inde Bruti atque Cassii, & proximo die essent manus conserturi.) somnium à Minerva accepit, ut admoneret Octavium gravi morbo laborantem, ne propter adversam valetudinem proximo prælio non interesset. Quod cum Cæsar audivisset, lectica se in aciem ferri jussit. In qua dum supra vires, pro adipiscenda victoria excubasset, morbo liberatus est, & à Brutî miliribus de cæde ejus cogitantibus, ejusque castradiripientibus, & lecticam inanem jaculis & pilis trajicientibus liberatus. *Cicero libro 3. de Divinat. Sueton. in Augusto.*

15. Fuit Seleucus Antiochi filius, qui unus fuit ex Claris Alexandri Ducibus. Is uxorem Laodicem habuit, quæ ea nocte qua Seleucum concepit, per quietem sibi visa est cum Apolline concumbere, à quo annulum anchoræ figura in sculptum, in fidei argumentum accepisset, eumque in lecto repertum, diligenterque asservatum, Laodice Seleuco de sua origine edocto in Asiam cum Alexandro eunti dedit. Adjicitur, Seleucum, & ab eo procreatos, femur nativæ anchoræ insignitum habuisse. *Sabell. lib. 7. Ennead. 4.*

16. Cum Romani quondam iniquis locis à Samnitibus circumclusi graviter urgerentur, P. Decius, tunc tribunus militum, visus sibi est in somnis inter densissimos

cuneos occumbere , multa moriens gloria. Quo somnio vir fortissimus , gloriæ sitientissimus , non tamen territus , quam ad promissi exitus cupiditatem animatus , nullum periculi genus declinare cœpit: & ab amicis ut cautius pugnaret , admonitus , somnium ac propositum suum illis exposuit. Tunc tamen præter opinionem illæsus , saluum exercitum è faucibus hostium eduxit. Verùm post triennio interjecto , sera fides somno quæsitæ est. Bello siquidem Latino Cos. ipse se pro Repub. devovit: & in medias inimicorum acies inVectus , tanta gloria oppetiit , ut natum ad simile mortis hæreditariæ desiderium excitaret. *Hæc ad hunc propè modum & in Annalibus Roma scripta, & apud Tullium relata sunt.*

17. C. Gracchus Tiberii fratris , in seditione legis Agrariæ interfecti effigiem in somno vidit , dicentis , Quantum vellet cunctaretur , tamen eodem sibi letho , quo ipse interiisset , esse pereundum. Quod etiam accidit. Cum enim post leges perniciosissimas promulgatas Aventinum montem cum multitudine armata occupasset , à Lucio Opimio occisus est. *Cicero lib. 1. de Divinat. Plutarchus in vita Gracchorum.*

18. C. Julii Cæsaris uxor Calphurnia , nocte , quam is ultimam in terris egit , in quiete vidit , multis eum confectum vulneri-

neribus in sinu suo jacentem : somniique atrocitate vehementer exterrita, rogare non destitit, ut proxima die à Curia abstineret. At ille, ne muliebri somnio motus id fecisse existimaretur, senatum, in quo ei paricidarum manus allatæ sunt, adire contendit, ubi à Bruto & Cassio interfectus est. *Valerius lib. 1. cap. 3.*

19. L. Cornelius Sylla, non tantum prævidit fatum suum, verum etiam de eo aliquatenus scripsit : Siquidem vigesimo secundo commentario rerum à se gestarum biduo antè quam decessit, extremam manum imposuit : ac prædixisse ait sibi Chaldaeos, ubi præclarè vixisset, in flore se felicitatis excessurum. *Narrat etiam filium suum, qui paulò ante Metellam obierat, visum per somnium obsoleta in veste sibi assistere, patremque orasse, deponeret sollicitudines, pergeretque secum ad matrem Metellam, ibi quietè cum illa in ocio visiturum. Plutarchus in Sylla.*

20. Spectator ludorum, qui stans in subsellio, à mirmillone, qualem adesse videbat, se confici in somnis contemplatus erat, ut assessoribus somnium vidisse enarravit, ita ab illo fuscina occisus, eventu miserabili verum insomnium periculo docuit. *Alexander lib. 3. cap. 26.*

21. Magnus Sfortia pridie quàm ab Or-

thona contra Braccium, qui Aquilam urbem obsidebat, anno 1425. discederet, sub auroram somniavit, profunda aquarum mole oppressum in extremo vitæ periculo versari, prospexisseque virum gigantea specie, D. Christophoro persimilem, à quo vel magna ac iterata voce opem frustra implorasset. Verum somnio nihil monitus, ab Orthona discedens, in trajectu Aterni amnis (qui hodie à Piscaria oppido nomen habet) dum puero armigero periclitanti opem ferret, protensa dextra, cœnoso subsidens vado, ejus equus, quanquam insignis, posterioribus cruribus defecit, atque ita gravantibus armis est submersus. *Iovius in ejus vita.*

22. Malpaga Sagittarius, Galeatio Sfortiæ Mediolanensi Duci, inter domesticos non ingratus erat minister. Hic pridie quàm Galeatius occideretur, nocte per quietem, tanquam rei ipse interesset, vidit vulneribus confossum eum eodem loculo cum patre componi. Id quod postea ipse vigilans agi mortuo Galeatio perspexit, dum proprius ei locus fieret. Quem visum idem Malpaga, antequam Dux occideretur, comitibus suis terrore attonitus, narraverat. *Fulgosus libro 1. cap. 5. Exemplorum.*

23. Marcus Antonius Taurellus Gualtallæ

stallæ Comes, cum in Neapolitano Regno militaret, eo bello, quod Ferdinandus senior Aragonius Rex, cum Rege Revato Andegavensi gerebat, in stativis, quæ in Brutiorum regione habebat, manè è strato surgens, iis qui cum circumsteterant militibus suis narravit, se in somnis visum in aqua submergi: & propterea decrevisse à natatione, cui assueverat, abstinere. Cæterum cum in meridie post somnum, militari Chlamyde desuper nudo amictus, deambulatum ad vicinum lacum esset profectus, ac quosdam è suis natantes videret, nocturni somnii immemor, aut fortasse ita trahentibus eum fatis, natandi gratia in lacum se cum aliis quibusdam demittens, juxta somnium quod viderat submersus est, cum suorum nullus opem ferre posset. *Fulgosus l. 1. cap. 5.*

24. Horatius Perusinus Alexandro Medici Florentinorum Duci minister à dapibus paulò ante quàm is à Laurentio Medici interfectus est, cum febris torqueretur, ex vapore, uti credi patet, atræ bilis, ter noctu visum habuit, quo principem à Laurentio jugulari apparebat. Quæ rerum imagines ægrum pepulerunt, ut Paschalius Principis medico enunciatet ad Principem referendas. Sed Paschalius officio sollicitè fungens, ea mente Principem reperit,



ait, ut eam somniantis ægri fabulam esse diceret, admirans, cur tota domus in Laurentii odium conspirâset. *Sabellici Supplementum libro 22. ex Iovio.*

25. Baptista Cardanus, Papiæ studens, nocte quadam, ut surgeret, igniculum tentabat accendere. Interim audit vocem hanc, Vade fili mi, Romam vado. Viditque immensum splendorem, instar fasciculi palææ ardentis. Territus abjecto socili, sub culcitra latuit, donec contubernales ex Academiæ redirent. Ubi redierunt, existimantes illum ægrotare, pulsant ostium, aperit. Mox causam sciscitantibus, respondet, arbitrari se mortuam matrem, narrabatque quæ videbat, & audierat, simulque flebat. Illi in jocum rem verterunt, partim irridentes, partim consolantes. Sequenti die, cum nondum accepisset nuncium de matris ægritudine, de morte certior factus est, quod ea ipsa hora expirâset, qua ille hæc præsenferat. Abest Cardanum oppidum à Papiæ millia passuum quadraginta duo. *Cardanus de Rerum varietate lib. 15. cap. 84. hæc de suo narrat affine.*

26. Ulysses post reditum in patriam, territus crebris somniis adversis, interpretes peritissimos convocavit, narrans visum sibi sæpius simulachrum quoddam, inter humanum, divinumque vultum formæ prælaudabilis, ex eodem loco repente edi. Quod

com-

complecti summo desiderio cupienti sibi, porrigentique manus, responsum ab eo humana voce, sceleratam hujusmodi conjunctionem, quippe ejusmodi sanguinis atque originis: namque ex eo alterum alterius opera interiturum. Dein percontanti sibi vehementius, cupientique causas ejus rei perdiscere, signum quoddam mari editum, intervenire visum, idque secundum imperium ejus in se jactum, utrumque, disiunxisse. Quam rem cuncti, qui aderant, exitialem uno ore pronuntiârunt, monentes caveret ab insidiis filii. Ita suspectus patris animo Telemachus in agros, qui in Cephallenia erant, relegatur. Ipse secedens in loca abdita semotaque, somniorum vim evitare nitebatur. Per idem tempus Telegonus, quem Circe editum ex Ulyssæ apud Acæam insulam educaverat, ubi adolevit, ad inquisitionem patris profectus. Ithacam venit, gerens manibus quoddam hastile, cujus summitas marinx turturis osse armabatur, insignis scilicet insulæ ejus, in qua ipse editus erat. Edoctus ubi pater Ulysses ageret, per custodes agri suspectior primo aditu prohibitus, ubi vehementius perstat, è diverso repellitur, clamare occipit, indignum facinus, prohiberi se à parentis complexu. Ita creditum Telegonum ad inferendam vim Regi adventare, acrius resistitur, nulli quippe compertum, esse alium

etiam Ulyssi filium. At juvenis ubi se vehementius & per vim repelli videt, dolore elatus, multos custodum interficit, aut graviter vulneratos debilitat. Quæ postquam Ulyssi cognita sunt, existimans juvenem à Telemacho immissum, egressus foràs, lanceam quam ob tutelam sui gerere consueverat, adversum Telegonum jaculatur. Postquam hujusmodi ictum juvenis subterfugit, ipse in præsentem insigne jaculum mittit. Ubico ictu Ulysses concidit, gratulari cum fortuna, confiterique optimè secum actum, quòd per vim externi hominis interemptus, patricidii scelere Telemachum charissimum sibi liberavisset. Deinde reliquum adhuc retentans, juvenem percontari, quisnam, & ex quo ortus loco, qui consilio belloque inclitum Ulysses Laërtis filium interficere ausus esset? Telegonus tum cognito parentem esse, utraque manu dilanians caput, fletum edit quàm miserabilem, maxime discruciatum ob illatam per se patri necem. *Dictys libro 6.*

27. Pindarus Poëta Lyricus, exacta jam ætate in somnis videre visus est adlittere Persephonem, & quæri, unam se ex omnibus Diis non fuisse ipsius carminibus exornatam. Verum ubi ad eam venisset, suum etiam ipsi hymnum esse facturum. Paulò quidem post, atque adeò ante decimum ab eo somnio diem,

diem, vitæ muneribus est perfunctus. Erat Thebis anus quædam, Pindaro genere conjuncta, & in multis ejus Canticis decantandis valde exercita. Ei Pindarus se per quietem ostendens, hymnum in Persephonem cecinit. Illa mox experrecta, conscripsit omnia, quæ cantantem Pindarum per visum in quiete audierat. In eo sanè cantico, inter alia Ditis cognomina, est Chrysenius, ab aureis nempe habenis, quod ad Proserpinæ raptum pertinere satis constat. *Pausanias in Bæoticis.*

28. Phayllo Phocensium Regi, post spoliatum Delphicum phanum, vix dum ad imperandum aggresso, talis oblata est per somnium species. Inter Apollinis donaria perventus effigies quædam fuit ex ære, hominis, cui carne consumpta, sola essent reliqua ossa. Aiebant Delphi ab Hippocrate Medico dedicatam. Huic Phayllus se similem factum videre visus est. Ac paucis post diebus, macie contabescens, somnii eventum implevit. *Pausanias in Phocicis.*

29. Sub excidium Messenæ, vigesimo primo anno belli, Aristodemus Rex Messeniorum, per quietem visus est videre, cum esset armis jam sumptis ad pugnam exiturus, victimarum extis in mensa appositis, filiam (quam ante sexennium pro patriæ salute devotam suis manibus interfecerat) in pulla veste assistentem, & nudato pectore

vulnera ostentantem: deinde disturbatis ē mensa extis, detractis armis, ab ea aurea se corona, & albis vestimentis donari. Mortem itaque sibi somnium hoc portendere arbitratus est, quod Messenii optimates coronatos, & candida veste velatos efferunt. Nec mora, cum filiae devotione patriae se nihil profuisse videret, ad filiae tumulum sibi ipsi mortem conscivit. *Plutar. in Cleomene.*

30. Macedoniae Rex Alexander, Cassandri pestiferam sibi dexteram somnio prius cognovit, quam exitu sensit: Existimavit enim se ab illo interfici, cum eum nunquam vidisset. Interposito deinde tempore, postquam in conspectum venisset, nocturni metus patefacta imagine, ut Antipatri filium esse cognovit, adjecto versu Græco, qui fidem somniorum elevat, præparati jam adversus caput suum veneficii, quo occidisse Cassandi manu creditur, suspicionem animo repulit. *Valerius Maximus lib. 1. cap. 7. Sabellicus lib. 6. Ennead. 4.*

31. Alcibiades somnum capiens, pallio amicæ suæ se coopertum in somno putavit. Cujus veritas mox secuta est. Critias enim cum videret Alcibiadem plurimum gratia & autoritate valere, operam dedit ut ē medio tolleretur. Misit igitur Tisimenum (vel ut alii nominant Susametrem) & Bagoum, ut eum interficerent. Ille cum apud  
ami-

amicam esset, in ejus gremio interfectus, & insepultus abjectus, amicæ suæ vestimento contactus est. *Iustinus lib. 5. Plutarchus & Probus in ejus vita.*

32. Efficax illa quietis imago, quæ Cræsi Regis animum maximo prius metu, deinde etiam dolore confecit. Nam è duobus filiis, & ingenti agilitate, & corporis dotibus præstantiorem, imperiique successioni destinatum Atym existimavit ferro sibi ereptum. Itaque quicquid ad evitandam denuntiæ cladis acerbitatem pertinebat, nulla ex parte patria cura cessavit avertere. Solitus erat juvenis ad bella gerenda mitti, domi detentus est. Habebat armamentarium, omnis generis telorum copia refertum, id quoque amoveri jussit. Gladio cinctis comitibus utebatur, vetiti sunt propius accedere. Necessitas tamen aditum luctui dedit. Cum enim ingentis magnitudinis aper, Olympi montis culta, crebra cum agrestium strage vastaret, inusitatoque malo Regium imploratum esset auxilium, filius à patre extorsit, ut ad eum opprimendum mitteretur, eò quidem facilius, quòd non dentis, sed ferri sævitia in metu reponebatur. Verum dum acri studio interficiendi Suem omnes sunt intenti, pertinax casus imminentis violentiæ lanceam, petendæ feræ gratia ab Adraсто missam, in eum detorsit: & quidem



dem eam potissimum dexteram nefariae caedis crimine voluit aspergi, cui tutela filii à patre mandata erat. *Valerius Maximus l. 1. cap. 7. & Herodotus lib. 1.*

33. Polycratis Samiorum Tyranni filia, videbatur sibi cernere per quietem, patrem in aëre sublimem esse, qui à Jove quidem lavaretur, à Sole autem ungeretur. Hac visione territa, patrem monebat, ne ad Oratem Cambylis Præfectum Sardis proficisceretur. At ille dicto non parens, ob Orate cruci affixus est. *Herodotus lib. 1.*

34. Hipparcho Pisistrati filio, in somnis objecta est viri proceri imago hos versus pronunciantis:

Τλῆθι λέων ἄτλητα παθὼν πετληὸν θυμῷ,

Οὐ δὲις ἀνθρώπων ἀδίκων τίσιν ὄντα δαίνεσθαι.

Manè ad somniorum conjectores hæc referre volebat. Sed mox sprete visione, neglexit, & in pompam prodiit, ubi ab Aristogitone & Harmodio Gephyræis fuit interfectus. *Herodotus lib. 5.*

35. Simon Atheniensis, cum contra Persas expeditionem moveret, classe jam parata, somnium tale habuit. Canis irata ipsum allatrare visa est, & vocem inde ex humana & canino latratu confusam edere, in hæc verba:

*Vade,*

*Vade, mihiq̃ue, meis catulisq̃ue futurus  
amicus.*

Astyphilus ergo Posidoniates, divinus homo, & Simonis familiaris, mortem ei prædici asseruit, hoc usus argumento: Canis homini quem allatrat inimicus est: inimico autem nemo charus est, aut amicus, nisi quando moritur. Porro mixta vox, Medum hostem designat, cujus copiarum ex Græcis & Barbaris mixtæ sunt. Somnium verum fuisse, exitus comprobavit. Non multò post enim Simon morbo in obsidione Citii periit. *Plutarchus in ejus vita.*

36. Cum in somnis quidam Socrati visus esset Homericum versum recitare:

Ἦμεν ἢ τελευτᾷ φθὶν ἐρίσωλον ἴκαιο.

Æschini dixit, Tertio die moriar. Phthia erat patria Achillis. Et amici conabantur persuadere Socrati, ut in Thessaliam fugeret, quòd illic haberet bonos amicos. At ille φθίω, ἀπὸ τῆς φθίης deduxit. Et tertio post die, hausta in carcere cicuta periit.

*Laërtius in ejus vita.*

37. Atterius Ruffus, eques Romanus, cum gladiatorium munus Syraculis ederet, inter quietem Retiarii se manu confodi vidit. Idque postero die in spectaculo confessoribus narravit. Incidit deinde, ut proximo ab equite loco Retiarius cum Mirmillone introduceretur. Cujus cum faciem

ciem vidisset, idem dixit, ab illo se Retiario trucidari putâsse, protinusque inde discedere voluit. Illi sermone suo, metu ejus discusso, causam exitii misero attulerunt. Retiarius enim in eum locum compulso Mirmillone, & abjecto, dum jacentem ferire conatur, transiectum gladio Atterium interemit. *Valerius Maximus libro primo, capite septimo.*

38. Julius Cæsar non multò antè quàm interiret, in somnis modò supra nubes volitare, modò dextram Jovi jungere sibi visus est. *Suetonius.* Quin etiam nocte eadem, cùm in lecto suo cubaret, omnibus cubiculi januis pariterque fenestris patefactis, exterritus est simul strepitu & lumine, Calphurniamque splendente Luna advertit arctè sopitam, voces obscuras, suspiriaque edere indiscreta. Imaginabatur illa lugere se eum, quem in gremio teneret confossum. Eam visionem alii negant ei oblatam. Sed cum Cæsaris ædibus esset ex Senatus consulto adjunctum, *ut autor est Livius*, velut ad ornamentum & amplitudinem pinnaculum, id per quietem imaginata collabi Calphurnia, videbatur sibi ideo lamentari & lachrymari. Ac cùm lux appetisset, rogavit Cæsarem, si qua fieri posset, ne prodiret, sed in aliud tempus rejiceret Senatum. Quod si somnia sua flocci penderet, at Aruspices hostiasque consuleret de impendentibus. Unde  
fuit

fuit aliqua illi quoque, ut videtur, oblata suspicio & metus: quippe superstitionem nullam animadverterat ante muliebre in ea, quam tum videbat, anxiam. Ut verò multis jam cæsis hostiis renunciaverunt ei Aruspices, litari non posse, statuit misso Antonio senatum dimittere. Interea Decius Brutus, Albinus cognomento, quem Cæsar ob fidem, quam ei habebat, in secundis hæredibus scripserat, cum conjurationis alterius Bruti & Cassii consors esset, veritus, ne si diem illum exemisset Cæsar, res efferretur, irrisit Aurispices, Cæsaremque castigavit, & manu præhensum eduxit. Et sic eo die in Curia, multis vulneribus confossus, miserabiliter trucidatus est. *Plutarchus.*

39. Cæsare interfecto, populus conjuratos requirebat abditos. Helius Cinna Poëta ex amicis Cæsaris somnium horrendum priore nocte habuerat. Videbatur sibi ad cœnam invitari à Cæsare: cum renueret autem, manu ab eo invitatus & reluctans duci. Hic audito Cæsar's corpus in foro cremari, etsi visionem suspectam habebat, & tenebatur etiam febre, honoris illius causa in forum profectus est. Ut conspectus est, nomen quidam ex plebe quærenti alteri dixit, ille alteri: mox omnes pervasit unum hunc esse ex Cæsar's percussoribus. Erat enim in Conjuratis alius illi cognominis  
Corn.

Corn. Cinna : quem quòd existimarent hunc esse , impetu confestim facto , in ipso foro eum dilaceraverunt. *Plutarchus in Cesare & Bruto.*

40. Nero , desciscientibus subinde provinciis , terrebarur evidentibus portentis somniorum , & auspiciorum , & omnium , tum veteribus tum novis , nunquam antea somniare solitus. Occisa demum matre , vidit per quietem navem sibi regenti extortum gubernaculum , trahique se ab Octavia uxore in arctissimas tenebras. Et modò penatarum formicarum multitudine oppleri , modò à simulachris gentium ad Pompei theatrum dedicatarum circui , arcerique progressu : Asturconem , quo maximè lætabatur , posteriore corporis parte , in Simiæ speciem transfiguratum , ac tantum capite integro hinnitus edere canoros. *Suetonius.*

41. Galba Imperator , paulò ante suum interitum , monile margaritis gemmisque confectum , ad ornandam Fortunam suam Tusculanam ex omni gaza secreverat. Id repente , quasi augustiore dignius loco , Capitolinæ Veneri dedicavit. At proxima nocte in somnis visa est Fortuna conqueri , de monili erepto : & seriò minari , sese quoque ea , quæ dedisset , erepturam. In somnio territus Imperator , summo mane præmissis , qui rem divinam appararent , in Tusculanum excur-

riti

rit: nihilque invenit, præter tepidam in ara favillam, atratumque juxta senem, in Catino vitreo thus tenentem, & in calice fictili merum. *Suetonius.*

42. Minervam, quam superstitiose colebat, somniavit excedere sacrario Domitianus, negantem ultrà se tueri eum posse, quòd exarmata esset à Jove. Idem somniavit, Rusticum cum gladio accedere, & Minervam, quæ in ejus cubiculo collocata erat, arma abjicere; eandemque ex curru, qui nigris equis trahebatur, in magnum hiatus descendere. Mox ab insidiatoribus suis interfectus est. *Xiphilinus in ejus vita.*

43. Antoninus Caracalla, Imperator, paulò antequam à Martiale tribuno militum gladio confoderetur, & profectionem ex Antiochia pararet, Pater Severus ei cum gladio astitit in somnis, aitque: Quemadmodum tu fratrem Getam interfecisti, ita ego te interficiam. Experrectus igitur è somno Antoninus, suæ crudelitatis atque vitæ finem instare nequaquam dubitavit, cum antea quoque vates similia prædixissent. *Dion Nycaeus.*

44. Intra privatum habitum Dionysio Syracusano adhuc se continente, Hymeræa quædam, non obscuri generis fœmina, inter quietem opinione sua cælum conscendit, atque ibidem Deorum omnium lustratis



stratis sedibus, animadvertit prævalentem virum, flavi coloris, lentiginoli oris, ferreis catenis vinctum, Jovis solio pedibusque subtectum. Interrogatoque juvene, quo gratia considerandi cœli duce fuerat usa, quisnam esset? Audivit illum Siciliae atque Italiae dirum esse fatum, solutumque vinculis, multis urbibus exitio futurum. Quod somnium postero die sermone vulgavit. Postquam deinde Dionysium, inimica Syracusarum libertati, capitibusque insontium infesta fortuna, cœlesti custodia liberatum, velut fulmen aliquod ocio ac tranquillitati iniecit, Himera cum mœnia, inter effusam ad officium & ad spectaculum ejus turbam, intransientem ut aspexit, hunc esse, quem in quiete viderat, vociferata est. Id cognitum tyranno, curam tollendæ mulieris dedit. *Val l. 1. c. 7.*

45. Cum in Capitolium Cicero Julium Cæsarem prosequeretur, eique narraret nocte proxima à se visum Jovem, qui cathena aurea puerulum mira indole à cœlo ad Capitolii portam demiserat, cui postea flagrum in manu dederat: Perspecto tunc Octavio, quem Cæsar, voti solvendi gratia, in Capitolium duxerat, cognovit eum esse quem in somnis viderat: Triumphus natusque ejus, verè flagrum insolentis nimium Romanæ nobilitatis, certum Ciceronis somnium fecit. *Fulgosus lib. 1. cap. 5. & Xiphil. in Augusto.*

46. Q. Catulus dedicato Capitolio, per quietem vidit Jovem è multis prætextatis pueris unum delegisse, cui signa Romana manu gestanda dederat, atque sequenti nocte cum dormiens illum ipsum puerum à Jovis gremio pellere vellet, Jovem dixisse, ne puerum amoveret, quod ad Reipub. Romanæ tutelam eum servabat. Mane sequenti in Octavium fortè incidens adhuc puerulum, ab effigie vesteque cognovit, ipsum illum esse, quem per quietem viderat. *Fulgosus lib. 1. cap. 5. & Xiphilinus:*

47. Somnus Vespasiano Patri imperium suum filiorumque ostendit. Nam cum adhuc privatus esset in Achaja cum Nerone, ab incognito dici sibi per quietem vidit, cœpturam suam felicitatem, cum Neroni dens exemptus esset. Experrectus igitur, is in quem primò incidit medicus fuit, qui dentem ostendit, quem tunc Neroni evulserat. Itaque haud multò post secuta Neronis mors, item Galbæ, ac post eos Othonis ac Vitelli discordiæ, Vespasiano ad Imperium primordia ac vires dedêre. *Fulgosus lib. 1. cap. 5.* Quin etiam Nero ipse vidit per quietem, Currum Jovis in ædes Vespasiani intromitti: Quæ cum egerent interpretatione, Josephus Judæus Imperium Romanum Vespasiano portendi dixit. *Xiphil. in Vespasiano.*

48. Julianus Imperator creatus à militibus

bus in Gallia invitus, dixit amicis quibusdam charioribus: Nocte ea, quæ declarationis Augustæ diem præcesserat, à se visam per quietem imaginem alicujus genii, quæ hæc ei objurgando dixerit: Dudum Juliane vestibulum ædium tuarum observo, latenter tuam gestiens augere dignitatem, sed aliquoties repulsus abscessi: ac ne nunc quidem recipior, sententia concordante multorum. Ibo demissus & mœstus, id tamen retinebo in corde, quòd tecum diutius non habitabo. *Cuspinianus.*

49. In somnis visus est Stilponi Philosopho Neptunus iratus, quòd non immolasset Hecatombem, quemadmodum mos erat. At Philosophus hoc viso nihil perturbatus, respondit: Quid ais Neptune? itane veluti puer huc venisti, cum tua querimonia, quòd pecunia mutuò sumpta non expleverim nidore civitatem? Atqui pro rei familiaris modulo sacrificavi tibi apuas aliquot. Ad hæc arridens Neptunus, visus est illi arrepta dextra dixisse: In tuam gratiam ingentem apuarum proventum largiar civitati Megarensium. *Quod & evenisse tradunt.*

50. Hippiaë Pisistrati filio, dum exul Regium affectat fastigium, apud Marathonem nocturna species matris, cum qua coire videbatur, per quietem oblata est. *Qua de re*

de re Imperium latè sibi portendi conjectores sibi responderunt, ipseque somnio monitus, & spei plenus, Athenarum dominio haud multò post potitus fuit. *Herodotus lib. 6.*

51. Mater Dionysii Siracusani, cum eum conceptum utero haberet, parere visa est Satyriscum: consultoque prodigiorum interprete, clarissimum ac potentissimum Gray sanguinis futurum, certo cum eventu cognovit. *Valerius lib. 1. cap. 7.*

52. Cyri superioris ortum ad imperium totius Asiæ spectantem, maternus avus Astyages, duobus prænunciis somniis frustra discutere tentavit. Mandanen filiam suam, quòd in quiete viderat urinam ejus omnes Asiaticas gentes inundasse, non Medorum excellentissimo, ne in ejus familiam Regni decus transferretur, sed Persarum modicæ fortunæ viro Cambysi collocando, natumque Cyrum exponi jubendo: quia similiter quietis temporibus existimaverat, genitali parte Mandanes enatam vitem eò usque crevisse, donec cunctas dominationis suæ partem inumbraret: frustratus est enim seipse, nepotis felicitatem, cœlestium judicio destinatam, humanis consiliis impedire conando. *Valerius lib. 1. cap. 7. Herodotus lib. 1.*

53. Cyrum Assyriorum Regem somniasse ferunt, maximum filiorum Hytaspis Regu-

Reguli, geminis alis, altera Asiam, altera Europam obumbrare. Itaque post Cambysen filium, Hytaspis major natu filius Darius regno potitus, Europam & Asiam domuit. *Herodotus libro 1. & Iustinus.*

54. Demetrio Antigoni filio, Mithridates Ariobarzanis filius socius erat, & aequalis, & observabat Antigonum, homo neque re, neque aliorum opinione malus. De eo sinistra suspicio incidit Antigono, propter insomnium. Nam secundum quietem visus erat sibi spaciosum campum auri ramentis conferere, inde auream primò succrescere segetem: Paulò post se, cum revertisset eò, nihil præter stipulas offendere, & cum gravissimè doleret, cujusdam vocem audire, qui Mithridatem aurea demessa segete in Pontum Euxinum abiisse diceret. Perturbatus, id visum filio ad silentii prius juramentum adactò aperuit: idque etiam, se statuisse quoquo modo Mithridatem interficere. Graviter doluit hac re cognita Demetrius, cumque adolescens ille pro more suo ociosus ad ipsum accessisset, ob juramenti religionem verbis eum monere non ausus, sensim ab amicis seduxit: cumque soli essent, in terram inversa hasta cernente eo scripsit, Fuge Mithridates: isque re intellecta, noctu in Cappadociam aufugit. Insomnium autem Antigoni mox fatum comprobavit: amplam  
enim

enim & bonam regionem occupavit Mithridates, Regnique Pontici, quod sub octavo circiter Rege Romani everterunt, autor fuit. *Plutarchus in Demetrio.*

55. Actia Augusti Cæsaris mater, in Apollinis templo obdormiens, visa est cum Dracone commisceri, peperitque expletis ad pariendum mensibus. Adhæc, antequam pareret, somniavit viscera sua sublimè in cælum ferri, & in totum terrarum orbem diffundi. Eadem nocte Octavius ex vulva uxoris oriri in somnis vidit. Cum infans jam natus esset, Nigidius Figulus Senator statim patri filii summum Imperium prædixit. *Xiphilinus. & Sueton. in Augusto.*

56. Octavius cum per Thraciam exercitum duceret, & Bacchi Oraculum de filio Augusto consulisset, insequenti nocte statim videre visus est filium mortali specie ampliorem, cum fulmine & sceptro, exuviisque Jovis Opt. Max. ac radiata corona superlaureatum currum, bis senis equis candore eximio trahentibus. Q. Catulus post dedicatum Capitolium, duabus continuis noctibus somniavit: Prima, Jovem Opt. Max. prætextatis compluribus circum aram ludentibus, unum se crevisse, atque in ejus finem signum Reip. quod manu gestaret, reposuisse, atque in sequenti animadvertisse, se in gremio Capitolini Jovis eundem pue-

V

rum,




rum, quem detrahi iussisset, prohibitum monitu Dei, tanquam is ad tutelam Reip. educaretur. Ac die proximo obvium sibi Augustum, cum incognitum aliàs haberet, non sine admiratione contuitus, simillimum dixit puero, de quo somniasset. Quidam prius somnium Catuli aliter exponunt, quasi Jupiter compluribus Prætextatis tutorem à se poscentibus, unum ex eis demonstrasset, ad quem omnia desideria sua referrent, ejusque osculum delibatum digitis ad os suum retulisset. Marcus Cicero C. Jul. Cæsarem in Capitolium prosecutus, somnium pristinae noctis familiaribus fortè narrabat: Puerum facie liberali demissum cælo, catena aurea ad fores capitolii constitisse, eique Jovem flagellum tradidisse. Deinde repentè Augusto viso, quem ignotum adhuc plerisque avunculus Cæsar ad sacrificandum acciverat, affirmavit ipsum esse, cujus imago secundum quietem sibi obversata sit. *Sueton.*

57. *Convenit inter omnes*, tam certum Vespasianum Imperatorem de sua suorumque genitura semper fuisse, ut post assiduas in se conjurationes ausus sit affirmare. Senatui, aut filios sibi successuros, aut neminem. Dicitur etiam vidisse quondam per quietem stateram in media parte vestibuli palatinae domus positam examine æquo, cum in altera lance Claudius & Nero starent, in altera

altera ipse ac filii. Nec res sefellit, quando totidem annis, parique temporis spacio utrique imperaverunt. Neronem diebus ultimis monitum per quietem ferunt, ut thensam Jovis Opt. Max. è sacrario in domum Vespasiani, & in circum deduceret.

58. Hadrianus pridie antequam Imperator designatus esset, vidit Antiochiæ Syriæ in somnis ignem de cœlo in sinistram partem juguli sui cadere, mox serpere in dextram, quo igne neque perterritus, neque læsus esse sibi videretur. *Dion Niceus, & Xiphilinus in Adriano.*

59. Alexander dum Tyrum urbem per menses septem aggeribus, machinis, atque ex mari triremibus ducentis oppugnat, per quietem Herculem vidit ex muro sibi manus tendentem invitantemque. Tyriorum multis visus in somniis Apollo est dicere, ad Alexandrum se transire, neque enim sibi cordi esse ea quæ in urbe agerentur. Illi verò sicut transfugæ sceleris comperti Apollinis simulachrum devinxêre cathenis, clavisque basi affixere, Alexandri fautorem appellantes. Alia species est noctu Alexandro obversata. Satyrus ei oblatus est. Visus est hic procul ei alludere. Quem cum corripere conaretur, subducere se, tandem post preces multas suas & circumcursationes venire in manus suas. Ei Vates dissecto nomine non

absurdè responderunt, οὐ τίς.  Tua erit Tyrus, quod οὐ Græcis tua significet. Ostendunt fontem, apud quem videre secundum quietem visus est Satyrum. *Plutarchus in Alexandro.*

60. Eumenes, cum Neoptoleum & Craterum contra se movisse sentiret, & pararet de nocte movere, mox prodigiosa fopore oppresso oblata visio est. Alexandros duos visus est videre ad prælium inter se committendum instruentes aciem, ac singulas utrumque ducere phalanges: hinc uni Minervam, alteri cererem auxilio venire. Commisso acri certamine fustum eum, à quo stabat Minerva, Victori Cererem defectis spicis coronam contexere. Hoc visum protinus conjecit secundum esse sibi, qui pro optimo agro, & id temporis præclaram habente in Calyce spicam dimicaret. Plenus enim totus sementis erat, & speciem præbebat pax splendidam magna comantibus ubertate campis. Jam magis erectus est, postquam accepit signum pugnae hostibus Minervam & Alexandrum esse. Itaque signum ipse quoque suis Cererem & Alexandrum dedit, præcepitque omnibus, ut corona caput & arma spicea redimerent. Commisso prælio, Craterum & Neoptoleum interfecit. *Plutarchus in Eumene.*

61. Timoleon Corinthiorum Imper.  
classē

classe in auxilium Siculorum contra Dionysium Tyrannum comparata, subministratisque omnibus quibus opus erat exercitui, Sacerdotes Proserpinæ Cererem & Proserpinam visæ sunt videre ad peregrè proficiscendum se ornantes, & cum Timoleonte dicentes, navigaturas se in Siciliam. Quare triremem sacram Corinthii paraverunt Drabus nuncupatam. Naves habebat Corinthias septem, duas Corcyrenses, decimam Leucadii præbuere, cum his solvit. Nocte cum in alto esset, & secundo vento veheretur, visum ei repente cælum est fissum, & super navem copiosam effudisse & luculentam flammam. Inde fax elata mysticis germana, comitanque & tenens eundem cursum, quam potissimum Italiæ partem gubernatores petebant, in eam est delata. Vates hanc speciem consonare cum Sacerdotum somniis asseverârunt, & huic expeditioni esse præsto Deas, atque hoc jubare cœlitus prælucere. Esse enim Proserpinæ Siciliam sacram, nam raptam quoque ibi fabulantur, atque hanc insulam ei nuptiali dono datam. Ac divinitus quidem ad hunc modum confirmata classis fuit. *Plutarchus in Timoleonte.*

62. Hannibalis Carthaginensium Ducis, ut detestandum Romano sanguini, ita certæ prædictionis somnium, cujus non vigiliæ tantum, sed etiam ipsa quies ho-

stilis imperio Romano fuit. Haussit enim proposito, & votis suis convenientem imaginem, existimavitque missum sibi à Jove mortali specie excelliorem juvenem, invadenda Italiae ducem. Cujus monitu, primò vestigia nullam in partem secutis oculis, mox humani ingenii prona voluntate verita servandi, ponè respiciens, animadvertit immensæ magnitudinis serpentem, concitato impetu, omne quicquid obvium fuerat, proterentem: postque eum magno cum cæli fragore erumpentes nimbos, lucemque caliginosis involutam tenebris. Attonitus deinde, quidnam esset monstri, ecquid portenderet? interrogavit. Hic Dux: Italiae vides, inquit, vastitatem: proinde sile, & cætera tacitis permitte fatis. *Valer. Max. libro 1. cap. 7.*

63. Amandatus à Mardonio est ad Amphiarai oraculum servus, scitatum super iis quæ administrarentur. At is per quietem putavit, Dei ministrum sibi assistentem, primò quidem voce repellere, ceu abesset Deus: mox verò, ut minus obsequentem, manu etiam obtrudere: postremò pertinacius perseveranti, lapidem bene magnum in caput impegisse. Ταῦτα δὲ λέγει ὡς ἀντίφωνα τῇ μερόντων, id est: *Hæc autem erant velut futurorum antiphona* Superatus namque Mardonius est ad Plataeas ingenti prælio, ac la-

ac lapide ictus cecidit. *Calius lib. 19. c. 15.  
ex Plutarcho.*

64. Xerxes Darii filius, Persarum Rex, bellum Græcis illaturus erat. Artabanus Hystaspis filius Xerxis patruus, vehementer obstitit. Xerxes quamvis stomachabundus, tamen Artabano parere proposuerat. Verum urgentibus fatiis, bis idem habuit somnium. Heroica specie virum vidit, objurgantem se, quòd Græciæ bellum inferre differret. Re cum Artabano communicata, Artabanum Regiis vestibus indutum, in Regio solio somnum capere coëgit. Artabano quoque eadem species ob oculos versata est. Itaque non minore studio, quam ante obstitit, Xerxem ad Græciæ bellum inflammavit: nimirum sic urgente malo Xerxis fato, ut insolentissimus Rex suæ temeritatis & superbiæ pœnas daret. Idem visus est sibi in somnis surculo oleagineo coronatus esse, cujus oleæ ramis universa tellus obrueretur, & mox corona capiti circumdata evanuit. Clarius & certius hoc somnium priore. Totum orbem bellico apparatu terruerat Xerxes, & de Græcia jam triumphum egisse videbatur, captis Athenis, cum Themistoclis solertia fractus, turpi fuga vitæ suæ consulere fuit coactus. *Herodotus lib. 7.*

65. Ad Arginusas Spartani Duce Calli-



cratida navali praelio cum Atheniensibus pugnaturi erant, vatibus utrinque dissuadentibus. Lacedæmoniis enim victimæ caput in litore jacens disparuit, æstu fluctus haustum: hæc omnia portendi, prætorem classis eo certamine periturum, nunciârunt Aruspices. Quo audito, ferunt Callicratidam respondisse, nihil Spartanæ dignitati, si pugnando caderet se detracturum. Thrasybulo verò Atheniensi, qui tum Prætor classem ducabat, cuique ea die summa imperii pro sorte obvenerat, per noctem somnium hujusmodi apparuit. Videbatur sibi, unâ cum ceteris aliis prætoribus, Athenis in Theatro frequenti Tragœdiam Euripidis agere, cui Phœnissas titulus inscribitur. Adversarius verò Tragœdiam, cui nomen Supplices, agentibus, visum esse. Cadmeam victoriam illis obtigisse, cunctosque interiisse, Duces imitando, qui ad oppugnandas Thebas castra posuerant. His auditis vates ad conjectandum accitus, ita est interpretatus, septem Duces eo praelio casuros. Ac sacris alioquin victoriam palam spondentibus, jubet Duces, uti collegis suis solis de interitu cuique nuncietur, victoriam verò ex ipsis sacris portentam, per universum divulgent exercitum. Pugna commissa, Callicratidas aliquot ante hostium navibus oppressis, occubuit: victoria penes Athenienses mansit, 25. navibus desti-

desideratis, hostium 77. depressis. Utrinque navibus paulò minus quadringentis pugnatum, idque prælium omnium maximum memoratur, quod quidem unquam Græci cum Græcis decertârint. *Diodorus libro 13.*

66. Pyrrho Epirotarum Regi Spartam obsidenti tale somnium est oblatum. Videbatur ei Lacedæmon fulmine ab ipso icta inflammari tota, atque ipse inde exultare. Lætitia excitatus imperat Ducibus, ut milites habeant instructos, somniumque exponit amicis, quasi urbem esset expugnaturus. Cui cum alii mirificè assentirentur, non placuit Lysimacho visum. Vereri ait se, ne ut loca, quæ ut fulmine afflantur, manent inaccessa, ita Pyrrho Deus non ingressurum significaret eum urbem. Huic ubi Pyrrhus respondit, meras eas esse præstigias, atque incertitudinis plenas: illud verò in manibus arma tenentem sibi quemque subicere debere.

*Optimum id augurium pro Pyrrho exponere vitam.*

Primo diluculo urbem aggreditur. Sed impigrè & supra vires se defendentibus Lacedæmoniis, obsidionem solvere coactus fuit.

*Plutarchus in Pyrrho.*

67. Cn. Pompejus Mithridatem Regem ad Euphratem assecutus, noctu cecidit.

Quo tempore fama fertur vidisse Mithridatem in somnis speciem, quæ futura ei prænunciaret. Videbatur sibi in mari Pontico secundo navigare vento, Bosphorumque jam prospicere, & comiter una vectos affari, ut qui certa & indubitata incolumitate gaudeat: verum repentè ab omnibus se reperisse desertum, ac fragmento exiguo navigii jactari. His occupatum moribus & imaginibus assistentes amici excitavere, Pompejum nunciantes adesse. Pugna igitur pro vallo commissa, victus est. Longè plus decem millia cecidere, & castra capta sunt. Ipse Mithridates initio octingentorum equitum cum eo per Romanos erupit. Mox cæteris dilapsis solus relictus cum tribus est, in quibus Hipisocratia fuit pellex, quæ semper quidem virilis audaciæ fuerat: quare Hipisocratiam eam Rex appellavit. Tunc verò veste amicta virili Persica, & equo vecta, nec corpore ex fugæ prolixitate fatiscere visa est, nec curando Regis corpore & equo est fatigatus: usque dum ad arcem Inoraventum est, ubi Regia pecunia & Thesauri erant cumulata. Inde sumpsit Mithridates vestes preciosas, quas confluentibus ad ipsum ex fuga distribuit. Præterea lethale virus cuique amicorum ferendum secum dedit, ne quis in manus hostiles veniret. Inde in Armeniam ad Tigranem contendit.

Quod

Quod ille cum ei interdiceret, ac centum talenta in caput ejus pronunciâſſet, præteritis Euphratis fontibus, intendit per Colchidem fugam. *Plutarch. in Pompejo.*

68. Ante pugnam Pharfalicam nocte viſum Cn. Pompejo eſt in ſomnis theatrum ingreſſo ſibi populum plaudere, templumque ſe Veneris victricis multis ſpoliis exornare. Hæc viſio partim erexit eum, partim ſolicitavit nonnihil metuentem, ne Cæſaris familiæ Venerem contingenti accederet ab ſe decus & claritas: atque exciverunt eum Panici quidam terrores ex ſomno. Quarta vigilia ſupra Cæſaris caſtra, ubi omnia quieta erant, ingens effuſit lumen. Ex eo fax accenſa flammea, in Pompeji caſtra eſt delata. Ipſe ſe Cæſar hoc, dum excubias circumiret, ait vidiffe. *Idem Ibidem.*

69. Hecuba prægnans, facem ardentem, quæ Aſiam & Europam combureret, ſibi parere viſa eſt. Peperit non multo poſt Paridem, cujus inceſtis amoribus. Troja patria diruta, vires attritæ, Græcia longo bello confecta fuit & perdita. *Sabellicus lib. 1. cap. 1. Volaterranus lib. 18. Anthropol.*

70. Cambyſes Perſarum Rex in ſomnis vidit Smerdem in Regio ſedentem ſolio, cœlum contingere vertice. Ob id metuens, ne frater Smerdes Regnum occu-

paret, Prexaspem misit ad eum interficiendum. Neque tamen vel hoc parricidio avertere potuit, quo minus Smerdes magus, qui se verum Smerdem Cyri filium esse simulabat, Regnum invaderet. Cambyfes equum conscensurus, gladio in fœmore vulneratus, obiit. *Herodotus lib. 3.*

71. Darius è Sulis moverat contra Alexandrum, copiarum subnixus multitudine (quippe sexcenta millia militum sub signis habebat) fretus somnio quodam, quod blandientes ei magis quàm pro verisimilitudine interpretati fuerant Magi. Macedonum agmen magno ignis fulgore visum est collucere: Alexander autem, quo antè ipse cultu fuerat indutus, cum Regis esset Ascandes (id est, nuncius, vel ascantes, id est, cubicularius) sibi ministrare: Ac cum in Belli templum esset ingressus, ex oculis esse subductus. His mea sententia portendit Deus magnificas & claras res Macedonas gesturos, & potiturum Asia Alexandrum, sicut potitus ea Darius fuerat, ex ascende factus Rex, verum brevi vitam cum gloria depositurum. *Plutarchus in Alexandro. Curtius castra magno fulgore collucere Regem imaginatum prodidit. Sabellicus lib. 4. Ennead. 4.*

72. Domitianum ferunt somniasse gibbam sibi ponè ce rvicemauream enatam:  
pro

pro certoque habuisse, beatiorem post se, latioremq; portendi Reipublicæ statum. Sic ut sanè brevi evenit, abstinentia & moderatione insequentium Principum. *Suet.*

73. Ezelinus cognomento Monachus, sanguinarius, & crudelissimus Tyrannus, per quietem filiorum vidit fortunam, ea nocte, qua primum cum uxore congressus est, quæ Adela nomine, Tusca ex comitum antiquorum Montajonis gente fuit. Visus est enim sibi videre collem, in quo Romanum oppidum in agro Patavino situm erat (cui ille imperabat, & Romanus inde dicebatur) ita efferri exaltariq; ut culmine cælum contingeret, eundemque paulo post veluti nivem liquefieri, adeoque demitti, ut amplius non extaret. Liberorum casus hunc effectum tulere. Nam major natus filius, & ipse Ezelinus nomine, Veronæ, Patavii, Vincentiæ, Feltrii, Cividalisque ac Marchiæ imperium occupavit. At minor Albericus, Tarvisii, aliorumque locorum tyrannidem invasit. Cæterum postea variante fortuna, Salutis anno ducentesimo quinquagesimo sexto supra millesimum cum Papa Guelphiq; simul in Ezelinum filium arma movissent, Patavium cum toto agro amisit. Cum autem consideret, se astu Mediolanum urbem occupaturum, & ob id Abduam amnem trajecisset, circumfessus ab hostibus, prælio vi-

V 7

ctus,



Etus, vulnere accepto, juxta Soncinum captus, eo ipso in loco periit, ac conditus est. Hoc casu frater Albericus perculsus, cum diffideret Tarvisium retinere posse, in sancti Zenonis arcem se recepit, ubi salutis anno 1200. à suis proditus, in hostium potestate venit. Illic intuitus coram se sex filios occidi, uxoremque Margaritam cum duabus puellis comburi, ipse minutatim per singulos artus cæsus, Romanam gentem suam, sicut in somniis pater habuerat, finiri secum vidit. *Fulgosus lib. 1. cap. 5.*

74. Phalaridis mater Mercurium (cujus simulachrum pateram manu tenens, inter Deorum effigies domi suæ colebat) in somniis vidit ex ea patera sanguinem humi spargere, pavimentoque illisum rebullire, donec sensim domum omnem fastigiotenus inundaret. Quod in una visum, in multis domibus verum fecit cruenta nati sævitia. *Hujus visionis auctor est Ponticus Heraclides, doctus vir, ut ait Tullius, & discipulus Platonis. Petrarcha.*

75. Dux Carthaginensium Amilcar, Syracusas obsidens, in somnis audire visuse rat, se postridie intra obsessæ urbis mœnia cœnaturum. Ea re ad victoriæ spem reflexa, manè alacris ad oppugnandam urbem instruebat aciem. Talia volventi ac molienti, quod sæpè fit, gravis tumultus  
in ca-

in castris exortusest, Chartaginensibus ac Siculo inter se dissidentibus. Oppidani occasione freti, repentè portas egrediuntur, & fulis hostibus victores, Ducem turbatis suorum ordinibus succurrere cupientem, atque ideo negligentem sui, intercipiunt. Et sic in urbem ductus, & in compedibus cœnans, intellexit. quam falsus interpret verisomnii fuisset. *Valer. Max. lib. 1. cap. 7. & Cicero lib. 1. de Divinat. Scribit Artemidorus, speciem in somno cui-dam obversatam, seu cum Saturno cœnaret, ac ita contigisse, ut insequenti die in carcerem impingeretur. Calus lib. 13. c. 21. Antiq. L.*

76. T. Latino homini ex plebe Jupiter in quiete præcepit, ut consulibus diceret, sibi præsultorum ludis Circensibus proximis non placuisse, quæ res nisi attentuludorum instauratione expiata esset, secuturum non mediocre urbis periculum. Ille veritus, ne cum aliquo incommodo suo religioni summum amplicaret imperium, silentium egit. Evestigioque filius ejus, subita vi morbi correptus, interiit. Ipse etiam per quietem ab eodem interrogatus, an satis magnam pœnam neglecti imperii sui pependisset, in proposito perseverans, debilitate corporis solutus est. Actum demum ex consilio amicorum lectica ad tri-

ad tribunal Coss. & inde ad Senatum perlatus, ordine totius casus sui expolito, magna cum omnium admiratione, recuperata membrorum firmitate, pedibus domum rediit. *Valerius libro 1. capite 7. Cicero libro 1. de Divinatione & Livius lib. 2. Decad. 1.*

77. Tartari ultra montem Belgiam, mari interjecto, habitabant, Changius aut primus illorum Imperator, equitem candidum, qui sibi Imperium prædixerat, in somnis iterum vidit, voluntatem esse immortalis Dei, in monte Belgia transmissa, in occidentem pergerent, & regna omnia subjicerent. Quam primum autem ad montem Belgiam venissent, qua parte mare montem alluit, descenderent, & in Orientem versis faciebus novem ingeniculationibus Deum immortalem adorarent. Paruit Changius, & educto omni populo, tota nocte cum in orationibus perseverare coëgit. Mane facto, mare per novem pedes à monte recessisse vidit, & illac per siccum traduxit universum exercitum per vastas solitudines in Asiam. *Haithonus Armenus in libro de Tartaris.*

78. Hannibal Dux Carthagenensium, in templo Junonis Lucinae repertam columnam auream asportare decreverat. Incertus autem an solida ex auro, an superficie  
tenuis

tenuis inaurata esset, celebrando tentavit:  
 & certior factus est auream totam, in pro-  
 posito rapiendi firmatus erat. Cui inter  
 somnium Junonis species adesse visa, ut avaris  
 & sacrilegis cœptis absteret monuit:  
 minata si pergeret, se quoque illum uno quo  
 solum videret lumine privaturam. Quo  
 somno Dux alioquin ferox, & cui nullus Dei  
 metus, nulla religio (ut de eo scriptum est)  
 motus tamen traditur, nihil loco movere  
 ausus, ex eo ipso auro, quod ex foramine,  
 dum tentaretur, exciderat, buculam fieri, &  
 supremæ columnæ imponi curavit. *Petrarcha.*

79. Vidit in somnis Valens Cæsar hominem quendam sibi hæc verba dicentem:

*Magnum ad Mimantem vade festinans,  
 te tibi*

*Extinguet horrentem gravis fati impetus.*

Somno experrectus, astantes quæsit, quisnam Mimas vocaretur locus? Et cum tandem ex Grammaticis seu Oratoribus quispian, qui Regias aulas sequuntur, dixisset esse Asiæ montem Mimanta, cujus & in Odyssæa Homerus meminisset: Ad æriumque Mimanta. Ridens Imperator suscepit, Quæ me urget necessitas hunc visendi, & facum quærendi? Sed cum contra Alanos pugnans, in tuguriolo circa Hadrianopolim Thra-

Thraciæ exustus esset Imperator , abeuntibus illinc Barbaris , milites quidam Valentis cadaver disquisiverunt. In eo tugurio ubi periit ; inventum est antiqui cujusdam viri sepulchrum , cum hac inscriptione, Præfectus Macedonum Mimas hic situs est. Itaque impletum est somnium illud Valentis.

*Cuspinianus.*

80. Quod olim Julio Cæsari, antequam inciteriorem Galliam movisset , & infesta in urbem ferret arma, in somnis oblatum est , cum sibi per quietem visum fuit , matri stuprum intulisse : Quo somnio ad spem amplissimam conjectores illum excitârunt, dominium orbis sibi dari interpretati. Idem somnium Hippiaë, Pisistrati filio, qui Tyrannus successor , patriam crudelius occupavit, dum privatus adhuc Regium affectat fastigium , haud dispari eventu oblatum fuisse memorant. Siquidem nocturna species matris, cum qua coire videbatur, sibi per quietem oblata fertur , qua de re imperium latè sibi portendi , conjectores responderunt. Ipseque somnio monitus, & spei plenus , Athenarum dominio haud multò post potitus fuit. Hic est enim ille Hippias, qui tyrannidem non sine immani scelere aggressus, patre impotentior effrænatorque, quum mexulum solum vertisset , impia contra patriam arma molitus fuit : Denique cum Dario conspi-

rans,

rans, in pugna Marathonica cæsus, poenas patriæ & penatibus dedit. Alter vero ejusdem Pitistrati filius, Hipparchus, qui multorum Tyrannorum sævitiam antecessit, cum patriam & cives impotenti dominatu opprimeret, conjuratione in caput Tyranni facta, ab Harmodio & Aristogitone fortissimis juvenibus, non sine omnium salute, cæsus fuit: quorum nomina devota libertati, ne quando servis indere liceret, Athenienses publica detestatione sanxerunt. *Alexand. lib. 3. c. 26.*

81. Sabacus Æthiopum Rex, quinquaginta annis Ægypti regnum occupavit, quibus exactis, visus est ei Deus, qui Thebis colitur, dicere, Regnum suum in Ægyptios neque felix, neque diuturnum fore, nisi Sacerdotibus Ægypti omnibus occisis, per media ipsorum cadavera cum suis transiret. Hoc somnium sæpius oblato, omnes undique Sacerdotes convocavit, narratisque quæ per somnium acceperat: Nolle se, inquit, in Ægypto manentem alicui perniciem frui, sed malle purum, omnique scelere solutum ab Ægypti regno abstinere. *Diodorus Siculus & Herodotus lib. 3.*

82. Sethon Ægypti Rex, Vulcani sacerdos, cum Ægyptios contemneret, externo milite utebatur, & Ægyptios agris exuebat. Ob hanc injuriam factum est, ut cum postea Sennacheribus Arabum Assyriorumque



rumque Rex cum magnis copiis invasisset Ægyptum, noluerint ei Ægyptii opitulari. Tum sacerdos consilii inops, in cœnaculum se contulit, ibique apud simulachrum comploravit, quantum periclitaretur. Ei igitur inter lamentationem obrepfit somnus, & inter quietem visus astare Deus exhortans, nihil eum molesti passurum, si copiis Arabum obviam iret, se enim auxilios ei missurum. His somniis fretus Sacerdos, sumptis Ægyptiorum voluntariis, institutibus & operariis, castra in Pelusio posuit, hac enim Ægyptus invaditur. Eo cum pervenisset noctu, ingens multitudo agrestium murium repentè exorta, tum pharetras, tum arcus, tum scutorum habenas in castris hostium arroserunt, ita ut postera die hostes armis exuti, fugam fecerint, multis amissis. Eoque nunc iste Rex in templo Vulcani lapideus stat; manu murem tenens, atque hæc per literas dicens: In me quis intuens, pius esto. *Herodotus lib. 2.*



De Miraculis Diabolicis , seu de  
variis præstigiis & ludibriis  
malorum Dæmonum , ad  
confirmandam Idololatriam  
Gentium.

1. **V**irginis Æmyliæ discipulam ex-  
tincto igne , tutam ab omni re-  
prehensione Vestæ numen præsti-  
tit, qua adorante , cum carbasum, quam o-  
ptimam habebat, foculo imposuisset, subito  
ignis emicuit. *Valerius lib. 1. cap. 1.*

2. Penates Deos ajunt Æneam Troja  
advectos Lavinii collocasse : inde ab Asca-  
nio filio ejus Albam , quam ipse condide-  
rat, translatos, pristinum sacrarium repe-  
tuisse: & quia id humana manu factum exi-  
stimari poterat, relatos Albam, voluntatem  
suam altero transitu significasse. *Valerius  
Max. lib. 1. cap. 8.*

3. Iisdem non Ægyptii tantum, sed o-  
mnis ferè orbis antiquitus propter miracula  
colebat : Hæc enim in somnis non rectè  
valentium morbos sanabat , & qui moni-  
tis

tis ejus obtemperabant, præter opinionem curabantur. Visu quoque aut alia corporis parte debiles, ejus Deæ numen implorantes, in pristinam valetudinem restituebantur, *Diodorus Siculus lib. 1. cap. 2. de Rebus antiquis.*

4. In Æsculapii templo apud Epidaurios, qui Deum precatum venêre, obdormiunt, & in somnis sanitatis recuperandæ rationem discunt. Pilas inde ponunt in templo, nomina eorum, qui curati sunt, continentes, & curationis modum. *Pausanias in Corinthiacis.* Idem mos fuit apud Romanos, usque ad Antoninorum tempora, id quod ex tabella marmorea Romæ in Æsculapii templo in insula Tybernia inventa, & usque ad hanc diem apud Maphæos conservata, intelligere licet, in qua Græcè hæc Latino sermone reddita leguntur, ut testatur *Hier. Mercurialis Medicus doctiss. libro primo de Gymnastica.* Hisce diebus Cajo cui-dam cæco Oraculum reddidit, veniret ad sacrum altare, & genua flecteret, à parte dextra veniret ad lævam, & poneret quinque digitos super altare, & elevaret manum, & poneret super proprios oculos, & rectè vidit populo præsentem, & gratulante, quòd grandia miracula fierent sub Imperatore nostro Antonino. Sanguinem revomenti Juliano desperato ab omnibus hominibus, ex  
Ora-

Oraculo respondit Deus, veniret, & ex ara caperet nucleos pini, & comederet unà cum melle per tres dies: & convaluit, & vivens publicè gratias egit præsente populo Valerio Apro militi cæco Oraculum reddidit Deus, veniret, & acciperet sanguinem ex gallo albo admiscens mel, & collyrium conficeret, & tribus diebus uteretur supra oculos, & vidit, & venit, & gratias egit publicè Deo. Lucio affecto lateris dolore, & desperato à cunctis hominibus. Oraculum reddidit Deus, veniret, & ex ara tolleretur cinerem, & unà cum unio commisceretur, & poneretur supra latus, & convaluit, & publicè gratias egit Deo: & populus congratulatus est illi.

5. Aristides Rhetor Smyrnæus, cum terræmotus instaret, jussus est Æsculapio paulò antè ad avitam domum proficisci, & in Atys collis vertice sacra facere, arasque extruere. Quæ cum vix absolvisset, obortus terræmotus, omnem quidem interjectam Regionem ita concussit, ut nullum relinqueret diversorium, sed ad Atym non processit, nec ultra quicquam attigit. *Stobæus Sermone 3.*

6. Vejis à Camillo expugnatis & direptis, quod in arce erat Junonis signum Romam deportare, ut voverat, visum est. Convocatis ad id artificibus Camillus sacra fecit.

cit, precatufque Deam, ut studium ample-  
cteretur Romanorum, volensque & propi-  
tia Diis Romam incolentibus commigra-  
ret: Signum ferunt summiſſa voce velle &  
annuere dixiſſe. *Livius tradit* inter precan-  
dum attreſtaſſe Camillum Deam & invi-  
taſſe, inde velle & annuere ac ſequi liben-  
tem reſpondiſſe ex altantibus nonnullos.  
*Plutarchus in Camillo.*

7. Alexandro Magno ad expugnandum  
Tyrum aggerem in mari ducente, repente  
cetus incredibilis magnitudinis adnatavit,  
& corporis parte altera aggeri inclinata,  
diutius ibi conſtitit, cum maximo inſpi-  
cientium omnium terrore. Rurſus demum  
in mare enatavit. Hincque religio maxi-  
ma utroſque occupavit, exiſtimantes illud  
portendere, Neptunum Macedonibus auxi-  
liarem fore, animo utique in id, quod opta-  
bant, inclinato. In urbe quidam viſum hu-  
juſmodi ſibi apparuiſſe narravit, tanquam  
Apollo dixiſſet, Tyriam urbem ſibi deſe-  
rendam eſſe. Id ipſum cum ab eo homine in  
Alexandri gratiam conſectum fuiſſe plebs  
ſuſpicaretur, jamque lapidibus eum impe-  
tere juniores quidam vellent, à Magiſtrati-  
bus ſubtractus ille è medio, in Herculis  
templum confugit, atque ita Dei præſidio  
quem imploravit, ab imminente pœna eſſe  
liberatus. Sed nihilo magis Tyrii ejus rei  
super-

stitutione se excoluerunt, qui catenas aureas Apollinis signo injecerunt: ita impeditum non amplius ex urbe posse eum demigrare censentes. Capta urbe, Apollini catenas aureas & compedes à Tyriis injectas, Alexander detraxit, atque Philalexandrum appellari jussit. *Herculi magnificentissimum sacrificium peregit. Diodorus lib. 17.*

8. Philippides Atheniensis Lacedæmonem legatus missus de Persarum in Græciam irruptione domum rediens, cunctationemque Lacedæmoniorum incusans (qui exercitum educere ante plenilunium volebant) in Parthenio saltu Pana obvium habuit, qui se Atheniensibus in pugna ad Marathonem præstò futurum pollicitus fuit. Ex eo nuncio Deo Athenis honores haberi cœpti. *Pausanias lib. 1.*

9. Bello Mithridatico, cum Mithridates Cyzicum obsedisset, videntur Cyzicenos Dii quoque probantes eorum fortitudinem excitasse, cum aliis perspicuis signis, tum instante Proserpinæ festo: quo cum nigra bove ad immolandum deficerentur, farinaceam fictam admoverunt aræ. Sacra vacca, quæ Deæ alebatur, transfretum pascebat cum reliquo armento Cyzicorum. Hæc illo die armento relicto ad oppidum tranavit sola, & se sacris admonuit. Dea insuper publico Ludimagistro Aristagoræ



goræ offerens se in somnis: Equidem, inquit, adsum, & tibicinem Africum in tubicinem Ponticum impellam. Tu ergo jube cives bono animo esse. Mirantibus hanc vocem Cyzicenis, prima luce fluctuavit mare quasi immenso incumbente vento, & admotæ muris Regis machinæ, insignia Thesali Nicomedis opera, stridore & crepitu primum, quid instaret indicaverunt. Inde Auster supra modum procellosus coortus, horæ brevi momento, cum alia convulsit machinamenta, tum turrin ligneam in altitudinem centum cubitorum excitatam, tanta vi concussit, ut proruerit eam. *Iam memoria proditum est*, compluribus Illi Minervam in somnis fuisse obversatam, quæ copioso manabat sudore, partemque pepli discissam ostendebat. Eam dixisse, modò venire se ab ope Cyzicenis ferenda. Mithridates fame pressus, re infecta in Bithyniam rediit, Lucullo insequente. *Plutarchus.*

10. Bæotii capti à Thracibus, cum in Trophonii antrum fugissent, isque per somnium dixisset, Bacchum illis adiutorem fore: ebrios aggressi Thraces, alii alios redemerunt, & Bacchi redemptoris ædem condiderunt, *ut scribit Heraclides Ponticus.*

11. Cleomeni Spartanorum Regi, post Argios superatos, ajunt apud Junonis templum litanti effluxisse flammam è pectoribus

bis simulachri, signo non obscuro, cum non esse Argos expugnaturum. Si enim è capite simulachri flamma extitisset, fore, ut urbem ab arce caperet, Cum verò è pectoribus fulgur extiterit, id omne fuisse confectum, quod Deus confici voluisset. *Herod. lib. 6.*

12. Funesta pugna, qua ad Pharsalum à Cæsare victus est Pompejus, magnis quidem & multis fuit signis antea præmonstrata. In Elide simulachrum Victoriæ, quod in templo Minervæ fuit, à janua aversum, eo die, quo sic dimicatum est, sua sponte ad valvas se convertit. Antiochiæ in Syria & Ptolemaide bis eodem die tantus est clamor circa urbem auditus, ut cum armis sit populariter in muros discursum. Pergami in templo tympana exaudita sunt. *Valer. lib. 1. cap. 6.*

13. Quum Attila Hunnorum Rex, expeditionem in Romani Imperii fines suscepisset, Deorum simulachra non solum noctu, sed & interdiu visa, quæ sibi pro se quemque præcavere juberent. Sanguineæ cælo guttæ defluxere, bicipites infantes editi. Sacra tecta in plerisque locis de cælo tacta. Vox nocte audita sæpè, Cave tibi Italia. *Bonfinius lib. 3. Decad. 1.*

14. Paulo ante Trojanum excidium in ade Minervæ sacris subiectus ignis pepercit. Quare turbati populares, ad Aram Apollinis confluunt, atque ibi superpositis extorunt

torum partibus, ibi flamma admota est, repente cuncta quæ inerant disturbata, ad terram deciderunt. Quo quidem spectaculo percussis atque attonitis omnibus, subito aquila stridore magno extorum partem rapuit, & ad naves Græcorum detulit. *Di& l. 5.*

15. Erexit Tonanti Jovi ædem in parte Capitolii Cæsar Augustus, quam Cantabrico bello voverat, dedicatamque quotidie frequentabat. Visus itaque est ipsi per somnium Jupiter Capitolinus queri, sibi cultores abduci, sequē respondisse, Tonantem pro janitore ei appositum: ac mox tintinnabulis fastigium ædis redimivit, quod ea ferè tunc januis dependebant. *Sabell. lib. 9. c. 5.*

16. *Zonaras Annalium tomo 3. recitat,* sub Anastasio Imperatore Manichæo, Mago, homine sceleratissimo, simulachrum æneum Fortunæ urbanæ muliebri specie, quod alterum pedem in navi ante se posita ænea & ipsa haberet, alicubi in urbe Constantinopolitana stetisse, cujus navis vel vetustate corruptæ, vel per insidias contusæ, fragmenta quædam ablata fuerint. Ex eo naves onerarias Byzantium amplius non appulisse, sed cum propè accessissent, violentia ventorum repulsas esse, ac nisi longæ naves, multis concitatæ remigibus, sarcinas in urbem pervexissent, populum fortassis fame perituum fuisse. Quæ res cum ad tempus durasset,

curæ

curæ fuit Magistratibus, causaque mali à Mago quodam solerti conjectura indagata, fragmentis navis illius æneæ studiosè conquisitis, & in suum locum restitutis, expeditionem, navigationem, & mare navigiis repletum fuisse. Ut autem certò scirent, illud appellendis navibus obstitisse, denuò sublatis fragmentis, quæcunque naves tum appellerent, iterum vi ventorum rejectas fuisse; Ea re comperta, navem illam magno adhibito studio esse renovatam.

17. Fuere in arce Athenis oleæ Palladi sacrae, quæ dicebantur Moriaë. Eas Halirrhotius Neptuni filius securi excidere adortus, quod earum productione pater à Minerva superatus fuisset, securim sibi met impexit, & ex eo vulnere obiit. *Calius lib. 12. c. 20.*

18. Æsculapium *dicunt quidam* non ex Nympha Coronide natum, sed ex ovo corniculæ, quia *κωπεύς* utrumque significat, & Nympham ita vocatam, & corniculam, ut asserit Lucianus in Dialogo de falso vate. Fertur quidam ex antiquis sacerdotibus serpentem per exiguum in ovum vacuum corniculæ inclusisse, ceraque studiosè oblitum luto in quodam loco occultasse, mox ara extructa populum in concionem ad eum locum advocasse, cum nunciaret omnibus palam, se Deum esse ostensurum. Post concionem incognitis quibusdam vocibus usus,

Apollinem & Æsculapium invocavit, ut dexter ac felix illi civitati accederet. Deinde phiala aquam hauriens in profundum demersa, ovum illud unà cepit, quod praesentibus multis fregit, pullumque recentem serpentis inveniens, cunctos homines in admirationem rei induxit. Postea verò serpentem insignis magnitudinis, paucis diebus elapsis, in loco subobscurο ostendens, artificiosè se moventem, illum ita crevisse aiebat, ac Deum esse Æsculapium Apollinis filium. Inde verò serpentes in ejus tutela crediti sunt, & ejus gestamen putatus fuit baculus serpente involutus, *ut scribit Dercylus. Natalis Comes Mythol. lib. 4. cap. 11.*

19. Anno post Romam conditam, CCCC. LXXIIII. Atronus quidam Maximus, servum suum verberatum, patibuloque constrictum ante spectaculi commissionem per circum egit. Ob hanc causam indignatus Jupiter, Annio cuidam per quietem imperavit, ut senatui nunciaret, non sibi placuisse plenum crudelitatis admissum. Quo dissimulante, filium ipsius mors repentina consumpsit: ac post secundam denunciationem, ob eandem, ipse quoque in subitam corporis debilitatem solutus est. Sic demum ex consilio amicorum lectica delatus Senatui retulit, & vix consumato sermone, sine mora recuperata bona valetudine, curia pedibus egres-

egressus est. Ex Senatus itaque consulto & Mævia lege, ad propitiandum Jovem additus est illis Circensibus dies, isque lustrativus dictus est, non à patibulo, ut quidam putant, Græco nomine *ἀν' ἑσπερίᾳ*, sed à reintegratione, ut Varroni placet, qui instaurare ait esse instar novare. *Macrobius libro 1. Saturnal. cap. 11.*

20. Argonautæ tradunt, ex Sigæo digressos fœda tempestate jactatos, cæterisque in manifesto discrimine desperantibus, Orpheum voto Samothracibus Diis nuncupato, remedium adversus sævientem procellam demonstrasse. Quum Minyæ medio periculo tenerentur, duplex lumen Castoris & Pollucis capitibus effulxisse ferunt, nec ita multò post pelagus sævire desiisse, & ob eam rem credita juvenum divinitate, subitos ejusmodi ignes in mari Castoreos appellatos Geminæ sunt, velut fulgurum effigies, quæ aliàs nocturnis militum vigiliis in pilorum cuspidibus sedere, aliàs per antennas, cæterasque navium partes vagæ, vocali quodam sono vagari solitæ. Graves cum solitariae venire, mergentesque navigia, geminæ & tunc quidem, & semper aliàs salutare, prosperique cursus nunciæ, suoque adventu diram illam & minacem, quam eodem argumento Helenam dixere, fugare creduntur. Res miraculi loco accepta, fecit ut Castor &



Pollux religiosè à nautis colerentur, portu-  
que soluturi Samothracibus Diis pro solven-  
tium salute sacra facerent. *Sabell. lib. 5. En-  
nead. 1.*

21. *Marcus Tullius Tusculanarum Qua-  
stionum libro primo tradit*, Trophonium &  
Agamedem exædificato templo Apollini  
Delphico, venerantes Deum, laboris sui  
mercedem petiisse, nihil quidem certi, sed  
quod esset optimum homini: Quibus A-  
pollo se id daturum ostendit post diem ab il-  
lo tertium, qui ut illuxit, mortui sunt re-  
perti.

22. Cræsus Lydorum Rex, à Cyro vi-  
ctus, & rogo, ut cremaretur, impositus, cum  
Solonem ter alta voce inclamasset, & Cyrus  
causam intellexisset, pyram extingui iussit.  
Verùm cum ignis jam prævaluisset, Cræsus  
Apollinem invocavit, ut si unquam ab eo  
donum illi gratum fuisset oblatum, ipsum  
præsentī malo liberaret. Repentè igitur nū-  
bes è sereno & tranquillo aere collecta, co-  
piosissimam aquam effudit, rogumque ex-  
tinxit. *Herodotus lib. 1.*

23. Xerxe contra Græcos classem du-  
cente, in ora Magnesiæ terræ, feruntur A-  
thenienses Boream invocasse ex Oraculo,  
quod ei redditum est, ut generum suum ad  
sibi opitulandum invocarent. Habet enim  
Boreas in matrimonio Orithyiam Atticam  
Erech-

Erechthei Regis filiam. Itaque dum in Chalcide pro Europa excubarent, invocavere Boream & Orithyiam, ut sibi auxilio essent, & Barbarorum naves corrumpere, quemadmodum prius fecerant circa Athon. Borea igitur id præstante, digressi illinc, delubrum ei extruxere ad amnem Ilissum. In eo autem naufragio, qui paucissimas naves, ii non pauciores quadringentis ex Xerxis classe periisse ajunt, viros quoque innumerabiles ac vim pecuniarum immensam, præter naves onerarias & lembos. *Herodotus lib. 7.*

24. In Vulcanali colle juxta Agrigentum, viridia ligna quæ aræ superimponerantur, si preces justæ erant, sponte ignem concipiebant. Quod si iniquæ, nullum concipiendi ignis signum edebant. *Fulg. l. 1. c. 6.*

25. Romulus Sabino bello, quod circa Capitolium Palatiumque gestum est, cum turpem suorum fugam quodam prælio sistere non posset, Statori Jovi ædem voto nuncupavit, si fugientibus suis metum ademisset, sisteretque Romanum adversus hostem, qui à tergo victor instabat. Vix bene preces effuderat, atque illicò factus est voti compos: restituta enim acie, non tantum æquata est pugna, sed ad Curtium usque lacum Sabinus, qui victoria exultabat, est cum cæde & strage repulsus. *Sabellicus libro 2. cap. 5. ex Plutarchi Romulo.*

26. Quid Numa Pompilius (successit is Romulo, ex Curibus Sabinis in Regnum accersitus) quàm efficax illius precatio, aut quàm audax, quæ è cœlo Jovem elicit. Res (quod satis constat) non solum credita, sed ab aliis etiam tentata. Tullus Hostilius, qui post illum Regno potitus est, quia parùm scitè id sacrum obiisset, cum tota domo fulminis est igne concrematus. *Sabell. lib. 2. cap. 5.*

27. Tullus Hostilius, cum ad Tiberis & Anienis confluentem, in Fidenates & Veientes aciem direxisset, cognita Albanorum ad hostes defectione, 12. Sahios vovit Marti: extititque confestim victor exercitus, qui pro victo jure habebatur, jam spe & viribus impar hostibus factus. *Ibidem.*

28. Majus adhuc pietatis imitamentum (nam pietatem quis dixerit malorum Dæmonum cultum?) in Tuccia, & ipsa quidem Vestali, extitit: dubium major fœminæ in eo fiducia, an Dæmonum obsequium. Jussa dicere causam, crimenque diluere, quod ab accusatore intendebatur. Vestam precata est, ut si caste sancteque ejus sacris ad id tempus operam dedisset, propositum teneret. Hoc tantum precata est, simulque ad ripam fluminis progressa, multis comitantibus, ut rei eventum cognoscerent, cribrum fluviali

viali aqua plenum, ad Pontificum conspectum (quorum ea cognitio erat) detulit. *Adjiciunt huic miraculo*, accusatorem attentè requisitum, nusquam apparuisse amplius. *Ibidem.*

29. Pari miraculo illustrata Claudia, ejusdem ceremoniæ cultrix, cujus liberior vita cum calumniâ incurrisset, ut eam hominum animis opinionem magno aliquo testimonio eximeret, facinus adorta est, plus admirationis quàm fidei ad posteros habiturum: navem qua Deorum mater vehabatur, Tiberino vado hærentem, Vestam prius suppliciter precata, cingulo alligat, mox eam remolita est, traxitque adverso flumine, quod pars Rom. civitatis post multos & varios conatus nequiverat. *Ibidem.*

30. Adrianus Imperator Lucio Commodo in spem Imperii adoptato, Severianum & Fuscum nepotem ejus, quòd illud ægrè ferre viderentur, suspectos & invisos jussit occidi, quorum alter nonagenarius, alter verò decem & octo annos natus erat. Sed Severianus priusquam jugularetur, ignem poposcit, atque incenso thure, Vos, inquit, ô Dei, testor, me nihil mali commisisse, De Adriano hoc tantum imprecor, ut cum mori cupiet, non possit, Et hic quidem mortuus est. Adrianus post morbum sapius frustra invocata morte, sæpe etiam seipsum

occidere voluit. Extat ejus Epistola, quæ hoc ipsum significat. Scribit enim: Quam miserum est mortem optare, & mori non posse. *Dion Cassius, in vita Adriani.*

31. Athenienses cum Peste aliquando laborarent, responso accepto à Pythia, urbem expiandam esse: Niciam Nicerati filium navi miserunt, qui Epimenidem ex Creta advocaret. Ille profectus Olymp. 27. lustravit urbem hoc modo: Oves sumpsit nigro & candido vellere, duxitque in Areopagum, atque inde quò vellent abire permisit comitibus mandans, ubicunque illæ accubuisent, singulas mactarent peculiari cuiuspiam Deo. Sic quievit lues. Hinc factum, ut per Atheniensium pagos passim Aræ sine nomine inveniantur. Qui fortè ignotus ille Deus est, cujus occasione D. Paulus Atheniensibus Christum prædicare cœpit. *Laërtius.*

32. Victis ad Platæas Persis, Græcis de sacrificio consulentibus respondit Apollo, Jovi liberatori erigerent aram, at sacra antè facerent, quàm extincto per totam Regionem igne, quòd esset per Barbaros pollutus, purum Delphis ex communi foco accendissent. Itaque Magistratus Græcorum illicò circumvecti, subegerunt eos, qui igne uterentur, omnem extinguere. Ex Platæensibus pollicitus Euchidas, quàm ocyssimè fieri

fieri posset, allaturum se à Deo ignem, Delphos profectus est, lustratoque corpore, & lymphâ asperso, laurea coronatus, ignem sumpsit ex ara, currensque retrò Plataeas contendit, & ante Solis occasum reversus est, eodem die mille stadiorum emensus. Salutatis civibus, ubi ignem tradidit: concidit confestim, & paulò post expiravit. Sustulerunt eum Plataenses, atque in Eucliae Dianæ fano funeraverunt; inscripseruntque hoc tetrametrum:

*Euchidas Delphos cucurrit, & die reversus uno est.*

*Plutarchus in Aristide.*

33. Herculem Alcmenæ filium tradunt Jovi porricientem in Olympia, cum muscas abigere non posset, ab actori muscarum ἀντιμῆν Elei appellant, hostiam mactasse. Cumque perlitatum esset, omnes repente muscas trans Alpheum evolasse. Inde servatum ab Eleis, ut ad abigendas ex Olympia muscas, idem sacrum usurparetur. *Pausanias lib. 5.*

34. Aurelianus Imperator adversus Marcomannos, cum Mediolanum usque ad Placentiam venisset, movens, ad Senatum scripsit, ut inspectis Sibyllinis libris, quæ necessaria essent sacra, ad impetrandam Deorum opem conficerent. Quæ cum Senatus egisset, ac divino nutu magis quam humanis viribus atque consiliis, Barbari ul-



trà, progredi gravibus ostentis territi non auderent, Aureliano ad victoriam via patuit. Is autem ne parùm gratè cœlo demissam agnoscere opem videretur, præter munera hujus victoriæ gratia per urbem Romam multis templis data, soli Capitolino Jovi quindecim millia auri pondo, & magnam gemmarum vim pluribus collationibus dedit. *Fulgosus libro 1. cap. 1.*

35. Persæ imperantes Asiæ, cum omnia Græcorum loca sacra expilassent, solum semidræ Rheæ templum quod in Castamo Chorronefi extat, nec mœnibus nec custodiis cinctum, intactum reliquere. Latrones insuper singula rapientes, hoc solum haud quaquam muro cinctum, ut absque periculo spoliari queat, inviolatum sinunt. Hujus rei causam tradunt, Deæ communem in omnes beneficentiam. Nam & ægros per somnum curas morborum docet, & multis insuper sanitatem desperantibus salutem præbet. Mulieres præterea parturientes à laboribus ac vitæ discrimine hæc liberat Dea. *Diodorus libro 5.*

36. Extra Crotonem olim Junonis Lacinia templum fuit, multa religione sacrum. Lucus proceris abietibus septus. Lata in medio pascua, ubi omnis generis pecus Deæ sacrum sine custode pascebatur, gregibus sub noctem ad stabula sponte remeantibus,

tibus, nulli hominum ferarumve injuriæ obnoxii. Miraculum narratur ex ara, quæ ibi sub dio fuit, nunquam cinerem ventorum impulsu dissipatum. *Sabellicus libro 3. Ennead. 5.*

37. Pelasgi orta agrorum sterilitate, ver sacrum Diis voverant. Voti compotes, exolvere neglexerant. Pestilentia inde vexati, Oraculum de causa mali interrogavere. Responsum accepere, ὅτι τυχόντες ὦν ἐβύλων, οὐκ ἀπιδόσω ἀ' ἡύξαντες. Itaque ad placandum numen, decumanas hostias exolvendas esse. *Dionys. Halicarn. libro 1. Euseb. lib. 4. preparat. Evangelica.*

38. In Italia ad Posidoniacorum petram scribunt miraculum tale accidisse: Erat Venator in regione, quæ dicitur Andragathia, solitus antea eorum quæ ceperat capita ac pedes Dianæ dicata, arboribus affigere. Cum aprum ingentem cepisset, contempta Dea, ait se caput solum dicaturum: arborique cuiuspiam suspensio, cum meridianum æstum devitans, sub arbore quievisset, in somnum incidit: tum ligaculo suo sponte dissoluto, caput decidens hominem peremit. *Diodor. lib. 4. cap. 3.*

39. Oeneus Calydoniæ Rex in Octolia in magna frumenti copia, cum cæteris Diis, sola Diana neglecta, sacrificasset, irata Dea, Calydonium aprum, ingenti magnitudine

tudine celebrem, ad vastandam latè regionem propinquam immisit. Ad hunc delendum Meleager ætate viribusque integer, multis assumptis secum sociis, aprum jaculatus, occisæ bestiae præmium (id erat animantis pellis) omnium consensu tulit. Cum in venatione Atalanta Schœnei affuisset filia, ejus amore captus, pellem veluti præmium occisæ feræ ei concessit. Quod factum qui unâ venati fuerant Thestii filii ægrè ferentes, advenam eis fœminam præferri, improbato Meleagri facto, Atalantæ per insidias, cum in Arcadiam rediret, pellem abstulêre. Meleager tum amore motus, tum incensus ignominia, primum raptores, ut virtutis ab se datum mulieri præmium restituerunt, hortatus est: ejus verbis contemptis, omnes (ii erant Althææ fratres) necavit. Illa suorum cæde mœsta, Meleagrum execrata est, ab Diis immortalibus, qui ejus votum exaudiêrunt, filio mortem imprecata. *Scribunt quidam*, in Meleagri ortu Parcas noctu in somnis Althææ dixisse, tunc vitæ Meleagri filii finem fore, cum id lignum (is torris extinctus erat) combureretur. Orto puero, existimans in ejus ligni custodia filii salutem contineri, diligenter custoditum servavit. Postmodum fratrum morte irritata, torre combusto, causa interitus filii extitit. Cujus facti pœnitens, laqueo vitam

tam finivit. *Diodorus libro 4. capite 2.*

40. Stymphalus fluvius in Arcadia lacum efficit, & terram per cuniculum subiens, in Argolico se demum agro profert, ibique mutato nomine, pro Stymphalo Erasinus vocatur. Pausaniæ tempore hoc miraculum contigit. Cum Stymphalicæ Dianæ solenne sacrum ab Arcadibus indiligentius omni ex parte factum esset, ac imprimis patrii ritus prætermissi, lucus repente supra eam cavernam corruit, quam subter Stymphalus amnis meat. Obsepto igitur ostio, aqua refluens, latè omnem campum haud minus stadium 400. perpetuo stagno occupavit. Fortè ita accidit, ut venator cervum fugientem persequens, cum illa se in ejus paludis cœnum abjecisset, animi impetu concitatus, per aquam natans, eam urgere non prius desierit, quàm idem hiatus & feram & venatorem absumpserit: mox & stagnantem aquam, amni via patefacta, consecutam, ac totam paludam uno die siccata tradunt. Sacrum Dianæ apparatius & magnificentius factum. *Pausanias in Arcadicis.*

41. Glaucus Sisyphi filius, qui apud Potniam regnavit, sacra Veneris spernens, ab equabus suis, quibus ad currum utebatur, dilaceratus est. *Servius libro 3. Georg.*

42. Hercules Jolao nepoti templum magni-

magnificum erexit, & in eo sacra multa instituit: Quòd si à solitis deficerent sacris incolæ, mutescebant prorsus: rursus verò si ex more perficerent, in pristinam sanitatem restituebantur. *Alexand. ab Alexand. lib. 2. cap. 14.*

43. Cyanippus Syracusanus, quod Baccho sacra facere neglexisset, irato Deo in tantam ebrietatem incurrit, ut occurrentem in tenebris filiam Cyanem, quamquam reluctantem, violarit. Ea verò annulum scortatori furripiens, nutrici commendavit, ut violatoris indicium esset. Postmodum verò cum gravis pestilentia urbem invasisset, ob tam crudele perpetratum facinus, ex Pythio delatum est Oraculum, ut impietatis author liberatoribus Diis immolaretur. Conscia igitur rerum Cyane, tractum capillis patrem mactavit, ut Deos iratos placaret *Dositheus lib. 3. Rerum Sicularum, & Plutarchus cap. 39. Parall.*

44. In Phocide ad Tithorean Iſidis templum est, religione sanctissimum eorum omnium, quotcunque Græci Ægyptiæ Deæ consecrârunt. Neque enim ad id penetrale accessus est aliis, quàm quos Isis ipsa per somniorum visa sibi præ cæteris delectatos advocaverit. Iſidi Tithoreæ binæ celebrantur quotannis nundinæ; vere scilicet, & autumnus. Institores tabernas sibi erigunt ex  
arun-

arundine, & alia fortuita quavis materia. Postremò tertio die, qui ad eum mercatum convenère, emunt mancipia. Pomeridianis jam horis ad sacra animum adjiciunt. Immolant lautiores, boves & cervos: tenuiores, anseres, & Meleagrides aves, &c. Hominem aliquando ajunt profanum, cum cœpta jam esset pyra incendi, præ curiositate & confidentia ingredi ausum. Ac sibi illum visum videre Lemurum plena omnia. Reversum tamen Tithoream, cum quæ viderat cuncta enarrâsset, statim animam efflâsse. *Pausan. in Phocicis.*

45. Cabirorum Thebanorum (qui Cererem colebant) religiones qui violassent, inexpressibilis sceleris pœnam effugere non potuisse, eventu compertum est. Nam quæ Thebis fierent sacra, cum essent Naupacti profani homines ausi usurpare, non multò post fraudem luerent. Ex Persis etiam de Xerxis copiis, qui duce Mardonio in Bœotia stativa habuerunt, quæ pars in Cabirorum fanum introire non dubitavit, vel ingentis prædæ allekti cupiditate, vel potius ad numinis contemptum, insania omnes correpti, partim se in mare abjecere, partim de præruptis rupibus præcipites dedere. Cum Alexander superatis prælio Thebanis, urbem & agrum igni ferroque pervastasset, qui è Macedonibus intra fanum Cabirorum irrupe-



ruerunt: omnes aut fulminibus, aut è cœlo missis ignibus exanimati sunt. Tanta fuit jam tum ab initio ejus templi religio. *Pausanias in Bœoticis.*

46. Pentheus Rex Thebanorum cum Liberum patrem multis contumeliis vexaret, & alia insolenter faceret, postremò etiam, ut fœminarum operta sacra specularetur, ad Cytheronem profectus, in arborem ascendit, atque inde omnia conspicatus. Quod cum Bacchæ adnīmadvertissent, impetu factò viventem eum laceraverunt, ac membratim discerpserunt. Corinthii redditum sibi Oraculum narrant, ut eam arborem quærerent, & inventæ divinos honores haberent. Illius igitur Oraculi monitu arbore inventa duo signa lignea Liberi patris in foro posuère, inaurata, præter ora tamen, quæ minio oblita sunt, Lysium alterum Baccheum nominant. *Pausanias in Corinthiacis* Euripides in Bacchis Cadmī filias, sororesque Semeles, quæ Dionysium educaverant, Pentheum discerpisse *scribit & commemorat*, quas corporis partes singulæ abstulerint. *Natalis comes Mythol, l. 5. cap. 13.*

47. Cum Potitii sacrorum Herculis ritum, quem pro dono genti eorum ab ipso assignatum, velut hæreditarium obtinuerant, autore Appio Claudio censore, ad humile servorum ministerium transtulissent,

omnes,

omnes, qui erant numero supra triginta puberes, intra annum extincti sunt, nomenque Potitium in duodecim familias divisum, propè interiit. Appius verò luminibus captus est. *Valer. lib. 1. cap. 2. Livius lib. 2. Decad. 3.*

48. C. Terentius Varro ædilis, cum ludos Circenses in Jovis opt. max. templo faceret, eximia facie puerum histrionem ad excubias tenendas posuit. Quod factum multos post annos memoriæ tum repetitum, tum expiatum est. Consul enim longè post factus, apud Cannas, ob iras Junonis, tam infelicitè pugnavit, ut ferè quinquaginta Romanorum millia cæsa sint. *Valer. Max. lib. 1. cap. 2.*

49. Carthaginensium duces Annibal & Himilco Agrigentum obsidentes, militibus mandarant, ut sepulchra eruerent, eaque ruina aggerem ad mœnia ducerent. Nec segnis, ad imperium multitudo facilè deduxere opus. Ibi inter eruendum ingens quædam religionis reverentia, & Deorum pavor cepit exercitum. Nam Theronis sepulchrum miræ molis artisque opus, fulminis ictu concussum tremuit. Quo portento procurato, nonnulli vates cum ad illud eruendum, properare multitudinem vidissent, obistere prohibereque, ne id committeretur, conati sunt: moxque repentiè pestilentia

lentia invasit castra, quæ multos absumpsit, nec paucam turbam in varias afflictiones, gravesque calamitates distortam traxit, in quibus Hannibal Dux interijt. Tum ex his qui in vigiliis pernoctabant, nonnulli vidisse se per noctem manes & simulachra viri defunctorum per umbram vagantia. Himilco ab eruendis sepulchris destitit, mox Diis supplicia peregit: Saturno infantem immolavit: Neptuno turbam sacerdotum summersit. *Diodorus lib. 13.*

50. Ilus cum Minervæ templum ardere videret, cursu concitus, demissum cælo palladium eripuit, & statim oculis captus est. Postmodum verò placata ira Deæ pristinum recuperavit visum. *Plutarchus c. 34. Parall.*

51. Pegaso imagines Dionysii ex Eleutheris civitate Bœotiæ in Atticam Regionem portante, Athenienses Deum neglexerunt, neque ut mos erat, cum pompa acceperunt. Quare Deus indignatus pudenda hominum morbo infestavit, qui erat illis gravissimus. Ab oraculo, quo pacto liberari possent, petentibus, responsum, ut cum honore & pompa Deum reciperent. Ex ea rerum privatim tum publicè lignea virilia thyrsis alligantes per eam solennitatem gestabant. *Natalis comes lib. 5. cap. 13.*

52. Japygum Duces Deorum imagines diri-

diripiebant è templis, cum dicerent potentioribus eos cedere oportere. Ea propter de cœlo percussi sunt telis & igni. Apparebant enim procul tela, quæ de cœlo mittebantur. Atque omnes eorum posterì in hodiernum usque diem, ad cutem detonsi, stolamque lugubrem gestantes vivunt, omnibus qui unquam fuerunt viris bonis rariores. *Athenaus lib. 12. cap. 7.*

53. Cum Ægnetæ Epidauriorum invassissent, & simulacra Damia & Auxesia Oleagina asportassent, quarum causa quotannis Epidaurii sacra Erichtheo Athenas ferre cogebantur (ea namque lege olearum potestatem Epidauriis concesserant) Epidaurii pactum solvere renuebant. Athenienses igitur ad statuas repetendas triremem in Ægniam miserunt, ut simulachra tanquam è suis lignis facta asportaret: Conati sunt igitur circumdatis funibus statuas in navim vi pertrahere. Sed dum trahunt, statuæ ingenua procubuère, & ex eo tempore semper eo gestu permanserunt. Interea cum tonitru terræmotus exitit, & remiges in amentiam versi, mutuis cecidere vulneribus, uno duntaxat cladis nuncio relicto, qui ad Phalerum se recepit. *Herodotus libro 5.*

54. Artabazus Persa, Pharnacis filius, à Mardonio 60. millibus præfectus, cum  
in tem-

in templum Neptuni & in ejus simulachrum, quod est in suburbanis Porideæ, impius fuisset, in obsidione urbis, æstu maris vexatus, & obsidionem solvere coactus, cum in Pallenum cum exercitu concederet, æstuatione maris magnam copiarum partem amisit. *Herodotus lib. 8.*

55. Pub. Scipio Africanus minor, cum Carthaginem militibus diripiendam concessisset, Quidam Apollinis templum ingressus, ejus simulachrum aurea veste indutum, spoliare tentavit. Qua re indignatus Apollo id egit, ut sacrilegæ manus inter fragmenta vestis & fimbrias à corpore abscissæ reperirentur. *Valerius Maximus l. 1. cap. 2.*

56. Aulide convenerant Græci, ad Trojam navigaturi. Agamemnon longius ab exercitu progressus, conspecta circa lucum Dianæ caprea, ignarus religionis, quæ in eo loco erat eam jaculo transfigit. Non multò post ira Dianæ exercitum lues invadit. Mulier quædam Deo plena, Dianam ob necem capreæ, qua maximè lætabatur, sacrilegii pœnas ab exercitu expetere, nec leniri, priusquam autor tanti sceleris, filiam natu maximam victimam immolâisset, asserit: &c. *Dictys lib. 1.*

57. *Panocrates Arcadicus in inscriptis Marinis operibus, narrat, pompilum piscem,*

cem, quem & Nautilum dicunt, non Neptuno solum haberi in precio, sed ab omnibus etiam Diis, qui sunt in Samothracia. Cum aureum adhuc genus hominum viveret, Epopeus, ex insula Icaro, cum piscaretur una cum filio, nullumque alium piscem caperet, præter pompilos, ab iis edendis non abstinuit, sed omnes cum filio unâ comedit. At paulò post pœnas luit suæ impietatis. Nam cepe ad navim accedens, Epopeum in conspectu filii sui deglutivit. *Narrat præterea Pancrates*, quod pompilus est Delphinis inimicus, quodque mechi impunè habent, ubi pompilum comederint, nam inutiles facti, perturbatique postquam comederunt, ad littora undis projiciuntur, mergisque ac fulicis fiunt esca. *Athenæus libro 7. cap. 7.*

58. Hominem quendam ajunt sacram pecuniam; quam in fano Delphici Apollinis compilasset, abdidiſſe in ea Parnassi parte, quæ maximè esset sylvestribus arboribus condensa. Lupum verò in dormientem impetu facto, illum occidiſſe, ac deinde quotidie cum ululatu solitum intrâ urbem penetrare. Id cum non nisi divinitus fieri existimare Delphi cœpiſſent, feram secuti, aurum sacrilegio ereptum reppererunt, & ad rei memoriam, lupum ex ære dedicârunt Apollini. *Pausanias lib. 10.*

59. Sambicus quispiam Eleus, unâ cum  
 Y sociis



sociis aliquot, non paucas apud Olympia æreas statuas concidit, vendiditque. Deinde maiora etiam ausus, Dianæ prætidis templum diripuit. Est enim illius in Elide templum, quod Aristarcheum nominant. At ille mox comprehensus, dum socios prodere recusat, annum perpetuum exquisitis cruciatibus dilaceratus est, inter quos etiam animam efflavit. *Plutarch. in problemat. Græc.*

60. Philomelus, qui primus Phocensium Delphicum fanum occupavit, à rebus sacris, quarum necessitas permisit, manus continuit. Sed qui ei successit Onomarchus, multum de pecunia in belli sumptus est. Tertius Phayllus, frater Onomarchi, non pauca munerum, quæ in templo fuerant consecrata, ad pecuniam signandam conflavit, ut conducto militi stipendia exolveret. Dicatos siquidem à Cæsare Lydorum Regelateres aureos centum viginti, quibus pondus erat talenta bina, acceptos pro conficiendis nummis disjecit, pariter & aureas trecenta sexaginta phialas binis minis expensas, leonisque & fœminæ signa aurea, ut ea omnia auri talentis & triginta æstimata fuerint, redactisque omnibus quæ ex auro erant conflata, ad argenti rationem talenta quatuor millia perficerentur. E rebus autem argenteis, quæ tum à Cræso, tum ab aliis fuerant consecratæ, Duces omnes absum-

sumpserant, ad summam talentorum supra sex millium: ut auri argentique totius ratione inita, talenta essent plus decem millibus. Sed hi omnes suæ impietatis & contemptus Dei graves pœnas dederunt. Philomelus enim contra Bœotos sacrilegii vindices pugnans, multis affectus vulneribus, in locum quendam præruptum, & unde non facile posset evadere, inclusus, supplicia, quæ nonnunquam in captos edi solent, timens, se illinc præcipitem dedit, & ad eum modum persoluta Deo pœna debita, extinctus est. *Diodorus lib. 16.* Onomarchus, à Philippo Amyntæ filio acie fusus, ad triremes Atheniensium litus legentes adnatans, in mari interfectus est. Phayllus longa tabe absumptus. Qui verò post omnes eos quicquid in donariis reliquum erat corripuit, Phalæcus, in variis magnisque periculis & timore vitam longam satis duxit, non quo sors ejus melior quam cæterorum sceleris impii sociorum esset, sed ut longiori tempore cruciatus, multisque ex sua miseria notior factus, insigniorem celebratamque magis calamitatem subiret. Variis agitatus erroribus, dum in Creta Cydoniam oppugnat, fulminis incendio periit.

61. Q. Fulvius Flaccus impunè non tulit, quòd in censura regulas marmoreas ex Junonis Lacinia templo in ædem Fortunæ

equestris, quam Romæ faciebat, transtulit. Negatur enim post hoc factum mente constitisse, quin etiam per summam ægritudinem animi expiravit, cum ex duobus filiis in Illyrico militantibus, alterum decessisse, alterum graviter audisset affectum. Cujus casu motus senatus, tegulas Locros reportandos curavit. *Valerius lib. 1. cap. 2. & Livius lib. 42.*

62. Persæ, Xerxis ductu, ubi Delphos spoliandi animo templum celeberrimum pervenere, magna rerum miracula sunt eorum oculis oblata. Nunquam mali Dæmones, quorum haud dubie fuit domicilium illud majorem hominum capturam sibi oblatam videre, quam cum ea tempestate, Xerxem & totum orbem, quem ille secum trahebat, novæ licebat superstitioni addicere. Duo scopuli ex Parnassi vertice repente concussi, in subjectos hostes devoluti, multos subeuntium obtrivere. Fulmina adhæc de cælo cum fragore dejecta, & sacra arma sua sponte è penetralibus mota, vociferatioque ex proximo Minervæ providæ templo exaudita, subitam Barbaris consternationem iniecit, ut præcipites se inde, quasi furore perciti, per declivia montis ejecerint, in quos Delphii saxa & tela torquentes, stragem ediderunt insignem. Hisque phantasmatum arnabagibus templum inviolatum

latum mansit. *Trogus* quatuor millia hominum Delphos venisse ait, quæ manus tota sit fulminibus, sædaque tempestate consumpta, ac tum demum palam factum, quanto major offensa esset Deorum quàm hominum, tantò præsentio rem pœnam gravio remque sequi oportere. *Diodor. lib. 11.*

63. Theron Rex Hispaniæ citerioris, cum ad expugnandum Herculis templum, quod apud Gades est, ageretur furore, instructo exercitu navium, Gaditani ex adverso venerunt, provecti navibus longis, commissoque prælio, adhuc æquo Marte consistente pugna, subito in fugam versæ regiæ sunt naves, simulque improvise igne correptæ, conflagraverunt. Paucissimi qui superfuerant hostium capti, indicaverunt apparuisse sibi leones, proris Gaditanæ classis superstantes, ac subito suas naves immisis radiis, quales in Solis capite pinguntur, exustas. *Macrob. lib. 1. cap. 20.*

64. Scythæ finibus suis egressi, cum Ascalone in Palæstina Veneris Uraniæ templum essent deprædati (erat autem fanum vetustissimum) Dea & ipsis, & eorum liberis immisit muliebrem morbum, quem illi, quos Scythæ vocant Enareas; curare tantum possunt. Asiæ imperio 28. annis potiti, tandem à Cyaxare Medorum Rege convivio excepti, inter pocula ex composito

trucidati fuerunt. *Herodotus lib. 1.*

65. Alexander, Philippi Macedonis filius, cum Miletum Joniæ urbem munitissimam oppugnasset, ejus milites in Cereis templum spoliantes irruerunt. Sed Milesia Ceres factum ulciscens flammam objecit, quæ spoliantium privaret oculos. *Valerius lib. 1. cap. 2.*

66. Fanum Proserpinæ apud Locros multa religione insigne Pyrrhus Epirotarum Rex ex Sicilia reversus, cum Locris præterveheretur, hostiliter spoliavit, perderisum inquires: Intempestiva religio superstitio est, & opes cogere sine labore prudentia. Postridie verò quàm id sacrilegium perpetrârat, classe fœda tempestate jactata, omnes naves, quæ sacram pecuniam habebant, Italiæ sunt litoribus impactæ. Quacade territus, conquistam pecuniam in pristinos Deæ thesauros reponi jussit. Nec illi postea quicquam prosperè evenit: Multis adversis casibus jactatus, postremò Argos ingressus infelicitè periit. *Suidas & Livius lib. 9. secundi belli Punici.*

67. Himilco Carthaginensium Dux, cum tota ferè Sicilia in suam redacta potestatem, Syracusâs obsideret, templa spoliavit cætera, imprimis verò Cereris & Proserpinæ fanum. Dumque stationem cingere, muroque obducere castra studet, omnia propè pro-

pè proxima operi sepulchra demolitus est ad murum educendum, in quibus Gelonis & ejus conjugis Demaretæ monumenta, miro opere olim extructa. Sed hujus sacrilegii, impietatisque in Deos insolentius commissa, brevi post meritum supplicium pendit. Mox namque res ei in pejus cedere, cuncta fieri deteriora cœpta, cumque deinde Dionysio paulatim audacia cresceret, crebrisque lacessere excursionibus, & eruptionibus levibus conferere manus assuesceret, ex omni semper congressu superiores redibant. Excitabantur etiam crebrò per stationem medio noctis silentio, vani tumultus inter milites, subitque terrores, quibus ad arma frustra, causa quæ id moveret incomperta, currebat, miscebanturque trepidationibus castra. perinde ac hostes vallo irrumpere cernerent. Pestilentia in loco palustri ferventissima æstate obsidentes invalit Apros, quæ ad 150. millia absumpsit. Ea occasione usus Dionysius, classem illorum incendit, & ad eam necessitatem redegit, ut 300. talentorum mercede sibi & Carthaginensibus tutum abitum, relictis & proditis sociis, à Tyranno mercari cogeretur. In patriam reversus, expolitam opprobrio omnium vitam egit, eoque infelicitatis processit, ut in tenuissima tunica suam arguens impietatem, confessamque scelorum in Deos, pœnam numi



mini exhibens, urbis templa circuiret. Denique desperans, mortem sibi ipse conscivit; ingentem violatæ religionis formidinem civibus relinquens. *Diodorus lib. 14.*

68. Cum esset Delos totius olim Græciæ emporium, eaque sola religione munita, contra omnes omnium injurias incolas tueretur, exortus est Menophantes quidam Mithridatis copiarum dux, qui vel suapte insolentia, vel Regis imperio impulsus in insulam, tum murorum, tum armorum præsidio carentem, cum classe invasit: ubi omnibus cæsis, direptis, compilatis, atque etiam sub corona venditis, ipsam tandem urbem solo æquavit. In ea populatione Apollinis effigiem, petulanter sede sua motam, in mare abjecit: ea maris æstu in Bœotorum in Laconia fines delata, loco nomen dedit Epidelium. Verum Dei iram neque Menophantes, neque Mithridates ipse effugit. Non multò enim post Deli calamitatem, cum in altum proveheretur, qui ejus manum effugerant, negotiatores hominem occiderunt. Mithridatem verò coëgit Deus ipse manus sibi consciscere, cum amisso jam regno, à Romanis huc illuc pulsus, nuspiam posset consistere. Sunt qui illum dicant, ab uno de Barbaris mercenariis magni beneficii loco impetrâsse, ut se conficeret. *Pausanias in Laconicos.*

69. Cum

69. Cum Achæi supplices è templo Neptuni, quod erat in urbe Helice, per vim abstractos trucidâssent, ingens terræ ac repentinus motus, non ipsa tantum mœnia, & ædificiorum superficiem subvertit, sed urbis etiam totius aream ita obruit, ut ne vestigia quidem ulla posteris agnoscenda relinquerentur. *Accessisse & alteram hujuscemodi cladem memorant.* Maris eluvione & hycme anni Helicen totam circumquaque incinctam, ipsumque Neptuni lucum ita inundatione ea obrutum, ut vix summa extarent arborum cacumina. Quo factum, ut repentè cum terræ motione violentissima, tum verò effusius maris æstu stagnante, urbs tota cum omni civium numero pessum ierit. Olympiad. 191. anno quarto. *Pausanias in Achaicis.*

70. Lacedæmonii cum in Ilotas sævisissent, qui supplices in templum Neptuni Asphalii, id est, tuti, ut inquit Suidas, quod ad Tænarum est, evaserant, Sparta tam vehementibus, tamque crebris terræ impulsibus concussa est, ut nulla propè domus ruinæ expers fuerit. Ex universa urbe, quatuor solum ædificia relicta. *Pausanias in Achaicis, & Ælianus lib. 6. variae historiae.*

71. Cum Sybari Cytharædus caneret in certamine, quod in honorem Junonis erat

institutum, inter Sybaritas propter eum est orta contentio: cumque mutuò ad arma venirent, citharædus cum ipsa stola ad aram Junonis confugit. At illi ne in isto loco quidem manus a citharædo abstinuerunt. Paulò verò pòst videbatur in Junonis templo scaturire sanguis, non secus quàm ex perenni fonte. Sybaritæ autem, cum Oraculum Delphicum consultum misissent, tale responsum acceperunt:

*Cede meis mensis, manibus nam sanguis  
adharens,*

*Destillansque recens, prohibet tibi limi-  
na templi.*

*Non tibi fata canam: magna Iunonis ad  
aram*

*Musarum innocuum stravisti cade mini-  
strum.*

*Non immortales hoc Dii patientur inul-  
tum.*

*Si quis enim prudens scelerata è mente  
profectum*

*Committat facinus, gravis hunc pondè  
pœna sequetur.*

*Non exorabit, neque si genus ab Iove  
summo*

*Duceret, ipse suo collo, collisque nepo-  
tum*

*Hoc luet, & generi cumulatim damna  
sequentur.*

Neque

Neque ultio tardata est. Cum enim adversum Crotoniatis bellum gererent, subacti sunt ab illis, & civitas eorum eversa est. *Ælianus lib. 1. de var. histor.*

72. In monte Halesio, propè Mantineam, templum fuit Neptuni equestris, quernis tabulis à Trophonio & Agamede extructum, non obicis alicujus oppositu, sed laneo duntaxat funiculo obtenso, cui occulta vis ad homines arcendos inerat, ab aditu prohibens. In hoc templum nullus unquam intravit, præter Æpytum Arcadiæ Regem, qui filio conscisso, ubi primum templum intravit, marinæ aquæ è sacris scatebris erumpentis vi subita excæcatus, neque multò post suo oppressus est fato. Adrianus Imperator cum illud reedificaret, speculatores adhibuit inter fabros, ne quis intravertus templum aspiceret, aut ruderis ex eo quidquam sineret aliò transportari. *Pausanias in Arcadicis.*

73. In Lycæo monte Arcadiæ area est Lycæi Jovis, quò hominibus non est accessus. Si quis loci religione contempta introierit, necesse omnino est intra annum eum è vita excedere. Mirum est etiam quod ajunt, tam homines quàm bestias, quæ fortè intra ejus loci ambitum se immiserint, nullas è corporibus suis umbras reddere. Ac feras quidem venator illuc confugientes non

consequitur, sed foris consistens, nullam fanè umbram ab eis mitti animadvertit. Ea certè anni parte, qua Cancer solem gestat, Syenæ quæ Æthiopiæ urbs est, nullæ è corporibus umbræ se ostendunt, verum in Lycæo hoc nulla non anni parte contingit. *Pausanias in Arcadicis.*

74. In Cerynea oppido Achaja Eumenidum fanum est, dedicatum ab Oreste tradunt. Huc si quis vel cæde, vel quovis incesti, aut impietatis genere pollutus intrarit, spectandi causa, statim eum mente capi diris terroribus exagitarum credidère. Quare omnibus etiam aliò contendentibus templi aditu interdictum. *Pausanias in Achaicis.*

75. Cum Cereris nemus Eriſichthon quidam Theſſalus excidisset, illi Ceres perpetuam famem immisit, fecitque ne unquam posset cibo saturari. Hic filiam habebat Meſtram nomine, veneficiorum peritissimam, quam in varias animalium formas mutatam frequenter vendebat, quæ paulò post effugiens, rursus ad patrem priore forma recepta redibat, itaque pro suis viribus paternæ fami opem ferebat. Postremò ad tantam famem redactus est, ut sua ipse membra corroserit. *Natalis comes Mythol. libro 5. cap. 14.*

76. Cambyſes Perſarum Rex, cum ad Thebas

Thebas Ægyptias usque pervenisset, quinquaginta millia ad Ammonios diripiendos misit, & ut Oraculum Jovis Ammonis incenderent præcepit. Cum igitur septem dierum itinere per arenas processissent, & inter Oasim urbem & Ammonios pranderent, validus Auster ingestis arenæ cumulis totum oppressit exercitum. Ipse cum reliquo exercitu contra Æthiopes Macrobios profectus, cum vix quintam itineris partem confecisset, commeatu destitutus, Memphim rediit. Ubi cum propter Apis apparitionem festum diem agerent Ægyptii, ratus id fieri in suam contumeliam, quasi pro rebus malè gestis ei insultarent: sacerdotes & Ægyptios feriantes interfecit, Apim vulneravit, ex quo vulnere postea contabuit. Mox fratrem Smerdem, & sorores germanas interfecit, dignas scelerum suorum pœnas luens. *Herodotus libro 21*

77. Persæ Anaëtorium templum Cere-  
ris in Eleusine concremârunt. Mox cum ad  
Platæas victi essent à Græcis maxima cla-  
de, ne unus quidem Persarum visus est in-  
trâsse fanum Cereris, quod ibi erat, neque  
circa templum occubuisse: quasi Dea arce-  
ret eos, qui fanum suum diripuissent. *Hero-  
dotus lib. 9.*

78. *Suidas commemorat*, Anagyra-  
sion quendam genium fuisse, sic à loco



Atticæ Anagyro cognominatum, qui senem vicinum, quod lucum suum incidisset, hunc admodum ultus est. Senis concubinæ insanum quendam amorem immisit in illius filium, quæ cum adolescentis animum pellicere non posset, eum ultrò apud patrem detulit, quòd sese de stupro non desineret interpellare. Pater persuasus à muliere, filium è tectò præcipitem dedit ac interemit. Deinde facti pœnitens, semetipsum laqueo præfocavit. Postremò mulier sese in puteum dejecit. *Hujus rei citat authorem Hieronymum, in opere de Tragœdiarum scriptoribus.* Hinc proverbium;

*Anagrum commoves.* Erasmus.

79. Æsculapius consecratum templo suo lucum apud Coos, à Turulio præfecto Antonii, ad naves ei faciendas, magna ex parte succisum dolens, inter ipsum nefarium ministerium devictis partibus Antonii, imperio Cæsaris morti destinatum Turulium, manifestis numinis sui viribus, in eum locum quem violaverat, traxit, effecitque, ut ibi potissimum à militibus Cæsarianis occisus, eodem exitio, & eversis jam arboribus, pœnas lueret: & adhuc superantibus, impunitatem consimilis injuriæ pareret, suamque venerationem, quam apud colentes maximam semper habuerat, Deus multiplicavit. *Valerius libro 1. capite 2.*

*Laclan-*

*Lactantius libro 2. de Origine erroris capite 8.*

80. *Scribit Pollux Onomastici libro 5.* apud Athenienses *ὑπερβόλαι* virgines dici, hoc est, Dianæ, priusquam tempus appetat nuptiarum, consecrari, initiarive. Decreto namque sancitum Atheniensium erat, ne qua viro puella traderetur, *εἰ μὴ ὑπερβόλαι τῇ θεῇ*, id est, nisi sacra obiisset Dianæ. Quod mense Januario fieri consuevisse, *indicat Libanius in oratione, quam de Diana laudibus dixit.* Induebantur autem veste, quam Crocotam nominant, nec decimo ætatis anno grandiores, nec quinto inferiores. Iis autem placari credebatur Diana, quæ causa ejusmodi indignationem concepisse videatur. Ferunt quandoque ursam feram in Atticâ ita cicurem factam, ut homines nihil aversaretur omnino, sed compascere, multaue licentia huc illuc, nemine impedimentum inferente, pervagaretur. Contigit puellam quandam lasciviusculè cum bellua colludere, quæ irritata, puellam facto impetu proscidit. At fratres rem intuiti, ac commoti acrius, ursam jaculis impetitam necârunt. Ex qua causâ, pestilens morbus latius per regionem grassari cœpit. Consultis oraculis, respondit Deus, mali non defuturum finem, nisi virginum nonnullas compellerent, *τῆς τελευτησίης ἄρχῃ*

ἀρχὴ δόξης, id est, ur̄sæ peremptæ honori Dianæ necari. *Calius lib. 26. cap. 19.*

81. Apud Tanagræos Bœotos est templum Mercurii Criophori dicti, eò quòd pestilentiam Mercurius averterit, circumlato in murorum ambitu ariete: obeamque rem Mercurium Tanagræis Calamis fecit arietem humeris portantem. Qui sanè pueribus cæteris forma præstare iudicatus fuerit, is festo Mercurii die agnum humeris portans muros circumambulat, quod præsentissimum contra pestem remedium fuit. *Pausanias in Bœoticis.*

82. Octavo anno regni Numæ, pestilentia, quæ per Italiam vulgabatur, urbem quoque Romanam vastabat. Percussis civibus, *tradunt* peltam æneam in manus Numæ cœlitus delapsam. De hac mira prædicasse Regem, ex Ægeria se & Camænis accepisse: esse ea arma ad salutem urbis missa, & servanda cum undecim aliis, quæ pari figura, amplitudine, & forma facienda erant, ne quis fur commodè propter similitudinem intervertere cœlestia valeret. Camænis item eum consecrandum campum, & circumjecta prata, ubi plerumque cum ipso congregiebantur: fontem quo irrigatur campus, sacrandum virginibus vestalibus, cujus aqua lustrarent & aspergerent quotidie penetralia. His fide in factam narrant ex eo, quòd

quod morbus statim conquieverit. *Plutarchus in Numa.*

83. Æsculapii fanum Naupacti à fundamentis olim erexit vir privatus Phalysius. Ei aliquando graviter ex oculis, & ferè usque ad cæcitatem laboranti, qui Epidauri colitur Deus Anyten misit nobilem versibus faciendis fœminam, cum tabulis obsignatis. Eas per visum in quiete mulier sibi accipere visa fuerat. Sed vero eventu res est comprobata. Tenuit enim manibus jam vigilans obsignatas tabulas. Naupactum igitur cum appulisset, jubet Phalysium amoto signo literas inspicere. Ille primò putare literas à se aspici non posse, qui oculis captus esset. In spem deinde erectus, salutare sibi fortasse aliquid ab Æsculapio apportari, tabulis resignatis, in ceras aspexit, & simul se oculorum calamitate levatum sensit. *Pausanias in Phocicis.*

84. Defuncto Sesoistre Ægyptiorum Rege, ejus filius (quem Herodotus vocat Vahronem) regnum capiens, assumpto patris nomine, nulla in re gloriam paternam est imitatus: sed eodem quo pater casu afflictatus est: oculis enim captus, sive propter communem patris naturam, sive ut quidam fabulantur, propter impietatem erga Nilum, in cujus alveum spiculum torsit, coactus est ad Deorum auxilium confugere, ac plurimo tempore

pore variis peractis sacris ad placanda numina, nulla ope adjutus est. Decimo post anno responso ei reddito, ut placato Deo, qui in Heliopoli coleretur, faciem mulieris inspiceret, quæ nullum nisi proprium nosset virum, ab uxore propria incipiens, cum multas expertus esset, nullam reperit incorruptam, præter hortulani cujusdam, quam visu restituto uxorem cepit, reliquas omnes in villa quadam vivas combussit. Quem locum postea Ægyptii Sacram glebam vocant. Deo autem Heliopolis gratias secundum oraculum acceptum reddens, duos crexit unius lapidis obeliscos, latitudinis octo, altitudinis cubitorum centum. *Diodorus lib. I. cap. 4.*

85. Hadriano Imper. graviter laboranti cum mulier quædam diceret, per quietem à Diis se monitam, ut eum hortaretur, ne sicut morbi tædio videbatur constituisse, se occideret, quoniam brevi valetudinem recepturus esset. Mulier ipsa, quia principis valetudo in tempore dictis non respondēbat, se excæcavit. Denuo etiam monita, ut Adriani genua oscularetur, & aqua quæ in templo erat, oculos lavaret, monita per quietem secuta, statim visum recepit. Similiter quidam à natiuitate cæcus, è Pannonia profectus, tacto Adriano, oculorum lumen affecutus est, & *Adria-*

Adrianus ad pristinam bonam valetudinem restitutus.

86. Uxorem quam duxit Amasis Rex Egyptiorum, alii volunt filiam fuisse Batti, filii Arcesilai: alii Critobuli, inter suos populares viri spectati, nomine Ladice, cum qua dum in thoro cubaret, concumbere non poterat, cum tamen aliis mulieribus uteretur. Id cum diu fieret, ad eam Amasis: Tu verò, inquit, uxor, beneficio me læsisti, ideoque nullo machinamento vales effugere, quominus inter omnes mulieres teterrima pereas morte. Ladice cum pernegando nihilo placatiorem redderet Amasim, vovit intra se Veneri, si ea nocte secum coiret Amasis, statuam Cyrenas se illi missuram. Concepto statim voto, coit cum ea Amasis ac deinceps quoties adiret, cum ea coibat, ac postmodum eam valdè dilexit. Et Ladice votum Deæ persolvit, facta statua, Cyrenasque missa, quæ ad Herodoti usque memoriam incolumis erat, extra urbem Cyrenensem posita. *Herodotus libro 2.*

87. Milo Epirota, cum hastam in Laodamiam filiam Pyrrhi coniecisset, quæ ad aram Dianæ, velut ad asylum confugerat, Dea vindicante, in furorem versus est, quo intra duodecimum diem periit.

88. Halicarnassæ, cum sacrificium quoddam Jovi Ascræo peragitur, gregem caprarum



prarum ad fanum adductum consistere, votisque absolutis, unam earum, nemine ducente, progressam ad aram accedere, qua sacerdos arrepta liter. *Apollonius de hist. mirab.*

89. In Bœotia Cereris Mycalessiæ templum occludi singulis noctibus, & aperiri ab Hercule putant. Præterea ad simulachripedes, poma omnia quæ fert autumnus, exponunt, ea quàm recentissima totum annum perdurant. *Pausanias in Bœoticis.*

90. Inter Tralles atque Nyssam vicusest Nyssaensium, non procul ab urbe nomine Achraca, ubi Plutonium est luo sumptuoso circumdatum. Item Plutonis ac Junonis delubrum, & antrum Charonium, natura admirabili, quod luo imminet. *Tradunt ægrotos*, qui horum Deorum curis vocant, eò proficisci, atque in vico specui vicino, apud sacrorum peritos immorari, qui pro eis indormientes, curas ex insomniis captant. Hi Deorum remedia invocantes, sæpe illos in antrum ducunt, ubi tanquam in caverna manentes, multos dies & jejuni & quieti exudant: nonnunquam ægrotantes, propriis insomniis intendunt, ductu & consilio sacerdotum. *Strabo lib. 14.*

91. Epidaurus Peloponnesi civitas, Æsculapii claritate nobilitata, quem varia morborum genera curasse scripserunt veteres.

res. Erat verò templum ægrotantium multitudi-  
tutine usquequaque refertum, penden-  
tibusque tabellis, in quibus sanati languo-  
res erant inscripti. Quemadmodum & in  
Coa fiebat insula, pariter & Trica. Sita urbs  
est in ipso Saronici sinus recessu intimo.  
*Strabo lib. 8. Idem Strabo scribit*, fanum  
Æsculapii insignis fuisse Tetrapoli, quæ ci-  
vitas ab Jonibus & Caribus habitabatur. E-  
rat id templum multitudine ægrotantium,  
& variis morbis laborantium plenum, &  
parietes pictis tabellis ubique tecti, in qui-  
bus scripti erant morbi & nomina eorum,  
qui ab illo Deo sanati essent.

92. In Daulia memorant Iliados Mi-  
nervæ templum, in quo alantur canes, qui-  
bus insitum planè sit, perinde ac ratione qua-  
dam, adventantibus subblandiri Græcis, Bar-  
baros autem, ubi se ostentarint, latratu in-  
sectari. *Celius lib. 23. cap. 30. Antiq.*

93. Romæ in Boario foro, ædes Her-  
culi rotunda præcipuæ admirationis, ad  
quam ferunt nec canes, nec muscas ingredi:  
Sicut Achillis ædem ante Borysthenem nul-  
la ales ingreditur. *Alexander ab Alexand.*  
*lib. 2. cap. 14.*

94. Apud Methonem Peloponnesi ur-  
bem Pallados fuit templum ἀνέμων, Dio-  
mede simulachrum dicante, quod ante id  
violentiores loca ea venti insigniter oblade-  
retur,

retur, haud tempestivè satis perflantes, qui  
mox fufis Deæ precibus defierint, nullum-  
que deinceps calamitatis genus incolis indi-  
dem enatum. Unde cognomentum Minerva  
est adepta, *Calius l. 20. cap. 24. Antiq. lect.*

95. Cum diuturna siccitate Græcia la-  
boraret, ac non minus reliqua, quæ extra  
Isthmum est, Græcia, quam tota Peloponne-  
sus, cœlestium aquarum penuria affecta es-  
set, missi Delphos sunt, qui ex Oraculo ca-  
lamitatis causam ac remedium cognosce-  
rent. Ibi respondit Pythia, Jovem placan-  
dum, utendum verò, modo ut velit obsequi,  
Æaco deprecatore. Ex eo itaque responso  
missi ex singulis urbibus ad Æacum, ut de-  
precationem susciperet, oratum. Ille panel-  
lenio Jovi sacris ritè peractis, & votis nun-  
cupatis, imbrium Græciam compotem fe-  
cit. Ad rei memoriam, legatis Æginetæ sta-  
tuas posuerunt. *Pausanias in Corinthiacis.*

96. Messene in gymnasio Aristomenis  
Messenii visitur sepulchrum, quod sanè esse  
inane, atque honoratium duntaxat, negant.  
Et si enim expugnata à Spartanis Era, exul  
mortuus est, tamen Pythii Apollinis jussu,  
ossa ejus in Patriam reportata fuerunt, &  
sacra instituta talia. Aræ destinatum tau-  
rum ad pilam non procul à sepulchro alli-  
gant. Is cum ferox, & vinculorum sit inso-  
lens, evadere conatur. Quod si dum trepidat  
& exi-

& exilit, pila moveatur, secundum id est Messeniis omen: sin prorsus immota ea pila steterit, calamitatem sibi aliquam portendi interpretantur. Interfuisse vero heroa Aristomenem Leuctricæ pugnæ 187. annis post ejus obitum, & auxilio Thebanis fuisse, & ejus maximè opera magna clade afflictos Lacedæmonios prædicant. *Pausanias in Messenicis.*

97. Apud Pachynum Siciliae promontorium, Apollo Lybistinus eximia religione celebratur. Nam cum Lybici invasuri Siciliam, classem appulissent ad id promontorium, Apollo, qui ibi colitur, invocatus ab incolis, immissa ab hostibus peste, & penè cunctis subita morte interceptis Libystinus cognominatus est. *Macrobius libro 1. capite 17.*

98. Cum Persæ ductu Xerxis ad sacellum Minervæ, quod est ante templum Delphicum, accederent, interea è cœlo fulmina in eos deciderunt, ut à Parnasso duo abscissi vertices, magno cum fragore sunt devoluti, permultosque eorum interceperunt. Atque ex ipso sacello Minervæ vociferatio jubilatioque extiterunt. Barbari fugæ se mandârunt. Delphi descendentes magnam eorum stragem edidere. Qui superfuere, rectâ ad Boeotios effugerunt, referentes, se duos vidisse armatos, humana natura angustiores sese

sefe insequentes. Hos duos Delphi ajunt indigenas Heroas esse, Phylacon, & Autonoum, quorum fana visuntur. Phylaci quidem, secundum ipsam viam, super ædem Minervæ: Autonoi verò prope Castaliam, sub Hyampeo vertice. *Herodotus lib. 8.*

99. Cum bello Sabino, quod virginum raptarum gratia commissum est, Romanam portam quæ sub radicibus collis Viminalis erat (quæ postea ex eventu Janualis vocata est) claudere festinarent, quia in ipsam hostes irruebant: postquam est clausa, mox sponte patefacta est. Cumque iterum ac tertio idem contigisset, armati plurimi pro limine, quia claudere nequibant, custodes steterunt. Cumque ex altera parte acerrimo prælio certaretur, subito fama pertulit fusos à Tatio Romanos. Quam ob causam ii, qui aditum tuebantur, territi profugerunt. Cumque Sabini per portam patentem irrupturi essent, fertur ex æde Jani per hanc portam magnam vim torrentium, undis scatentibus, erupisse, multasque perduellium cattervas aut exustas ferventi aqua, aut devoratas rapida voragine periisse. *Macrobii l. 1. Saturnal. cap. 9.*

100. Sunt qui in Apollonia in Jonico sinu sacrae Solis oves, quæ interdum secundum flumen pascuntur, quod è monte Lacmone per Apolloniatum agrum fluit in mare, juxta

juxta Oricum portum. Eas noctu stabulantes, in antro non procul ab urbe, custodiunt delecti viri, divitiis & genere inter populares suos splendidissimi, singulis annis singuli: quod ex Oraculo quodam Apolloniatae eas oves permagni faciant. Ibi Evenius quidam cum aliquando delectus ad custodiendas oves obdormisset, ingressi antrum lupi, circiter sexaginta oves jugularunt. Id Apolloniatae ubi acceperunt, adductum in judicium Evenium condemnaverunt, & quia vigiliam edormisset, visu privaretur: quem posteaquam excæcaverunt, mox eis neque pecora foetificavere, neque terra pro consuetudine fructum ferre. Erant autem illis pecora & in Dodona & in Delphis. Interrogati Prophetæ causam mali præsentis, responderunt causam esse, quia custodem sacrarum ovium Evenium iniquè luminibus orbassent: Deos enim immisisse lupos, nec prius ab illius ultione cessaturos, quàm ei satisfecissent ex iis, quæ in eum perpetrassent, prout ipse sibi suo arbitrio satisfactum putaret. His perfectis, Deos postea daturus tale donum, quod habentem plerique hominum putarent beatum. Hæc Oracula Apolloniatae silentio suppressantes, quibusdam è civibus exequenda delegaverunt. Isti hunc in modum putaverunt exequenda Evenium in statione sedentem adeunt, eique assidentes aliis de rebus



verba faciunt , donec deveniunt ad miserandam hominis calamitatem. Ita introducta ejus rei mentione , percontantur , quam multam optaret , si eam vellent pendere Apolloniatae. Hic qui Oraculum non audisset , se optare dixit duo praedia civium , quorum matrimonia omnium Apollonitarum putabat esse pulcherrima , & praeterea domicilium , quod sciebat in urbe esse optimum. Assensere statim cives , & Oraculum , quod acceperunt , narrarunt , eaque praedia à dominis mercati , Evenio dedere : Qui mox deinde à Diis divinationem obtinuit , unde celeberrimus evasit. *Herodotus lib. 9.*

101. Pilappii extremam Scandinaviae peninsulae partem ad mare glaciale inhabitant. Hi nec agros colunt , nec ullum animal alunt , praeter Tarandum , quo utuntur pro jumento , tempore hyemis , quando congelatae aquae constiterunt , & omnia obriguerunt frigoribus. Vivunt ex venatione & piscatione , & coluerunt haec pro Diis ligna & lapides. Ituri venatum aut piscatum , aut aliquid aliud incepturi , praemissis quibusdam adjurationibus , suos Deos , quos consulunt , tentant loco movere. Hi si facile sequantur , annuntiant instituto , & successum promittunt : Si renitantur , successus negant : Si omnino moveri se loco non patiantur , offensos se ostendunt. Tales ergo sacrificio  
pla-

placandos existimant, quod in hunc modum instituunt. Tympanum habent æneum, in quo depicta sunt ea quadrupedum, avium, & piscium genera, quæ ipsis non est difficile consequi. Habent & ranam æneam, ferreæ perticæ annexam, quam in medium tympani ad perpendiculum defigunt. Postea adjurationibus editis, pulsant tympanum, ad cujus sonitum desilit rana in depictorum animalium aliquod. Illud animal cujus effigiem petiit rana, mactant Dîs. Caput suspendunt ab arbore, quam sacram habent. Reliqua coquunt, & amicis adhibitis consumunt, seque illo omnes perfundunt jure: cum quo hostia decocta est. Talibus peractis sacris, succedere quæ moliuntur & parant, experimento sese didicisse ajunt. *Olaus.*



De Mirabilibus Satanæ præstigiis, ludibriis & imposturis, ad stabiliendam & confirmandam Idololatriam de adoratione & invocatione Sanctorum mortuorum, cultu statuarum sive imaginum, & ad confirmandum commentum de purgatorio, &c. juxta vaticinium S. Pauli Apostoli, 2. Thess. 2.

1. **T**heodosius Imperator suspectum habens falsi criminis Johannem Damascenum Monachum, quod Persis, apud quos captivus fuerat, proderet Imperii arcana, abscissa manu eum multavit. Ad ea D. Virginis ope palam restituta est, ut ante erat, licet Ecclesiæ valvis affixa fuisset per multos dies. *Fulgosus lib. 1. cap. 6.*

2. Nice-

2. *Nicephorus lib. 15. cap. 23. narrat.*  
 archisynagogum Judæorum quendam Constantinopoli cum pueris duobus, in tumultu concitato sub Leone Imperatore, perinde atque is autor ejus esset, comprehensum, & crudeliter à viro consulari excruciatum, inter tormenta varia vociferâsse; O Deus Sancti Sergii adjuva me! Sancte Sergi, tu nosti. Judices fingere hæc Judæum suspicati, ad ignem eum condemnârunt. Sed in media flamma equites duo candidis induti stolis apparentes, horis multis illum ab igne intactum conservârunt. Multitudo postremo in flammam insiliens, hominem inde eripuit.

3. Cum Levinæ virginis corpus anno 1058. per vicos & castella Flandriæ maritimæ circumferretur, paralytici, surdi, claudi, & aliis morbis detenti, subito sanati sunt. Duo itidem cerei vento extincti, ubi ad ossa perferrentur, ipsorum vi accensi sunt. *Jacobus Meyer, ex scriptis Dogonis tunc temporis Morinorum Episcopi.*

4. Ad sepulchrum Martini IIII. Pontificis bellicosi satis, multi valetudinarii delati, multi cæci perducti, multi & claudi, pristinam valetudinem recepêre. *Platina.*

5. Currus quo corpus S. Ladislai Ungariæ Regis defuncti ferebatur, custodibus

dormientibus, & jumentis pascentibus, sine ullo impulsu, Varadinum usque tanta celeritate pervenit, ut neque custodes eum assequi, neque quisquam remorari posset. Dum sepulchro mandatur, os cujusdam, qui scelerare illud dixerat, in tergum ita retortum est, & mentum in humeris hæsit, ut nulla arte in integrum restitui posset. Sed cum vociferaretur, peccavi in sanctum Principem, sancte Ladislæ, miserere mei, & supplici veneratione iratum sepulchri numen placaret, mentum in suum locum reductum est. *Bonfinius lib. 4. Decadis. 2.*

6. Adelberti Pragensis Episcopi in Livonia ob Christum occisi digitum, quo inter prædicandum usus sæpe fuerat, in Vandalum amnem projecerunt carnifices. Projectum piscis absorbit. Absorptus in facis speciem, in ventre piscis illuxit. Piscatores hoc edocti portento, mira industria ceperunt piscem, in exenterati ventre Adelberti digitum facis more lucentem invenere. *Idem lib. 1. Decadis secunda historia Vngar.*

7. Genarius Beneventanus Episcopus, Neapoli pro Christi fide capite mulctatus est. Diversis templis condita caput, sanguisque ejus ampulla conclusus. Quo die per urbem solenniter feruntur, sanguis qui in pilam induruit, cum in caput incidit, liquefcit totus in ampulla, non aliter, quam cum pri-

primum cæso capite ex martyris corpore defluxit. Cum autem à capite disjungitur, in sphæricam formam, ut antè erat, durefcit. Id etfi fatis patet, nos tamen ut certius rem intelligeremus, eorum qui in re præfenti fuerunt, intentisque oculis diligentes fefe fpectatores præbuerunt, testimonium habere volumus. *Fulgofus lib. 1. cap. 6.*

8. Valens Imperator Arianus, cum transferre Constantinopolim Johannis Baptiftæ caput vellet, currus cui impositum erat, moveri loco nunquam potuit: itaque omittere coactus est opus, quod fufceperat. Hoc autem ipfum caput poftèa facillimè à Theodofio orthodoxo perlatum fuit. *Fulgofus lib. 1. cap. 6.*

9. Othonis & Philippi Imperatorum bello, Coloniam vifa fuit in templum redire undecim millia virginum, trium Regum corpora, ab Abbatia Fuldenfi ex Thuringia, quò à Colonia fuerant translata. Manè enim dum nocturni Pfalmi cantarentur, Abbas monachique ejus Monafterii egredi templo corpora ipforum trium perfpexère Regum, quæ haud multò pòft Coloniæ in templo, ubi antea erant, fuerunt inventa. *Idem Ibidem.*

10. Cum Johannes Eleëmofynarius efset feptultus, Mulier quædam per triduum feptulchro affidens, continuo fleuit, propterea



quòd tradidisset ei schedam, in qua grande peccatum ei aperuisset: indeque metueret, ne illa ad alienas manus deveniret, ut facinus fieret manifestum. Ibi Eleëmofynarius apparuit mulieri, reddiditque schedam ob-  
signatam, cui deleta priori scriptura, ita erat inscriptum, propter Johannem servum meum, deletum est peccatum tuum. *Metaphraſtes in vita ejus.*

11. Conradus quidam Germanus sce-  
rum pœnitens Romam venit. Hildebran-  
dus Pontifex lorica loco interulæ illum  
ferre jubet, quinque catenis ligat, literas pec-  
catorum Catalogum continentes obſignatas  
dat, loca ſancta totius orbis obire præcipit,  
ſicubi veniam exorare, & peccatorum remis-  
ſionem conſequi poſſet. Paret ille, & diu  
multumque vagatus, ne Hieroſolymis qui-  
dem prætermiſſis, in Ungariam tandem ve-  
nit, & ſancti Stephani Regis ſepulchrum in  
Alba Regali accedit. Quum à prima hora  
diei ad nonam uſque obſecrationibus incu-  
buiſſet, ante aram gravi ſomno correpto, Di-  
vus Rex apparet, Surge mox, inquit, amice,  
ne meis quidem meritis opeve apud tribunal  
Dei veniam impetrabis Sed filii mei Eme-  
rici monumentum, quod juxta eſt, adito, qui  
præ virginitate ſua præcipuam apud Deum  
gratiam promeruit. Ille ſomno experrectus,  
exorat Divi nomen, & opinione celerius  
vin-

vincula, quibus erat obstrictus, undique disrupta concrepuere. Pugillares rescisso sigillo spontè patuere, in quibus nullum peccatum, ne minima quidem litera inspicere poterat. Ex eo postea huic sacello tantum Religionis accessit, ut è remotissimis regionibus homines confluerent. *Bonfinius lib. 1. Decad. 2.*

12. Anno circiter tertio post cladem ad Nicopolim à Turcis acceptam, Sigismundo imperante, cum multi in eum campum descenderent, emissam inter ossa subinde vocem exaudire, JESU CHRISTI Salvatoris, & Mariæ virginis nomina resonantem. Loquax inter cadavera caput inveniunt. Quod, ubi homines sibi adesse novit. Quid tam, inquit, stupidi hic statis viri? Christianus ego sum, in expiatus, inconfessusque in hoc bello incubui. Maria mater me æterni supplicii reum esse non patitur, hic me adhuc linguæ compotem servavit, & ut delicta fateri, & animum sacris Apostolicis lustrare queam: Proinde Sacerdotem, qui confessionem exaudiat, & me expiatum reddat, accersite quæso. Rogatus, qui tantum à Virgine beneficium promeruisset? Respondit Peculiare in vita sibi id fuisse numen, septena quotannis in vita sua festa reverentissimè celebrasse, religiosissimisque jeuniis ex pane duntaxat & aqua decorasse, sacris fuisse quàm studiosissimè operatum, illi

tantum Numini cunctas animi vires dedicasse. Accersito è pago proximo sacerdote, confessionem ritè transegit, & impetrata erratorum omnium remissione, acceptaque novissima lustratione, repente conticuit, perpetuoque quievit. *Bonfinius lib. 3. Decad. 3.*

13. Mercurius quidam Ungarus basilicæ Albenſis ædituus, quum Ladislaus Rex imperasset tumulum divi Stephani aperiri, ne quid è reliquiis subtraheretur, cum plerisque aliis procul amotus, tristi vultu in sacrum chorum se recepit, valde mœrens, quòd sanctissimum corpus neque videre, neque osculis attingere potuisset. Tum juvenis quidam intempeſta nocte coram adſtitit, forma incredibili, liberali facie, candidissimoque habitu, nescio quid byſſo involutum deferens: Accipe, inquit, Mercuri, quod optaſti, & hoc donum preciosissimum, quod tuæ fidei committitur, commendatissimum habeto, asservatoque diligentissimè, & cum tempus dabitur, ipse depromito. Nocturnis sacris ritè peractis, Mercurius petita latebra, rem traditam explicat, sancti Regis dexteram & anulum invenit. Mox ad Carpathii montis radices secedens, qui Transylvaniam ab Ungaria dirimit, cœnobium quoddam ligneo opere confectum gubernaturus, dexteram neque sibi neque alii credere audens, terræ infodit, & quotidianas ex Monachis

nachis excubias instituit, ne quo modo surripi posset. Demum id ex ordine Ladislao Regi aperuit. Cujus edicto, habito Pontificum conventu, solennis dies Regiæ dextræ decernitur. Quam universo collegio sacerdotum offensam basilicæ Rex intulit, eamque splendide instauratam, multis redivitibus donavit. Anno Salutis 1078. Abbatiam Regiæ dextræ nunc appellant. *Bonfinius lib. 1. Dec. 2.*

14. Dum octavam nativitatis B. Mariæ aliquando Bruno Hildesianus Episcopus solennem ageret, in templo ipsi videndam se præbuit Maria. Quam ingenua procidens Episcopus sic compellavit: O cæli Regina, quid ex sublimi ad me miserum homuncionem venire dignata es? Cui illa respondit: Ex animo lætor, quod te autore, mea Nativitatis memoria tanta celebritate peragitur, unde & singularis meo filio honor emergit. His dictis, in tenues auras evanuit. Hinc deinceps octava Nativitatis Mariæ maximè sacra haberi cœpit. *Chron. Saxon.*

15. Anno 1495. Nicolaus Sigismundi Quinqueecclesiensis Episcopi quæstoris familiaris, Buda ad Regem Uladislauum properans, in villa cui Solita nomen est, magna in aëre luce, cum ingenti fragore oculis auribusq; suis objecta, repentè rei novitate exterritus, in terram procubuit, suspiciensq; inde in cælum, B. Virginis speciem cum filio,

nimbo fulgentissimo circumfusam per aëra  
descendentem, & Budam versus cursum in-  
tendentem vidit, idque ipsum statim Boën-  
no cuidam & uxori ejus hospiti, & aurigæ  
suo venerabundus ostendit. Is erat dies, qui  
Deiparæ virginis conceptioni dicatus, quem  
postea semper Ungari religiosius coluerunt.  
*Bonfinius lib. 5. Decad. 5.*

16. Sarolthæ, Ungarorum Ducis Gei-  
sæ conjugii dormienti, cum uterum gereret,  
Stephanus Protomartyr apparuit, eamque  
his verbis affatus est: Confide in Domino  
JESU CHRISTO, mulier, & ex me divino  
mandato sic habeto te propediem scitum  
fortunatumque puerum edituram, cui Pan-  
nonici Regni debetur diadema: actalis is  
vir erit, qualem nunquam deinceps visura  
est Pannonia. Demum inter Divos ipsi lo-  
cus erit. Et cum ego Stephanus sim Proto-  
martyr, qui nunquam non ei adero, meum  
filio nomen imposito. His dictis evanuit.  
Saroltha somnio confirmata, Protomartyri  
ad omnes aras sacra fieri præcepit, & anno  
909. puerum enixa est. *Bonfin. l. 1. Decad. 2.*

17. Nicolai Tollentinatis parentes de  
futura sobole Oraculo quodam instructi, vo-  
ti causa Barium profecti sunt. Ubi cum ad  
Divi (qui religiosè illic colitur) condito-  
rium venerabundi diutius jacuissent, casu  
an potius providentia, dubium, somno suc-  
cubue-

cubuere. Hic inopinato monitu instructi, perceptam multò ante spem prolis augent, auctam votis & solenni precatione sibi ratam despondent. Neque preces incassum missæ, omnia majora sanctioraque secuta, quam mens hominum sperare ausa esset, ut ex non sanctis sanctus nasceretur. *Sabellius lib. 1. cap. 1.*

18. Huldricus Leodiensis Episcopus, cum circa anum cancro laboraret, nullamque Medici salutem sponderent, jussit se in Turones ad Beati Martini fanum deferri. Illic cum septimum diem inter lachrymas genitusque juxta aram ageret, & fessus in somnum incidisset, visus est videre Martinum Bricciumque simul de ipsius morbo loquentes: atque Martinum crucis signo frontem ejus notare, ac pedo, quod manu gerebat, morbosam contingere partem. Itaque à somno experrectus, præ lætitia magna voce exclamavit. Ad quem ejus familia, cum clamorem mirata accurrisset, amotis fasciis, quibus læsa pars deligata erat, liber est inventus, solaque cicatricis parva nota in eo esse loco, ubi cancer erat. *Fulgosus lib. 1. cap. 5.*

19. Erat juxta Brundulum templum D. Michaëli sacrum, quod unum Clodia, Matemaucum, Venetiæque ipsæ, summa pietate colerent. Accidit verò, ut apud Senogalliam Sergius quidam, opibus & autoritate



Princeps gravi morbo laboraret: cui noctu vox audita fertur, ut si quamprimum votum nuncuparet invisenda ædis Divo Michaeli sacræ, statim incolumis fieret. Qua ex re pactum statim factum, ut reus voti, relicto patrio solo, fanum inviseret, amplisque muneribus donaret, tum verò salvus penates suos inviseret. *Egnatius lib. 1. cap. 6.*

20. Johannis Orphanotrophi, Michaelis Paphlagonis Imperatoris fratris os ulcus depascebatur. Cum verò Medici de ope ferenda desperassent, per insomnium ei visus Magnus Nicolaus, monuit, ut quamprimum Myra iret, ibi sanitatem recepturus. Celerrimè igitur eò profectus, Nicolai clericos unguentis, aliisque sumptuosis rebus demeritus, metropolin Myra muro validissimocinxit, morboque solutus rediit. *Cedrenus.*

21. Henricus II. Imperator cum Apuliæ civitates perlustraret, calculorum labore sic est infestatus, ut plerique de ejus salute desperarent. Sed tanta patientia hunc morbum sustinuit, flagellum correptionis sibi à Deo missum judicans, ut cum montem Cassinum ascenderet, petiturus intercessionem à Sanctis. Divo Benedicto & S. Scholastica (nam Medicorum arte nullam recuperare potuit valetudinem) in somnis visus est videre divum Benedictum astare sibi, & ferro

ferropudenda aperire, & calculum ingentem eximere, vulnereque solidato, calculum in manum Regis dormientis collocavit. Qui è somno experrectus, grande miraculum cernens, satellites ad se vocavit, ut Principes accerferent, quibus rem hanc mirandam & supra humanum captum incredibilem ostendit, unà cum cicatrice vulneris obducta. Agens itaque immensas Deo immortalis optimo maximo gratias, oblatisque templo divi Benedicti preciosissimis donariis, ac annuis ex prædiis adjacentibus redditibus Cassinum reliquit. *Cuspinianus.*

22. Manuel Theophili Imper. Dux (qui vivo Theophilo, simulachrorum cultum improbaverat, & tum quoque nutabat) incidit in gravissimum morbum, adeò quidem, ut jam de vita ejus desperaretur. Eum accessere quidam Monachi, ex Studii collegio, quibus nunciatum fuerat esse mortuum: cumque ad lectum aggressi, vivere adhuc & spirare sensissent, lætum ei de pristina sanitate recuperanda nuncium prædicaverunt. Ille tenui ac imbecilla voce: Quomodo, inquit, hoc mihi contingat? cujus & animæ facultates defecerunt, & corpus omninò confectum exaruit? Respondere Monachi: Deum nihil non posse. Quod si ergo sanitate recepta operam sit daturus, ut Imagines secundum vetera Majorum decreta

creta restituat, se ei vitam certò promittere. Atque hæc fati, discesserunt. Statim verò & morbus remisit, & naturales facultates omni impedimento sunt liberatæ, brevique temporis spacio infirmitate prorsus est solutus. *Cedrenus.*

23. Amicus quidam Juliani, cum ad eum in Persia existentem properaret, & in loco quodam viæ publicæ divertisset, ac penuria domestici hospitii coactus, in Ecclesia, quæ illic erat, dormiret, noctu ad eum, sive vigilantem sive dormientem, multi ex Apostolis & Prophetis congregati, de contumelia Imperatoris adversus Ecclesias conquesti sunt, ac quid faciendum esset, inter se consultaverunt: & postquam ea de re multis deliberassent, ac veluti perplexi essent, duo in medium surgentes, aliosque bono animo esse jubentes, ac festinanter tanquam ad destruendum Juliani Imperium properantes, concilium illud reliquerunt. Homo ille, rerum istarum admirabilium spectator, susceptum iter deinceps negligens, ut quis esset visionis illius futurus exitus videret, rursus eodem loco dormivit, iterumque eundem conventum vidit. Ad quem subito, veluti ex itinere reversi, ingressi sunt illi, qui præterita nocte contra Julianum pugnaturi discesserant, ac reliquis annuntiârunt esse eum occisum. *Sozomenus lib. 6. cap. 2.*

24. *Nauglerus libro secundo, Generatione decima tertia narrat, Basilium Cæsareæ Cappadociæ Episcopum, cum ob minas Juliani, quibus Cæsaream, reversus ex bello Persico, subversurum sese dixerat, indicto jejunio triduo in templo, Mariæ Virginis Deo supplicasset, in somnis vidisse, Mercurium militem dudum defunctum, mandato Mariæ virginis occidere Julianum, & ea arma ibi pendentia non reperisse: Aedituum autem interrogatum, quò arma ejus pervenissent? Respondisse, Se nescire, & sacramento affirmasse, vesperi ea adhuc adfuisse, Rediisse itaque Basilium in montem, & nocte excitasse alios, eisque dixisse, Julianum esse interfectum. Eo nuncio excitatos, venisse ad Mercurii sepulchrum, & lanceam ejus pristino loco restitutam, & cruore fœdatam reperisse: Sed Hermannus Gygas in floribus temporum, sub Juliano, non de Basilio, sed de Blasio quodam Episcopo Cerasteni hac assert.*

25. Edovardus III. Anglorum Rex, jam vigesimum quartum propè annum regnarat, cum ei allatus fuit à quibusdam Hierosolymis venientibus annulus, quem ipse diu antea pauperi clam dederat, qui pro amore, quem erga Divum Johannem Euangelistam habebat, eleëmofinam petierat: nec multò post morbo affectus, per quietem

tem Deo opt. max. illud ipsum edoctus, animam cœlo reddidit. Sepultus est in templo Vestmonasterii, ac brevi pòst tempore inter Divos relatus. Ille annulus in eodem templo multa veneratione per diu est servatus, quòd salutaris esset membris stupentibus, valetque adversus comitiales morbum, cum tangeretur ab illis, qui ejusmodi tentantur morbis. Hinc natum, ut Reges postea Angliæ, consueverint in die parasceves, multa ceremonia sacrare annulos, quos qui induunt, hisce in morbis omninò nunquam sunt. *Polydorus lib. 8.*

26. Imago Divi Pauli, antiquæ manus opus, quam auro exornatam in S. Quadringintæ æde reposuit Andronicus Comnenus Tyrannus, imminente Andronico exitio, lachrymavit. Quo is audito, explorari jussit, an verum sit? Ad id ministerium præter cæteros, Hagiochristophorita Stephanus delectus, per gradus ascendit (nam in sublimi pendebat imago) Paulique pupillas purissimo linteolo absterfit. Quo factò, lachrymæ magis etiam tanquam ex fonte exuberârunt. Quod ubi cum admiratione retulit, Andronicus gravi dolore perculsus, & diu agitato capite, cum gemitu dixit: Paulum videri sua causa lachrymâsse, ac gravissimam sibi cladem impendere. Se enim ex animo amare Paulum, & ejus dicta maximi  
facere,

facere, & à Paulo utique amari. Neque vero multò post pedibus suspensus, inter horribiles cruciatus expiravit. *Nicetas lib. 2.*

27. Leonis V. Iconomachi mater, visa est videre in templo Mariæ virginis, in Blachernis, mulierem quandam, filios vestibus candidis indutos sequi, & pavementum Ecclesiæ à sanguine conspersum, mulieremque aliam hastam manu gestantem, iussisse vas sanguine impleri, & matri Regis dari. Quod ubi accipere recusasset, sic loquutam, Tuus, inquit, filius eos qui me venerantur, ulciscitur, & eorum sanguine replet omnia, unde non immeritò & ego & filius meus illi indignantur. Mater somnio exterrita, mox filio Regi omnia manifestavit, enixeque rogavit, ut à persecutione Imaginum desisteret: verum surdo fabulam narravit, licet aliquantisper timeret, & præsertim ubi aliud quoque cujusdam insomnium intellexit. Nam Tarasius Patriarcha cuidam in somnis apparuit, qui acclamabat quendam Michaëlem, ut Leonem aggrederetur, & interficeret, in vindictam eorum, quos impiè & crudeliter ob religionem occiderat. Neque ita multò post die Natali Christi, dum in templo canit, conspiratione Michaëlis Trauli cæsus est. *Cuspinianus.*

29. Bardas Durus paulò ante interitum visus



visus est sibi per quietem cum Michaële Imperatore ad solennem quandam festivitatem in magnum templum ire. Quò cum appropinquassent, quosdam præire albis amictos vestibus, & se ab iis deduci ad cancellos tribunalis: ibique se nihil videre aliud, quàm solio Patriarchæ residentem senem quendam, quem ipse putaret Petrum esse Apostolorum coryphæum: ad pedes ejus volutari Ignatium, quam paulò antè miserè vexatum relegaverat, & injuriarum suarum ultionem flagitare. Porro Petrum cuidam adstantium ensẽ tradere, & mandare, ut Theorgistum (sic appellasse eum Cæsarem, quasi divinæ iræ obnoxium) inter eos qui à sinistris stant, collocet, eoque ense membratim concidat: Asebotecnum autem, (hoc nomine eum Imperatorem notasse, ut impium filium) inter dextros constituat quidem, sed simile tamen supplicium denunciet. *Cedrenus.*

30. Nocturna visio, Ambrosio Mediolanensi Episcopo, corpora Martyrum Gervasii Protasique, quæ ad eam diem ubi essent ignorabantur, detexit: cum seipsum ei in somnis, quales inventi sunt, ostendissent. Sic Hierosolymis Honorii imperii septimo anno, in somnis Gamaliel Luciano, Sacerdoti locutus est & apparuit, atque ubi esset corpus suum detexit, filiique Abibæ, ac si-

mul

mul Protomartyris Stephani. Neque verò somnio fides antè adhibita est, quàm ter hoc idem per quietem vidisset. Corpora enim eo numero & forma, quam in somnis viderat, invenit. In hujus rei testimonium, his quoque temporibus, Ecclesia diem festum sub Stephani inventione celebrat. *Fulgosius lib. 1. cap. 5.*

31. Texit longam narrationem Sozomenus, de inventis à Pulcheria Theodosii sorore martyribus quadraginta, sub Licinio quondam apud Sebastem Armeniæ passis: quorum ut defossas inquireret reliquias, Thyrsium ait Martyrem ei ter apparentem suggestisse, atque ut ad se transferret moluisse. Ipsos deinde quoque martyres quadraginta militari habitu splendide vestitos, ei sese manifestasse. *Sozomenus libro 9. capite 2.* Nicephorus Pulcheriæ Stephanum Protomartyrem apparuisse inquit, cujus reliquias cum Constantinopolitani excipere vellent, & secum retinere, mulas, ait, currum, cui reliquiæ impositæ erant, trahentes, humana voce locutas.

32. Apparuit Agricolæ cuidam Calemoro nomine, præsidi vici Chopharis, circa Eleutheropolin Palæstinæ, Zacharias Propheta, eique in hortulum quendam ducto, loculos suos defossos demonstravit. *Sozomenus lib. 9. cap. 8.*

33. Fa-

33. *Fama est* Venetiis D. Marci corpus aliquamdiu ignoratum ubi loci esset, creditumque vulgò, aut in occultiorem sedem divinitus transiisse, aut inde furto sublatum. Cæterum supplicatione & jejunio publice indicto, civitas clerum secuta, subiit Divi templum. Miraculo hic evenisse ajunt, ut brachio ex conditorii latere exerto, anxie sollicitæque obtulerit sese multitudini. Tum verò ingenti omnium lætitia corpus inde sublatum ferunt, atque in augustiorem locum repositum: Decretum adhæc, ut soli Venetiarum Principi, templique procuratoribus, id sacrarium fas esset scire. *Sabell. lib. 3. Ennead. 9.*

34. Urbano Papæ per quietem apparuit S. Benedictus, inquiens, Ne meum corpus Cassini quiescere dubites. Certitudinis testimonium sit: fratribus ad nocturnam synaxin surgentibus, pleuritide, qua laboras, liberaberis. Cui visioni respondit eventus. *Chronicon Cassinense lib. 4. cap. 5.*

35. Basilus Macedo, qui postea Imperio potitus est Constantinopolitano, in pueritia patrem amisit. Mater gravata paupertate, statuit serviendo se cum filio nutrire. Ingressus Megalopolim noctu, quia nullæ erant impensæ misero, divertit ad ædes S. Diomedis, & præ labore fessus dormire cepit. S. Martyr nocte diacono cuidam, vel  
adi-

ædituo, qui nondum sacris initiatus erat, in somnis apparuit, jubetque ut foris dormientem in fovea ante ædis vestibulum Regem intromittat. Experrectus diaconus, & extra portas templi profectus, Basilium adolescentulum reperit dormientem, somnium phantasma existimans. Ingressus templum, & iterum somno se dedens, fuit iterum atque tertio experrectus, & admonitus ut Regem introduceret. Excitato itaque Basilio, introducit in templum, & necessaria ei subministrat. Erat huic Diacono affinis quidam amicus, qui serviebat Theophilæ, qui Michaëli Imperatori & Bardæ Cæsari ejus avunculo erat obgenus familiarissimus. Hujus fratri hoc arcanum, quod in somnis viderat Diaconus, aperuit, rogavitque ut hunc in servitium alicujus Principis duceret. At hic suo domino Basilium conjunxit: statimque fratres isti Basilio insomnium narrant, ac jurejurando adigunt, ut si quando ad regnum perveniret, beneficii memor esset. *Cuspinianus ex Zonara & Cedreno.*

36. Elfredo Regi Anglorum pulso à Danis & exulanti, in somnis apparuit Chutbertus Episcopus, inquiens: Ego sum Chutbertus, misit me Dominus, ut tibi prospera nunciem. Anglia jamdudum peccatorum suorum pœnas luit, modo tandem indi-

indigenarum sanctorum meritis à Domino respecta est, tu miserabiliter Regno extorris, post paucum tempus in folio gloriose reponeris: Et hoc tibi signum, venient hodie piscatores tui, magnam multitudinem piscium corbibus evehentes. Quod mirum est, cum gelante aqua fluminis, nil tale spectetur: sed & tempus frigidum omnem artem piscantium eludat. Tunc fortunæ secundæ compos, memento liberatoris tui, & ejus nuncii. Hoc idem visum per somnium matri suæ. Experfecti ambo, somnia sua referebant, & ecce piscatores adveniunt, cum magna piscium copia. *Vincentius lib. 24. cap. 40. ex Helinando. & Wilhelmus lib. 2. cap. 14. de gestis Anglorum.*

37. Cum Hungus Pictorum Rex Christianus Scotis auxilium contra Athelstanum Anglorum Regem esset pugnaturus, per noctem Hungi exercitus Athelstaniq[ue], crucem in cælo videre beati Andreæ lucidam, instar X. Græcæ literæ, quæ quidem his formidinem, illis timorem addebat. Sed Hungus per somnium monitus non defuturam crucem ante victoriam, monuit milites, hortatusque victor evasit. *Cardanus lib. 15. de Rerum varietate, cap. 81.*

38. Edgarus Scotorum Rex adversus Donaldum Regem pugnaturus, per somnum monitus est, ut Chutberti vexillum secum

secum ferret. Ergo ubi peractis sacris vexillum D. Chutberti sustulit è cœnobio, Donaldum sui deseruere, atque ita absque seditione & sanguine illum cepit. *Cardanus ibidem.*

39. Vladislao & Geysa fratribus contra Salamonem Ungarorum Regem prælium commissuris, Angelus Geyse capiti coronam auream imponere visus est ab Vladislao. Qui cum fratrem eade re admonuisset, basilicam divæ virgini vovit in loco victoriæ. Victis hostibus, cum de statuenda basilica deliberaret: Ubi Divi Petri sacellum est, ecce cervus expansis cornibus insignis, quem ardentissimæ faces circumsederant, apparuit, sylvam petiit, ibique tantum vestigia fixit, ubi ædes deinde ædificata est. Quem cum milites sagittis peterent, in Danubium se projecit, nec usquam postea visus est. Ladislaus ostenti admiratione correptus, Nimirum, inquit, Dei Angelus erat iste. Sed quid faces in cornibus? ait Geysa. Mox Ladislaus, non cornua, sed alæ, frater, inquit, neque illæ quas ardentes appellas, sunt faces, sed fulgentissimæ pennæ. At ubi fixit vestigia, nobis locum ostendit, ubi basilicam exædificaturi sumus. Quare ibi Divo Petro ædiculam dicarunt, mox delubrum magnæ Matri statuerunt. *Bonfinius lib. 3. & 4. Decad. 2.*



40. Theodosio, cum in Alpibus esset constitutus, cum Eugenio signa collaturus, in somnis apparuisse *scribit Paulus Diaconus & Nicephorus*, duos viros vestibus candidis exornatos, & equis albis insidentes, & iussisse, ut die illucescente pugnam iniret, se enim ad id destinatos esse, ut victoriam ad ejus partes inclinarent, & hostes caderent, & quidem nomina sua indicasse. quod alter esset Johannes Evangelista, alter vero Philippus Apostolus. *Idem etiam quendam militem eadem nocte somniasse, refert Theodoretus lib. 5 cap. 24.*

41. Missus ab Honorio Imperatore, Mafelcerus, adversus Gildonem fratrem Imperium affectantem, ad recuperandam Africam, somniavit, Episcopum Mediolanensem Ambrosium videre, qui jam diu mortuus erat, pede pastoreo ter humum percutere, terque dicere, Hic, atque hoc in loco. Itaque postera die, in eo ipso loco, parvo labore Gildonem superavit. *Fulgens.*

42. Recepta à Latinis Principibus Antiochia, Andreas Apostolus sacerdoti Petro Pontio, simplici viro, apparuit, lanceamque qua Salvatoris Christi trajectum fuit latus, quæ terra obruta erat, in templo D. Petro dedicato, revelavit. Cujus inventione civitas, quæ à Turcis obsessa, fame premebatur, bona spe repleta in prælium egressa,  
Cor-

Corbanam superavit , qui Belfech Turcæ Persarum Regis auspicio urbem obsidebat, à Niceno Episcopo in prælium inter armatorum turmas eam gestante. *Æmilius.*

43. Cum diu ancipiti Marte inter Romanos (qui Johanni Zimisæ, Constanti-  
nopoleos Imperatori auxilio venerant) & Rossos pugnaretur, divinitus Romani adju-  
tiferuntur: procella enim Barbarorum fa-  
cies ferit, præterea à multis eximius visus  
est eques, qui Romanos tueretur, hostium-  
que phalanges turbaret. Theodorum autem  
fuisse, ex eo constat. Muliercula enim quæ-  
dam Byzantia, religiosa, pridie illius pu-  
gnæ, in somnis sanctam Deiparam proce-  
dere cum magno comitatu vidit, quæ dixe-  
rit: Domine Theodore, meus & tuus Jo-  
hannes gravia certamina sustinet, properè  
igitur illi opem ferito. Id somnium illa qui-  
busdam aperuit, qui die notato, compere-  
runt id pridie postremæ pugnæ contigisse.  
*ut Zonaras Tomo 3. indicat.*

44. Ariulphus Dux Spoletanus, cum  
ante mortem adversus Romanos apud Ca-  
mertes bellum gereret, victoriam adeptus,  
mox suos milites percunctatus est, quisnam  
ille fuerit, qui se tam strenuè in prælio  
gesserit? Respondentibus illis, Fuisse prin-  
cipem. Præpollentiorum fuisse, inquit, ipse  
vidi: quippe qui semper me proprio, adur-

gente hoste , clypeo protexit. Deinde Spo-  
 leto appropinquans , spectata Divi Sabini  
 basilica , ubi corpus ejus reconditum est, in-  
 terrogavit, cujusnam illa foret ædes? Quum  
 responderent , Sabini esse templum , quem  
 invocantibus militibus præsto semper ades-  
 se ajunt : equo repentè desiliit. Ædem in-  
 gressus , visa Sabini imagine , hunc mox  
 cum virum , qui inter confertos hostes pu-  
 gnantem se protexerat , adjecto juramento,  
 fuisse affirmavit. Ex quo mox creditum est,  
 Divum Sabinum , pientissimum militum  
 patronum , Ariulpho adhuc Christianæ re-  
 ligionis experti deesse noluisse. *Bonfinius*  
*lib. 8. Decad. 1.*

45. Magnus Sfortia , filio suo ex Catel-  
 la Alopa, Pandulphi Alopi sorore nati Leon-  
 hardi nomen in ejus Divi honorem indi-  
 dit : quoniam per quietem D. Leonhardum  
 ea specie , qua depingi in templis solet,  
 sibi opem ferentem vidisset, cum & cla-  
 tros ferreos fenestræ carceris disrumpere,  
 & compedes solvere præsentî numine vide-  
 retur. Implevit autem somnii fidem , & nu-  
 minis oraculum rei eventus. Nam eodem  
 die lætam somnio noctem secuto , & Rex  
 Jacobus Gallus, per seditionem Regno Nea-  
 politano expulsus , imperium cum libertate  
 amisit , & Sfortia ad aperto carcere , ingenti  
 omnium lætitia iterum Magister equitum  
 est re-

est renunciatus. *Iovius in vita ejus.*

46. Quum florente fortuna Ferdinandi primi Regis Aragonii, urbs Neapolitana & Regnum, nullis adhuc belli calamitatibus premeretur, satis constat Cataldum sanctum virum, qui ab hinc annis mille Pontifex urbi Tarentinæ præfuit, quemque patronum Tarentini cives venerantur & colunt, nocte intempesta ministro sacrorum cuipiam tunc sacris initiato, & in casta religione educato, semel atque iterum in somnis apparuisse, ac monuisse, ut libellum à se conscriptum, quem in remoto loco vivens abdiderat, in quo divina arcanæ scriptæ erant, effodere, & protinus ad Regem deferri curaret. Qui cum parum fidei somnio dedisset, eadem sibi per quietem sæpius obversata specie, quum primo diluculo solus moraretur in templo, ipsum Cataldum, qualis erat olim, dum in vita ageret, pontificia veste & infula amictum, eidem ministro planè vigilantibus apparuisse, & prædixisse, ut postera luce quum primum posset, libellum à se conscriptum in abdito loco, quem in somnis prædixerat, conditum effodere, & Regi deferre ne cunctaretur, pœnam, nisi fieret, graviter comminatus. Postera luce solenni pompa ministrum cum populi comitatu ad latebram, in qua longissimo ævo libellus latuerat, processisse eumque plumbeis

tabellis obsignatum, & clavis obseratum invenisse, satis constat. In eo certum est, futurum Regni excidium, misérias, calamitates, & luctuosa tempora, atque instantia mala, quæ postea secuta sunt, Regi prædixisse. Id quod experimento docti, magna mercede persolutum vidimus. Siquidem tanta vis divinæ prædictionis fuit, ut haud multò post ipsum Ferdinandum seu Deum ira, seu fato insuperabili, quod vitari non potuit, in primo belli apparatu, è vita constat excessisse: Carolumque VIII. Gallorum Regem, ingenti coacta manu, innumeris copiis Neapolitanum omne regnum invasisse: Alfonsoque Ferdinandi primogenitum, post patris obitum vix Regno assumptum, regno orbatum, turpi fuga velut in exilio diem suum obiisse. Mox ipsius filium Ferdinandum Juniorem, summæ spei adolescentem, miri erga omnes studii & favoris, cui rursus Regnum debebatur misero & fatali bello implicatum, in ipso ætatis flore immatura morte præventum, occubuisse. Postea Gallos & Hispanos communicato Imperio, & æquato Regni jure, fugato Frederico altero, prioris Ferdinandi filio, qui mox Regno successerat, admotis hostiliter legionibus, & ampliore exercitu, denuo Regnum invasisse, sacra profanaque occupasse, bonorum direptiones fecisse, urbes, villas, vicosque  
omni

omni bellica clade pervastatos, multa fœda & indigna passos. *Alexand. ab Alexand. lib. 3. cap. 15.*

47. Jacobum Zebedæi tribus noctibus in forma splendidissima apparuisse Carolo Magno, eumque hortatum esse, ut suam Hispaniam, in qua requiescat, de manibus Saracenorum liberaret, ac promisisse ei pro eo beneficio coronam æternam. *Henricus Erphordiensis ex Turpino Remensi Episcopo refert, cap. 68.*

48. Floriacensis cœnobii Monachi, de Normannorum in Galliam expeditione certiores facti, S. Benedicti corpus Aureliam deferunt, ubi tutius ipsi contra hostes erat receptaculum. Normanni autem advenientes, Floriacense Monasterium devastârunt, igneque subiecto concremârunt. Nocte insequenti D. Benedictus comiti Sigilloso, cui monasterii illius cura & defensio erat commissa, in somnis apparuit, eumque graviter, quòd nimirum sua ope defuisset cœnobio contra Normannorum incurSIONES, objurgat. Comes somno excussus, statim arma capit parvaque manu coacta, hostem præda onustum, concitato secutus est cursu, ac impetu in eos facto, D. Benedicti ope, ad internecionem usque omnes cecidit, sicque præda & captivi suis sunt reddit locis. *Robertus Guaguinus lib. 5.*



49. Childeberto monarchiam Regni Francorum tenente , Archangelus Michael apparens Auberto Abrincatenſi Epifcopo, monuit ſemel & iterum , ut in toto maris, qui propter eminentiam ſui Tumba vocatur, fundaret Eccleſiam in memoriam ſui, volentis talem venerationem exhiberi ſibi in pelago, qualis exhibetur ſibi in monte Gargano. Interim taurus à Leone furtim raptus, in illo loco religatur. Unde Epifcopus tertio admonitus, ut in loco fundamentum jaceret, ubi taurum religatum inveniret, & ſicut eum terram pedibus protriſſiſſe videret, ſic Eccleſiæ ambitum duceret: Eccleſiam in honore S. Michaelis conſtituit, & ex illo tempore, ſicut in monte Gargano, ita etiam illo in loco, quod modò dicitur, In periculo maris, veneratio Archangeli frequentari cœpit. *Sigebert. anno Domini. 799.*

50. Agnes Leopoldi Aſtriæ Marchionis conjunx, marito ſuadebat, ut locum aliquem designaret, in quo laudes Chriſti dicerentur, & Divæ ejus genetrici Mariæ, pro Monasterio condendo. Ex arce in monte Cecio ſita Danubium proſpectabant, leni Zephyro flammeum è capite Agnetis abruptum in proximum nemus deſertur. Quod ubi poſt novem annos ibi Leopoldus inter venandum reperiſſet illaſum, eò loci monaſterium extruxit. *Cuſſinianus in Aſtria.*

51. Conrado II. Cæsare bellis diversis distento, Longobardi facta conspiratione jurârunt, se nullo domino nisi ad nutum suum omnia gerenti obtemperaturos. Ad hos comprimendos Cæsar Mediolanum, cujus Episcopus primas ferè tenebat, obsideret. Verum cum inter celebrationem Missæ fulgura & tonitrua stupenda fuissent exorta, & Bruno Herbipolensis Episcopus ac alii Ambrosium atrociter Cæsari minitantem, in ea aëris intemperie sibi apparuisse dicerent, combustis suburbiis, Imperator recessit, anno Domini 1037. juxta contractum. Annum 1039. *Sigebertus habet.*

52. Colomannus Ungarorum Rex Jaderam Dalmatiæ urbem propter frequentes defectiones incendio perdere statuerat. In somnis ei D. Nicolaus Jadrensis olim Episcopus apparuit, eumque ob conceptum animo facinus, crinibus correptum aureo flagello miserrimè cecidit, ita ut expergiscens vibices in corpore videret & sentiret. Proinde Jaderam, licet novarum rerum cupidam, suis moribus vivere permisit. *Bonfinius lib. 5. Decad. 2.*

53. D. Bernhardus Spiram venerat, & in statua Divæ Virgini consecrata legebat hæc inscripta, O clemens, ô dulcis, ô pia mater Maria. Tum vocem è statua editam ferunt, Salve Bernharde. At ille præstigias

Dæmonis suspicans, Mulierem in Ecclesia loqui Paulus vetat, respondit. *Hanc statuat adhuc hodie post valvas templi Spira-extare ajunt.*

54. Medericus Abbas apud Edunum sanctitate clarus, cum Monachum libidinosis cogitationibus æstuantem tunica sua induisset, ejusmodi molestia liberavit: discendentisque ab illo immundi Spiritus ululatus auditus est, & ipse in castitatis proposito absque lasciviæ prurigine purè integreque permansit. Alius frater Mederici reliquiis de mensa collectis atque haustis, vagæ mentis inquietudinem repressit, cum antehac tali Dæmonis illusione sollicitatus, persistere in Ecclesia omnino non posset, sed semper, priusquam solennis precatio peracta foret, egrederetur. *Marulus libro 5. capite 7.*

55. Genovepha cum in sabbato sub gallicinio ad Divi Dionysii basilicam egrederetur, ecce funale prælarum extinguitur: turbantur virgines, comitesque ejus, ne quid per noctem turpitudinis horrorisve paterentur. At illa funale sibi dari jubet. Quod ubi in sacra manu constitit, protinus incendium eluxit, admorumque languentibus: plerisque curavit, *Bonfinius lib. 5. Decad. 1.*

56. Leo IV. Papa incendium signo crucis extinxit, quod diu per domos Saxonum & Longobardorum vagatum, Divi Petri basi-

basilicæ appropinquabat, octava die ab assumptione beatæ Dei genitricis, qui dies postea ut festus celebratus est, non longè à basilica Laurentii sancti Martyris extramœnia. *Platina.*

57. Temporibus Calixti Papæ Capuana urbs conflagravit incendio, cumque ferè consumpta urbe, Monasterio ignis jamjam imminere videretur, Monachi sumpto corporali calicis, incendio illud objecerunt. Mirum in modum coercitus ignis, ultra progredi ausus non est. Civibus quoque visum est, ignem manu quadam à Monasterio propelli. Corporale illud ab ignis injuria prorsus mansit illæsum. *Chron. Cassinense.*

58. Cum Martini reliquiæ essent Antiochodorum translatae, ob Normannorum metum, Monachi disceptarunt inter sese, utrum illa Ecclesia de Martino, an de Liborio, qui prius isthic cultus fuerat, esset denominanda. Leprosus in medium collocatur, & fiunt preces, ut Sancti suas exerceant virtutes. D. Martini igitur arca vox inquit, Jam te ex una corporis parte mundo, reliquum fratri meo Liborio relinquo, semper enim sunt hospites honorandi. Conversus ille ad Liborium, etiam ex altera parte curatus est. *Platina in vita Stephani.*

59. Circa annum Christi 1016. Monachi quidam Hierosolyma reversi, particu-

lam linteï, quo Dominus Apostolorum pedes ante ultimam Cœnam deterfit, attulerunt Cassinum. Cujus rei fides, cum plurimis esset suspecta, superstitiosi eam ardentibus imposuerunt carbonibus, quorum statim colorem induit linteum: sed ab iis remotum, priorem formam recepit. *Chronicon Cassinense libro 2. cap. 34.*

60. Cum in convivio quodam Bononiæ, mira arte gallus affatus dissectus fuisset, unus convivarum dixit, D. Petro hunc gallum in integrum restituere impossibile esse. Ad hanc vocem statim gallus ille proliit, & alis collisis jusculum in discumbentium ora diffundit. Blasphemus lepra statim hæreditaria punitus est. *Vincentius lib. 25. cap. 64.*

61. Alexandria Episcopus admodum religiosus, vicinum habebat quendam Philosophum, Euagrium nomine, Græcæ superstitioni addictum, qui in schola sodalis Episcopo fuerat. Hunc Episcopus à vœsano falsorum Numinum cultu, ad fidem Christianam traducere cupiens, identidem provocabat, cumque eo disputabat. Sed Philosophus magis magisque veræ religioni infensus, fertur Episcopum in hæc verba allocutus: Profectò Episcope, præter alia & hoc mihi improbatur, quod mundi finem fore vos Christiani dicitis, corpora resurre-

ctura

clara de mortuis, & pro acta vita cuique mercedem redditum iri: tum qui pauperi misericordia motus largiatur, eum sua apud Deum in favore ponere, recepturumque centuplum cum vita æterna. Episcopo nihil vanitatis aut ludibrii inesse Christianæ doctrinæ summo opere affirmante, ita discessit Euagrius, ut qui animi valdè dubius esset. Aliquanto pòst tempore, Deo Episcopi doctrinam adjuvante, credidit & baptizatus est: utque erat prædives, attulit ad Episcopum CCC. auri libras, quas ille pauperibus distribueret, data sibi cautione manu propria scripta, Deum ista redditurum. Episcopus pecuniam accepit, eamque, data synagraphe, inter egenos divisit. Philosophus autem aliquot adhuc annos cum piè vixisset, moriturus suis liberis præcepit, ut sibi in manum inferrerent syngrapham istam, atque sic sepelirent. His ita factis, tertio pòst die, Episcopo in somnis visus est Euagrius ita alloquens: Accede ad sepulchrum meum Episcope, & recipe syngrapham tuam, redditum enim est mihi debiti centuplum, neque habeo quod à te exigam, sed & quo plenius tibi caveretur, manu mea subscripsi. Diluculo Episcopus Philosophi filios ad se vocavit, cumque ex iis rescivisset Chirographum cum Euagrio fuisse sepultum, cum clero urbis ad sepulchrum accessit. Quo aperto invenerunt



Philosophum sedentem, manumque cum charta protendentem. Quam cum vellent Clerici eximere, nemini eorum concessit: Episcopo autem manum explicante, eam statim dimisit, ac recubuit. Episcopus charta in conspectu omnium aperta, invenit recens manu Philosophi subscriptum ita: Eua-  
grius Philosophus sanctissimo Episcopo Domino meo Synesio S. Scias pater, me centuplum debiti recepisse, neque eo nomine habere, quod abste exigam. Hoc audito, iussit Episcopus, Philosophi manu scriptam schedam in armario asservari. *Cedrenus.*

62. Constantinopoli in Monasterio sanctæ Dei genitricis, juxta palatium, prope sanctam Sopiā, erat imago B. Mariæ, quæ tenebat infantem in brachio, quam depinxit in tabella sanctus Lucas, cum adhuc viveret Maria. Hæc imago vocatur Odig-  
tria, id est, deductrix, quia duobus cæcis apparuit Maria, & deduxit eos ad suam Ecclesiam, eosque illuminavit. Cum ista imagine faciebant Constantinopolitani à Saracenis obfessi, processionem omni die Martis per totam civitatem, jejunantes & orantes, simul & pugnantes. Quidam civis admonuit afferri deberi illam imaginem, & ab omnibus orationem ad illam fieri hoc modo: Sancta Dei genitrix, quæ toties nos liberaſti, libera nos modò de inimicis filii tui,  
& si

& si vis, ut imaginem tuam non mergamus in mari, merge illos. Cum hæc dixissent, ille secretè imaginem tenuit sub undas, & statim procella surrexit, & omnes naves Saracenorum aut merfit, aut fregit. *Vincentius lib. 23 cap. 147.*

63. *Ex Procopio hanc narrationem texit Euagrius:* Edessæ urbis cives in summa rerum desperatione, cum jamjam urbs capienda esset per Cosroën Persam, imaginem Christi, quam fecerat, ad Abagarum miserat, ad fossam adduxisse, & immersam aquæ contra rogam & ligna objecisse. Quo factò, dicto citius struem lignorum in cinerem redactam, & aggerem, quem Cosroës extruxerat, ut pedestri impressione urbem invaderet, combustum.

64. Populus herbulas sparserat super tumulum Nicecii Lugdunensis Episcopi. Aigulphus Diaconus Roma veniens, de hisce herbis sacerdote porrigente, secum asportavit, ac febricitantibus cum haustu aquæ frigida exhibuit, ac sanitati e vestigio restituit. *Gregorius Turonensis.*

65. *Idem Turonensis cap. 84. de gloria Confessorum, revelationem mirabilem Valerii Episcopi Conforanensis texit.* Dicit Theodorum Episcopum reperisse duo sepulchra, hæsitantem tamen utrum esset Valerii. Cum clero itaque tota nocte vigilas cele-

celebrans, petebat à Valerio supplex, ut sibi locum, in quo requiesceret, patefacere ac monstrare dignaretur. Duas igitur ampullas vino plenas super sepulchris collocans, dicebat: In qua ampulla vinum fuerit auctum, manifestum signum erit, hoc sepulchrum esse Valerii. Sequenti die reperit unam ex ampullis, quæ erant impositæ tumulo Valerii, exundare vino.

66. Cum esset Ebroino Magistro equitum apud Gallos nunciatum, quod ad tumulum D. Leodegarii fierent miracula, misit eo militem exploratum. Is autem calcans locum pedibus, inquit, Maritus ita miracula facit, sicut meus podex cantat. Factum autem est, ut quoties ille deinceps per totam suam vitam verbum ederet, toties etiam crepitum ex ano cum fœtore emitteret. *Martinus in Chronico, feria sexta id maxime fieri solitum ait*, quæ maritusejus Martyr effectus erat. Et Pipinum Regem, accersita muliere in maiorem martyris, verum id esse deprehendisse. *Vincentius lib. 23. cap. 159. Et Erphordiensis cap. 67. referunt.*

67. Vladislaus I. Polonorum Rex Juditham Uratislai Bohemorum Regis filiam uxorem duxerat, Quæ cum diu sterilis fuisset, admonita à Lamperto Episcopo Cracoviense, mittit Oratores in Narbonensem Provinciam, ad Monasterium Divi Ægidii,

dii, ubi corpus sancti illius viri mortui conditum erat, cum amplissimis donariis. Indicitur Monachis tridui jejunium, oratur Deus, ut intuitu gratiosi servi sui Ægidii, masculam prolem concedat piis Principibus. Triduo illo revelatur per visum seni cuidam & pio Monacho, impetratum esse, quod tanto studio petatum esset. Dimittuntur cum spe certa Oratores. Reversi reperiunt Juditham gravidam, quæ postea maturo partu puerum edidit, cui Boleslao nomen inditum est. Juditha post quartum mensem à partu extremum clausit diem, fœmina pietati imprimis & beneficentiæ dedita: quæ & ipsa facultates suas, mundumque muliebrem penè omnem in usus pauperum, & ad cultum templorum viva elargita est. *Cromerus lib. 5.*

68. Cum Vedaſti Atrebatensis Episcopi corpus de loco, ubi olim positum fuerat, transferretur, Audomarus cæcus à Deo petiit, ut videret Sancti ossa, & illicò visum recepit. Mox cum rursus orasset, ut si ea res animæ suæ saluti minus conducere, rediret infirmitas, iteratò oculis captus fuit.

*Marul. lib. 5. cap. 4.*

69. Methodius Patriarcha Constantinopolitanus, ob cultum Imaginum ab adversariis summo habebatur odio. Corruerunt hi publicum scortum multa pecunia, effeceruntque ut hunc stupri accusaret coram  
totius

totius Senatus primoribus : quæ omnia Methodius æquo animo tulit , donec eò impulerunt virum Sanctum , ut coram Manuele magistro , multisque primoribus Senatus , nulla alia purgatione uteretur , sed paucis verbis præfatus , limbo vestis subducto , membrum virile tabidum & enervatum ostenderet : unde facile obvium cuique fuit , ipsum ad res Venereas inhabilem , & membrum haud esse idoneum. Quod Orthodoxis læticiam , calumniatoribus verò & Sy-cophantis mœsticiam peperit. Cumque vir Sanctus rogaretur , unde tabes membri , an ex ægritudine provenisset ? non sine pudore respondit : Olim cum vitam Romæ agerer , à Dæmone crebrius esse carnis igne corruptum , & cum passio hæc increvisset , & amoris incendium quotidie exardesceret , timens ne vitæ continentiam amitteret , sanctos Apostolos Petrum & Paulum summis precibus rogasse , ut periclitanti opem ferrent. Et cum incessanter sic orarem , nocte , inquit , quadam mihi dormienti astare duo viri visi sunt , quorum unus pudenda digitis tangens. Bono esto animo , dixit , mox hic ignis extinguetur , qui mihi visus est adurere pudenda , ut præ dolore expergisceret. A somno excitatus , virile membrum tabidum reperi & emortuum , nec ab eo tempore ullam mihi molestiam intulit. *Cuspinian.*

70. Agatha virgo & martyr, cum illi post multos cruciatus mammillam à pectore avulsiſſet Tyrannus, quoniam fidem non poterat, & Petrus Apostolus eam curaturus in carcere apparuiſſet, chirurgum aliquem ad ſe veniſſe rata, detrectabat medicinam, dicens, nunquam ſe pharmaca corpori admiſiſſe, ſed illius Medici opera ſemper uſam, qui ſolo verbo omnem infirmitatem curaret, hunc autem eſſe Dominum Jeſum. Tunc Petrus Apostolum ſe ejus eſſe, & ab eodem ad illam miſſum indicans, evanuit, ipſa ſana relicta. *Marulus lib. 5. cap. 4.*

71. Regnante Philippo Deodaro, circa annum Sal. 1182. cum internecinum bellum inter Rothomagenſem Regem, ac ſancti Egidii comites eſſet, neque ei ullius opera finis imponi poſſet, pauper quidam vir Durandus nomine, ex Podio puſillo loco ortus, arte faber lignarius, dum in ſylva opus faceret, Deiparæ apparitione ſigillum accepit, in parva membrana pictam virginis imaginem cum filio: in cujus margine Latine inſcriptum erat, Agnus Dei, dona nobis pacem, eam ſibi datam dicebat, & injunctum, ut bellantes inter ſe populos pacem inire Dei verbis juberet. Ejus orationi fides habita eſt, atque inita pace, imagini illi ſimiles permultæ factæ fuerunt, quæ geſtantes eas in pileis, non incolumes ſolum inter arma



arma præstarent, verum ut viatico quoque in itinere juvarentur, efficerent. *Fulgosius lib. 1. cap. 1. & continuator Sigeberti.*

72. Dagobertus Clotharii II. Francorum Regis filius, admodum adolescens, Sadedregis filium clarissimum virum, à patre designatum Aquitanix Præfectum, detracta veste loris cecidit, & ut quam reverenter filium Regis oporteret, se ab eo observari existimaret, offensus inprimis, quòd ille convivio frequenti contra se accumbendi locum legisset, poculoque ex ejus manu, oblitus per vinum majestatis, id quod tantum inter pares fieri asseleret, ultro sumpto, bibisset. Ille deformatum os, lacertumque recentibus verberum vestigiis tergum Regi ostendit. Qua fœditate percitus comprehendi filium jussit, apparebatque non levi defuncturum pœna. Adolescens iram patris devitabat, aliis atque aliis deinceps latebris se tegebat. Tandem unico filio, qui formidine, fuga, pœnitentiaque satis pœnarum dederat, reconciliatus est Rex: traditumque frequenti fama, missos a Rege ad Catuliacum Parisiorum vicum, qui filium ex spelunca ubi latitaret, retraherent, suborto horrore, omnibusque membris captos ingredi non potuisse. Patrem ratum eos gratificantes filio regnatura, volentes, non invitos arceri ab ingressu, cum illuc se contulisset,

culisset, eodem repente favere correptum, non antè quam venia filio data ingressum: eo loco corpora Martyrum Dionysii, Rustici, & Eleutherii conditorio alta terra obruto, ad eum diem ignota jacuisse: à Martyribus per quietem admonitum Dagobertum ad eum illi vovisse, quam rerum potens excitatam magnificentissimè excoluit. *Æmilius lib. 1.*

73. Ferunt mulierem quandam peccata sua in volumine descripta Basilio Magno porrexisse, supplicantem, uti pro eorum remissione Deum deprecaretur. Oravit ille, & omnia deleta apparuere, præter unum cæteris gravius. Cujus causa dum ad Efrem Eremitam missa mulier nihil profecisset, inde rediens Basilium diem suum obiisse comperit, flevitque ubertim. Mox chartam illam super jacentis pectus deponens, cum tandem sustulisset, id quoque in ea, quod residuum erat, abolitumprehendit. *Marculus lib. 4. cap. 11.*

74. Vintoniensis in Anglia anno 975. Elferus Marciorum Princeps sacerdotes conjugatos contra Monachos cœlibes defendebat. Monachi causa inferiores. & scripturarum autoritate, Dunstani Archiepiscopi Cantuariensis opera incassum utebantur. Tandem Christi crucifixi imago è pariete suspensa, vocem protulit, Non bene sentiunt

tiunt, qui favent presbyteris. Miraculo attonitis plerisque, alii magicum commentum esse, utpote verbo divino contrarium dictitabant. Evocatus è Scotia Ethelredus Episcopus conjugia Sacerdotum acerrimè tuetur. Interea cœnaculum corrui, presbyteri plerique occisi, plurimi læsi, Monachis incolumibus Dunstanus in trabe stans servatus est. Sicque presbyteri Monachorum præstigiis causa cecidère, & Dunstanus cæde plurimorum victoriam obtinuit. *Mamelburiensis lib. 2. Ranulphus lib. 6. cap. 11. Polydorus lib. 6.*

75. Clodoveus Francorum Rex ad Christi fidem conversus, consentientibus Proceribus, bellum Vestgothis intulit, non solum quia terras Francorum occupaverant, sed quia Arianæ perfidiæ assertores erant. Cum igitur in eo prælio nimis urgeretur Clodoveus, S. Martino equum, cui insidebat, vovit, si victor evaderet. Voti compos promissum equum offerre non distulit. Sed dum cum precio centum aureorum redimere voluisset, nec equus loco moveretur, ducentos impendit, & confestim ducentem secutus est. Tum Rex jocosè, Martinus, quantum video, inquit, in ope ferenda facilis, sed in redimendo difficilis est. *Iohannes Magnus lib. 16. cap. 2.*

76. Cum Luitprandus Rex Longobardorum

dorum reliquias S. Augustini ex Sardinia, à Saracenis vastata, Papiam transferre stude-  
 ret, & in itinere ad villam quandam in  
 Therdonensi diœcesi currus substitisset, ne-  
 que ulla vi aut arte loco moveri posset, Rex  
 votum vovit: Quòd si Augustinus sibi ob-  
 temperet, & sua ossa Ticinum sineret vehi,  
 se villam istam Sacerdotibus & cultoribus  
 ejus donaturum. His exoratus Sanctus, effe-  
 cit ut levi & facili opera currus progredere-  
 tur. *Vincentius lib. 23. cap. 148. Sigeber-*  
*tus translationis illius meminit anno Do-*  
*mini 721.*

77. Adelbertus Bohemiæ Episcopus, ab  
 infantia gravissima febre correptus, ad Di-  
 væ Mariæ virginis ædem perlatus, à paren-  
 tibus nuncupato religionis voto, si morbo  
 evaderet, repente convaleuit. *Bonsinius l. 1.*  
*Decade 2.*

78. Gennadius Patriarcha Constantino-  
 politanus, Clericum quendam fani S. Eleu-  
 therii malè viventem cum sæpè objurgasset,  
 neque tamen inflectere posset, rem ad san-  
 ctum Eleutherium detulit, eum in suo tem-  
 plo cujusdam ministri ejus opera sic allo-  
 quens: Dive Martyr Eleutheri, aut corrige  
 clericum tuum, aut excinde. Illico Clericus  
 expiravit. *Cedrenus.*

79. *Gregorius Turonensis de gloria con-*  
*fessorum, cap. 97. scribit: Cum Hospitius*  
 sepe-

sepeliretur, Vir quidam de sepulchro ipsius pulverem sumpsit linteo involutum, secum asportans, ac ad Lirinense Monasterium pergens. Navi autem vectus, cum appropinquaret Monasterio prædicto, navis velut rupes immota in medio mari consistit. Mirantibus verò & stupentibus Judæis, quorum erat navis, vir ille patefecit, sese habere reliquias Hospitii secum: ideoque nunc demum reipsa experiri, navem ab iisdem reliquiis teneri, nec loco moveri posse, nisi vela dirigant ad Lirinense Monasterium, ubi sanctas reliquias sit depositurus.

80. Cum ad Fuldense Monasterium Bonifacii Moguntini Episcopi ab Ethnicis occisi, cadaver esset perlatum ex Frisia, omnes campanas, sine ullius hominis agitatione aut impulsu, solito clarius sonuisse, *scribit Wernerus in fasciculo temporum, & Mutius lib. 7. de Germania.*

81. Undecim millium virginum ab Hunnis Cæsarum corpora Colonia in commune facellum relata. Unde cum Sacerdos quidam corpus unius virginis impetrâisset, quod in ædem suam religionis causa subinde transferret, dum matutina sacra fierent, illa resumpto corpore, spectante universo collegio Sacerdotum, magnam aram prævenrata recessit. Antistes mox tumultum adiens, reconditam virginem non invenit. Ad ha-  
rum

rum aras innumera vota nuncupantur, miræque tabellæ valvis affixæ sunt. Quemadmodum Germanum harum religioni additum, quum morbo admodum laboraret, ex his una dormientem adit, edocetque, si undecies mille Dominicam orationem dixerit, totidem virginum ope ac patrocinio in hora mortis non cariturum. *Bonfinius lib. 5. Decad. 1.*

82. Hunnorum temporibus, dum S. Servatio Trajectensi Episcopo sacra fierent, patrefacta desuper æde, columna ignis altissima è cælo, ad tumulum usque, à prima vigilia noctis ad auroram usque pependit: quod non oppidani solum, sed finitimi quoque, ac alienigenæ plurimi viderunt. Quare hunc potissimum colere, & inter Divos referre cœperunt. Sepulchrum ejus in media æde situm, nunquam tecto cooperire valuerunt. Et quamvis ibi sub dio rem divinam faciunt, vota que suscipiunt, nunquam tamen sacris neque imber & grando, neque nix & tempestas ulla obfuit. *Bonfinius libro 6. capite eodem.*

83. Francorum Rex Dagobertus ædem D. Dionysii à fundamentis erexit, ex aliis undequaque corradens, easque spolians, quò hanc unam ditaret: nec quisquam ante eum invenitur, qui patrimonii redditus annuos templis tam magnificè profuseque donârit.



Templum Dionysii solito argento textit, ac corpora Sanctorum eò collocari fecit, condita pheretro aureo, & additis multis preciosis muneribus, eò quòd illud templum aliquando ipsi contra patris iram asyllum fuerat, cum Satellites, qui eum inde extrahere jussu patris voluerant, ante Sacellum fixis pedibus stupentes constitissent, nec potuissent intrare. Mira autem fuit ejus templi dedicatio. Pontificibus enim, qui ad dedicationem convenerant, leprosus quidam, qui in eo templo nocte illa excubuerat, narravit, Christum à se visum, aliosque Sanctos templum dedicantes jubente Christo, ut quod viderat, pontificibus ad dedicationem profectis referret, ejusque rei, ne fortè fides desideraretur, signum ostenderet illud, quod esset à lepra mundatus, cutisque ex facie, quæ tuberculis ejus morbi ulcerosa esset, tota esset sublata. Igitur non fides tantum est habita, sed etiam à dedicatione Pontifices abstinerunt. In rei autem memoriam, nunc quoque detracta ex leprosi vultu cutis, aurea pyxide condita ostenditur, & dies quotannis inter solennes celebratur. *Fulgosus lib. i.*

84. Genovepha virgo Parisiensis, Catulacensem vicum, ubi divus Dionysius morte multatus est, reverenter frequentavit, cui basilicam quoque vovit. Sacerdotum

tum collegia supplex adiit, ut ex collecta pecunia ædem illi facerent. At illi modò paupertatem, modò calcis inopiam causari. Contrà illa divinitus effata, Egredimini, inquit, quæso, ad pontem urbis, & quæcunque audieritis, nunciate mihi. Egressi, dum in foro stant attenti, si quid acciperent, ecce subulci duo adventantes inter se verba faciunt. Alter, Dum suis, ait, vestigium vagantis opertus legerem, maximam fornacem calcis inveni. Ego quoque itidem in sylva, inquit alter. Hæc quæ audierunt stupidi Sacerdotes, virgini referunt. Ast illa præ gaudio in lachrymas effunditur. Quæ ubi civibus significata sunt, magnifica è collata pecunia ædes erecta, Dionysioque dicata. Ne sacra quidem prodigia in ædificanda basilica defuere. Nam cum potus fabris lignariis forte deficeret, cadum accepit, quem ubi exorato Numine, signo crucis expiavit, mox operariis plenum propinavit, pari exuberantia semper redintegratus divinitus, eorum litim ad consummatum usque opus explevit. *Bonfinius lib. 5. Decadis 1.*

85. Primi Venetæ urbis conditores (quos Patavinos fuisse ajunt) cum casas quasdam extruxissent, nec adhuc templum alicui Numini dicassent, repentè ignis ex Architecti domo noctu erumpens, continuato incendio quatuor & viginti domos absum-

psit, vento & materia passim disiecta flammæ alentibus. Versa in preces multitudo, ædem D. Jacobo vovit. Ignis eodem momento desedit, & ædes ex voto erectæ. *Egnatius libro 6. cap. 5.*

86. Circa annum Salutis 1516. Balthasar Hubmeyerus Theologus apud Regenspurgenſes, ſuis concionibus Magistrarum ita inflammavit contra Judæos, ut exciſa illorum Synogoga, in arca ipſa templum D. Mariæ formosæ ædificârint, Quæcum neſcio quæ miracula edidiſſe diceretur, fama longè lateque per Germaniam ſparſa, tantus repente peregrinorum concursus eſſe cœpit, ut nec templum nec cœnobium, vix etiam urbs ipſa, ampla alioqui, veroque Regia, tantæ colluviei ſufficeret. Auctus inde furor, ut qui formosæ tantum Mariæ Ratiſponenſis vel obiter meminifſet, velut enthufiaſmo correptus, poſthabitis parentibus, conjugibus, liberis, rectâ ad eam dies nocteſque irrequieto curſu, obviis in itinere nec ſalutatis nec agnitis, contenderet. Neque verò vel minis vel vinculis coërceri poterat. Inſtrumenta artis (nam plebejos ferè & opifices hæc vœſania agebat) quæ mente motis ad manum fuiſſent, ſecum abrepta, ſtatux anathematis loco offerebant. Vidifſes mulierculas trahentes pueros, ſenes ſcipionibus innitentes, pueros panis fruſtum  
vel

vel pomum donarii loco obtendentes, ægros cum lintheaminibus & stragulis adrepentes, cibi, potus, somnique interea immemores, mutos, surdos, & apertis cæcos oculis. Templum ingressi non omnes eodem afficiebantur modo: sed qui ad summum gratiæ, uti persuadebant Sacrificuli, pervenissent, ubi primum formosum simulacrum aspexissent, nulla missa voce, sideratis similes concidebant: ad se reversi, unâ cum furore morbis se liberatos profitebantur. Fecit hæc persuasio, ut multi æmulatione quadam superstitionis, sub templi ingressum humi sese abjicerent. Insolentiam hanc immodesti cultus cum Senatus edictio severè coercuisset, seu vindicta Numinis, seu indignatione Dæmonis factum est, ut Euthusiasmus ille, qui per octennium & amplius Germanos credulos dementaverat, unâ cum miraculis elangueret. Sunt qui putent Judæorum fraude, alii eorum ad quos ex hac peregrinatione quæstus redundaret amplissimus, arte magica hanc ei loco conciliatam autoritatem, quam simulachri cultus, & semel delusis superstitione mentibus, auxerit & ampliârit. Utut sit, plurimi cordati, verique catholici, Signa hæc Magica & Diabolica potius, quàm Divina esse judicârunt.

*Sebast. Francus in Chronicis.*

87. Lampertus Lovaniensium Comes,

Bb 3

phi-

phylacterium de collo in pectus usque dependens, Sanctorum reliquiis plenum circumtulit, atque hoc se patrocinio adversus omnis generis pericula tutum fore credidit. Verum in prælio adversus Godefridum Ducem, fascinum illud de collo in campum procidit: moxque comes, ante invictus, perimitur, anno 1015. Militum autem quidam, agnitum amuletum in Caligis abscondit. Sed restumore coxæ & cruris ejus prodita est. Itaque fratri obruncati comitis Etheloni traditur. *Sigebertus in Chronico.*

88. Episcopus Metensis, vice Popponis Trevirensis in Palæstinam profecti, perficiens ordinationem Clericorum, clavum Dominico simillimum altari imposuit, utrumque in sinum abdidit, quem tamen manantem sanguine restituit, terramque cum sanguine abrasam crystallo inclusit. *Catalogus Treverensis.*

89. Constantinus Imperator, clavos crucifixi Christi ab Helena matre donatos, semper adoravit, unum galeæ cono infixit, ex altero frænum equo suo confecit, quod etiam hodie Mediolani cernitur, fretus horum adjumento, omnia vitæ se evasurum pericula. Sed quid impium magis, quam si ferro ascribas ea, quæ Dei sunt altissimi. *Fulgosus lib. 1. cap. 2. de cultu divino ex Ambrosio.*

90. Gregorius II. Papa, tres spongas benedictas, quæ ad usum mensæ ejus apponi solebant, misit Eudoni Aquitaniæ Duci. Eas in frustra concisas distribuit exercitui, quem contra Saracenos educebat, ac evenit, ut nullus ex eis, qui participes facti fuerant, vulneratus aut interfectus sit. *Eudoni epistola ad Gregorium in libro Pont.*

91. Monachus cœnobii Romani, qui à parentibus puer traditus fuerat abbati, ubi adolevit, relicta religione uxorem duxit. Angina autem laborans, in Monasterium relatus, habitu ac pœnitentia suscepta, à S. Andrea & Gregorio, propter admissa crimina scædè flagris cæsus est. Hinc lecto exiliens, scapulare & cilicium induit, & ædem S. Andreæ ingressus, dixit adstantibus: Ecce Sanctorum verberibus ita purificatus, è corpore egredior, quemadmodum olim de baptismo mundus exivi, Et inter Missarum murmura obiit. *Vincentius lib. 25. cap. 57.*

92. Coloniensis quidam patre natus Judæo, sed converso, cum in Paschali festivitate corpus Domini percepisset, integrum illud ore, nescio ad quos usus, secum defererebat domum. At divinitus ille territus, in cœmeterio ipsum terræ mandavit. Supervenit fortè Sacerdos, ac quid agatur explorans, fossa aperta, infantis formam



reperit, quem cum ad Ecclesiam deportare festinaret, in tenues abiit auras. *Trithemius in Hirsaugiensi Chronico.*

93. Mulier quædam infamis, in solennitate Paschæ, apud Castrum, quod Mons aureus dicitur, cum ore Corpus Domini perciperet, integrum domi suæ arculæ includit. Eam cum fortè aliquantò post quidam ejus amatorum aperuisset, hostiam (ut vocant) Dominici corporis in carnis & sanguinis effigiem transmutatam invenit, anno Domini 1181. *Sigeberti continuator.* Hisce præstigiis Satan figmentum Papisticum de Transubstantiatione stabilire conatus est.

94. Anno Christi 1345. Cum consecrati quidam homines hostiam cum ferculo suo è templo omnium Sanctorum memoriæ dicato suffurati essent, atque id ferculum non aureum, ut crediderant, sed æreum inauratum esse comperissent, apud Bubalum pagum suburbanum Cracoviæ in cœnosam paludem id abjecerunt. Mox locus crebris ignibus atque faculis dies noctesque aliquot perpetes collustratus est. Id miraculum cum ad Episcopum perlatum esset, neque causa tamen ejus pateret, post indictum triduanum jejunium, eò cum solenni pompa profectus est: repertamque Eucharistiam eò, unde sublata erat, retulit.

lit. In eo verò loco, ubi reperta est, Cazimirus II. Rex augustum templum, titulo Corporis Christi, de coctis lateribus ædificavit, successuque temporis per amplum spacium muro complexus, novum oppidum condidit, & Cazimiriam de suo nomine appellavit. *Cromerus lib. 12.*

95. Bruxellis anno Christi M. CCC. LXIX. Jonathas Judæus à Johanne Parrocho ad D. Catharinam aliquot hostias, ut vocant, consecratas redemit, & incursum inimicorum in horto occisus, eas uxori asservandas reliquit, uxor Abrahamo filio: qui die Veneris sancto hostiam exemptam in cœtu Judæorum cultello confodit atque conscidit. Verum copioso profluente sanguine, mater Abrahami conversa, miraculum evulgavit. Vencislaus Brabantiae Dux, diligenti inquisitione facta, Abrahamum cum consciis ante ædem D. Catharinæ vivum exuri curavit, & hostiam in templo Cathedrali D. Gudulæ religiosè deposuit. *Ludovicus Guicciardinus in descriptione Germaniæ inferioris.*

96. Olim Canon Missæ palàm & alta voce decantabatur. At Vigilius Papa statuit, ut non nisi in loco sacro, in vestibus sacris, & voce submissa. Contigit semel, ut Pastores in campo ridiculosè super lapidem pane posito, recitarent verba Canonis, quibus fit tran-

substantiatus: atque ita repentè ante se viderunt carnem humanam cruentam, statimque divinitus percussî, interierunt. *Hermannus Gygas.*

97. Cum ex crypta templi Paulini Treverensis ubi legionis Thebeæ, à Rictionario Maximiani quondam Imperatoris Præfecto interemptæ, corpora quiescere putantur, terra portaretur, os quoddam incautè à Sacerdote projectum, sanguinem non modicum stillavit, & usque hodie cruentum permanet. *Schaffnaburgensis Anno 1072.*

98. *Regino narrat* Clodoveum Regem Francorum, propterea quòd minus religiosè corpus Dionysii discooperuerit, & os brachii ejus fregerit, & rapuerit, confestim stupefactum in amentiam incidisse, & post duos annos vitam cum Regno finiisse. *Idem Adon Vienensis atate 6. & Nauclerus generatione 23. Sigebertus circa annum Domini 660.*

99. *Refert Hector Boëthius*, Guanoræ cujusdam beatæ mulieris in Scotia sepulchrum si qua mulier calcâisset, perpetuò sterilem evasisse. *Cardanus de Rerum varietate lib. 8. cap. 44.*

100. Mulier quædam quæ D. Genovephæ calciamenta Lutetiæ subtraxerat, luminibus repentè caruit, petitaque venia, lucem recuperavit. *Bonfinius libro 5. Decad. 1.*

101. Ad tumulum Venceslai III. Bohemorum Regis insignis latro cum accessisset, exprobrans mortuo vitam, lapidea statua supra sepulchrum posita colaphum incussit, & mox cæcitate percussus, impietatis suæ pœnam dedit. Statua postmodum in Sacrario erecta est, & alia ænealoco ejus reposita. *Æneas Sylvius, capite 28. Histor. Bohem.*

102. Constantinus quidam strator Artabaldi videns imaginem Dei genitricis stantem, apprehensum lapidem adversus eam projecit & contrivit, & cum cecidisset, calcavit. Et vidit in somnis astantem sibi & dicentem, Nosti quàm fortem causam in me operatus fueris? verum contra caput tuum hoc fecisti. Postridie Saracenis murum oppugnantibus, & certamine commisso, miser in murum accurrens, tormenti lapide caput faciemque contritus, dignam suæ impietatis mercedem tulit. *Paulus Diaconus lib. 21. Rerum Rom. & Cedrenus.*

103. Constantinus Episcopus Cypri in quarta actione Nicena secunda narrat, Armentarium quendam, qui imagini Mariæ stimulo dextrum oculum evulserat, postea in agrum egressum, cum percuteret pecus, sibi ipsi oculum elisisse. Et alium quendam in Citio, eò quòd per caput imaginis ejusdem in pariete depictæ clavum infixisset,

ingenti dolore capitis affectum esse, quo non prius liberari potuerit, quàm clavum extraxisset. Agarenum etiam conto oculum statuæ Mariæ in Gabala civitate Syriæ evel-  
lere conantem, sibi oculum effodisse, & ar-  
denti febre correptum esse, *ibidem asseritur.*  
*Et in actione 5.* adhuc alia tria miracula ab  
imaginibus edita proferuntur, ad earum  
cultum stabiliendum, *quæ Carolus Magnus*  
*in libello de adoratione Imaginum, ad vim*  
*superstitionis refert.*

104. Judæus quidam baptismo in Han-  
nonia suscepto, à Guilhelmo comiti Hol-  
landiæ de sacro fonte levatus, ad vomitum  
rediens, imaginem Mariæ virginis in tem-  
plo clam pugione in faciem percussit, san-  
guis profluxit copiosissimus, Judæus fuga  
sibi consuluit. Virgo in somnis fabro ferrario  
apparet, autorem facinoris indicat, eum per-  
sequi, & duello oblato sceleris convincere  
hortatur. Paret ille, & Judæum monoma-  
chia victum ad crucem adigit. *Iohannes*  
*Trithemius in Chronico Hirsaugiensi.*

105. Dum de pace agitur inter Henri-  
cum Anglorum & Philippum Francorum  
Reges, quidam introducti à Ricardo Hen-  
rici Anglorum Regis filio satellites, quos  
illa ætas Coterellos appellavit, dum alea lu-  
dunt, Quidam perditis nummis simulachrum  
virginis filium dextra gestantis in templi  
vesti-

vestibulo aspiciens, jacto in imaginem lapide, brachii partem à filio abruptit, ex quo profluens cruor, multis ægrotantibus remedium præstitit. Ille à Dæmonio mox abreptus, eodem die spiritum miserabiliter efflavit. *Robertus Gaguinus libro 6.*

106. Sub Carolo VI Rege, Galli Burburgum oppidum receperunt. Gallus miles, dum effracto templo simulachrum argentum D. Johannis rapere conatur, statua sese avertisse dicitur. Ille furiis correptus, se ipsum dentibus laniasse fertur. *Robertus Gaguinus.*

107. Budæ Pannoniæ urbe duo aleatores ita convenerant, ut alter in Dei nomine, alter in nomine Diaboli luderet. Qui Deum nequitie fautorem faciebat, pecunias omnes, ipsas quoque vestes amisit: intempesta nocte desperabundus domum rediens, per cæmeterium iter fecit. Ibi Salvatoris crucifixi imaginem conspicatus, ira & furore plenus, saxum arreptum violenter fronti illisit. Miraculose igitur saxum in vulnere hæsit, & copiosus sanguis profluxit. Cæmeterio vicinus habitabat lanius senex, podagricus, is per quietem vocem incertam audit, Surgeret, & cultro proximum quemvis sibi obviam factum confoderet. Quam vocem cum tertio iteratam, multis cum minis instantem audivisset, parère decrevit. Itaque cum prius



ne movere quidem sese lecto posset, impigrè surgens, lanario cultro arrepto, in cœmiterium descendens, aleatorem infelicem furibundum sibi obviam factum cultro confixit. Hoc patrato facinore, Judicis ædes accedens, aditum & colloquium postulat. Judex non credere, sed phantasma Dæmonis arbitrari. Tandem admissus, somnium & cædem indicat. Cum jam illuxisset, ad cœmiterium conveniunt, cadaver circumstant. Interim Dæmones cum terribili ululatu in sublime raptum cadaver, ex hominum conspectu abstulerunt. Ea res præter vulnus crucifixo illatum, aleatoris perfidiam arguit, & lanium periculo liberavit. *M. Fritschius in Meteoris.*

108. Anno Salutis nostræ M. CCC. LXXXIII. fuit in his Regionib. homo quidam, cui nomen *Schelkrop*, humili genere, & ex infima plebe natus. Hic, cum aliqui natura præditus erat maligno ingenio, factus est etiam ultrò tam licentia quam consuetudine peccandi deterior. Neque flagitiis tantum, sed etiam infamia ipsa delectatus, in lustris & tabernis ætatem transigebat: fuit autem appetentissimus ludi, ex quo pleraque vitiorum genera, tanquam vermes è putri cadavere ubertim erumpunt, præcipuè vero impietas erga Deum inde nascitur, Qua duce *Schelkrop* tantum nefas admisit,

misit, quantum vix omnibus retrò sæculis  
 auditum est. Cum enim aliquando volens  
 pro consuetudine sua fortunam ludo experi-  
 ri, quosdam sui similes ad ejus rei commu-  
 nionem allexisset, itum est ab illis in quod-  
 dam diversorium publicum, sive tabernam  
 suburbii Moguntini, *Filtsbach* appellati, no-  
 men verò & signum ipsius Tabernæ flos  
 erat, dicebaturque vulgò, *zu der Blumen*.  
 Cumque illic aliquamdiu taxillis lussissent,  
 contigit fortè, ut *Schelkrop* parum prospera  
 fortuna usus, pecuniam ferè omnem quam  
 habebat, perderet, multumque detrimenti  
 acciperet. Quod cum per ludi progressum  
 non modo non emendaret, verùm etiam im-  
 modicè augeret, cœpit tandem, uti sole-  
 bat, graviter stomachari, & post convitia  
 collutoribus dicta, Deum etiam & Sanctos  
 blasphemare. *Sunt qui referant* eum hac ira  
 & impietate succensum palam fuisse mina-  
 tum, quaecunque crucifixi Jesu imaginem  
 primam obviam habuisset, ab ea se præsen-  
 tis damni pœnas, & vindictam repetiturum.  
*Sed de hoc nihil affirmo. Illud constat*, eum  
 à sociis digressum, pervenisse ad Sacellum  
 quoddam, inter ædem D. Albani & hanc  
 beatissimæ virginis Ecclesiam situm, ubi  
 jam olim hæc simulachra fuerant reposita.  
 Quamprimum ergò ad id Sacelli pervenit,  
 Imaginem crucifixi atrociter vulneravit, &  
 unico

unico ictu ejus cervicem dissecuit, ita ut ne ullatenus hæreret quidem. Mox D. Virginis, aliorumque Sanctorum signis cruci astantibus cæsim & punctim pleraque vulnera inflixit, &c. *Hactenus Schelkrop debacchatus est. Quæ verò sequuntur ad vindictam divinam & miraculum ipsum pertinent.* Terrificus enim & admirabilis cruor subito ex vulneribus effluxit, ceu non lignea simulachra, sed vivi homines eam injuriam perpeffi forent. *Schelkrop* autem jam expleta impietate sua, inde pedem non movit, ac ne movere quidem potuit, donec à supervenientibus in flagranti crimine deprehensus, & in urbem Moguntinam captivus deductus, atque ibi vivus in conspectu populi exustus est, non longè ab urbe, in eo loco, quem Judæorum arenam vulgo appellant, quia Judæi quondam cadavera sua illic humare solent. Imagines verò vulneribus & cruore insignes, ab ædícula illa veteri, ad templum quod Sanctæ crucis nominatur, summæ veneratione Sacerdotum manibus translatae fuerunt. Ubi in hodiernum usque diem terrificus ille cruor cernitur, & admodum religiosè colitur, multique mortales variè afflicti, susceptis votis Dei Opt. Max. clementiam experti, & salutem adepti sunt. *Theodoricus Gresmundus Legum Doctor.*

109. Et si autem hæc furiosorum hominum

num impietas & petulantia nequaquam tolleranda, sed potius legibus & pœnis severiter coercenda & vindicanda, tamen non est dubium, miracula hæc facta esse fraude & impostura Diaboli, ad confirmandam Idololatriam in cordibus hominum de cultu & adoratione statuarum, qua alligatur Deus ad truncos & lapides. Quæ horribilis Idololatria usitatissima fuit, & adhuc est in Regno Pontificio. *Vide de his signis & prodigiis Paulum in posteriore epistola ad Thessalonicenses. cap. 2. & textum diligenter perpende.*

II. Vigesimo quarto anno Constantini Copronymi, in Beryto imago Christi à Judæis contumeliosè tractata, aperto latere sanguinem & aquam effudit, quo curati sunt infirmi. Eum ampullis exceptum, Episcopus misit per orbem terrarum, atque inde anniversaria festivitas ad 5. Idus Novembris de Passione Imaginis Christi instituta fuit. Sigebertus anno Domini 765. Patres in secunda Nicena Synodo volunt id accidisse tempore Athanasii, eumque in peculiarem retulisse, & posteritati reliquisse. Ex Syria divino magis quàm humano consilio Mantuam translatus fertur. *Sabellicus lib. 9. Ennead. 8. & Cuspinianus.*

III. Judæus quidam sub Pelagio Pontifice Imaginem Salvatoris de Ecclesia fur-

tim

rim sublatam, telo transfixit, eamque clam domum deferens, cum eam vellet flammis exurere, se sanguine Imaginis cruentatum videns, præ stupore eam abscondit. Quam Christiani requirentes, & per vestigia sanguinis sanguinolentam receperunt, Judæumque lapidârunt. *Sigebertus in Chron.*

112. Othone & Philippo Imperii causa inter se bella gerentibus, cum permulti se cum rebus suis in fanum S. Govari, haud longè à Treveris recepissent, quia & natura & arte satis munitus videbatur locus, eoque impugnaturus templum Vernerus Bolanus venisset: qui intus obsidebantur, cum suspectam haberent fenestram, ne ea hostes aditum sibi in templum facerent, posita in eo loco crucifixi Christi imagine, quæ lignea erat, satis cavisse rebantur, ne illac hostes irrumperent. Sagittarius quidam sagittam in eum locum dirigens, Christi imaginem confixit, & mox tanquam ex vivente corpore sanguis manavit. Ea re territus Vernerus, cruce sumpta, mare ad bellum contra Christi hostes gerendum trajecit: Imago autem sagittaque sanguine conspersa fuit aservata. *Fulgosus lib. 1. cap. 6.*

113. *Gregorius Magnus in epistola ad Theoctistum inquit:* Quendam ex Longobardis in Transpaduana regione, reperisse clavem Petri auream, Regi Longobardico  
maxi-

maximi muneris loco transmissam, ac cultro eam incidisse. Quod quamprimum tentavit furore correptus satanico, cultro sibi jugulum disciderit, eademque hora expiravit. Unde verò Petro tam preciosa clavis? & ad quid?

114. Adelgisius, quem Pandulphus Princeps Capuanus Cassinum ire, indeque Planetam, calicem Imperatoris, & alia Ecclesiæ ornamenta preciosiora pignoris loco sibi adferri jusserat: Dum mandata Domini exequi tentat ad altare, ubi ornatus ille repositus erat, in faciem procidit, & paralyti ac epilepsia correptus, miserum astantibus præbuit spectaculum: à quo morbo licet utcunque liberaretur, oculos tamen & os distortum retinuit. Ipse vero princeps non tantum non inceptis destitit, sed & majora contra fratres designavit. At post ipsius obitum, puer quidam venatoribus eum ferreis nexibus vinctum, & in cœnoso & fœtido lacu usque ad guttur demersum, & restibus à duobus nigerrimis Spiritibus in profundum subinde demitti, & iterum extrahi vidit. Causam verò tam tetri supplicii ab eodem puero rogatus, respondit: Quòd aureum Calicem cœnobio S. Benedicti eripuerit, & in agone mortis restitui neglexerit, obsecrans uxori talia indicari, ut Monasterio erepta bona reddat. Quod tamen mulier illa ava-



la avara minimè præstitit. *Chronicon Cassinense lib. 2. cap. 62.*

115. Eremita quidam in rupe, juxta publicam viam ditionis Neapolitanæ habitans, dum noctu post Psalmorum recitationem, ad explorandam horam aperit fenestram, vidit Æthiopes longo ordine incedere, & stramine onustos incendium minari. De sua conditione interrogati, se Dæmones esse dixerunt, & fomites ignium comburendis hominibus conferre, jamque Pandulphum Capuarum Principem morti vicinum præstolari, eademque hora Pandulphum expirasse depræhensum. Confestim Vesævus mons flammam evomuit, tantaque copia resina sulphurea inde effluxit, ut torrentem faceret, qui cum impetu se in mare exoneraret. *Chron. Cassinense lib. 2. cap. 84.*

116. *Vrspergensis & Platina* narrant, D. Johannem Baptistam homini cuidam rapaci & sacrilego, qui monumentum Regis Longobardorum Rotharis, in basilica sibi extructa quiescentis, aperuerat, & ornamenta corporis, quibuscum erat humatus Rex abstulerat, apparuisse, eumque duriter compellasse, quod ausus esset corpus hujus hominis attingere, qui tamen non recto pede ad veritatem inceserit, tamen sese ipsius tutelæ & patrocínio commiserit. Ob hoc facinus eum non ingressurum amplius hoc  
rem-

templum. Quod & factum est. Quoties enim Ecclesiam volebat ingredi, à Spectro jugulum ejus petente abigebatur.

117. Eo bello, quod Carolus VIII. Gallorum Rex gessit adversus Annam Britanniae Ducem, quam postea in matrimonio habuit, Britannus quidam Remensi urbe egressus prædatum, in pagi cujusdam templo, quò meliorem rerum suarum partem agrestes contulerant, capsam confregit, arbitratus sæcularium hominem esse: repletoque sinu iis rebus, quas auferre secum poterat, posteaquam domum rediit, dum res raptas agnoscit, in eis particulas quasdam linteas vidit, haud absimiles his, quæ ad nasi purificationem conficiuntur: minimeque arbitratus ex eo genere esse, quibus Sacerdotes pro mappa ad sustinendam hostiam utuntur, fœminæ hospiti eas dono dedit. Cum autem sanguine infectas cerneret, primum manus suas inspexit, quas cum illæsas cerneret, neque inde sanguinem manasse videret, in sinum suum oculos deflexit, ubi integra pectoris cute, diploidem quoque interiore tunica sanguine illitum animadvertit. Fœminacum ad amnem lotura hos pannos tulisset, non modò sanguinis maculæ non abibant, sed aqua quoque cruentabatur. Quod haud dissimile est ei, quod Leoni Pontifici contigit, qui petentibus à se sanctas reliquias,

quias, ejus mappæ, quæ corporale dicitur, partem secabat & dabat. Cæterum cum semel quidam eam rem despiceret, Leo illo præfente mappam pupugit, clareque illi ostendit sanguinem ex ea manare. *Fulg. l. 1. c. 6.*

118. *Gregorius Turonensis cap. 81. de gloria Confessorum scribit, de Mariano Eremita*, cujus festum quotannis celebrari solitum fuit, quod ædes cujusdam (qui propter domestica negotia, & necessarias occupationes, ad festum ipsius diem non advenerat, commonefactusque à vicino responderat: Melius esse domi opera facere necessaria, quàm talem Sanctum colere, de cujus salute ambigitur) incenderit, & flammis ultatricibus absumpserit: ita tamen, ut ignis non nisi in ipsius ædes grassaretur.

119. Quidam Aurelianensis, cum in vineam suam sese conferret laboraturus, die festo Aviti, Abbatis Carnotensis, admonitus à reliquis ne id faceret, quamprimum manum operi admovit, facies ejus contorta ad tergum (scilicet à Spiritu homicida) est conversa. Tremebundus igitur, spectante magna hominum multitudine, basilicam Aviti ingreditur, deprecans culpam, & paucis diebus post, ut facies in suum locum converteretur, impetrat. *Gregor. Turonens. lib. de gloria Confess. cap. 99.*

120. Parisiensis quædam oppigneraverat

rat Judæo vestem. Cum redimere non posset, hostiam, quam Paschate proximo sumptura esset, illi pollicetur. Judæus acceptam hostiam lebeti ferventi oleo & aqua pleno injicit, blasphemis verbis illudit. Protulisse ajunt puellum formosissimum, & harpagonem Judæi mira agilitate, quo illum demergere nitebatur, declinasse. Astabant pueri, & rei novitate territi, ad matrem currunt, crudelitatem patris contra pusionem indicantes. Fit concursus populi. Ereptam Judæo hostiam, Episcopus in Ecclesiam S. Johannis de Gravia deportavit. Judæi uxor & liberi ad Christi fidem conversi. Ipse ad supplicium ductus, Talmudi virtutem jactare, & inclamare non desinebat. Ad hominis superstitionem eludendam afferri jubetur. Eo accepto, cum securitatem Judæus sperare inciperet, ignis jaculi instar è pyra constructa evolans, Judæum cum libro exussit. *Thomas Patriarcha Barbariensis lib. 3. Fortalicii fidei.*

121. In Ecclesia Arvernensi quidam impius homo mendaciter juraverat. Subitò autem linguam sibi ligatam sentiens, mugire incipit. Ac de admissio scelere dolens & gemens, prosternitur ante sepulchrum Dretonii Episcopi, ejus opem (non ipsum Deum, ut præceptum est supplex implorans. Sentit itaque sibi relaxari vinculum  
lin-

linguæ, & expeditè rursus, ut antè, loquitur, publicè confitens suum peccatum, quo, sibi hanc pœnam sciens & volens accertiverat. *Gregorius Turonensis de Confessoribus capite 29.*

122. Boleslao III. Bohemorum Duci, Mefcho Polonorum Princeps Cracoviam per fraudem eripuit. Per inducias ambo Duces apud Cracoviam convenerunt. Boleslaus in convivio captus, luminibus privatur, comites ejusdem crudeliter necati, exceptis Urisbuicensibus insidiarum consciiis, scelerisque participibus. Iidem quoque Janurem Boleslai fratrem dolo necare conantur. Cochares enim, adolescentem sub specie venationis in sylvam tractum, ad stipitem arboris alligatum, sagittis confodi jusserat. Fama est, Divum Johannem Baptistam ab eo precibus exoratum, hirsuto tegmine sagittas excepisse, uxoremque ejusdem per visum commonuisse, periclitanti viro opem ferret. Interea simulus principis Overa elapsus, proditioes populo exposuit. Qui proditoribus occisis, ducem saluum reduxit. In eo loco, Monasterium ordinis sancti Benedicti, quod Veliscam appellant, constructum, & ara major ibi sita, ubi arbor religatum Janurem tenuit. *Æneas Sylvius in histor. Bohem.*

123. Gomenus Imperator cum ægrota-  
ret, & jam deficere videretur, Salvatoris  
ima-

imagine est restitutus. Divinum enim populum in Chalce repositum, quod faciem Christi impressam habebat, ad lectum, in quo jacebat, expansum est, & ipsius corpus eo involutum: Itaque morbi vehementia remissa, surrexit, cibum sumpsit, ac convaleuit, morbusque desit. Sed cum parum constans visa esset hæc valetudinis recuperatio, ut populum vana suspitione liberaret, eques in forum descendit. *Cuspinianus.*

124. Per quos dies sacrosancta crux Prolemaide anxie conquistata nusquam comparuit, alia passi Domini monumenta miraculo mortalibus extitere. Lutetiæ Ludovicum filium Philippi Augusti Regis trimulum (Rege in sacra expeditione absente) tanta vis invasit morbi, ut animam agere, ac tantum non expirare videretur. Sacrae spinæ coronæ particulam eam, quæ ad ædem Divi Dionysii asservabatur, ac sacrum clavum, obsecrationibus factis, Lutetiam reverentissimè attulit Mauritius Parisiorum Pontifex, vir sanctus, ac corpori pueri admovit. Morbus depulsus, valetudo restituta. *Æmilius lib. 6.*

125. Quidam lethaliter sauciatus, gustata buccella panis à D. Bernhardo consecrata, valetudinem suam recuperavit, is panis per multos annos incorruptus servari poterat, nec colore, nec sapore mutato. In Tolo-



sana provincia multi infirmi, gustatis quibus D. Bernhardus benedixerat panibus, sanitatem recipiunt. Quidam Civis Salernitanus, aqua, qua manus laverat D. Bernhardus Abbas, sanitati restituitur. *Autor vita.*

126. Monachi Malmendrenses, postquam frustra lachrymis & precibus liberam restitutionem sui cœnobii à Cæsare, qui id Colonienſi Antistiti subjecerat, petiissent, ossa S. Remacii Leodium deferunt, mensæque Regis convivium agentis imponunt: quæ onere fracta, crus pedesque viri cujusdam nobilis contrivit: qui tamen per intercessionem Remacii implorata Dei ope, pristinam sanitatem ita recepit, ut ne cicatricis quidem ullum remaneret vestigium. Cumque etiam alia ad reliquias istas ederentur miracula, Rex & ablata restituit, & munera Monachis contulit, an. 1071. *Schaffnaburgensis.*

127. In confinio Biturigum & Turonum Claudiomagus vicus est, celebris quoque ibi Ecclesia, in cujus secretario S. Martinus quandoque peregrinando permansit, & in stramento requievit. Eo abeunte Sacerdotes ac Virgines stramentum ex devotione partiuntur. Quod cum ad cujusdam cervicem suspendissent, qui Dæmonio agitabatur, citius dicto convaluit. *Bonfinius l. 5. Dec. 1.*

128. *Chronicon Martini manuscriptum refert,*

refert, ossa seu reliquias Stephani à nobili quadam muliere ignoranter Hierosolyma Constantinopolim translatas, existimantem se ossa sui mariti habere. Accidisse verò, ut Dæmones in aëre ululantes factum prodiderint: quos Angeli suaviter canentes fugaverint. Filiam verò Imperatoris Dæmoniacam exclamasse, Si Stephanus venerit, statim sanabor.

129. Quidam Othonis I I. Imperatoris præfectus à Diabolo obsessus, catena qua S. Petrus vinctus dicebatur, collo circumdatus, mox liberatur, anno 983. ut *Chronicon Saxonia* habet. *Vincentius libro 24. cap. 88. Othonis primi temporibus accidisse narrat, Sigebertus verò secundi.*

130. Populus herbulas sparserat super tumulum Nicetii Lugdunensis Episcopi: Aigulphus Diaconus Roma veniens, de hisce herbis Sacerdote porrigente, secum asportavit, ac febricitantibus cum haustu aquæ frigidæ exhibuit, ac sanitati e vestigio restituit. *Gregorius Turonensis hac sua ætate facta esse, pro certo affirmat. Albanensis Episcopus febri laborans, cum ex patella, ex qua D. Bernhardus cibum ceperat, panem & aquam gustasset, mox convaluisse dicitur.*

*Autor vite Bernhardi. Gregorius Turonensis de gloria Confessorum cap. 85. de Sylvestri Cavillonensis Episcopi lectulo funibus*

*ligato mira quadam narrat.* Febricitantes positi subtus hunc lectum, recreati & refo-  
cillati sunt. Multos dicit sese vidisse, qui  
abscissis particulis de funibus lectuli, cum  
infirmos hisce tangerent, pristinae restitu-  
isse valetudini. Matrem suam, ait, parti-  
cula abscissa de istis funibus, puellam fe-  
bricitantem, cum de collo suspenderet, sa-  
nasse.

131. *Ivo in Chronico, & Paulus Dia-  
conus libro 6. cap. 2. de gestis Longobardo-  
rum narrant*, quod cum tempore Constan-  
tini, circa annum Domini 682. per tres  
menses, Julium, Augustum & Septem-  
brem, pestis Ticinum adeo depopulata es-  
set, ut civibus inde fugientibus herbae &  
frutices enascerentur in plateis, revelatum  
esse quibusdam viris, non prius pestem abi-  
turam, quam Sebastiani martyris altare in  
basilica Petri construeretur, atque eventum  
correspondisse. Reliquiis enim Sebastiani  
Roma Ticinum translatis, altari extructo,  
lues illa quievit. Atque hinc superstitio de  
Sebastiani contra pestem praesidio rudium  
animos occupavit.

132. Constantinus Magnus, devicto  
Maxentio, crucis sibi coelitus ostensa sym-  
bolo, cum Maximinum quoque Christia-  
ni infestum opprimere cogitaret, subito  
elephantiasi corripitur. Medicis omnibus  
despe-

desperantibus, tandem adsunt Græci, qui in Capitolio locum ex puerorum sanguine fieri oportere asserunt, in quo si se Imperator ablueret, certò valetudinem pristinam recuperaret (Id remedii genus Ægyptiorum Regibus familiare esse, *scribit Plinius l. 26. cap. 1.*) convocantur pueri, carnifices adsunt, edictum expectant. Non tulit matrum lachrymas humanissimus Imperator, & pueros suis matribus salvos & incolumes donavit. Nocte proxima Petrum & Paulum divos ad se venientes conspicit, & ut Romanum Antistitem Sylvestrum adeat, atque ex eapiscina (quam is monstraturus esset) se lavaret, monetur. Paret, & septem dierum jejunio indicto, à Sylvestro sacro baptismo abluitur cum filio Crispo, sacro prius oleo unctus, Lux interim clarissima locum illustrat, & sonus suavissimus exauditur. Constantinus ipse divinæ cujusdam manus attactum sentiens, ex labro sanus atque salvus egreditur. *Nicephorus lib. 7. cap. 33. & Cedrenus.*

133. In ergastulo detentus Lotharingus quidam Constantinopoli, tam robustus erat, ut Turcæ veriti ne catenas ac vincula dirumperet, torquem ejus collo ferreum applicarent, quinque digitorum crassitudine latum, ac trium crassum, ferreis catenis inæxum. Huic cum in memoriam rediret

Sanctus patriæ suæ Nicolaus , cum comprecatus , ut intercederet pro se apud Deum , obdormivit : Postero mane cum pagi ædituus templum referaret , captivum hunc in vinculis dormientem ad fores offendit : ille è somno excitatus , in fano S. Nicolai de Varenguille (duobus à Nanceo milliaribus distans)quem invocârat pridie, se esse agnovit. Re pervulgata , populus accurrit, & post aliquot Alleluia decantata à Sacrificis , quatuor accersiri jubet fabros ferrarios, qui vinculis eum liberarent. Quæ cum nulla viderentur humana vi posse dissolvi, ecce in conspectu omnium torques dissiliit. *Vierus lib. 2. cap. 29. de præstigiis Daemonum, ex libello de Gallia Sanctuariis,*

134. *Gregorius Turonensis libro 5. cap 6. scribit* , Leonastem Bituricum archidiaconum , cataraçtis deciditibus oculorum beneficio privatum esse. Frustra autem Medicorum opem implorans , ac sese tandem ad Martini basilicam conferens, spacio duorum aut trium mensium jejunio & precibus macerans , visum ut reciperet , ardentè petebat. Instante festo Martini , visum recipit.

135. Leo Pontifex Romanus Caroli Magni tempore, cum pompam in agendis supplicationibus per urbem duceret , ad sancti Sylvestri ædem , à Paschali primicerio, Pampuloque presbytero , quorum turpissimam

nam vitam verbis sæpè corripuerat, pontificis insignibus exuitur, & lingua cum oculis privatur. In Divi Erasmi cœnobium delatus, Albini cubicularii opera, in D. Petri basilicam relatus, in eo cœnobio linguam & oculos recepisse fertur, *Sigebertus anno 799. & Bonfinius lib. 9. Decade 1.*

136. *Gregorius Turonensis libro de gloria confessorum, cap. 96. de quodam paralytico miraculosam recitat historiam:* Ad diem festum Albani Andegavenſis Episcopi, cum paralyticus ille curru vectus adesset, in somnis per noctem vidit ad se venientem virum, ac dicentem, Hora tertia surge. & basilicam ingredi, futurum enim est, ut ea hora Martinus cum Albino ingrediatur. Si eo momento adfueris, sanitatem recuperabis. Quod ita factum esse, multis id ipsum spectantibus, sicuti ei fuerat in somnis prædictum, *Turonensis affirmat.*

137. Presbyter quidam paralyticus ad Dunstani Cantuariensis Archiepiscopi tumbam delatus, statim sanitati restitutus est. Ad ejusdem sepulchrum obsessus quidam multo cum sanguine Dæmonem evomit. *Vincentius lib. 24. cap. 95. Gandavi anno 1010. ad corpus S. Bavonis, quod tum fortè transferebatur, Mansuindis puella Antverpiensis paralyſi liberata est. Iacobus Meyer in Chronico Flandrensi.*



138. Cosroes Rex Persarum, audiens Sergium martyrem esse datorem omnium quæ petebantur: petiit ab eo auxilium in defensionem Regni, & fecunditatem conjugis sterilis, quibus ab ipso impetratis, misit ad Gregorium auream crucem, discum, poculum, thuribulum, & alia dona in honorem Sergii martyris. *Euagrius l. 6. cap. 21.*

139. *Constantinus Episcopus Cyprî narrat in quarta actione Nicena*, quendam qui clavum in parietem adigendo, Petri depicti in pariete frontem transfodisset, indeque dolorem capitis sensisset, iussu esse clavum eximere, & sic sanatum esse.

140. Francos à Pipino Floriacum missos, ut ossa Benedicti in Cassinense cœnobium reportarent, cum ingressi essent templum, excœcatos virtute Benedicti, & re infecta reversos esse, ac censuisse non æquum esse, ut Gallia tam sanctis ossibus privaretur. *Scribit Sigebertus anno Domini 753. Vincentius lib. 23. cap. 155.*

141. Garganus quidam civis Sipontinus, cujus prægrande armentum in monte Urio Apuliæ, qui hodie Garganus, & S. Angeli dicuntur, pascebatur, quo tempore Gothorum armis Italia vexata est, armentalem taurum, qui à grege aberrârat, quæritans, inventum tandem ad speluncam nativam, in vivo cavatam saxo, ira percitus sagitta petiit.

tiit. Ea ubi tergum tauri attigit, retrò flexa  
 euestigio in Garganum versa. Ea re in re-  
 ligionem versa, Garganus Laurentio Sa-  
 cerdoti rem aperuit. Is indicto trium die-  
 rum jejunio, noctu Michaëlem Archange-  
 lum in somnis vidit, affirmantem sua opera  
 taurum indicem basilicæ extitisse, quam  
 inhabitari vellet, & ab hominibus celebra-  
 ri. Jam verò cum Sipontini Neapolitanos  
 urbem obsidentes, oraculo Archangeli per  
 Laurentium habito, stata hora erumpen-  
 tes fudissent, fides Spectro habita, & spe-  
 lunca tanquam Archangeli excavata mani-  
 bus religiosè coli cœpta, neque Gelasii  
 Pontificis max. dedicatio quam parabat, ab  
 Archangelo approbata, quòd locus cœli-  
 tus consecratus humana non egeret dedica-  
 tione. Sic igitur specus consecrata, cum  
 templo augustissimo, quòd plurimi mor-  
 tales quotannis accedere solent. Admonent  
 religionis tabellæ, votaue passim suspensa,  
 titulos indicantia. Ubi verò aræ admotus,  
 ad Numinis procumbens statuam, loco so-  
 lo, & ab hominum accessu semoto, repen-  
 tè inhorrescit tacito metu animus, atque in  
 divinarum tantum rerum cogitationem ver-  
 sus, in preces supplicia effundit Augent ve-  
 enerationem aliæ item aræ, nullo sumptu,  
 nullo artificio factæ, quibus natura ipsa vi-  
 detur locum statuisse. *Pont. l. 2. belli Neapol.*

142. Bartholomæo Gradonico Duce, cum aquæ supra consuetum excrevissent, ita ut non leve periculum Venetæ urbi immineret, manè piscator senex retulit, dum tempestas sæviret, à tribus se venerandi aspectus requisitum, eos usque in portus fauces duxisse: qui, sedata tempestate, omnes in urbe remanserunt: In S. Georgii fano unus, alius in sancto Nicolao, tertius cum alios duos Georgium & Nicolaum esse dixisset, se Marcum esse Euangelistam ostendit, imperavitque, ut quod viderat narraret, quia ab urbis principe abunde laboris sui, quod eos trajecisset, mercedem esset accepturus. Ut autem iis quæ narraret, fidem penes homines inveniret, anulum donavit, quem piscator ostenderet. Itaque re audita, Veneti constituto Piscatori annuo stipendio, supplicationes decreverunt. *Fulgosius lib. 3. cap. 6. Et Egnatius eodem.*

143. Stephano Ungariæ Rege, quinto & quadragesimo à morte ejus anno inter Divos relato, omnes Ungariæ principes cum Ladislao Rege Albam convenere. Celebratis inferiis, ad sancti Regis monumentum perventum est, à quo tanta odorum fragrantia effluxit, ut universam basilicam veluti cœlesti quodam rore compleret. Ossa balsamo quodam delibuta & humecta comparere. Quibus in syndone reconditis, anulum

lum aureum, vetus ejus gestamen, in liquore disquirere occœperunt. Quem cum nulla percunctatione in arca marmorea indipscerentur, de hauriendo liquore cogitatum. Is ubi exhauriri cœptus est, completis ple-risque phialis ac doliis, nunquam penitus exantlari potuit, nam ad singulos hauſtus, vi numinis iste liquor reparabatur. Quod ubi compertum est, quod fuerat exhaustum, continuo reconditis ossibus infudere: & post infusionem liquor ille neque crevisse, neque decrevisse visus est. Ex invento ibidem thesauro, Divæ Virgini ara instaurata. Quin & paucis post temporibus, eximii Principis uxor, cui Mathildi nomen erat, & intestinorum dolor tribus annis incesserat, hujus fama commota, in Ungariam peregrinatur, atque adito Sacello, mox cruciatu liberata est. *Bonfinius lib. 1. Decade 2.*

144. Ladislaum Ungariæ Regem anno 103. post mortem, miraculorum multitudine, quæ vim Numinis testabantur, Pontifex inter Divos retulit. Eadem hora, cum puer ad sepulchrum ejus allatus esset, cui pro manibus ac pedibus informis caro erat, ubi neque ossa neque nervos cernere erat, vix parentes pro filio vota susceperant, cum manibus ac pedibus convaluisse viderunt. *Bonfinius lib. 4. Decade 3.*

145. Sergiopolitani sive Antiocheni cum Cosroë Rege Persarum de servanda civitate agentes, ei pro redimenda urbe sacros thesauros offerunt, inter quos & aurea crux erat, quam illuc Justinianus Imperator & Theodora miserant. Illis receptis, cum plura postularet Cosroës, & inter reliqua argenteam urnam, in qua Sergii Martyris reliquiæ continebantur, auferre tentaret, subito acies quædam in ambitu urbis apparuit, quæ Persas ab urbe repulit, & in fugam convertit. Sic urbs sine milite, per miraculum est liberata. *Euagrius libro 4. cap. 28.*

146. Anno decimo Leonis Isauri Imperatoris, Saraceni Niceam Bithyniæ oblident. Verum diu urbe oppugnata, murorum partibus dejectis, apparitione Sanctorum, qui ibi coluntur, patrum deterriti, re infecta turpiter discesserunt. *Cedrenus.*

147. Thessalonicenses à Bulgaris impetrante Michaële Paphlagone obsessi, quadam die ad sepulchrum martyris Demetrii accesserunt, supplicationeque per totam noctem tracta, utique unguento, quod ex eo sepulchro scaturit, uno impetu apertis portis in Bulgarios se emiserunt, hostemque improvise impressione perterritum in fugam conjecerunt, nemine subistere, aut se defendere auso. Ductor Romanæ aciei fuit martyr,

tyr, iterque complanavit, quod Bulgari captivi juramento confirmârunt, dicentes, vidisse se juvenem equitem, qui Romanæ phalangi præiret, ex quo ignis exiliens, adversos cremaret hostes. *Cedrenus.*

148. Cives Carnotenses Camisiam Mariæ, per Carolum Calvum eò ex Constantinopoli advectam, loco vexilli de muro suspenderunt, quæ Rollonem Danum cum suo exercitu cæcitare percussit, indeque abegit. *Ranulphus lib. 6. cap. 2. & Gaguinus lib. 5.*

149. Quo die Godofretus Bolionius cum aliis ad Syriacam expeditionem profectis, prælio Hierosolymas adortus, eam urbem expugnavit, à multis perspectus est Aimarus Episcopus Aniciensis, in prælio alios præire, & cum primus in muros evassisset, aliis ut conscenderent innuere: quamquam pro certo haberetur, multis mensibus antè eum Antiochia decessisse, sicuti Guilielmus Tyrius Episcopus scribit. *Fulgosus lib. 1. cap. 6.*

150. Henricus II. Imper. Boleslaum Bohemiam possidentem, cum omni Sclavorum gente subjugavit, & similiter Poloniam debellavit, accepto gladio S. Adriani Martyris, qui longo tempore in loco, cui nomen est *Waldberg*, asservabatur. Hostes terribiliter persecutus est, divino numine



cooperante. Visi autem sunt Divi Martyres, Georgius, Laurentius, & Adrianus exercitum suum antecedere, & cuneos hostium dissipare. *Cuspinianus.*

151. Christiani Latini cum Corbana Perfarum Principe collatis signis ante Syriæ metropolim Antiochiam, lancea sancta, qua Christi latus vulneratum fuit vexilli loco prælata, plus centum millia hostium cecidere, suorum quatuor millibus ducentis desideratis. Baldricus Dolensium Pontifex illius temporis æqualis, comperisse se scribit ex his qui interfuerant, oblatam hostibus speciem trium procerum humana specie augustiorum, qui albensibus in equis sedentes, ingens agmen paricultu corporis habituque oris ex editissimis locis adversus hostes ducerent. Hos non ab omnibus, sed à quibusdam nostrorum visos, creditosque esse Martyres Georgium, Demetrium, Mercurium. Nec deinde Barbaris animus mensve aut consilium suppetebat, constabatque: apud eos omnia formidine fugaque continuo plena fuere. *Æmilius lib. 4.*

152. Actius Vicecomes, cum Johannes Bohemiæ Rex Caroli III. Rom. Imperatoris pater circa annum Christi 1330. Italiam invaderet, pedibus æger decumbens maximum rerum suarum discrimen subiit, Leodrisii Vicecomitis patruelis perfidia circum-

cumventus. Is enim conductis Rhætorum. Helvetiorumque cohortibus, & Germanis equitibus, magnaue manu exulum passim collecta, ad Abduam profectus est. Actius quanquam pedibus æger, ex omnibus locis milites cogit, munitioraque oppida subitatio præsidio confirmat, donec auxilia conveniant. Ad Nervianum vicum acri pugna commissa, superiores jam erant Leodrisiani, nisi D. Ambrosius, Mediolanensium tutelare numen, in urbe equestri effigie à multis conspectus, opem planè perditis rebus attulisset. Supervenit enim Hector Panicus cum ala Cataphractorum Allobrogum, à Ludovico Sabaudio Actii socero transmissa. Hæc Rhætos intempestivè exultantes, & cædi prædæque solutis ordinibus incumbentes protrivit, atque cæcidit. Leodrisius in manus hostium incidit. Interfecta sunt supra quatuor millia hominum. In eo autem campo ubi pugnatum est, templum in arce Divo Ambrosio ad rei gestæ memoriam conditum, ubi quotannis insigni pompa effuso Mediolanensi populo, cum prætore & Decurionibus, altero & vigesimo Februarii die, sacra solennia celebrantur.

*Iovius in Actio. At Fulgosus lib. 1. cap. 6. scribit, redintegrato prælio ab auxiliaribus copiis, quæ supervenerant, clarè conspectum Ambrosium flagello Barbaros (quos Masti-*

Mastinus Scaliger pro Leodrisio mercede conduxerat) insectari, & in hujus memoriam victoriæ, Ambrosii simulachro ab eo tempore flagellum, quod non antè pangebatur, addi cœpisse.

153. Eo prælio, quod Ramirus Hispaniarum Rex, adversus Saracenos decertavit juxta Calagurium, ab omnibus qui interfuere, conspectus est Jacobus Apostolus, albo vexillo Christianorum aciem antecedere, atque in fugam Saracenos vertere. *Fulgus lib. 1. cap. 6.*

154. *Narrat Nicephorus lib. 8. cap. 23.* in Nicena synodo Chrysanthum & Mufonium Episcopos è vita prius decessisse, quàm Nicenæ fidei subscripsisset. Patres itaque Synodi ad monumenta eorum accessisse, & scriptum manibus tenentes, tanquam ad viuentes & audientes dixisse: Bonum certamen sancti patres nobiscum certastis, cursum peregistis, fidem servastis. Si igitur ratum esse debet, quod à nobis actum est, quoniam nunc nullo interposito obstaculo Trinitatis splendore illustrati, clarius id perspicitis, peropus est vos nobiscum libello subscribere. Hæc cum dixissent, libellum obsignatum ad tumulum deposuisse, noctemque totam insomnem egisse. Et postridie ad locum redeuntes, signa inviolata invenisse: & libello resignato, subscriptiones  
illo-

illorum reliquis insertas cognovisse, recentes adhuc, & in hæc verba concæptas: Chrysanthus & Musonius, qui cum patribus omnibus in sancta prima Oecumenica Synodo Nicena consensimus, quamvis corpore translati, manu tamen propria nos quoque libello subscripsimus.

155. Plecgilis Presbyter, poscebat sibi præmonstrari, quæ foret species latitans sub forma panis & vini. Dum talia precaretur, angelus de cælo adveniens affatur: Surge, inquit, properè, si Christum videre placeret. Adest præsens corporeo vestitus amictu, quem sacra puerpera gessit. Respiciens ergò vidit super aram patris filium puerum, eumque ulnis tementibus accipit, & deosculatur. Eundem mox restituit in verticem altaris, & prostratus denuò deprecatus est Deum, ut dignaretur ipse iterum verti in pristinam speciem. Expleta oratione, invenit corpus Christi in formam remeâsse priorem, uti deprecatus fuerat. *Rabanus de Sacramento Eucharistia, cap. 30. Paschasius in libro de corpore & sanguine Domini, capite 41.*

156. Miles quidam in urbe Roma pestilentia morbo extinctus, cum revixisset, dixit apparuisse sibi pontem angustum, fluviumque subterlabentem, tetrum admodum & caliginosum, ac fœtore incredibili  
gra-

gravem. At verò ad ulteriorem ripam loca amœna , & quæ oculos florum varietate, nares odorum fragrantia multum oblectarent , tum habitacula passim disposita divini cujusdam nitoris ac formæ , sed inter ipsa unum cæteris majus , elegantiusque , quod rotum aureis laterculis adhuc construebatur , cui autem construeretur , scire sen-quivisse. Considerasse tamen, quòd justipontem securè pertransirent, reprobi verò laberentur, & in fluvium ruerent. Tunc vidit, ut ajebat, Peregrinum presbyterum tam inoffensè per angustias illas gradum tulisse, quàm hic piè vixerat. Sed inter eos quoq; qui ceciderant, quosque rapidi gurgitis spumosi vortices agitabant , vidit Petrum Ecclesiasticæ familiæ Hierarcham , qui quadriennio ante obierat , ferreis vinculis complicatum , & de horribili alveo enatare frustra conantem, atque idcirco ei supplicio mancipatum audit , quod reos olim , quos puniendos accipiebat , severiter magis quàm obsequenter punierit, *Marulus lib. 6. cap. 14.*

157. In castro Sanctorum septem fratrum , Albericus quidam nobilis puer, cum decimum ageret ætatis annum, morbo correptus ad extrema perductus est. Quo tempore diebus novem , & totidem noctibus immobilis , ac sine sensu quasi mortuus jacuit. Hoc autem intervallo à B. Petro, Apostolo,

stolo, duobusque Angelis per loca pœnarum deductus, ad infernale barathrum devenit. Demum ad paradisi amœna delatus, vidit Sanctorum mansiones, atque in cœlum sublevatus aëreum à B. Petro sufficienter edoctus de veteri Testamento, de peccatorum pœnis, gloriaque Sanctorum: vidit arcana quædam: quæ loqui prohibitus est. Sicque per Provincias septuaginta duas ab eodem Apostolo deductus, vitæ redditus est. *Chronicon Cassinense lib. 4. cap. 68.*

158. *Extat apud Vincentium libro 27. cap. 98. & 99. longa narratio de Tundalo,* cujus anima tum in locum suppliciorum infernalium, tum purgatorii, duce Angelo, deducta fuerit, ac multos sibi notos viderit. In primo beatorum aditu offendit magnam virorum & mulierum multitudinem, pluviarum & ventorum injuriam sustinentes, fame & siti tabescentes, lumine tamen fruebantur, nulloque fœtore molestabantur. Angelus comes hos respondit non valde honestè vixisse, bonaque temporalia pauperibus non fuisse largitos, post aliquot annos ducendos ad requiem. Venerunt inde ad portam, quæ ultrò aperta est eis, quam cum intrassent, viderunt campum floridum, æterna luce plenum, in quo multæ animæ erant utriusque sexus exultans, destinatum iis, qui de cruciatibus erepti, nondum meren-



rentur Sanctorum consortio coniungi. Fons  
ibi est aquæ vivæ, è qua bibens vivet in æ-  
ternum, nec sitiet unquam. Procedentes  
paululum, viderunt Concobrum & Dona-  
tum Reges, in vita sua crudeles, & inter se  
invicem multum inimicos, qui tamen ante  
mortem suam pœnituerant. Concober lan-  
guens votum voverat, si vixisset, Mona-  
chum se futurum. Donatus autem per mul-  
tos annos in vinculis religatus, omnia quæ-  
cunque habuit, dederat pauperibus. Ulte-  
rius progressi incidere in Cormartum Re-  
gem, sub quo Tundalus in sæculo vixerat,  
qui in argenteo degens palatio, regio pror-  
sus tractabatur more. Ministrorum copia  
assistebat maxima, pauperum scilicet & pe-  
regrinorum animæ, quibus Rex bona sua  
largitus fuerat. Spectantibus illis, obscurata  
est domus, omnes habitatores consternati  
sunt, Rex contristatus exivit cum fletu.  
Quem cum Tundalus sequeretur, vidit Mi-  
nistros expansis in cœlum manibus Deum  
devotissimè deprecantes, & dicentes, Domi-  
ne Deus omnipotens, sicut vis, & sicut scis,  
miserere servi tui: Et respiciens, vidit Re-  
gem in igne usque ad umbilicum, & ab um-  
bilico sursum cilicio indutum. Hanc pœ-  
nam, inquit Angelus, quotidie patitur per  
tres horas, & per viginti horas & unam re-  
quiescit. Quia legitimi conjugii maculavit  
sacra-

sacramentum , & ideo patitur ignem usq; ad umbilicum. Cilicium verò portat, quòd iussit comitem interfici juxta S. Patricium & prævaricatus est jusjurandum. Exceptis his duobus , cuncta ei crimina dimissa sunt.

159. Alterius cujusdam anima per Raphaëlem ad superos & inferos deducta , vidit hominem in sella ignita sedentem , in cujus os mulierculæ ornatissimæ ardentes faces immittebant , & per posteriora retrahebant , eosque cruciatus perpetuò patiebatur , quoniam luxui ac libidini deditus fuerat. Vidit hominem , quem Diaboli exco-riabant vivum , saleque conspersum , & craticulæ impositum afflabant , qui in subditos crudelis fuerat. Alius oblatus , equo ardenti insidens , antè capram , post terga monasticam vestem gestans , qui de rapinis vixerat , ac mulierculæ cuidam suam capram surripuerat : tandem Monachum simulata pœnitentia induere voluerat. Vidit diversi ordinis religiosos, quorum alii risu cachinnoq; , alii gulæ ac libidini explendæ studebant, Dæmonibus eos ad similitudinem perpetratorum scelerum ad hæc cogentibus. Denique Judam proditorem , omnibus Dæmonibus damnatisque hominibus invisum, in imo barathro , ubi omnium ludibriis, conviciisque expositus erat , conspexit. Hæc cum contra interdictum homo ille, ad se reversus, narrare adstan-

adstantibus fratribus cœpisset, statim S. Benedictus baculo os ejus feriit. Et quia, inquit, loquendo peccasti, usu sermonis per dies novem privaberis, & injuncta pœnitentia discessit. Novem autem diebus exactis, rem omnem suo tandem Abbati, ut jussus fuerat, aperit. Abbas verò, qui tacendi præceptum non acceperat, porrò in publicum produxit. *Vincentius libro 29. capite 8. 9. 10.*

160. Genovepha virgo Parisiis ecstasi usque adeò laboravit, ut triduo, jam exanimis, rubentibus tantum genis observaretur. Ubi ad se rediit, se ad inferos deductam, beatorum campos, & supplicia impiorum lustrasse affirmavit. *Bonfinius libro 5. Decade 1.*

161. Erasmo Episcopo martyri, post ingentia pro Christo fortiter tolerata supplicia, visi sunt sancti Apostoli & Prophetæ coronam de cœlo afferre, Qua visione delectatus, oravit vitæ hujus finem, eoque impetrato, spiritum exhalavit. *Marulus lib. 6. cap. 16.*

162. Ursinus Nursiæ presbyter, dum animam ageret, latus exclamavit, gratias agens iis, quos ad se venisse solus cernebat. Et quærentibus qui ei assidebant, qui essent illi, quorum adventu tantopere gauderet? Nunquid non videtis, inquit, Petrum & Pau-

& Paulum Apostolos hic adesse, & evocare me: Mox ad eos, quos tantum ipse videbat conversus, dum repeteret, Venio, venio, ecce venio: cum iisdem abiens, corpus exanime reliquit. *Gregorius lib. 4. Dialogorum cap. II.*

163. Quidam religiosæ vitæ vir moriens, Jonam, Ezechielem, & Daniele Prophe-  
tas vidit, visos cognovit, cognitos saluta-  
vit: & dum reverentiæ illis, quos nemo al-  
lius cernebat, cum multi adessent, officium  
exhibet, mortem appetiit. *Idem.*

164. Merolo Monasterii Gregoriani Ro-  
mæ Monacho, egregia morum sanctitudine  
prædito, in quiete visum, coronam candi-  
dissimis floribus contextam è cælo labi, ac  
super caput suum sisti. Post hæc adversa vale-  
tudine agitatus, cum magna animi alacri-  
tate diem obiit extremum. Anno deinde  
decimo quarto, Petri Abbatis jussu, aperto  
ejus sepulchro, incredibilis odoris inde sua-  
vitas exhalavit. Qua ex re illud, quod per  
somnia viderat, verum fuisse cognitum  
est. *Idem lib. 4. cap. 47.*

165. Gallæ Romanæ, Christi ancillæ,  
ex cancro ægrotanti *Gregorius autor est*, A-  
postolum Petrum apparuisse, atque illam  
ut secum veniret, invitasse, eò quod pecca-  
ta ejus dimissa essent. Hanc visionem cum  
aliis ipsa retulisset, corpore exuto cum illo  
uti-

utique abiit, cui claves datae sunt regni coelorum. *Idem lib. 4. cap. 11.*

166. *De Musa puella idem Gregorius cap. 17. tradit*, ei per visionem nocturnam, Dei genitricem Mariam cum Virginum choro apparuisse, atque injunxisse, ut risu jocisque & omni vanitate abstineret. Futurum enim, ut post trigesimum diem suo suarumque Virginum consortio gauderet. Inde morbo implicita, & tandem die qui praedictus fuerat imminente, eadem visione iterum consolata, quasi vocanti respondere coepit, Venio Domina, venio. Sub iis verbis efflavit spiritum.

167. De Probo Reatino Episcopo memoriae proditum est, quod cum ex languore mox se decessurum cognovisset, omnibus qui ei assidere solebant, tum forte summotis, praeter unum puerum, vidit ad se intrantes Juvenalem & Eleutherium martyres, quorum adventu contritus, & repentino fulgore stupefactus, ubi qui essent, didicit, fugiens prorupit e cubiculo, familiam clamore concitat: Ad locum, ubi Episcopus jacebat, concurrunt, neminem inveniunt, praeter corpus ejus jam exanime. *Marcul. lib. 6. cap. 16.*

168. Divi Hieronymi corpus, cum spiritum reddidisset, subita lux circumfulsit, visi sunt angeli, & Christi vox audita, quae illum

illum ad possidendum cœleste regnum invitaret. Lux cum Spiritu abiit, odor suavissimus cum corpore remansit. Eadem hora Cyrillus Episcopus Hierosolymitanus animam ejus angelicis manibus gestatam, cœlum versus tendere conspexit. Eodem die sancta hæc anima miro radians fulgore Augustino Hipponi apparuit. Turoni etiam duo Monachi lucentem globum aëra transire, & inde dulciter canentium choros audiri, dum admirantur, intellexerunt Hieronymi presbyteri animam tunc apud Bethlehem defuncti, ab Angelis ad Paradisi quietem ferri, &c. *Idem.*

169. Augustinum, quo die corpus ejus mandatum sepulturæ fuit, Monachus quidam procul inde manens, & in spiritu raptus, vidit insula & pontificalibus indumentis insignem, sedere intra nubem candoris eximii: de oculis ejus promicantes radii, totam illuminabant Ecclesiam, & ubique incredibilis odoris fragrantia nares oblectabat. Posthæc à Bernardo Abbate visus est, dum per noctem sermones à fratribus in Ecclesia legerentur, limpidissimas ore aquas vomens, quibus totum Ecclesiæ pavimentum supra modum inundabat. *Idem.*

170. Francisci Assisiatis (à quo Minorum Ordo cœpit) ut vita, ita vitæ finis nobilis ac magnificus fuit. Quo expirante,  
D d qui-



quidam fratrum animam ejus, in stellæ specie de ore emicuisse, cœlumque petiisse vidit. Eadem illa hora minister Terræ laboris graviter ægrotans, cum jam deficiente spiritu, & languesciente lingua obmutuisset, repente in vocem prorupit, dicens: Expecta me pater, expecta me. Et interrogatus, Patrem Franciscum se videre dixit, multa cum luce cœlum versus tendentem. Hoc dicto, de corpore exiit, & verba re comprobavit, illum continuo sequens, quem cernere se aiebat. *Marulus libro 6. cap. 16.*

171. Monachus quidam S. Andonei Rhotomagensis, nocte amicam invisurus, de ponte in aquam cecidit, atque submersus est. De anima verò Dæmones & Angelus certant. Res communi consensu ad Ricardum Normanniæ Ducem, ut is litem dirimat, defertur. Is talem fert sententiam, ut corpus in eundem pontem, restituta prius anima, collocetur: ac si Monachus eam, quæ ad amasiam ducat, viam fuerit ingressus, Diabolorum sit in potestate: sin ad suam Ecclesiam pedes retulerit, penes Angelum sit anima. Quo facto, Monachus ad suum Monasterium regressus est, sicque anima ex Dæmonum liberata creditur faucibus. *Ranulphus libro 6. cap. 7. in Polychronico.*

172. Cum ad defuncti Monachi cujusdam cadaver Missa celebraretur, ad cantum,

Agnus

Agnus Dei, ille ex feretro exiliit, Deum blasphemans, crucem ligneam osculandi causa oblatam conspuens, Mariam conviciis incessens, & psallentes deridens, quod horrendis inferni cruciatibus destinatus esset. Monachis verò sese flagellantibus, pectora pugnis verberantibus, precesque fundentibus, miser saniori recepta mente, Christi omnipotentiam laudare, Satanæ renunciare, crucem adorare, & fornicationem post susceptum Monachatum perpetrata confiteri cœpit, Deumque laudans altero die placidè expiravit. *Vincentius lib. 25. cap. 62.*

173. Monachus quidam apud Gallos, animam hominis perdidissimi & profligatissimi, qui tamen in agone mortis monasticum habitum induerat, à Dæmonibus catenis ignitis vinciri, & ad tartarum pertrahi vidit: Sed tandem interventu Benedicti liberari, quod ejus habitu ornatus, nihil mali egisset. Item, Majo Cassinensis Monachus, qui noctu à Diabolo è sublimi fenestra præcipitatus cervicem fregerat, cuidam ejus cœnobii alumno, (id enim multis precibus petierat conventus ille) in somnis à Diabolo sibi hoc mali irrogatum queritur: sed D. Benedicti liberatum esse auxilio. Hinc eleëmofynæ & psalmodiarum numerus pro defunctis, in consortio illo creverunt. *Chron. Cass. lib. 4. cap. 4.*

174. D. Germanus cum ad Turnodurum venisset, cujusdam discipuli, qui è Britannia se secutus fuerat, sepulchrum invenit: quem cum evocâisset, rogâissetque an ne ulterius secum militare vellet? Respondit, Sat sibi esse militatum, seque cumulatissimis militiæ præmiis perfrui: proinde orare, se missione donaret. Quiesce Germanus inquit, ac vale. At ille deposito mox capite, in Domino obdormivit. Cum Augustodunum iter faceret, ad Cassiani Pontificis tumulum, Scythia oriundi, non sine magna turba pervenit. Cunctis audientibus, è tumulto, Quidnam ageret, & quomodo sese haberet, interrogavit? Dulci quiete, inquit, perfruor, & expecto Redemptoris adventum. Ad quem Germanus, Quiesce igitur, & pro salute nostra diligentius intercede. *Bonfinius lib. 4. Dec. 1.*

175. Paschasius Apostolicæ curiæ Diaconus, pietate erga Deum & homines præstans (ut à Gregorio traditum est) nisi quòd contra Symmachum tam omnium suffragiis maximo Pontificatu dignum judicatum, pertinacius quàm fas erat, pro Laurentio, quem ipse digniorem censuerat, stetit: cum hanc culpam post mortem lueret, à Germano Capuano Episcopo in Angulanis thermis opera servi fungens inventus est. Qui Germanus ut causam didicit, abiit, & per dies ali-

aliquot pro illo supplicationem fecit, sicut ipse rogaverat, atque eodem rediens, liberatum onere illo cognovit, quem jam ibi non comparere animadvertit. *Marul. lib. 5. cap. 11.*

176. Presbyter quidam Centumcellis, cum ad balnea lavatum venisset, & homini qui ibi sæpè jam illi operam lavandi gratuitam præstiterat, panes aliquot muneri obtulisset, accepit ipsum eis non indigere. Locum enim illius dominum fuisse, & post mortem ibidem angustiari, noxæ cujusdam expiandæ causa, piaculique solvendi: tamen multum profore ei, si ipse panem consecratum Deo offerendo, pro illo oraret. Quamobrem presbyter sacram hostiam obtulit, Deum precatus est, ad balnea rediit: sed non invento homine, à pœna liberatum intellexit. *Idem.*

177. Benedictus X. Pontifex Maximus, cum mortem obiisset, Johanni Portuensi Episcopo apparens, confessus est se Odilonis Abbatis precibus ab æternæ mortis periculo servatum. Se autem ideo tunc ei apparuisse, ut ipse eundem Abbatem rogatum iret, ne sibi in flammis purgatoriis ardenti subtraheret auxilium, quod ferre adhuc in corpore viventi consueverat. Hoc nuncio sibi allato, Abbas & ipse suppliciter pro illo oravit, & omnibus qui cum ipso erant Mo-

nachis, ut itidem facerent, injunxit. Haud ita multò post, Benedictus totus lucidus ac refulgens apparuit Edelberto Monacho, seque à purgatorio ad beatitudinem translatum dixit. Odilone ac Monachis pro se deprecantibus, deinde & ipsi Odiloni sub eadem forma se ostendens, gratias egit, eo quod tam grande beneficium per eum potissimè accepisset. *Idem ibidem.*

178. *Robertus Gaguinus refert*, Johannem Anachoretam Ansoaldo Pictavorum Episcopo narrasse, se à quodam sene reverendo ex somno excitatum esse, ac jussum orare pro anima Dagoberti Regis Francorum, eadem hora defuncti. Id verò cum fecisset, in medio mari se turbam Dæmonum conspexisse, qui animam Regis cymba devehentes, ad pœnas rapuerint: Illam verò contra eos frequenter opem Martini, Mauricii & Dionysii Martyrum inclamasse, ac mox procellam cum fulgure & crebris imbribus exortam esse, & tres illos viros candidis vestibus ad se venisse, profitentes se eos esse, qui invocati velint Dagoberto opitulari; ac sine mora animam supplicis Regis tormentis, exemisse, & secum in cælum asportasse. *Sigebertus in Chronico*, circa annum Domini 645. narrat cuidam revelatum esse, animam Dagoberti ad judicium raptum, accusari à multis Sanctis, propter Eccle-

Ecclesiarum expoliationem: Ac malis Angelis eam abripere conantibus, Dionysium Parisiensem Martyrem intervenisse, eamque liberasse, modò pœnitentiæ præscripto, ut ad honorem Dei & beatorum Petri & Pauli Apostolorum, quos offenderat, Ecclesiam ædificaret. *Naclerus Generatione 21.*

179. Mauritius Rothomagensis Episcopus, post mortem templo inferendus, resumpta anima circumstantibus dixit, ultima Pastoris vestri verba percipite, Naturaliter mortuus sum, sed ut quæ vidi, vobis nunciarem, revixi, nec diu superstes ero. Ductores mei, quorum vestitus vultusque longe pulcherrimi, sermoque jucundissimus erat, mihi versus Orientem eunti pollebantur Paradisum, Hierosolymisque peracta sanctorum adoratione, ad Jordanem tendimus, cujus accolis comitatum nostrum augmentibus, læticia mihi suborta est. Cum autem flumen transire maturarem, Comites Dominum præcepisse referebant, ut peccata venialia, quæ prius confessione non dilueram, pavore ex aspectu Dæmonum concepto purgarentur. Et ex tempore astitit tantus teterrimorum Spirituum exercitus, hastas acutissimas vibrantium, ignesque evomentium, ut aër totus ferreus, flammeusque videretur. Quo spectaculo supra modum horui. Ut igitur vestræ saluti consulatis, hoc



recepto habitu vobis dixi. Statimque iterum expiravit. *Vincentius lib. 25. cap. 4.*

180. Macarius Alexandrinus, dum aliquando per Scythioticam solitudinem deambulare, calvariam hominis humi jacentem conspiciatus, cœpit per Christum Jesum obtestari, & interrogare, cujas fuisset dum viveret? quove nunc in loco animus quondam inhabitator suus degeret? Aridum os, earneque & nervis nudum, prorupit in vocem, ac se gentilem fuisse, proximique vici indigenam respondit: nunc verò in foveam barathri infernalis tam altè retrusum angustuari, quàm procul à terra distet cœlum. Sed etiam se inferius corruere Judæos incredulos, & ipsis inferius hæreticos Christianos, qui revelatam divinitus veritatem mendacibus pervertere sententiis moliantur. *Idem.*

181. *Cyrillus Hierosolymitanus Episcopus refert*, dum mœstus oraret, indicari sibi petens, qualiter se haberet Ruffi nepotis sui nuper defuncti anima: se fœtorem primò sensisse supra modum gravem, neque naribus omnino nisi compressis tolerabilem: mox deinde ipsum Ruffum conspexisse catenis candentis ferri præcinctum, flammæ fumo mixtas ore vomentum, & toto prorsus corpore ex ardoribus, quos intra se habere videbatur, scintillantem. Cumque hoc  
spe-

spectaculo conterritus miraretur, & vehementer expavidus quæreret, quam ob culpam juvenis moribus integer, & ob id quondam omnibus charus, talibus pœnis dignus judicatus esset? ab eodem didicisse, nihil ei aliud crimini fuisse datum, pro quo ita vexaretur, præter aleæ lusionem, quoniam ipsa identidem usus esset, & levissimum vel nullum peccatum existimans, illud Sacerdoti confiteri neglexisset. *Idem.*

182. Quidam in finibus Valeriæ provinciæ ægrotans, priusquam Severus presbyter ad ipsum à peccatis absolvendum adveniret, diem suum obiit. Mox die eodem, Severi lachrymis ac precibus, annuente Domino revixit. Interrogatus, quid sibi cum è corpore migrasset, contigerit? Respondit: Se à quibusdam hominibus nigrioribus, quàm Æthiopes sunt, & qui ore naribusque ignem efflabant, repente correptum fuisse, & per opaca loca atque aspera raptim deductum. Sed cum adhuc duceretur, à candidissimis juvenibus, multaque luce coruscantibus obviam factis dimitti, ac vitæ pristinæ restitui jussum, quòd dicerent, Severo presbytero hoc poscenti Deum concedere. Igitur cum peccata sua eidem confessus pœnitentiam peregisset; die septimo iterum, sed felicius obdormivit. *Marulus ex Gregorio.*

183. Quo tempore Gothi Italiam vastabant,  
D d ; bant,

bant , Reparatus Romanus , improbus magis quam ignobilis vir, dum defunctus plangeretur , revixit : Et mittite, inquit, ad Ecclesiam Laurentii Martyris sciscitatum, quid Tiburtius presbyter agat ? vidi enim eum rogo impositum acriter torrerì : Vidi & alium rogum , qui flammæ mucrone cœlum lambere videbatur : de flamma quoque vocem erumpentem audivi ; quæ indicaret, quis ille esset, cui hæc pœna parabatur. His enarratis , repente obmutuit , non fidere, sed morte percussus : atque iterum illuc, unde redierat , abiit. Tiburtius etiam infelicem animam tunc exhalâsse compertus est, de quo hominum præjudiciũ factum fuerat , nemine non vitam illius detestante. Cum enim presbyter esset , nihil presbyteri habebat , præter figuram ac nomen. *Idem.*

184. Stephanus Romanus , vir sua ætate illustris , Constantinopolim profectus , in valetudinem incidens , vita decessit. Et quoniam ii , qui illum comitati fuerant, officii gratia corpus ejus ad patriam referre volebant , quæsitus est pollinctor , qui illud exenteratum sale condiret, ne in itinere putresceret. Pollinctor tunc non juvento, is qui mortuus jacebat , die postero exsurrexit vivus , vixitque postea non parum diu, sed minus quàm debuit emendatè. Adeò quosdam ne visa quidem horrenda terrent , ut se

corrigant. Narrare solebat, tunc se ad inferos deductum, vidisse formidabilia illa, quæ olim audita non crediderat: & dum veluti reus ante Judicis tribunal sisteretur, dimitti iustum, reprehenso errore eorum qui ipsum adduxerant, cum non ipse, sed Stephanus ferrarius adduci iussus esset. Se itaque restituto, eadem hora ferrarium hunc vicinum suum defunctum fuisse, & tantæ visionis fidem fecisse, ne somnium putaretur. *Marulus libro 6. cap. 14.*

185. Gulielmus puer annos natus quindecim, noctuper virum quendam splendendum in locum tormentorum infernalium duci sibi visus est. Ac cum variis modis miserè homines excruciaci vidisset, tandem ad ipsum Diabolum, in mediis flammis ignea sella quasi pro tribunali sedentem, deferretur. Mox teter quidam Spiritus profilit, puerum accusans: Omnia, inquit, prava huic puero semper suggesti. Verum eorum peccatorum, quæ puer paulò antè presbytero confessus fuerat, nulla prorsus facta est mentio. Puer suadente ductore, crucis signo se muniens, omni damnationis metu eximitur. *Vincentius lib. 17. cap. 84.*

186. In Sabinorum provincia Monialem quandam fuisse traditum est, quæ corporis castitatem servans, linguam procacitatis vitio polluebat. Cumque diem obiisset ex-

tremum, & in Ecclesia sepulta esset, ædituus nocte intempesta Ecclesiam ingressus, vidit illam ante altare distentam secari per medium, partemque superiorem igne cremari, inferiorem vero relinqui intactam. Manè igitur visa fratribus narrans, dum locum, in quo eam uri conspexerat, ostendit, deprehensa sunt in marmoreo solo ardoris vestigia. *Gregorius Magnus lib. 4. Dialog. cap. 50.*

F I N I S.

IN-

# I N D E X

Rerum & Verborum Locupletissimus, ita ut vice locorum communium esse possit, juxta seriem alphabeti.

## A.

<b>A</b> Baris Theologus. 378	Adelbertus Bohemia Episcopus à febre convalescit. 575. ejus digiti. 534
Abbatissa cujusdam insignes impostura. 100	Adelgisius. 595
Abjuratio Dei pag. 255, 260, 264, 383, 286, 291	Adelheida nobilis femina maga. 416
Ablabius. 355	Adelitti, arioli. 388
Abortus in tota domo. 302	Adrianus Imperator. 491
Absentia ut presentia notata. 116, 117, 165	Adulteria, quomodo à magis vindicentur. 165
Absolvens fontem penam ejus in se convertit. 280	Æacisanum. 347
Acherusa cavenda. 331	Ædes infesta spiritibus malignis 204
Achilles procul ludens. 309	Ædes in irreligiosi exusta. 598
Achillis manes evocati. 174	Ædesii agilitas. 379
Aconiti inventrix Hecate. 154	Ædificia magnifica & splendida. 34, 70
Ætaon. 43	Ædium ruina. 271, 272
Actia mater Augusti. 457	Æge insula. 45
Actius Navius puer. 385	D. Ægidius. 569
Actius vicecomes. 614	Ægidius Garnerius Lugdunensis magus. 289
Acus aeneæ ex stomacho. 207	Ægineta cavendi. 347
	Æmulatio armorum ac vestitus 409
	Æneas. 319
	Ærei viri. 317, 318
	Dd 7 Æschy-



# I N D E X.

<i>Æschylus poëta tragicus.</i>	<i>Alexander Magnus.</i> 366,
329	403, 405, 419, 428,
<i>Æsculapius.</i> 432, 485, 518	444, 459, 480
<i>Æthna architectus</i> 17. <i>eru-</i>	<i>Alexander Medices.</i> 362
<i>ptio prædicta.</i> <i>ibid.</i>	<i>Alexander Severus.</i> 368,
<i>Æthra.</i> 320. <i>Agamem-</i>	389
<i>non.</i> 425, 504	<i>Alexander Tertius Scotia</i>
<i>Agatha virgo.</i> 571	<i>Rex.</i> 4
<i>Agathocles.</i> 418	<i>Almogani arioli.</i> 388
<i>Agia effigies.</i> 379	<i>Alphonfus Rex Arrago-</i>
<i>Agilulphus Dux Taurini.</i>	<i>num.</i> 377
370	<i>Althemenes patrem fato</i>
<i>Agnes conjux Leopoldi</i>	<i>cadit.</i> 311
<i>Marchionis Austrii.</i> 560	<i>Amasis Ægyptiorum Rex.</i>
<i>Agrippa.</i> 387	250, 251, 523
<i>Aipz.</i> 318	<i>Ambrosius Episcopus Me-</i>
<i>Aimarus Episcopus Ani-</i>	<i>diolanensis.</i> 548, 554,
<i>ciensis.</i> 613	561, 615
<i>Albericus.</i> 416	<i>Amilcar Carthaginensium</i>
<i>Albericus puer à D. Petro</i>	<i>Dux.</i> 418, 470
<i>&amp; angelis gestus ad pa-</i>	<i>Amor magicis artibus ni-</i>
<i>radisum &amp; infernum.</i>	<i>tens.</i> 165, 167, 203
618, 619	<i>Amoris intemperantia.</i>
<i>Albertus Magnus.</i> 189	217, 231
<i>Albigerius omniscius.</i> 379.	<i>Amoris balnea.</i> 175
<i>Alchimista à Diabolo il-</i>	<i>Amphiarus augur.</i> 385
<i>lusi.</i> 123	<i>Anagrasius genius.</i> 517
<i>Alcibiades.</i> 444	<i>Andreas præstigiator Ita-</i>
<i>Alcimene mater Iasonis.</i>	<i>lus.</i> 217
199	<i>D. Andrea crux vita.</i> 552
<i>Aleatores duo.</i> 589	<i>D. Andreas apparuit.</i> 554.
<i>Alexander ab Alexandro.</i>	<i>monachum cadit.</i> 583
58	<i>Androgyna venefica.</i> 306
<i>Alexander VI. Pontifex.</i>	<i>Andronicus Comnenus.</i>
224	196, 392, 546
<i>Alexander Epiri Rex.</i> 331	<i>Angeli duo bonus &amp; ma-</i>
	<i>lus</i>

# I N D E X.

366, 428,	lus Constantinopoli cir- cumeunt. 30	Apis Ægyptiorum Deus 327
362 68,	Angelus coronam imponit Geyſa. 553	Apollo. 21
etia 4 88 29- 77 ato I x.	Angeli & Damonis de anima defuncti certa- men. 626, 630	Apollonius Ægyptius. 367
	Anguis. 39, 122	Apollonius Tyaneus Phi- loſophus & Magus. 19, 158, 169, 172, 174, 187, 195, 213, 367, 392
	Angues duo. 397	Appion Grammaticus. 173
	Anima defunctorum. 106,	Appius Claudius. 334
	107. Annaus Seneca. 429, 430	Apulejus. 299
	Antharus Longobardorum Rex. 398	Aqua praſtigias prodens. 214, 227, 299
	Antichriſtus. 373, 374	Aqueductus Valentis Im- peratoris. 365, 366
	Antiochia exciſa. 15	Aquila aufert exta à ſa- crificiis. 484
	Antiocheni populi ſeditio. 61	Aquilonares populi. 49
	Antiochus Tibertus chiro- mantes. 357	Ara exſtruenda ubi homo curſu demerſus. 322
	Antoninus. 370	Aranea tela alba. 412
	Antoninus Caracalla. 451	Arbaces. 327, 348
	Antonius Heliogabal. 395	Arbor loquitur. 173
	Antonius à Leva. 417	Arbores media hyeme ef- florefcunt. 189
	Antonius Sucquetus eques auratus. 127	Area Lycæi Iovis. 515
	Antonius triumphans. 470	Arceſilaus. 343, 414
	Antonius Vreus Codrus. 5	Areta Arabum Rex. 366
	Annulus. 161, 545	Argos. 341
	Annulus loquens. 250	Arietis caput unico cornu. 408
	Annulus ſecretorum in- dex. 213	Ariolorum indiciis confir- matur potentia Satanae. 142
	Apelles Monachus. 22	Ariſteus Procomafius poë- ta
	Aper. 369, 389, 400.	
	Calydonius. 495. caly- donius aneus. 196, 197	

# I N D E X.

<i>ta</i> 340 annis post obitum apparuit jubens <i>A-</i>	<i>Augustus Imperator.</i> 340.
<i>pollinis aram extrui.</i> 33	<i>ejus interdictum.</i> 423
<i>Aristides Rhetor.</i> 479.	<i>S. Augustini reliquia.</i> 575
<i>Aristodemus Rex Mess-</i>	<i>Aulides.</i> 404
<i>neorum.</i> 343	<i>Aulus Pompejus.</i> 222
<i>Ariulphus dux Spoletanus.</i>	<i>Auri metallum.</i> 396
555	<i>Auxesia simulachrum.</i> 503
<i>Arngrimus Sueticus pugil.</i>	B.
178	
<i>Arnuphis magnus Ægy-</i>	<b>B</b> <i>Acchus.</i> 498, 500
<i>ptius.</i> 183	<i>Balneatrix saga.</i> 229,
<i>Artabarnus Persa.</i> 504	231
<i>Artaxerxes.</i> 347, 348	<i>Banquo Scotus.</i> 8
<i>Aruspicina in Hetruria</i>	<i>Barba.</i> 348
<i>autor Tages.</i> 66	<i>Baptista Cardanus.</i> 440
<i>Ascleterion Mathematicus.</i> 352	<i>Bardas Purus.</i> 447
<i>Asinus.</i> 114, 168, 297.	<i>Barnabas vicecomes.</i> 415
<i>interest lectioni Ammo-</i>	<i>Bartholomæus Cocles Chi-</i>
<i>nii Philosophi.</i> 298	<i>romantes.</i> 359
<i>Aspasia.</i> 431	<i>Basilacius vates.</i> 380
<i>Athenienses.</i> 347	<i>Basilus Imperator filium</i>
<i>Atheniensem adire Ægi-</i>	<i>defunctum vivum vide-</i>
<i>nam capitale.</i> 22	<i>re cupit.</i> 175, 176
<i>Atronius Maximus.</i> 486	<i>Basilus Macedo Imperator</i>
<i>Atterius Ruffus.</i> 447	<i>Constantinopol.</i> 550
<i>Attila.</i> 483	<i>Basilus magnus.</i> 573
<i>Aves humanas voces e-</i>	<i>Basilus Mathematicus.</i> 362
<i>dunt.</i> 197	<i>Batabaces sacerdos.</i> 322,
<i>Avicula suavisimè ca-</i>	398
<i>nens.</i> 82, 83	<i>Belises Chaldeus.</i> 348
<i>Avium voces intellecta.</i>	<i>Bellizarius.</i> ibid.
166	<i>Bella visa phantasmata.</i>
<i>Avitus Abbas Carnoten-</i>	51, 178
<i>sis.</i> 598	<i>Bellum inter Danum &amp;</i>
	<i>Suecum.</i> 181
	<i>Bellum</i>

# I N D E X.

Bellum inter Romanos & Quados. 183	Bruno Episcopus Herbipolensis. 77
Bellum Punicum secundum. 363	Busones baptizati. 303
Benedictus VIII. Pontifex. 29	Bulgari. 177
Benedictus IX. Pontifex magnus. 30	Butyri coactio qua ratione impediatur. 249
Benedictus X. Pontifex post obitum apparet. 629	Byzantium. 15, 401
S. Benedictus apparuit. 550	C.
S. Benedicti corpus. 559	<b>C</b> aballus venditus. 227
D. Bernhardus. 561	Cabirorum Thebanorum religio. 499
Bestia nefanda casa pecorum salus recuperata. 275, 302	Cadaver defuncti hominis non putrefactum. 105
Beta Gammam persequitur. 371	Cadavera defunctorum quasi viva sustentat diabolus ut fidem faciat magis de artibus suis. 280
Biarmi. 390	Cacitas sanata. 521, 522, 560, 587, 607
Biebrana saga. 307	Calibatus sacerdotum. 583
Blasphemia artes magicae sacerdotum. 184, 301	Camentarium sanat saga. 76
Boetii. 347, 482	Casi in praelio exacte numerantur à diabolo. 161
Boleslaus III. Bohemorum dux. 600	Cajanus. 166
Boleslaus Pudicus princeps Polon. 575	Cajus Cas. Caligula. 451, 121, 335
Bonifacius. 371	Cajus Gracchus. 436
Bonifacius Episcopus Moguntinensis. 576	Cajus Hostilius Mancinus. 122
Boreas. 488	Cajus Iulius Caesar. 10, 314, 386, 448, 474
Bos intelligens. 186, 187. sacris se sponte sistit. 481	Cajus Terentius Varro 376
Bothnici. 390	Calix aureus ereptus Canobio S. Benedicti. 595
Braccius Motonensis dux. 360	Calix-

# I N D E X.

<i>Calixtus Papa.</i>	563	<i>tans.</i>	213, 297	
<i>Callicratides.</i>	463, 464	<i>Cassius.</i>	3	
<i>Calphurnia uxor C. Casaris.</i>	436	<i>Cassius Iureconsultus.</i>	533	
<i>Calvaria hominis loquitur.</i>	634	<i>Castor &amp; Pollux visi.</i>	40, 70, 487	
<i>Cambyses Persarum Rex.</i>	327, 468, 516	<i>S. Cataldus.</i>	557	
<i>Campana sine ullius impulsu sonant.</i>	576	<i>Catena D. Petri.</i>	603	
<i>Canes.</i>	15, 86, 89, 134, 208, 206, 217, 218	<i>Caupōnis fraudulentis in familiari infelicitas.</i>	246, 247	
<i>Canis lignea. 400. in templo Minervæ.</i>	525	<i>Celeritas itineris.</i>	211, 212, 221, 256, 257, 258, 292, 493	
<i>Canis rabiosi morsus sanatus punctione nasi.</i>	277	<i>Cera ex ore.</i>	207	
<i>Cannensis clades.</i>	364	<i>Cerea imago subter limen desossa.</i>	240, 271	
<i>in Capillis capitis ars &amp; magia.</i>	228	<i>Cereum simulacrum Duffi Scotorum Regis.</i>	170	
<i>Capra sponte se offerens sacrificio.</i>	523, 524	<i>Cereris nemus.</i>	516. <i>Cervus apparet.</i>	553
<i>Capsa cruentans.</i>	527	<i>Cetorum effascination.</i>	188	
<i>Caput infantis cætera devorati loquitur.</i>	69	<i>Cetus.</i>	480	
<i>Cardani spiritus familiaris.</i>	112, 161	<i>Changius primus Tartarorum Imperator.</i>	472	
<i>Carnifices à veneficis in ipso supplicio læsi &amp; cæsi.</i>	239, 345	<i>Charta ignis uestioni non obnoxia.</i>	177	
<i>Carolus V.</i>	417	<i>Chartas lusorias fert Curio putans se ferre breviarium.</i>	274	
<i>Carolus VIII. Gallia Rex.</i>	558, 597	<i>Childeberti Regis uxor.</i>	270	
<i>Carolus IX.</i>	279	<i>Christi vox audita.</i>	624	
<i>Carolus Magnus.</i>	559	<i>clavus.</i>	582	
<i>Carthagenenses lxxæ.</i>	338	<i>Christum blasphemantis incantationis exemplum.</i>	184, 301	
<i>Cæcus in feras transmutatus.</i>		<i>Chrysanthus manu post obitum</i>		

# I N D E X.

- |  |                                   |   |  |     |
|--|-----------------------------------|---|--|-----|
| tum subscribit.  | 616                               | Conradus.   | 536  |     |
| Chutberti vexillū.   | 55, 552                           | Conradus II. Caesar.  | 561  |     |
| Chutbertus Episcopus.  | 551                               | Constans Imperator.   | 123  |     |
| Cicero.  | 452, 458                          | Constantii Imperatoris ge-<br>ninus.                        | 74   |     |
| Cimon Atheniensis.   | 446                               | Constantinus Imperator.                                     | 21   |     |
| Cinis depluens.  | 31. à ven-<br>tis non dissipatus. | Constantinus Episcopus Cy-<br>pri.                          | 587  |     |
| Cince.   | 155, 297                          | Contumelia parentibus illa-<br>ta vindicatur à Demo-<br>ne. | 55, 56   |     |
| Claudia Vestalis.  | 491                               | Conviviorum magicorum<br>exempla aliquot.                   | 189  |     |
| Claudius.  | 351, 459                          | Cornix locuta.  | 112  |     |
| Clavi, ligna, vitra, crines,<br>Ec. à demonibus corpo-<br>ri humano immissa. | 29,<br>207, 209, 210, 242,<br>304 | Corona aurea exardens.                                      | 306  |     |
| Clavis Petri aurea.  | 594                               | Corona Rosa aurifodina<br>Annabergensis.                    | 60   |     |
| Clavus Christi.  | 582                               | Corvi albentes indices se-<br>dis Baotiorum.                | 318, 319   |     |
| Clementia in rebelles.   | 19                                | Corvus loquitur.  | 112. A-<br>lexandri Magni hume-<br>rum percutit. | 405 |
| Cleomenes Rex Spartano-<br>rum.  | 341                               | Cosroes Rex Persarum.                                       | 608,<br>612                                      |     |
| Cleriacum locus conventi-<br>culi maleficarum.                               | 284                               | Craca Regneri pugilis Da-<br>ni uxor.                       | 165  |     |
| Clodoveus Francorum Rex.   | 574                               | Creophilus.   | 399  |     |
| Cneus Pompejus.  | 465, 467                          | Crescentius Legatus Ponti-<br>ficis.                        | 89   |     |
| Cobali.  | 60                                | Cribro pervestigatio inita<br>de maleficis.                 | 275  |     |
| Codrus Rex Atheniensis.  | 321                               | Cribro hausta aqua.   | 183,<br>491                                      |     |
| Colomannus Ungaria Rex.  |                                   | Cribrum à juvene agita-<br>tum.                             | 249  |     |
| ibid.  |                                   |   | Cræsi  |     |
| Columnæ caput amputan-<br>dum.   | 356                               |   |  |     |
| Comitia Augustana.   | 93                                |   |  |     |
| Comnenus Imperator.  | 600                               |   |  |     |
| Compedes.  | 341                               |   |  |     |
| Concubitus cū demone.  | 229                               |   |  |     |



# I N D E X.

- |   |   |
|---|---|
| <p><i>Cræsi filius mutus.</i> 310</p> <p><i>Cræsus.</i> 332, 410, 445, 488</p> <p><i>Crucis signum.</i> 230</p> <p><i>ad Crucis signum diaboli</i><br/><i>disparent.</i> 21</p> <p><i>Crudelitas in servum à lo-</i><br/><i>ve vindicata.</i> 618</p> <p><i>Crux Christi amissa.</i> 601.</p> <p><i>ostensa Constantino Ma-</i><br/><i>gno.</i> 604</p> <p><i>Ctesiphontem transire ar-</i><br/><i>mis Romanis nefas.</i> 373</p> <p><i>Culices urbe exacti.</i> 187,<br/>188</p> <p><i>Culter in corpus immissus.</i><br/>208, 209</p> <p><i>Curatio morborum magica</i><br/><i>prohibita.</i> 266</p> <p><i>Curtius Ruffus.</i> 6</p> <p><i>Cyanippus Syracusanus.</i><br/>498</p> <p><i>Cyaraxes Medorum Rex.</i><br/>509</p> <p><i>Cygnus navem catena au-</i><br/><i>rea ducens.</i> 36</p> <p><i>Cynocephalæa herba con-</i><br/><i>tra omnia veneficia.</i> 173, 174</p> <p><i>Cyrillus Episcopus Hieroso-</i><br/><i>lymitanus.</i> 652</p> <p><i>Cyrus Rex Persarum.</i> 313,<br/>426, 455</p> <p><i>Cytharædus noctu in undis</i><br/><i>ludens.</i> 50</p> | <p><i>Cytharædus interfectus.</i><br/>514</p> <p style="text-align: center;">D.</p> <p style="font-size: 2em; margin-bottom: 10px;">△</p> <p><i>Δαμηνόμαχης.</i> 250</p> <p><i>Damenatus Par-</i><br/><i>rhasius in lupum</i><br/><i>mutatus.</i> 286</p> <p><i>Damon Moguntia per</i><br/><i>triennium versatus.</i> 47,<br/>48</p> <p><i>Damon Annabergensis.</i><br/><i>ibid.</i> <i>Schnebergensis.</i><br/><i>ibid.</i></p> <p><i>Damon defensor templi Io-</i><br/><i>vis.</i> 59, 74, 75</p> <p><i>Damon cum tribus suspin-</i><br/><i>forum cadaveribus pro-</i><br/><i>cum agit.</i> 80, 81, 82</p> <p><i>Damon per urbem Rotwil-</i><br/><i>la vagatur.</i> 84</p> <p><i>Damon viatores vexans.</i><br/>185</p> <p><i>Damon subter limen desof-</i><br/><i>fusus.</i> 203</p> <p><i>Damon rem familiarem</i><br/><i>consumens.</i> 246, 247</p> <p><i>Damon ex ventre mulier-</i><br/><i>culæ loquens.</i> 382. <i>ex</i><br/><i>ventre Petri Brabantii.</i><br/><i>ibid.</i></p> <p><i>Damones adibus exacti.</i><br/>23</p> <p><i>Damones in fodinis metal-</i><br/><i>licis.</i> 60</p> <p style="text-align: right;"><i>Damo-</i></p> |
|---|---|

# I N D E X.

- |                                   |                                     |          |
|-----------------------------------|-------------------------------------|----------|
| <i>Dæmones in domibus ver-</i>    | <i>cho.</i>                         | 84       |
| <i>santes. 1.</i>                 |                                     |          |
| 59                                | <i>Diabolus confiteri jubet a-</i>  |          |
| <i>Dæmoni sese qua ratione</i>    | <i>grum.</i>                        | 85       |
| <i>obstringant malefici.</i>      | <i>Diabolus specie canis afflat</i> |          |
| 260, 264, 283, 286,               | <i>homines ut moriantur.</i>        |          |
| 291                               | 86                                  |          |
| <i>Dæmoniæci.</i>                 | <i>Diabolus famulus viri no-</i>    |          |
| 148                               | <i>bilis. ibid. &amp;</i>           | 87       |
| <i>Dagobertus Rex Franciæ.</i>    | <i>Diabol. famulus in mona-</i>     |          |
| 572, 576, 630                     | <i>sterio</i>                       | 88       |
| <i>Damascius Syrus Simpli-</i>    | <i>Diabolus athiopis specie</i>     |          |
| <i>cus.</i>                       | <i>monachæ se jungit in</i>         |          |
| 18                                | <i>matrimonium, ejusque</i>         |          |
| <i>Damia simulachrum.</i>         | <i>ope insignes edit impo-</i>      |          |
| 503                               | <i>sturas.</i>                      | 98, 99   |
| <i>Daniel Propheta visus.</i>     | <i>Diabolus animam se simu-</i>     |          |
| 623                               | <i>lat defuncti.</i>                | 170      |
| <i>Daphidas Sophista.</i>         | <i>Diabolus apparet puellæ</i>      |          |
| 330                               | <i>precanti ad tumulum</i>          |          |
| <i>Darius.</i>                    | <i>patris.</i>                      | 107, 108 |
| 409, 468                          | <i>Diabolus quibus modis pro-</i>   |          |
| <i>Darius Episcopus.</i>          | <i>pulsetur.</i>                    | 109      |
| 23                                | <i>Diabolus de obseffo pelli-</i>   |          |
| <i>Dei contemptus à spectro</i>   | <i>tur.</i>                         | 110      |
| <i>vindicatus.</i>                | <i>Diabolus docet magum de</i>      |          |
| 55                                | <i>herbis sanantibus.</i>           | 222      |
| <i>Dei mentio exosa diabolo.</i>  | <i>Diabolus papa.</i>               | 225      |
| 142, 256, 257, 259,               | <i>Diabolus specie Christi ap-</i>  |          |
| 260, 262                          | <i>parens.</i>                      | 19       |
| <i>Delos.</i>                     | <i>Diabolus non tentat quos</i>     |          |
| 512                               | <i>pleno jure se possessorum</i>    |          |
| <i>Demetrii sepulchrum.</i>       | <i>sperat.</i>                      | 130, 144 |
| 612                               | <i>Diabolus dehortatur à vi-</i>    |          |
| <i>Demetrius Spartanus.</i>       | <i>ciis.</i>                        | 143      |
| 204                               | <i>Diabolus specie canis.</i>       | 219      |
| <i>Demophon vates.</i>            | <i>Dictum Epicurei cujusdam</i>     |          |
| 419                               | <i>Halber-</i>                      |          |
| <i>Devotio sui ipsius pro pa-</i> |                                     |          |
| <i>tria.</i>                      |                                     |          |
| 321                               |                                     |          |
| <i>Diaboli ad cœnam, per in-</i>  |                                     |          |
| <i>dignationem invitati,</i>      |                                     |          |
| <i>veniunt.</i>                   |                                     | 81       |
| <i>Diabolus in angelum lucis.</i> |                                     |          |
| 42, 70                            |                                     |          |
| <i>Diabolus avicula suavis-</i>   |                                     |          |
| <i>mè cantans.</i>                |                                     | 82, 83   |
| <i>Diabolus confitetur paro-</i>  |                                     |          |

# INDEX.

<i>Halberstatensis &amp; pæ-</i>		<i>Edgarus Scotorum Rex.</i>	552
<i>na.</i>	90	<i>Edmundi Anglorum regis</i>	
<i>Dies bellicosus.</i>	122	<i>obitus pradietus.</i>	67
<i>Diocletianus Imperator.</i>		<i>Eduardus III. Anglorum</i>	
369		<i>Rex.</i>	18, 545
<i>Dion Syracusanus.</i>	3, 409,	<i>Eduinus Anglus.</i>	6
410		<i>Egillus Rex Sueonum &amp;</i>	
<i>S. Dionysii ossa.</i>	573. tem-	<i>Gothorum.</i>	216
<i>plum.</i>	578. locus cædis.	<i>Ejulatus &amp; lamenta in</i>	
<i>ibid. corpus minus reli-</i>		<i>Thracia.</i>	113
<i>giosè tractatum.</i>	586	<i>Elei Arcades vincunt ope</i>	
<i>Dionysius minor.</i>	411	<i>pueri in anguem mutati.</i>	
<i>Dionysius Syracusanorum</i>		39	
<i>tyrannus.</i>	330, 409,	<i>Elfredus Anglorū Rex.</i>	551
410, 451, 455		<i>Elephantiasis.</i>	305
<i>S. Diomedes.</i>	551	<i>Eleus.</i>	323
<i>Divinatio.</i>	165. Finno-	<i>D. Eleutherii Martyris of-</i>	
<i>num.</i>	293	<i>sa.</i>	573. <i>D. Eleutherius</i>
<i>Domina Rossa.</i>	150	<i>martyr visus.</i>	624
<i>Domitianus Imperator.</i>		<i>Empedocles.</i>	181
352, 353, 451		<i>Empusa.</i>	42
<i>Domus maleficis affecta.</i>		<i>Epaminondas.</i>	327
236, 302		<i>Ephesia litera.</i>	152
<i>Donata ad pias causas.</i>		<i>Epidaurns civitas Pelopon-</i>	
93, 122, 494		<i>nesi.</i>	524
<i>Dorienses.</i>	323	<i>Epixyes Perses.</i>	433
<i>Drusus Consul. Rom.</i>	66	<i>Equus Daphidæ Sophista</i>	
<i>Ducum Clivensiu origo.</i>	36	<i>inventus.</i>	330
<i>Duffus Scotorum Rex.</i>	170	<i>Erasmus Episcopus.</i>	622
<i>Dunstanus Archiepiscopus</i>		<i>Eremita.</i>	596
<i>Cantuariensis.</i>	607	<i>Ericus Daniæ Rex admira-</i>	
		<i>bilem sapientiam edulio</i>	
		<i>noverca acquisivit.</i>	166
		<i>Errantibus in via spectra</i>	
		<i>apparentia.</i>	54, 55
		<i>Enbæa cella.</i>	335
		<i>Enchi-</i>	
<b>E</b>			
<i>Brietas.</i>	498		
<i>Ecbatana.</i>	327		

# I N D E X.

552	Euchides eodem die 1000.	tanoram.	184
regis	stadia emensus. 493	Feronia urbs.	183
67	Eudemus Cyprius. 430, 431	Ferdinandus primus Ar-	
rum	Eumelus. 312	ragonia Rex. 557	
545	Eumenes. 460	Fides ubi non adsit nihil	
6	Eunus servus ariolus. 421	efficitur arte magica.	
Er	Euphrosyna Alexii Angeli	250, 266	
16	Imperatoris Byzantii	Filia matrem de magia ac-	
in	uxor. 196	cusavit. 283	
13	Euripides. 349	Finlandia, Finni, Finno-	
pe	Euthymus pugil insignis	nes. 50, 153, 171, 178,	
i.	spectrum vicit. 44	184, 390	
I	Exorcitus apparitio. 15	Flamma è simulachro. 482.	
5	Ezechiel Propheta visus.	è capite Agnetis. 560	
3	623	Fodina metallica. 59, 337	
2	Exetinus Romanus. 416,	Fœmina princeps in fami-	
	469	lia Comitum Andega-	
		rensum trivenefica. 160	
	F.	Fœni vehiculum à Zedecia	
		Indæo devoratum. 190	
	F Achoppidum. 245	Fœnus erga pauperes. 130	
	Faciem civis Damon	Fœtus in utero diffecatur.	
	jussu maleficæ plaga af-	236	
	ficit. 238	Fortuna simulachrum. 484	
	Facius Cardanus. 161	Franciscus Assisites. 625	
	Familia quadam solo ver-	Franquisanum pistrinum	
	bo, visu effasciante.	conventiculum malefica-	
	151	rum. 282, 283	
	Famulus Theologi Heidel-	Fridericus Austriacus.	
	bergensis in sublimi ra-	219, 220	
	pitur. 85, 86	Fridericus II. 415	
	Fascinatiō Magorum. 274	Frisia, Frisones. 394	
	Febriis quartana curata.	Fulgura. 300	
	248, 266, 267	Fumus sædus è vexillo. 180	
	Feles. 236, 292	Funale extinctum sponte	
	Ferdinandus Rex Neapoli-	se accendit. 562	
		Fundus	

# I N D E X.

*Fundus infestus malignorum spirituum occurrat* tionibus. 47

*Furta à Daemonibus punita.* 124

*Futura prædicta ab Astrologis.* 351, 352, 353, 354, 355, 356, 357, 358, 359, 360, 361, 362, 363, 367. *ab Apolonio Antiocheno.* 164. *ab Aruspice.* 370. *à carmine invento.* 363, 364, 365. *à Daemonibus.* 67. *sub specie canis.* 86. *per statuas.* 114. *à Fauno.* 115. *à furioso.* 370. *à Gabieno mortuo sed non sine fallacia.* 69. *à Magis.* 195. *à Mariano comite.* 369. *à mulieribus.* 169, 417, 288, 379. *Ostentis quibusdam seu præfagiis.* 68. *per Oracula.* 73, 310, 311, 312, 313, 314, 315, 316, 317, 318, 319, 320, 321, 322, 323, 324, 325, 326, 327, 328, 329, 330, 331, 332, 333, 334, 335, 336, 337, 338, 339, 340, 341, 342, 343, 344, 345, 346, 347, 372, 377, 387, 389, 393, 540. *à quo-*

*dam mari subvecto.* 118, 119. *per somnia aliaque visiones.* 411, 414, 425, 426, 427, 428, 429, 430, 431, 432, 433, 434, 435, 436, 437, 438, 439, 440, 441, 442, 443, 444, 445, 446, 447, 448, 449, 450, 451, 452, 453, 454, 455, 456, 457, 458, 459, 460, 461, 462, 463, 464, 465, 466, 467, 468, 469, 470, 471, 472, 473, 474, 475, 482, 484, 486, 521, 522, 540, 541, 542, 543, 544, 545, 546, 547, 548, 549, 550, 551, 552, 553, 554, 555, 556, 557, 558, 559, 560, 561, 565, 568, 570, 607, 623, 624. *à Spectris.* 68, 73, 113, 120. *per tabulam inventam.* 314, 363. *à voce quadam.* 119, 120, 121, *ab Euno seruo.* 316. *à Demophoonte.* 421. *à Sibylla.* 373, 374. *à Pherecyde Syrio.* 376. *ab Abari.* 378. *ab Amphi-  
rao.* 385. *à spurina.* 387. *à captivo quodam.* *ibid.*  
*ab alijs*

# I N D E X.

ab aliis quibusdam. 395,	Germanicus à Martine
396, 397, 398, 399,	saga occisus. 305
400, 401, 402, 403,	D. Germanus. 628
404, 405, 406, 407,	Germanus Antisiodorensis.
408, 409, 410, 411,	20
412, 413, 414, 415,	Gilbertus in specu ligatus.
416, 417, 418, 419,	194, 195
420, 421, 422, 423,	Gladiatoris spectrum nomi-
424	ne Apollinis sese osten-

**G.**

<b>G</b> Adaratherma in Syria. 174	Gavarus Norwegia divi- nandi peritus. 165
Galba. 450	Gregorius II. Pontifex. 583
Galeacii Sfortia Spectrum. 13	Gregorius VII. Pontifex. 194
Galla Romana. 623	D. Gregorius Monachum ca- dit ob ductam uxorem.
Galli cavendi. 574	ibid.
Gallus gallinaceus. 218	Guanora sepulchrum. 586
Gallus affatus ac dissectus à D. Petro restitutus. 564	Guido Appius. ibid.
Gamma Betam persequitur. 371	Guido Balneus Guerra. ib.
Gello virgo. 43	Guido Bonatus Astrologus. ibid.
Genarius Episcop. Bene- vent. 534	Guido Maltraversus Pata- vinus. 356
Genius. 2, 74, 78, 518	Guilielmus comes Hollan- diae. 189, 394
Gennadius Patriarcha Con- stantinopolit. II, 575	Guilielmus Edelinus Sorbo- na Doctor Magus. 255
Genorepha virgo Parisien- sis. 562, 578, 586, 622	Guteli. 59
Genfericus Rex Vandalor- um. 371	H. H. H.
S. Georgius. 610	Habitus monasticus. 627

H.

**H** *Abitus* *monasticus.*  
627  
**E** *c* *Hadin-*



# I N D E X.

<i>Hadingus Rex Dania.</i>	173	<i>mentes.</i>	168
<i>Hadrianus Cornetanus.</i>	418	<i>Hominis mactatio.</i>	156,
<i>Hadrianus Imperator.</i>	354, 459, 522		160, 255, 287, 288.
<i>Hadrianus VI. Pontifex.</i>	204	<i>facit.</i>	269, 270, 280,
<i>Hannibal.</i>	333, 461, 472,		290, 291, 221
	501	<i>Honorius.</i>	554
<i>Haquinus Norvegia prin-</i>		<i>Horatius Perusinus.</i>	439
<i>ceps.</i>	178	<i>Hortationes ad facinora.</i>	121, 122
<i>Hecate Persis filia.</i>	154	<i>Hospites mactati.</i>	155
<i>Hecuba.</i>	467	<i>Hospitius.</i>	575, 576
<i>Helius Cinna poeta.</i>	449	<i>Hostia sacrosancta.</i>	255,
<i>Henricus Boëmus Astrolo-</i>			303, 583, 584, 599,
<i>gus.</i>	361		629. <i>veneno affecta.</i>
<i>Henricus II. Imperator.</i>	542, 613		288. <i>asino tradita.</i> 185,
<i>Henricus VII. Imperator.</i>	12		301
		<i>Hotherus Rex Sueonum &amp;</i>	
<i>Herba sanantes à diabolo</i>		<i>Danorum.</i>	9
<i>monstrata.</i>	222	<i>Hungus Pictorum Rex.</i>	252
<i>Herba de tumultu Nicetii</i>			
<i>febrim sanant.</i>	567	I.	
<i>Hercules.</i>	498, 500, 524	<i>Jacobita Necromantes.</i>	
<i>Hesiodi ossa.</i>	310		255
<i>D. Hieronymus.</i>	624	<i>Iacobus Apostolus visus.</i>	
<i>Hieronymus Moron.</i>	250		616
<i>Hierusalem.</i>	347	<i>Iacobus Donatus.</i>	5
<i>Himeraa femina.</i>	451	<i>Iacobus Iodoci de Rosa.</i>	161
<i>Himilco Carthaginensium</i>		<i>Iacobus Zebedæi.</i>	559
<i>Dux.</i>	501, 510	<i>Iaculando in aërem cadens</i>	
<i>Hipparchus.</i>	446	<i>magus.</i>	306
<i>Hippocrates.</i>	412, 427	<i>Iaculum Magicum è plum-</i>	
<i>Hispaniola.</i>	326	<i>bo ad ledendos longè dis-</i>	
<i>Homeri umbra.</i>	174	<i>sitos.</i>	171
<i>Homines lupi formam assu-</i>		<i>Lamblichus Magus.</i>	21, 164
			172, 174, 195, 218
			<i>Iambo-</i>

# I N D E X.

<i>Iambonus Andreas Astro-</i>		<i>Imago D. Maria à S. Luca</i>	
<i>logus.</i>	357	<i>depicta.</i>	566
<i>Iannes.</i>	391	<i>Imbres excitati.</i>	184
<i>Ianur Boleslai III. Bohe-</i>		<i>Immunitas ab ictibus ar-</i>	
<i>morum ducis frater.</i>	600	<i>morum.</i>	571
<i>Iapyges.</i>	502	<i>Impostura Diaboli insignis</i>	
<i>Iarchas Indus.</i>	164	<i>opera Abbatissa facta.</i>	
<i>Iason.</i>	197		99, 100
<i>Idea Magna Mater.</i>	322	<i>Impotentia virilis.</i>	172,
<i>Idololatria.</i>	86, 103, 107		523, 231, 232, 250,
<i>Ieiunium.</i>	537		252, 253, 254
<i>Ignis è ligno evocatus.</i>	182	<i>Impudicitia mulierum de-</i>	
<i>ex manica.</i>	194.	<i>tecta.</i>	522
<i>te è carbasa.</i>	477.	<i>Incantatrices dua artibus</i>	
<i>nostra palude.</i>	584.	<i>suis conficiuntur.</i>	224
<i>erumpens.</i>	579.	<i>Incendium oppidi à vene-</i>	
<i>de cælo.</i>	31, 577.	<i>fica patratum.</i>	139
<i>ex viridi.</i>	489.	<i>Incendium signo crucis ex-</i>	
<i>è capite equitis.</i>	613.	<i>stinctum.</i>	562
<i>è simulachro.</i>	482.	<i>Incendium restinctum cor-</i>	
<i>non</i>		<i>porali calicis.</i>	567
<i>urit.</i>	483, 533	<i>Incestus punitus.</i>	498
<i>Illusiones Diaboli in sagis.</i>		<i>Incubus Merlinum genuit.</i>	
	212		381.
<i>Illusiones Satanae in demon-</i>		<i>in navi deprehen-</i>	
<i>strandis magnificis &amp;</i>		<i>sus.</i>	27.
<i>splendidis adificiis.</i>	34.	<i>famulam civis</i>	
	71	<i>Constantiensis compres-</i>	
<i>Ilota.</i>	513	<i>sit.</i>	28.
<i>Ilue.</i>	502	<i>Mercatoris uxo-</i>	
<i>Imagines sanctorum.</i>	544	<i>rem supravit.</i>	29.
<i>Imaginum cultus.</i>	569	<i>sacri-</i>	
<i>Imago Christi.</i>	567, 589,	<i>ficultu specie mulierculæ</i>	
	591, 610	<i>subinde affligit.</i>	53.
<i>Imago D. Ioannis.</i>	589	<i>sacerdotis filia agitatur.</i>	148
<i>Imago D. Maria.</i>	571,	<i>India.</i>	150
	587, 588, 591.	<i>Indicia Demoniorum men-</i>	
<i>probro</i>		<i>dacia, &amp; ad periculum</i>	
<i>affecta à Indao.</i>	588	<i>innocentium comparata.</i>	
			48, 134, 142, 228
		<i>E e 2</i>	<i>Indi-</i>

# I N D E X s

- Indicia Iarchi vera.* 164  
*Indusium magicum.* 179  
*Infans matri ereptus.* 128.  
*ab incantatricibus co-*  
*ctus ad excitandas tem-*  
*pestates.* 221. recens na-  
*tus loquitur.* 375. am-  
*bulat.* 243. recens na-  
*tus in alvum regreditur.*  
 413  
*Inferi à quodam perlustra-*  
*ti.* 63, 619, 634, 635  
*Inobedientia erga parentes.*  
 56  
*Intestina è ventre extrahi*  
*visa.* 241  
*Invisibilis.* 296  
*Inundatio.* 610, 497  
*Ioanna Harvilleria.* 262,  
 267  
*Ioannes Anachoreta.* 630.  
*Baptista.* 596, 600.  
*Charterius.* 255. *Euan-*  
*gelista.* 554. *Faustus.*  
 219. *Galeacius.* 415.  
*Liechtenbergius Astro-*  
*logus.* 362. *Magus &*  
*Astronomus.* 356. *Sar-*  
*torius iudicium Diaboli*  
*de Missa rogat.* 130.  
*Teutonicus Canonicus*  
*Halberstatensis.* 201,  
 221. *Zimisca.* 555  
*Iovis Ascræi sacra.* 523,  
 524  
*Iovis Idolum loquitur.* 197  
*Iovis Statoris Templum.*  
 489  
*Jonas Propheta visus.* 623  
*Ionathas Iudæus.* 385  
*Isaacius Angelus.* 196,  
 380, 392  
*Isis.* 477. *Isidis Templum.*  
 498  
*Islandia.* 51  
*Italus linguæ germanicæ*  
*gnarus quam non didi-*  
*cit.* 110  
*Iudæus statuam Salvatoris*  
*afficit probro.* 593. *sta-*  
*tuam D. Mariæ.* 588  
*Iuditha monialis à De-*  
*mone vexata.* 129  
*Iulianus.* 21, 368, 453  
*Iustinus Magnus.* 366  
*Iuvenalis martyr appa-*  
*ruit.* 624  
*Iuvenes duo Locrensis*  
*opitulantur.* 39  
*Iuvenis eximia magnitu-*  
*dinis Romanis opem fert.*  
 40  
*Iuvenis in asinum muta-*  
*tus.* 167, 168, 214  
  
 L.  
  
*Lacedæmonii.* 320,  
 321, 324, 340, 323,  
 564, 513  
*Lacrymæ sanguinæ.* 226  
*Ladislæus Vngariæ Rex in-*  
*ter*

# I N D E X.

<i>ter divos.</i> 611. ejus cor- pus. 533, 534	<i>Libethra.</i> 336
<i>Lajus.</i> 312	<i>Libido castigata.</i> 370
<i>Lampertus Lovanienſium</i> <i>Comes.</i> 581	<i>Libyſſa.</i> 333
<i>Lancea ſalvatoris.</i> 554, 614	<i>Ligare ligulam.</i> 250
<i>Laodamia Pyrrhi filia.</i> 523	<i>Ligneæ canis.</i> 400
<i>Lapides loco piſcium capi.</i> 188	<i>Lignum in corpore hominis.</i> 210, 242
<i>Lappi, Lappones.</i> 153, 171, 295, 390	<i>Lintum quo apoſtolos de- terſit Chriſtus.</i> 564
<i>Lares in domibus obverſan- tes.</i> 59	<i>Litteræ à Spectro.</i> 12, 13. etiam dictatæ. 84
<i>Larginus Proclus.</i> 367	<i>Loca quo malefica convo- lent.</i> 168, 256, 257, 261, 262, 263, 264, 282, 284, 285
<i>Larvæ.</i>	<i>Locrenſes Crotoniatas vin- cunt ope juvenum duo- rum.</i> 39
<i>Latronis offa loco martyris</i> <i>culta.</i> 30, 31	<i>Λυκάρις Παναγι.</i> 293, 294, 296
<i>Legata ad pias cauſas.</i> 124	<i>S. Lucas depinxit Mariam.</i> 565
<i>Legatus rubet.</i> 338	<i>Lucus Æſculapii.</i> 518
<i>Leo Pontifex.</i> 606	<i>L. Gaurus Aſtrophagus.</i> 359
<i>Leo Imperator.</i> 356, 612	<i>L. Lucullus.</i> 434
<i>Leo IV. Pontifex.</i> 562	<i>L. Septimius Severus Per- tinax.</i> 355
<i>D. Leonhardus.</i> 556	<i>L. Viciellius.</i> 366
<i>Leonis caput.</i> 433	<i>L. Sylla.</i> 386, 399, 407, 437
<i>Leopoldus Dux Aſtria- cus.</i> 220	<i>Ludi &amp; ſpectacula magi- ca.</i> 159
<i>Lepores in capita caballo</i> <i>rum.</i> ibid.	<i>Ludi Circenſes.</i> 501
<i>Leporis ſpectrum.</i> 81	<i>Ludovicus Alodiſinus.</i> 14
<i>Leproſus à duobus ſanctis</i> <i>pro parte curatus.</i> 563	<i>Ludovicus Sfortia.</i> 12, 172
<i>Leuctrædarum tumuli.</i> 371	<i>E e 3</i>
<i>Levenſtet pagus.</i> 208	<i>Ludori-</i>
<i>Levinna Virginis corpus.</i> 533	
<i>Libanius Sophiſta.</i> 195, 218	

# I N D E X.

<i>Ludovicus Bavarus.</i>	219	<i>Magus Sfortia.</i>	438,
<i>Ludus.</i>	591		556
<i>Luitprandus Rex Longobardorum.</i>	575	<i>Magus caput amputans &amp; restituens.</i>	221
<i>Lupi formam assumentes homines.</i>	168, 290, 291, 292, 293, 294, 295, 296	<i>Magus vorans homines &amp; plaustra.</i>	190, 221, 308
<i>Lupi de cælo cadentes.</i>	206	<i>Magus ter suspensus.</i>	227.
<i>Luporum conventicula ad parietem quendam.</i>	168	<i>caballum evendens. ib.</i>	
<i>Lupus sacrilegii index.</i>	505	<i>Magus propria arte interit.</i>	269
<i>Luxus civis cujusdam Halberstadtensis.</i>	90	<i>Magus lupi forma.</i>	290, 291, 292
<i>Lycurgus.</i>	121	<i>Magus versus cælum ascendens.</i>	307
		<i>Mahomet.</i>	390
		<i>Malefica gravida infantem recens natum præstigiis imbuat.</i>	243
		<i>Malefica cui nulla quies nisi quotidie malum perpetrasset.</i>	284
		<i>Malefica uncta concidit sensu destituta.</i>	285, 286
			287
		<i>Malefica ope demonum corpora hominum male afficientes.</i>	238, 239, 240, 241, 242
		<i>Malefica evolantes.</i>	255, 256, 257, 258, 259, 260, 261, 262, 263, 264
		<i>Malefica fortibus à se affectam non libenter attingunt.</i>	269
		<i>Malefica non aliter se servant</i>	
<b>M.</b>			
<b>M</b> <i>Aabas provincia.</i>	188		
<i>Macarius Alexandrinus.</i>	632		
<i>Machabæus Scotiae Rex.</i>	8, 417		
<i>Macctatio hominis.</i>	156		
<i>Magdalena Crucia puella.</i>	98		
<i>Magi Persici.</i>	347		
<i>Magi furorem inducunt.</i>	266		
<i>Magica subjecta ac desofsa.</i>	186, 203, 302, 303.		
<i>alium supergressum afficiunt.</i>	228, 229. non		
<i>ladunt sed diabolus</i>	302		
	305		
<i>Magister Martinettus.</i>	120		

# I N D E X.

<i>vant quàm alios lenden-</i>	<i>M. Arcorius medicus.</i> 434
<i>do.</i> 282, 302	<i>Mardonii servus.</i> 462
<i>Malefica afflatu ludentes.</i>	<i>Margarita puella.</i> 162
305, 241, 242, 245	<i>Maria Visa.</i> 539, 555,
<i>Malefica ungendo januam</i>	624
<i>interimentes.</i> 306	<i>Maria canusica.</i> 613
<i>Malefica tangentes virga.</i>	<i>Marianus Eremita.</i> 598
<i>ibid.</i>	<i>Maritus mortuus ab uxore</i>
<i>Maleficarum cum damone</i>	<i>superstite petit celebrari</i>
<i>concubitus.</i> 262, 263,	<i>missam.</i> 103
264, 265, 297	<i>Martinus Episcopus.</i> 19, 30
<i>Malefici posteriora puden-</i>	574, 602
<i>daque principis sui o-</i>	<i>Martianum carmen.</i> 363
<i>sculantur.</i> 259, 262,	<i>Masclcerus.</i> 554
282, 286	<i>Mater Lutheri.</i> 223
<i>Maleficus lictores fœtore</i>	<i>Mathematici.</i> 350, 351,
<i>&amp; horrore à se abigit.</i>	352, 353, 354, 355,
245,	356, 367, 358, 359,
<i>Malpaga Sagittarius.</i> 438	360, 361, 362, 367
<i>Manethonis magica opera.</i>	<i>Mauricii Imper. obitus</i>
159.	<i>prædictus.</i> 114
<i>Manicheus Magus.</i> 484	<i>Mauritius Episcopus Ro-</i>
<i>Manuel Cannenus.</i> 315,	<i>thomagensis post obitum</i>
318	<i>apparuit.</i> 631
<i>Manuel Dux Theophil. Im-</i>	<i>Maximini.</i> 368, 409
<i>peratoris.</i> 543	<i>Medea.</i> 155, 306, 199
<i>Manus spectrum viatores</i>	<i>Medicina Vates.</i> 415
<i>vexans.</i> 185, 186	<i>Megistias vates.</i> 423
<i>Manus abscissa restituta</i>	<i>Melanthus Messenius.</i> 400
<i>ope D. Virginis.</i> 532	<i>Membrum virile tabidum.</i>
<i>Marcus Brutus.</i> I	<i>ibid.</i>
<i>Marcus Evangelista.</i> 610.	<i>Mendicus senex.</i> 170
<i>ejus corpus.</i> 550	<i>Menippus.</i> 20
<i>M. Marcellus.</i> 397	<i>Mercedis defraudator.</i> 126
<i>M. Antonius Taurillus.</i>	<i>Mercurius cadituns.</i> 538
<i>ibid.</i>	<i>Mercurius Tanagraum a-</i>
	<i>grum</i>



# I N D E X.

- grum adversus Eretrien-  
 ses defendi. 40  
 Merlinus ex incubo. 381  
 Merolus Monachus. 623  
 Messanenses. 338  
 Metensis Episcopus. 582  
 Methodius Patriarcha Con-  
 stantinopol. 569  
 Michaël Archangelus. 560, 609  
 Michaël Comnenus Palæo-  
 logus Imperator. 135  
 Michaël Sicidites Magus. 193  
 Michaël Verdunus Pastor. 215  
 D. Michaëlis simulachrum  
 Diabolus sese exhorri-  
 scere simulat. 138  
 Miles Romaricus. 124  
 Miles revixit. 617  
 Milisus quidam cum E-  
 phesio Olympiis certans. 152, 153  
 Milo Epirota. 523  
 Miltas Thessalus vates. 409  
 Miracula. 568, 173, 497,  
 448, 389, 587, 405,  
 414, 205, 116, 564,  
 169, 158, 591, 593,  
 596, 481, 533. usq. 550  
 Mirmillo. 437  
 Missa ejusque efficacia. 86,  
 103, 107, 126, 149,  
 255, 384. diaboli testi-  
 monium de ea. 130  
 Missa voce submissa canen-  
 da. 585  
 Mithridates. 465, 466  
 Mnesarchides Bæotus can-  
 po. 349  
 Monachi cujusdam bla-  
 sphemia in crucem. 627  
 Monachi spectrum in mon-  
 tans Boëmia. 79  
 Monachorum spectra comi-  
 tia Augustana visentia. 92, 93, 94, 95, 96, 97,  
 98  
 Monachus à spectro elusus. 24, 25  
 Monachus patrem inter-  
 emit ratus eum diabo-  
 lum esse. 47  
 Monachus uxorem ducens  
 caditur ab Andrea &  
 Gregorio. 583  
 Moniales à Damone vexa-  
 ta. 129, 130, 131, 132,  
 133, 134  
 Monialis lingua procax,  
 corpore casta. 635  
 Monsbazus Adiabenorum  
 Rex. 118  
 Monstrum marinum specie  
 mulieris cum viro vixit. 25, 79  
 Morbi à maleficis sanati. 248, 267, 276, 277,  
 278, 279  
 Morbi sanandi rationes  
 mira-

# I N D E X.

*miraculosa.* 478, 479  
*Morbis sanati per insomnia.* 524, 541, 542. à monachis. 543, 544. à D. Benedicto. 543. herbis de tumulo Nicerii. 567, 603. aspectu virginis Lavinia. 533. imagine Christi. 601. corona & clavo Christi. ibid. pæne consecrato à D. Bernhardo. ibid. & 602. intercessione S. Remacii. 602. ad sepulchrum Martini IIII. Pontificis. 533. lectulo de funibus delectulo Sylvestri Cavillonensis Episcopi. 604  
*Morbos à se inflictos non semper potest curare diabolus.* 267  
*Morbus natura obtingens sanari à magis nequit.* 270  
*Morbus muliebris.* 509  
*Mori non potuit Adrianus.* 491  
*Mors optimum bonum.* 488  
*Mortis præsagium mortua matris umbra visa.* 73, 74  
*Mortui cadaver à diabolis è sepulchro extractum.* 27  
*Moses Indæos per mare du-*

*cturus.* 163  
*Mulier Druso apparuit.* 66  
*Mulier post obitum viro cohabitavit.* 76, 77  
*Mulieres nudis pedibus prunis inambulantes.* 183  
*Mulieris species Alexandro ab Alexand. apparuit.* 51  
*Mulus.* 342, 343  
*Mummo Magnus magister ut incolumis servaretur cadi oportuit filium regium.* 270  
*Mundus Dux Iustiniani.* 315  
*Murem cavere Oraculo jubetur Eumelus.* 313  
*Musa ancilla.* 623  
*Musca abacta.* 493  
*Musca ad em Herculis non ingredientiens.* 525  
*Musici concentus.* III, 133, 144, 146  
*Musonius manu post obitum scribit.* 616  
*Muthian Damon.* 202

N.

**N** *Actus arx Pomerania.* 51  
*Nativitas Ablabii.* 355.  
*Augusti Tiberique.* 351.  
*E e 5* *Julia.*

# INDEX.

- Julia.* 354. *Leonis Imp.* 356. *Neronis.* 352. *Nicolai Comitis Lucii.* ib. & 357. *Rodolphi Comitis Habsburgensis.* 360 *Sfortia.* ibid. *Vladislar & Andrea filiorum Casimiri Regis Polon.* 361  
*Naclerus Indus.* 202 *Navis aenea contusa.* 484 *Navis cingulo tracta.* 491 *Nanta ollas patinasque frangit.* 193 *Nemus Cereris.* 516 *Neptuni simulachrum.* 504 *Nero.* 344, 352, 450, 458. vexatus à manibus matris. 45. urbem incendens. 325 *Neuri populi Scythia incantatores maximi.* 152 *Nicephori Phoca Imp. obitus prædictus.* 118 *Nicetius Episcopus Lugdunensis.* 567, 603 *Nicolaa Alberia.* 107 *D. Nicolaus.* 561, 606, 610 *Nilus.* 395 *Nobilis cujusdam importunitas erga rusticum.* 102 *Nomen clarè vocatum notat obitum.* 119 *Numa Pompilius.* 189, 490 *Nundina Isidis.* 498 *Nux Beneventana conventiculum maleficorum.* 261  

O.

*Obsessionis diabolica argumentum, varietas linguarum.* 112, 113 *Obstetrix malefica.* 240, 241. pueros susceptos diabolo obtulit & postea coxit. 288 *Ochus.* 347, 348 *Octavius.* 69, 457 *Oedipus patrem occidit.* 312 *Oeneus Calidonia Rex.* 495 *Olea Pallidi sacra.* 485 *Olympia.* 121 *Olympicis ludis territiæque magicis defossionibus.* 186 *Omnem lapidem movere.* 316 *Onocale.* 42 *Oppidi dominus male tractans subditos.* 62 *Opicinus rogatus à voce de filio.* 119 *Oracula.* 310, 311, 495. vide *Futura prædicta,* &c. *Oraculum Iovis Ammonis incendi jubetur.* 517

# I N D E X.

<i>Orationis ominosum exordium.</i>	368	<i>Paschasius.</i>	628
<i>Ossa è corpore exeuntia.</i>	242	<i>Pases magus. -</i>	157
<i>Ossa Augustini.</i>	575.	<i>D. Pauli imago.</i>	546
<i>dicti. 608. Dionysii.</i>	573.	<i>D. Paulus visus.</i>	605
<i>Eleutherii. ibid.</i>		<i>Paulus Æmilius.</i>	322
<i>Hesiodi. 310, 311. la-</i>		<i>Paulus III. Pontifex.</i>	362
<i>tronis cujusdam. 30. O-</i>		<i>Peccata volumine descripta</i>	
<i>restis. 324. Orphei. 336.</i>		<i>oratione Basilii deleta</i>	
<i>Remacii. 602. Rustici</i>		<i>sunt.</i>	573
<i>martyris. 573. Stepha-</i>		<i>Pecora à Damone affligun-</i>	
<i>ni. 603. Vedastii. 569</i>		<i>tur.</i>	246
<i>Othinus Magus. 173</i>		<i>Pecunia paranda ars.</i>	176
<i>Otho Imperator vexatus</i>		<i>Pegasus.</i>	502
<i>Galba manibus. 46</i>		<i>Pelagus cavendum.</i>	327
<i>Ores Soli sacra. 528</i>		<i>Pelias tauri sanguinem bi-</i>	
<i>Oxylus. 323</i>		<i>bere cogitur.</i>	199
<i>P.</i>		<i>Pelopidas Thebanus. 11</i>	
<i>Pachomius. 336</i>		<i>Pelops. 133</i>	
<i>Pan. 117, 481</i>		<i>Pelta anea. 391</i>	
<i>Pandesia cavenda. 331</i>		<i>Pelvis operaticinia facta.</i>	
<i>Pandulphus Malatesta Ty-</i>			391
<i>rannus Ariminensium.</i>		<i>Penates sponte transeunt.</i>	
358			477
<i>Panis ingens à muliere in-</i>		<i>Peniheus Rex Thebanorum.</i>	
<i>os immissus. 190</i>			500
<i>Panis &amp; vinum in corpus</i>		<i>Peregrinatio religionis cau-</i>	
<i>Christi versa &amp; rever-</i>		<i>sa. 107, 108, 126, 149,</i>	
<i>sa. 617</i>		<i>210, 267, 536, 541,</i>	
<i>Paralyfis. 607</i>		<i>542</i>	
<i>Parentum injuria in filio</i>		<i>Pericles. 408</i>	
<i>à Spectris vindicata.</i>		<i>Perjurium ultum. 599</i>	
55, 57, 58		<i>Persa prastigiis Damonum</i>	
<i>Partes castelli diruti con-</i>		<i>illusi sagittas emittunt</i>	
<i>venticulū luporum. 168</i>		<i>insaxa. 36, 37</i>	
		<i>Persa fulmine caduntur ad</i>	
		<i>templū Delphicum. 527</i>	
		<i>E c 6</i>	<i>Per-</i>

# I N D E X.

<i>Persarum inhumanitas.</i>	18	<i>gatus.</i>	481
<i>Persarum imperium.</i>	363	<i>Philippus Apostolus.</i>	554
<i>Perthavis.</i>	121	<i>Philippus Deodarus.</i>	571
<i>Pertinax.</i>	73	<i>Philippus Macedonia Rex.</i>	328
<i>Pervsinus sacerdos magnus.</i>	424	<i>Philippus Wesselich monachus Colonienfis.</i>	125
<i>Pestis in Sicilia &amp; Calabria.</i>	32. in Italia. 520.	<i>Philomelus.</i>	341, 506
<i>in Gracia.</i>	519	<i>Philumena Apelles scortum.</i>	190, 379
<i>Pestis prasagia.</i>	91	<i>Phocenses.</i>	339
<i>Pestis Sebastiano extinctio.</i>	604. ab Apolline immissa.	<i>Phocica desperatio.</i>	ibid.
	204, 205	<i>Phryges.</i>	319
<i>Pestis expurgata.</i>	204, 205	<i>Pictor mortem sibi conscivit ob non solutam mercedem.</i>	126
<i>D. Petrus.</i>	605, 619	<i>Picus.</i>	405
<i>D. Petri depicti frons clavo transfixa.</i>	608	<i>Pii possintne ladi praestigis &amp; incantationibus.</i>	223
<i>D. Petrus curat mammillam Agaitha.</i>	571	<i>Pilappii.</i>	75, 153, 296, 530
<i>Petrus Aloysius.</i>	363	<i>Piscis.</i>	399
<i>Petrus Burgottus pastor.</i>	215	<i>Piscis monstrum in Cracoviensi tractu captum.</i>	52
<i>Petrus Damianus.</i>	213	<i>Plato venditus.</i>	22
<i>Petrus Leonius Spoletanus Medicus.</i>	358	<i>Plebanus negans esse maficas.</i>	234
<i>Phalaridis mater.</i>	470	<i>Plegilis presbyter.</i>	617
<i>Phayllus Phocensium Rex.</i>	443	<i>Plumberus magnus.</i>	305
<i>Pherecydes Syrius.</i>	376	<i>Pluviarum inductio &amp; aversio.</i>	150, 158, 184, 244
<i>Phiala ferrca.</i>	317	<i>Pocula argentea reperta in conventiculo maleficarum.</i>	281
<i>Philacterium reliquiis sanctorum plenum.</i>	582	<i>Polis Philosophus.</i>	22
<i>Philimerus Rex Gothorum.</i>	153	<i>Polita</i>	
<i>Philinnium puella.</i>	23		
<i>Philippides Atheniensis le-</i>			

# I N D E X.

<i>Politæ socii Ulyssis spe-</i>	<i>Puella obsessa Virgilii spi-</i>
<i>trum.</i> 44	<i>ritu.</i> 125
<i>Πολιτῶν τοῦ δῖου κείνου.</i> 197	<i>Puella nobilis juvenem i-</i>
<i>Poloni.</i> 51, 180	<i>gnobilem nimium a-</i>
<i>Polycrates Samiorum ty-</i>	<i>mans.</i> 133
<i>rannus.</i> 314, 446	<i>Puella obsessa à diabolo ab</i>
<i>Polycritus Æcolus.</i> 67	<i>eodem suffocatur.</i> 140
<i>Pompilus pisus.</i> 504, 505	<i>Puella obsessa omnia vo-</i>
<i>Porci venditi.</i> 227	<i>rans.</i> ibid. & 141
<i>Porta Iannalis.</i> 528	<i>Puella fabri filia obsessa.</i>
<i>Posthumius augur.</i> 386. <i>Po-</i>	141
<i>titii.</i> 500	<i>Puella Ægyptia in equum</i>
<i>Præstigia varia.</i> 150, 166,	<i>mutata.</i> 167
169	<i>Puella ad stuprum à Sata-</i>
<i>Præstigiatores Ægyptii.</i>	<i>na petitur.</i> 229, 230
191	<i>Puella à matertera ad mi-</i>
<i>Preccatio.</i> 489, 490, 491,	<i>nisterium diaboli coacta.</i>
495	233
<i>Primum obrium cadere ju-</i>	<i>Puella à mago casa &amp; de-</i>
<i>betur juvenis.</i> 169	<i>vorata.</i> 290
<i>Procopius Tyrannus.</i> 365	<i>Puellæ furiosæ præsagium.</i>
<i>Promontorium in Islandia</i>	109
<i>ardens instar Æthnæ.</i> 51	<i>Puellam obsessam frustra li-</i>
<i>Pruna.</i> 183	<i>berare tentat pastor qui-</i>
<i>Psalmi versus prohibens bu-</i>	<i>dam.</i> 129
<i>tyri coactionem.</i> 249	<i>Puer in anguem mutatus.</i>
<i>Psammetichus Ægypti Rex.</i>	39
317, 374	<i>Pueri à diabolo seducti.</i> 106
<i>Publius Decius.</i> 435	<i>Pueri ligulam ligant.</i> 252
<i>Publius Scipio Africanus.</i>	<i>Pugna inter Octavium Cæ-</i>
407, 504	<i>sarem &amp; Sextum Pom-</i>
<i>Puella nobilis à cacodamo-</i>	<i>pejum.</i> 69
<i>ne stuprata.</i> 26	<i>Pulcheria soror Theodosii.</i>
<i>Puella obsessa optimum</i>	549
<i>Virgilii versum recitat.</i>	<i>Pupilla binæ in singulis o-</i>
III	<i>culis.</i> 15
	<i>Ec 7</i>
	<i>Pyr-</i>



# I N D E X.

*Pyrrhus Epirotarum Rex.* *Reparatus Romanus re-*  
*viscens.* 633

*Revelatio obscurarum re-*  
*rum.* 382

*Rhea semidea templum in-*  
*violabile latronibus &*  
*spoliatoribus.* 494

*Riolus legatus.* 252

*Rixa à spectropunita.* 56

*Romani.* 322, 372, 555

*Romani incantationibus*  
*visiti à Bulgaris.* 177

*Romani vincunt Quados*  
*ope incantationum.* 183

*Rotwilla Damon vagatur.*  
 84

*Rubezal Monachus.* 79

*D. Rustici martyris ossa.*  
 573

## S.

*Sabacus Æthiopum rex.*  
 475

*D. Sabinus militum pa-*  
*tronus.* 556

*Saccharum butyri coactio-*  
*nem prohibet.* 249

*Sacrifici diabolum frustra*  
*tentant propulsare.* 139

*Saga Mediolanensis puerum*  
*strangulat & vorat.* 160

*Sagarum somnia.* 167

*Saltatio.* 263, 264, 285

*Samuel quidam puer obse-*  
*sus.* 112

*Sancti*

## Q.

*Qadi.* 183

*Quadrige vitanda.*  
 329

*Quies.* 343

*Quintus Catulus.* 453, 458

*Quintus Fulvius Flaccus.*  
 507

## R.

*RACONIA.* 250

*Ramirus Hispania Rex.*  
 616

*Raphaël ad superos ani-*  
*mam cuiusdam gestans.*  
 621

*Rathbodus dux Frisonum.*  
 70

*Religio neglecta vel viola-*  
*ta.* 495, 496, 497, 498,

499, 500, 501, 502,

503, 504, 505, 506,

507, 508, 509, 510,

511, 512, 513, 514,

515, 516, 517, 518,

519, 520, 523, 587,

588, 589, 590, 591,

592, 593, 594, 595,

596, 597, 598, 599

*Reliquia Hostitii.* 576

*Remex Rhodius.* 370

# I N D E X.

<i>Sancti Niceam defendunt.</i>	<i>Sempronius Gracchus.</i>	397
612	<i>Sensus hominis obligari non</i>	
<i>Sanguinea gutta de cælo.</i>	<i>possunt præter virilita-</i>	
483	<i>tem.</i>	254
<i>Sanguinea gutta loco la-</i>	<i>Sepulchri odor suavisimus.</i>	
<i>chrymarum.</i>	623	
<i>Sanguinem spiritumque vi-</i>	<i>Sepulchrum Romano cui-</i>	
<i>talem dare demon ne-</i>	<i>dam adservatum.</i>	394.
<i>quit.</i>	<i>violatum.</i>	501. <i>Messe-</i>
<i>Sanguis ex statua.</i>	592, 593	<i>nii.</i> 568. <i>D. Valerii.</i>
594. <i>è capsula.</i>	597	<i>ibid. D. Leodegarii mi-</i>
<i>Sardanapalus Assyriorum</i>		<i>racula edit. ibid. Gua-</i>
<i>rex.</i>	326, 348	<i>nora.</i> 586. <i>Vencestai.</i>
<i>Satyri.</i>	43	<i>ibid. filiarum Scedasi.</i>
<i>Scheda à defuncto reddita.</i>	371	
436	<i>Sergius Martyr.</i>	608
<i>Scedasi filiarum tumuli.</i>	<i>Serpens. ibid. &amp;</i>	404, 485
371	<i>Serpens subter limen desof-</i>	
<i>Scheidami lapides capiunt</i>	<i>sus.</i>	235
<i>locopiscium.</i>	<i>Serpens morsu hominis ne-</i>	
188	<i>calus.</i>	187
<i>Schelkrop homo plebeius.</i>	<i>S. Servatus.</i>	577
390	<i>Sesostrates Rex Ægyptio-</i>	
<i>Schiltach Germania oppi-</i>	<i>rum.</i>	521
<i>dum.</i>	139	
<i>Sclerus Sethus.</i>	<i>Sestrionis contentio.</i>	122
166	<i>Sethus magus.</i>	196, 392
<i>Scorpii urbe exacti.</i>	<i>Sethon Rex Ægyptiorum.</i>	
187	475	
<i>Scriptio in speculo.</i>	<i>Severus presbyter.</i>	633
190	<i>Sext. Pompejus.</i>	69
<i>Scrophæ prægnantis occur-</i>	<i>Sigebertus Rex Francorum.</i>	
<i>sus.</i>	178	
401, 402	<i>Sigillum Mariæ virginis.</i>	
<i>Sedechias Iudæus magus.</i>	571	
159, 190	<i>Signum Iunonis movetur.</i>	
<i>Selencus Antiochi filius.</i>	480	
435		
<i>Semen diaboli frigidum.</i>		
262, 263, 266		
<i>Semobulus Pasetis.</i>		
157		

*Sigthu-*

# INDEX.

<i>Sigthinnius Rex Suetiæ.</i>	395	<i>Spectra circumcunctia, colloquuntia &amp; homines vulnerantia.</i>	32
<i>Simeon Bugavorum Princeps.</i>	356, 389	<i>Spectra Augustæ visa à Leonardo filio sartoris.</i>	33, 34
<i>Simon Samaritanus.</i>	157	<i>Spectra Græcis adversus Xerxem pugna navali auxiliantur.</i>	38
<i>Simonides Cens.</i>	31	<i>Spectra animantium in aëre.</i>	42
<i>Simulachrum Iovis edit oracula.</i>	173	<i>Spectra in insula Ægæ somnum perpetuò turbantia.</i>	45
<i>Simulachrum victoria sponte convertit.</i>	483	<i>Spectra obitu Caligula provocata.</i>	ibid.
<i>Simulachrum D. Ioannis.</i>	589	<i>Spectra nocturnis hominum laboribus concentum, ministerium exhibentia.</i>	49
<i>Siphniî divites fodinis metallicis.</i>	337	<i>Spectra in Islandia promontorio fatidica.</i>	51
<i>Socrates.</i>	426, 447	<i>Spectra quasi armatorum acies ad Naclum arcem visa.</i>	ibid.
<i>Somnia. 548. vide Futura prædicta.</i>		<i>Spectra seducentia à via,</i>	54, 55, III
<i>Somnia lamiarum.</i>	167, 212	<i>Spectra militum prope Wormatiam.</i>	72
<i>Somnium Constantii Imperatoris.</i>	74	<i>Spectra Æthiopum.</i>	596
<i>Soractes mons.</i>	183	<i>Spectra apud Pilappios.</i>	75
<i>Sortes ab alio in alium translata.</i>	267, 268, 269, 270, 279	<i>Spectra nobilium duorum literas dictant scribendas.</i>	84
<i>Sospatra mulier formosiss. &amp; sapientissima.</i>	165	<i>Spectra messorum.</i>	91
<i>Sophocles.</i>	429	<i>Spectra monachorum Rhe-</i>	num
<i>Spartata.</i>	371		
<i>Spatha à circulatore devorata.</i>	190		
<i>Spectacula magica.</i>	160		
<i>Spectra viventium eberrantia.</i>	20		
<i>Spectra specie mulierum cum viris concumbentia.</i>	28		

# I N D E X.

<i>numtransvecta.</i>	92	<i>Sponsa veneficiis afflicta.</i>	
<i>Spectra equitum.</i>	85, 86,		231, 232
	103, 104, 211	<i>Spurina.</i>	386
<i>Spectra in speculum deri-</i>		<i>Stabulum.</i>	213
<i>vata.</i>	160	<i>Stagnum loquens.</i>	413
<i>Spectrum specie puella ado-</i>		<i>Staius magnus non nisi in-</i>	
<i>lescenti apparens. ibid.</i>		<i>ter dormiendum occidi</i>	
<i>Spectrum gladiatoris osten-</i>		<i>potuit.</i>	289
<i>dens se specie Apollinis.</i>		<i>Statua in formam Simeo-</i>	
	21	<i>nis Bulgariconversa.</i>	389
<i>Spectrum Atheniensibus</i>		<i>Statua lapidea colaphum</i>	
<i>adversus Persas succur-</i>		<i>incutit.</i>	587
<i>rit.</i>	37	<i>Statua hominis clavem te-</i>	
<i>Spectrum Theſei Medos in-</i>		<i>nentis.</i>	390
<i>vadit. ibid.</i>		<i>Statua sudor.</i>	405, 406,
<i>Spectrum defuncti ingre-</i>			413
<i>ditur lectum amici sui.</i>		<i>Stephanus Hegio Christo-</i>	
	53	<i>phorita.</i>	392
<i>Spectrum Polycriti filiam</i>		<i>Stephanus Hubener.</i>	104
<i>devorantis.</i>	67	<i>Stephanus protomartyr ap-</i>	
<i>Spectrum leporis &amp; vulpis.</i>		<i>paruit.</i>	540
	80	<i>Stephanus Romanus.</i>	634
<i>Spectrum Stephani Hube-</i>		<i>Stephanus Vngaria Rex</i>	
<i>neri hominis opulenti.</i>		<i>inter divos.</i>	610
	104, 105, 147	<i>Sterilitas agri.</i>	495
<i>Spectrum consultum de fu-</i>		<i>Sterilitatis inductio &amp; a-</i>	
<i>turis.</i>	120	<i>versio.</i>	158, 307, 568,
<i>Spectrum virginis post mer-</i>			569, 586
<i>tem inter homines ver-</i>		<i>Stilpo Philosophus.</i>	454
<i>sans.</i>	216	<i>Straminei fasciculi propor-</i>	
<i>Spectrum venantis in aëre.</i>		<i>cis &amp; caballo.</i>	227
	221	<i>Striges.</i>	212
<i>Specus cavernosa.</i>	194	<i>Strigiles mulieres.</i>	167
<i>Spinæ e corpore exeuntes.</i>		<i>Stymphalus fluvius exun-</i>	
	242	<i>dans.</i>	497
<i>Spongiæ Gregorii II.</i>	583	<i>Succuba.</i>	124
		<i>Suda-</i>	

# I N D E X.

<i>Sudarium à spectro excus-</i>	178, 183, 221, 244, 300
<i>sum.</i>	15
<i>Suilla carnes.</i>	432
<i>Supplices necati.</i>	513
<i>Sus delet Libethram urbem.</i>	
336	
<i>Sydera de cælo cadentia.</i>	
206	
<i>Sylvester II. Pontifex.</i>	346
<i>Symmachi à Theodorico</i>	
<i>interfecti caput.</i>	32
<i>Syngrapha de recuperando</i>	
<i>quod in pauperes distri-</i>	
<i>butum.</i>	565
T.	
<b>T</b> <i>Ages.</i>	66
<i>Tangut regio.</i>	III
<i>Tarandum animal.</i>	530
<i>Tarquinius Superbus.</i>	402,
411	
<i>Tartari.</i>	180
<i>Tauri sanguis.</i>	199
<i>Taurus ferus pestim fugat.</i>	
205	
<i>Taurus furiosus.</i>	216
<i>Taurus index basilicæ.</i>	609
<i>Taurus ad pilam alligatur.</i>	
526	
<i>Tegeates.</i>	324, 341
<i>Tegula marmorea.</i>	507
<i>Telephus Myſorum rex ab</i>	
<i>Achille procul laſus.</i>	309
<i>Tempeſtatum moderatio &amp;</i>	
<i>excitatio.</i>	158, 173,
	554
<i>Templum Æaci.</i>	337.
<i>Æſculapii.</i>	521, 524,
525.	
<i>Apollinis ad-</i>	
<i>ficatum.</i>	488.
<i>preſa-</i>	
<i>natum.</i>	504.
<i>in Del-</i>	
<i>pho ſpoliatum à Perſis.</i>	
508.	
<i>Cereris.</i>	510, 517.
<i>corporis Chriſti.</i>	585.
<i>Diana.</i>	183, 506.
<i>Dio-</i>	
<i>nyſii.</i>	576.
<i>Eumenidum.</i>	
516.	
<i>S. Groari.</i>	594.
<i>Herculis.</i>	509, 525.
<i>Iovis</i>	
<i>Statoris.</i>	489.
<i>Iovis</i>	
<i>Nemeæi.</i>	327.
<i>Iſidis in-</i>	
<i>acceſſum omnibus, præter</i>	
<i>cui id ſomno revelatum.</i>	
498.	
<i>D. Mariæ.</i>	547.
580.	
<i>Mercurii Criopho-</i>	
<i>ri.</i>	520.
<i>Mycaleſia.</i>	
524.	
<i>Neptuni.</i>	513,
515.	
<i>Pallados.</i>	525.
<i>Pro-</i>	
<i>ſerpina.</i>	510.
<i>Rheæſe-</i>	
<i>mideæ.</i>	494.
<i>Veneris V-</i>	
<i>rania.</i>	509
<i>Terræ filii.</i>	319
<i>Terramotus.</i>	215, 479
<i>Teucri Cretenſes.</i>	ibid.
<i>Θ litera.</i>	195
<i>Thales mileſius.</i>	349
<i>Thamus Ægyptius.</i>	117
<i>Thebea legio.</i>	586
<i>Theodoricus Oſtrogothorum</i>	
<i>rex.</i>	32, 251
<i>Theodoſius Imperator.</i>	61,
	554

Theo-

# I N D E X.

<i>Theophylactus Pontifex</i>	<i>Tumuli filiarum Scedasi.</i>
magus. 30	371
<i>Theotecnus.</i> 173, 197	<i>Tumuli in Gothia.</i> 395
<i>Theron rex Hispania.</i> 509	<i>Tumultus.</i> 533
<i>Thespision dux Gymnosophistarum.</i> 173	<i>Tundalus perlustravit purgatorium &amp; infernum.</i> 619
<i>Thessalonicensis.</i> 612	<i>Tunica Mederici Abbatis.</i> 562
<i>Thetys.</i> 183	<i>Turris ruina.</i> 273
<i>Thomas monachus.</i> 56	<i>Tympani castrensis sonus.</i> 146
<i>Thrasyllus artis Chaldaicae peritus.</i> 350	<i>Tyndarides fratres nuncii victoria.</i> 40, 70
<i>Tiberius.</i> 358	
<i>Tiberius Imperator.</i> 325, 350, 423	V.
<i>Tiburtius presbyter.</i> 634	<i>V. Alens Imperator.</i> 195, 218, 473
<i>Timoleon.</i> 460	<i>Valentinus Episcopus Arrianus.</i> 72
<i>Titus Imperator.</i> 315	<i>D. Valerii tumulus per ampullas inventus.</i> 567, 568
<i>Tit. Latinus.</i> 471	<i>Valerius Torquatus.</i> 322
<i>Tormentorum perferendorum constantia.</i> 170, 227, 228	<i>D. Vedasti ossa.</i> 569
<i>Tortelli.</i> 4	<i>Vejentes.</i> 322
<i>Transmutatio inferas.</i> 128, 213, 214, 215, 290, 291, 292, 293, 294, 295, 296, 297, 298, 299	<i>Velitri patria Augusti Caesaris.</i> 418
<i>Tributum inhumanius exaltum.</i> 18	<i>Velocitas pedum.</i> 492, 493
<i>Triscalanum.</i> 279	<i>Venator caput apri Diana dicans ab eo interimitur.</i> 495
<i>Trium Regum corpora visa Colonia.</i> 535	<i>Venator in aëre cum canibus.</i> 221
<i>Trulla.</i> 591	<i>Venator sui suffocatione inun-</i>
<i>Tuccia virgo vestalis cribro aquam haurit.</i> ibid.	
<i>Tullus Hostilius.</i> 183	



# INDEX.

<i>inundationem sedat.</i> 497	<i>Pirunculi montani.</i> 60
<i>Venceslaus IIII. Bohemorum rex.</i> 587	<i>Viscera equina ad ades sangua circumferri solita ad indagandam eam qua equum laesi.</i> 274, 275
<i>Veneta urbs.</i> 579	<i>Visus fasciatio. ibid. &amp;</i> 274
<i>Venter virginis omnis generis animantibus repletus.</i> 162	<i>Vitolfus Helsingorum princeps.</i> 171
<i>Venti sedati ab Empedocle.</i> 181, 182	<i>Vladislaus I. Rex Polonia.</i> 51, 568
<i>Venti Venales exhibentur à Finnis. 184. à Lap- pis.</i> 295	<i>Vladislaus Iagello Poloniae Rex.</i> 361
<i>Venti per Daemonem excitati.</i> 202	<i>Vladislaus &amp; Geyza fratres.</i> 553
<i>Ventre à venefica tacto foetus interimitur. 235, 236</i>	<i>Vlciscimini vos aut moriemini.</i> 282, 302
<i>Venus calidus faciem mulieris afflans.</i> 239	<i>Vlmus loquitur.</i> 173
<i>Vergilia.</i> 349	<i>Vlricus Nenseffer agricola præ doloribus mortem sibi conscivit. 209, 210, 304</i>
<i>Vespasianus.</i> 453, 458	<i>Vlysses.</i> 440
<i>Vestem oppignoratam redimit quidam hostia.</i> 599	<i>Vmbra mortem minans in aqua conspecta.</i> 74
<i>Veter lacus.</i>	<i>Vngendo januam homines casti.</i>
<i>Vetula pudicitiae puellarum sollicitatrices. 229, 230</i>	<i>Vngue puerili visuntur res occultae.</i> 272
<i>Victoria simulachrum. 483</i>	<i>Vnni.</i> 153
<i>Vincere meliores.</i> 331	<i>Voce una necans saga. 303</i>
<i>Vincula.</i> 605, 506	<i>Voces audita. 119, 120, 121, 122, 130</i>
<i>Virgilii Spiritus.</i> 125	<i>Votum. 489, 496, 574, 575</i>
<i>Virginum 11000. corpora visa.</i> 635, 576	<i>Vox audita Iesu Christi &amp; Mariae.</i>
<i>Viri nigri in balneo ex canali profilientes. 193, 194</i>	

# I N D E X.

<i>Maria.</i>	537		
<i>Vox è statua.</i>	561, 563		X.
<i>Vratislaus Dux Lucensis.</i>	169	<b>X</b>	<i>Erres.</i> 316, 321, 345, 463
<i>Vina vitrea.</i>	345		Z.
<i>Visa à Pythagora demul- ta.</i>	186	<b>Z</b>	<i>Acharias Propheta ap- paruit.</i> 549
<i>Visa Dianæ.</i>	519		<i>Zemi Idolum.</i> 326
<i>Vrsinus Nursi. e præsbyter.</i>	622		<i>Zeno Imperator.</i> 369, 415
<i>Vulpis spectrum.</i>	80		<i>Zita arabum princeps.</i> 355
<i>Vxor maritum veneno tol- lere volens.</i>	226		<i>Zoroastres rex Bactriano- rum.</i> 154

# F I N I S.

